


НБ ОНУ мені!!! Мечникова





№ 1742.

30

НБ ОНУ імені Г.І. Мечникова



C. VALERII FLACCI

ARGONAUTICON

LIBRI VIII.

*te exedit labor et conatus Val. Fla.*

K



C. VALERII FLACCI  
V I T A

Ex Petro Crinito Lib. IV, c. 68 de Poetis Lat.  
& Gyraldo Hist. Poet. dial. IV, p. 181.

**C**AJUS VALERIUS FLACCUS *Setinus*, inter eos, qui heroica decantarunt, poeta multorum judicio admirandus, Patavinus fuit, juxta Aponam natus, ut a veteribus traditum est, qui scribunt, ejus patriam fuisse maxime insignem natalibus Livii, Stellæ, & Valerii Flacci: de quo Martialis:

Censetur Apona Livio suo tellus,  
Stellaque, nec Flacco minus.

Itaque hunc ipsum Valerius Martialis laris Antenorei alumnum appellavit. Alii *Setinum* crediderunt, ex *Setia* Campaniæ urbe, quæ haud procul a *Velitris* fuit: unde in magno pretio habita sunt *Setina* vina, ut ab antiquis scriptoribus relatum est. Sunt & qui *Decemvirum Sibyllinum* putent eum fuisse, ducti illis ejus versibus:

Phœbe, mone, si *Cymææ* mihi conscia vatis  
Stat casta cortina domo.

Et mirum videri debet, quanto spiritu Flaccus insur-  
*Val. Flaccus.*



gat, quantaque ingenii felicitate in scribendo carmine præstet. Hic est ille Val. Flaccus, cujus obitu multum fuisse amissum queritur Fab. Quinçtilianus in libris ad Marcellum Victorium. Exstant ipsius VIII volumina de Argonauticis, quod opus dicatum est Cæsari Domitiano, vel, ut alii volunt, patri Vespasiano, quoniam sic ad eum scribat in ipsa præfatione operis:

Eripe me populis, & habenti nubila terræ,  
Sancte pater; veterumque fave veneranda canenti  
Facta virum. versam proles tua pandat Idumen,  
(Namque potest) Solymo nigrantem pulvere fratrem,  
Spargentemque faces, & in omni turre furentem.

Scripturus erat multo plures libros, nisi mors intempestiva eum nobis eripuisset. Videtur autem in illis, qui supersunt, Apollonium Rhodium non tantum argumento operis expressisse, sed etiam singulis quandoque carminibus. Atacinus quoque Varro pari titulo composuit libros de Argonautis, quod alibi notavimus. Idem Flaccus inter amicos habuit Secundum, Maternum, Stellam, & Valerium Martialem, qui ad eum scribit, eruditionemque ejus magnopere extollit. Constat, hunc mediocri censu, ac pene tenui fuisse, & prædium possedisse exiguum, in quo, ut Martialis refert, Musarum curas reponeret. Itaque Martialis idem libere illum monet, ut, relictis Musis atque otio, malit in foro & causis agendis versari: quoniam poetarum studia parvi admodum censerentur, ut ex his versibus patet:

O mihi curarum pretium non vile mearum,  
Flacce, Antenorei spes & alumne laris:  
Pierios differ cantusque chorosque sororum,  
Æs dabit ex istis nulla puella tibi.  
Quid tibi cum Cyrrha? quid cum Permessidos  
unda?

Romanum propius divitiisque forum est.  
Illic æra sonant. ——— ———

Habuit Flaccus puerum in deliciis, quem Amazonicum quidam appellant: ejus formam, indolem atque venustatem Martialis prosequitur eleganti epigrammate. De alio Flacco, qui epigrammata scripsit, suo loco diximus. Scripserunt alias Argonautica præter Latinos duos, Atacium Varronem, & hunc nostrum, Orpheus, non Thracius, sed Italus, Crotoniata; deinde Epimenides Gnosius; post eum Cleon, Curicus poeta, a quo, ut Græci observant, Apollonius omnia transtulit; tum Herodorus; post Herodorum Apollonius Rhodius; post Apollonium Dionysius Milesius; post hos Latini illi duo.



NOTITIA LITERARIA  
DE  
VALERIO FLACCO  
EX

Jo. Alb. Fabricii bibliotheca Latina a Jo. Aug.  
Ernesti auctius edita Tom. II, lib. II, cap. XIV.

*Valerii Flacci ætas.*

**C.** VALERIUS <sup>1</sup> FLACCUS *Setinus* <sup>2</sup> *Balbus*, poeta  
non ignobilis, atque inter Latinos uno fortassis

<sup>1</sup> Alius *L. Valerius Flaccus* consul, de quo Begerus Tom. II thesauri Brandenburgici p. 591. Nam poetam nostrum consulem haud fuisse, recte docet Barthius adversus Carrion. Alius *Valerius Flaccus* Catonis majoris commendator, de quo Plutarchus p. 337 notat, quod fuerit ἀπερὴν νομιμένην μὲν αἰσθάνεσθαι δεινός, εὐμενὴς δὲ καὶ ἀρεταὶ καὶ προαγαγεῖν εἰς δόξαν. Alius *Valerius Flaccus* adolescens nobilis, de quo Vopiscus in Probo, cap. 5. Fuit & *Valerius Flaccus* quidam *Viterbiensis*, Medicus Sixti IV, Pontificis, æqualis

Raph. Volaterrani, qui eum laudat lib. 21 commentar. Urban. De *Setini Balbi* nomine dubii hærent Nic. Heinsius, & Thomas Reinesius T. V sylloges *Epistolarum Burmannianæ* p. 205, 206. Heinsio etiam in mentem venit suspicari, nomine *Setini Balbi* designari philologum, qui *Valerii* poema recensuerit, aut possessorem Codicis, cujus nomen cum nomine poetæ confuderit imperita manus librariorum.

<sup>2</sup> Hoc quidam interpretantur e *Setia*, hodie *Sezza*, Campaniæ urbe, et si alii, ut Bernardinus Scardeonius lib.

minor Marone, sub Vespasiano floruit, paupereque sorte usus, admodum juvenis Patavii decessit, Quintiliano ejus obitum lugente his verbis: *Multum in Valerio Flacco nuper amisimus*, lib. 10, cap. 1 Instit. Orat. Decessisse videtur sub Domitiano post annum C. 88. ut notatum clarissimo Dodwello in Annalibus Quintilianeis. Quindecimviri sacris faciundis munere functum, Nic. Heinsius colligit ex his ejus verbis lib. 1, vers. 5.

*Phæbe, mone, si Cymææ mihi conscia vatis  
Stat casta cortina domo.*

Scriptis quo tempore Fl. Vespasianus cum Domitiano ad urbem erat, Titus obsidebat Hierosolymam.

*versam proles tua pandat Idumen,  
(Namque potest) Solymo nigramentem pulvere fratrem,  
Spargentemque faces, & in omni turre furentem.*

<sup>1</sup> historiæ Patavinæ pag. 61 T. 6 thesauri Italiæ parte 3, & verius forte, malint fuisse Patavinum, qua in urbe etiam ossa ejus condita esse memorant. Certe domicilio Patavinus fuit, ut notat etiam Sertorius Ursatus Monument. Patav. p. 180. unde spes & *alumnus Antenorei laris* vocatur Martiali lib. 1, Epigr. 77. confer. lib. 1 Epigr. 62. ubi Pataviam *Apona* tellus dicitur, ab *Apono* fonte, *Antenorea* vitam qui porrigit urbe, ut ait Claudianus. Est & ad

Flaccum Epigramma Martialis 49 libri IV. ad quod confer Voss. Institutt. Poetic. lib. 3, c. 20, § 10. Porro Argonautica Flacci perstringi a Juvenale Sat. 1, v. 10 sq. notavit Parrhasius Epist. 2. At *Varronis* Atacini Argonautica intelligit Statius II Silvar.

*Cedet Musa rudis ferocis Enni,  
Et docti furor arduus Lucreti,  
Et qui per freta duxit Argonautas.*

Græcos Argonauticon scripto-



## Argonautica.

Exstant *Argonauticon ad Flavium Vespasianum libri septem, & octavi pars*, carmine Heroico, quod Flaccus, *Apollonium Rhodium* imitatus, non invito Apolline scripsit, sed per immatura fata absolvere non potuit; certe integrum ad nos pervenire tempus non permisit. Libros I, II, III, et partem quarti *Poggio Florentino* debemus, ut cognoscere est e Codice Laurentii Pignorii, in quo hæc legi refert Vossius pag. 550. de Hist. Lat. *C. Valerii Flacci Argonauticon. Hoc fragmentum repertum est in monasterio S. Galli prope Constantiam XX millibus passuum, una cum parte Q. Asconii Pediani. Deus concedat alteri, ut utrumque opus reperiat perfectum: nos, quod potuimus, egimus. Poggius Florentinus. Hæc Vossius ex Pignorii Antenore p. 80.*

res retuli lib. III Biblioth. Græcæ cap. 21. Latini, præter Varronem & Flaccum sunt *L. Accius*, cujus sex versus

proferuntur a Prisciano de metris Comicis, & *Catullus Epithalam.* 65.

INDEX  
EDITIONUM  
C. VALERII FLACCI

FABRICIANO AUCTION ET IN  
ÆTATES IV DIGESTUS.

ÆTAS I NATALIS 1474 — 1519

per quam fere Bononienses regnarunt. Prima quidem *Bononiensis*, quamvis de principatu adhuc certet cum *Florentina* I, pulchriores tamen genuit filias, Bononienses quidem tres, a. 1494, & præstantiorem 1498, & 1504 *Pii* primam; tum Venetam 1501. A Florentina I vero ortæ videntur *Juntina* I 1503, & II *Jened. Philologi* 1512, & III Jo. Barth. *Fontii* 1517, quem nimia licentia in mutando textu usum esse erunt. Bononiensem I secuta esse dicitur *Veneta* 1501, nescio an etiam *Romana* ejusdem anni. *Juntinam*, credo, *Parisina*, *Badii* I & II, quæ posterior ab Aug. *Maserio* recognita & illustrata est, repretita 1519. Jo. Bapt. *Pius* superavit omnes, novæque etiam ætatis princeps factus.

1474 *editio princeps Bononiensis* I, fol. Valerii Flacci *Argonautica*. Bononiæ, per *Ugonem Rugerium* & *Donnum Bertochum Regienses*, die septima *Madii*. (Notandum est, mensẽ *Majum* in antiquis illis inscriptionibus sæpe vocari *Madium*.) Memoratur a Labæo in *Supplem. IX novæ Bibl.* p. 351 ex regia bibliotheca, & a *Maittario* in *Ann. typogr. T. I*, p. 109. vid. & *Hamberger* in *zuverlässige Nachrichten von den vornehmsten Schriftstellern*, T. II, p. 151. Hanc ed. passim laudant *Pius* & *Maserius* in commentariis.



- f. a. *Florentina* I, 4. apud S. Jacobum de Ripoli. Referur a Maittario l. c. p. 377, & post eum a Burmano in Præf. II. Sed priorne, an posterior sit Bononiensi 1474, dijudicare non licet. Signaturæ, quas vocant, in hujus libri editione apponuntur non infra, sed ad exteriorem ultimæ lineæ marginem.
- 1494 *Bononiensis* II, fol. Memoratur ab Ernestio in B. L. T. II, p. 252, qui repetitum hoc exemplm dicit ex Bononiensi 1474. Neque Maittarius, neque alius ullus ejus mentionem facit.
- 1498 *Bononiensis* III, fol. C. Valerii Flacci poetæ elegantissimi *Argonautica* diligenter accurateque emendat & suoniatori reddita in hoc volumine continentur. In fine: *Explicit hoc opus C. Valerii Setini Bononiæ impressum per Benedictum Hectorem Bibliopolam ano Dei MDCCLXXXVIII d. XII Aprilis. Jo. Bentivoco urbem feliciter illustrante.* Vid. Maittarii Ann. typ. T. I. p. 354, & Hamberger l. c. p. 152. Repetitio el. 1474, teste Ernestio, qui T. II, p. 255 *Bibl. Lat.*, Habeo exemplum editionis Bononiensis 1498 um variis lectionibus manu veterrima adscriptis, in his etiam versibus aliquot, quæ in edd. pr. non sunt, sed & ab aliis insertis e manuscriptis libris Putavi esse e Codice Farnesiano, sed lectiones cum nulla editione vetere omnes consentiunt, ut e libro scripto ductæ esse videantur. Sed dum eas comparo cum editione Burmanni, reperi ed. Bononiensem non satis diligenter consultam esse ab Heinsio & Burmano: nam interdum ejus auctoritate poterant uti ad lectiones firmandas, quæ ipsis placebant. Diligenter usus est hoc exemplo in adornanda suaed. clar. Harlesius.
- 1501 *Venetiis*, 4. per Christoforum de Pensis de Mandello. & ipsa, ut putatur, mera repetitio textus primi. Laudatur passim a commentatoribus prisca, ut & a Carrione & Zinzerlingio, quem vid. ad lb. I, 41. Exstat in *Bibl. publ. Francof. ad M.*
- *Romæ*, 4. cum titulo Gothicis literis exarato. Vifa Vulpiis, teste eorum editione p. XL.
- 1503 *Florentina* II, 8. sumtu *Phil. Junta* I. cf. Maittarii Ann. typ. T. II, p. 165.

- 1504 *Bononiensis* IV, Jo. Bapt. Pii Adnotationes priores & posteriores in Val. Flaccum. — Hæ adnotationes a Badio Ascensio deinde inter alias virorum doctorum adnotationes editæ 1511, & postea a Grutero in T. I Facis Criticæ conjectæ leguntur. cf. Burmanni Præf. II ad Val. Flacc.
- 1511 *Parisina* I, per *Jod. Badium Ascensum & Johannem Parvum*. Hanc eam esse, quam *Parisiensis* nomine passim citat Maserius, credit Burmannus. vid. ejus Præf.
- 1512 *Florentina* III, 8. ap. *Phil. Junta* II. in *Biblioth. selectissima Jo. Samuelis Engel*, cujus vide *Catal. Bernæ* editum 1743, p. 52, voc. *Flaccus*.
- 1517 *Florentina* IV, 8. C. Valerii Flacci *Argonauticon* libri VIII, sumtu *Phil. Junta* III. vid. *Cat. Bibl. Burnav. T. I*, p. 351. Hanc editionem curavit *Barth. Fontius*, qui licentius in textu versatus est. Plurima enim sine ulla Codicum scriptorum auctoritate, certe nulla reddita ratione, mutavit, & conjecturas suas lectori imprudenti obtrusit. cf. Burmanni Præf. II.
- *Parisiis*, fol. *typis Jod. Badii Ascensii*. Valerii Flacci *Argonauticon* libri VIII, ab *Æg. Maserio* recogniti & scholiis illustrati. vid. *Cat. de la Bibl. du R. Bell. Lettr. T. I*, p. 317. Refert & Maittarius T. II. Ann. typ. p. 306. Præter Maserii commentarium continet & Sabellici notulas, sed non integras, & vitiosissime habitas, adnotante Burmano.
- 1519 Eadem ibidem ap. eisdem, nonnisi mutato titulo.

Æ T A S I I 1519 — 1565

auctore Jo. Bapt. Pio, qui cum jam a. 1504 adnotationes suas in Valerium Fl. edidisset, nunc etiam eundem ex antiquo exemplari MS. emendavit, & de suo tres libros supplementi instar addidit. Successit *Aldina* 1523, quæ infinitis locis a prioribus discedit, non tam MS. antiqui, quo usum se profitetur, auctoritate, quam curatoris ingenio fidenti subnixæ. Maserii editionem, quæ ætatis I ultima est, cum fastu adhibuit Laur. Balbus in Complutensi 1524, sed Pium



- secutæ Argentor. *Phil. Engentini* 1525, Parisiensis nitidior *Colinai*, Lugdunenses S. *Gryphii* 1545 & 1548.
- 1519 *Bononiensis* V, fol. Pii II. C. *Valerii Flacci commentarii J. Bapt. Pio Bononiensi auctore. Cum codicis poetæ emendatione, ex antiquo exemplari Dacico, additis libris tribus, qui desiderabantur, & Orpheo Latino. Ad calcem: Finis commentarii in Valerium Flaccum, & in Apollonii quartum Argonauticon, a Pio Bononiensi Latinitate donatum. Excussore Hieronymo Platónico. Bonon. Leone X sedente. MDXIX. Cal. Majis. Pius usus est MS. antiquissimo Dacico, e bibliotheca Matthiæ Corvini, qui Thaddæi Ugoleti fuerat. Etiam aliis libris usum esse, sunt qui dicant. in libro quidem ipso solus ille commemoratur. Additus est & L. IV Apollonii Rhodii ab ipso versus cum Comm. & Supplementum L. VIII, itemque L. IX & X, de suo. — Editio rarissima, sed operarum vitii nimium deformata. cf. Burmanni Præf.*
- 1523 *Aldina*, 8. C. *Valerii Flacci Argonautica*; Joh. Bapt. Pii carmen ex quarto Argonauticon Apollonii; Orphei Argonautica, innominato interprete. *Venetiis*, in æd. Aldi & Andreæ Asulani, mense Majo. vid. Cat. Bibl. Bunav. T. I, vol. I, p. 351. & Hamburger l. c. p. 153. In finitibus locis hæc Aldina a lectione editionum priorum discedit, sed non indicato mutationum fonte. Curator ejus (quisnam fuerit ignoratur) se usum quidem MS. antiquo profiteretur; sed ita in textu mutando indulgit ingenio, ut Jo. Fr. Gronovius Obs. I, 15 dicat, eum omnia stolidæ audaciæ exempla superasse: de quo & Heinſius queritur.
- 1524 *Compluti*. — cum notis *Laurentii Balbi Liliensis*. Editio rarissima, Fabricio præterita. Usus est ea Burmannus, cujus de ea judicium adscribere placet: „Notæ Balbi verbosæ admodum, & sæpe nihil, quod notari mereatur, continent, & fastu quodam, genti, ex qua oriundus erat, familiari, semper fere aliorum interpretum, Maserii præsertim, dicta refutat. præter Maserii vero & Juntæ editionem nullam adhibuisse videtur. Hæ notæ postea in editionem Genevensis 1617 sunt conjectæ, licet fraude qua-

- dam, typographis avaris non inusitata, in titulo dicantur tunc primum edita.
- 1525 *Argentorati*, 8. C. *Valerii Flacci Argonautica*, emendata & ad vetustissima exemplaria recognita per *Philippum Engentinum*. — Engentinus etsi jactet in titulo, se emendasse ad antiqua exemplaria, Pii textum fere repetiit, neque modo in poetæ verbis ubique eum expressit, haud vitatis ipsis operarum vitiiis, quæ in editione Pii occurrunt, sed sæpe etiam ejus correctiones in suam admisit. Cujus rei exempla quædam profert Burmannus in Præf. Ceterum nihil adjecit notarum, sed singulis libris argumenta carmine hexametro præposuit.
- 1532 *Parisius*, 8. apud Sim. *Colinaum*. Ex editione Engentini nitidissime expressa.
- 1545 *Lugduni*, 12. apud Sebast. *Gryphium*. Repetitio ejusdem Engentinæ, teste Burmanno.
- 1548 Eadem ibidem apud eundem, quæ tamen an diversa sit a superiori, an mutato tantum titulo eadem sit utraque, Burmannus non definit. Adjuncta habet, Pii carmen ex quarto Argonauticon Apollonii, & Orphei Argonautica, innominato interprete.

## ÆTAS III CARRIONIS

1565 — 1680.

- Princeps quidem hujus ætatis, MSto antiquæ bonitatis usus; semel iterumque Valerium emendatiorem edidit, quamvis in eo audacior plus justo videatur Criticis, qui non suum, sed aliorum spiritum certis finibus contineri volunt. Comites se ipsi præbuerunt 1612 & 1617, Andr. *Schottus*, Justus *Zinzerling*, & 1630 Lambertus *Alard*, Guilielmiades, qui suo Commentario etiam Chph. *Bulæi* & Jo. *Weitzii* Obsf. in Valerium adjunxit.
- 1565 *Antwerpæ*, 8. apud Christoph. *Plantinum*, ex emendatione Ludov. *Carrionis*. Usus est is MS. egregio, cujus tamen bonitate nimium fretus, non satis sibi cavuit a mendis, quibus inquinatus erat, & ideo male audiit ob audaciam in mutandis locis. Plura



- de hac editione vid. apud Heinsium & Burmannum in Præf.
- 1566 *ibidem*, ap. eundem, 16. C. Valerii Flacci Argonauticon libri VIII, locis innumerabilibus antea a Lud. Carrione ex vetustissimo exemplari emendati, nunc vero ita ab eodem perpurgati, ut jam primum editi videri possint. — Multa denuo mutavit in hac editione Carrio, & novas castigationes adjecit, in quibus Gifanium passim inclementer excipit. Promittit vero in hac ed. posteriori majorem commentarium, sed qui lucem non vidit.
- 1604 *Lugduni*, 12.
- 1612 *Rothomagi*, 12. cum præfatione Anonymi, qui his notis nomen suum texit: A. S. I. V. D. inscripsit vero *Spiritu Allemandi Castelli novi Domino*, & in *suprema Arausiaca Curia Præsidi*. Is Carrionis vestigia se premere profitetur, & margini ejus conjecturas & varias lectiones, non raro suis additis, adlevisse jactat. An lateat sub his notis *Andreas Schottus*, Burmannus in dubio relinquit; quem vid. in Præf.
- 1615 *Hanoviae*, 4. Andr. Schottus *Obss. human. Lib. II*, c. LIV, LVI & LVII, librum I Valerii Flacci exponit, & c. XXXIX librum I & IV; c. XXXVII locum e libro VI Flacci.
- 1617 *Coloniae Allobrogum*, 8. apud Esaiam le Preux, cum notis Carrionis, Laur. Balbi, & *Andreas Schotti*. — Notæ Schotti brevissimæ, & omnia fere jam in libros observationum ab eo collata erant. Hæc vero editio novo titulo, qui annum 1689 & Parisiensem typographum mentitur, etiam obtruditur, sed in qua nihil, nisi indicem, mutatum lector reperiet.
- *Lugduni*, 12. cum Carrionis & Justi Zinzerlingii notis. — Editio rarissima. Notas Zinzerlingii festinante manu conscriptas esse, Burmannus judicat, inseruit tamen ipse suæ editioni ob earum raritatem.
- 1630 *Lipsiæ*, 8. sumptibus hæredum Henningi Grossi jun. C. Valerii Flacci Setini Balbi Argonauticon libri IIX. Lamp. Alardus Guilielmiades perpetuo commentario illustravit, Carrionis errores detexit, & ad Apollonii Rhodii aliorumque Argonautica contulit. Accessit opera ejusdem copiosissimus rerum & verbo-

rum, quæ in Valerio extant, Index. Opus plane novum & antehac vix speratum, omnibus politionis literaturæ studiosis apprime utile. Lipsiæ. Excudebat Jo. Alb. Minzelius. — Præter Alardi commentarium in Argonautica, hæc editio continet Lud. Carrionis castigationes, Christoph. *Bulæi* schediasmata, Jo. *Weitzii* collectanea, observationes & notas in Valerium; & in fronte libri Antonii Sabellici variantes lectiones. Sinistrum de Alardi opera judicium Barthii vid. ad Statium T. III, p. 1256. Jani Bruckhusii, ad Propertium p. 108. Petr. Burmanni, qui tamen ab indignatione contra Alardum nimium se abripi passus est, in Præf. ad Flaccum. Cum Lamp. Alardus hunc poetam a se illustratum ederet, natus annos fuit non plus quam XXVII; unde laude fortasse digna ejus industria, non quod non omni parte satisfecit eruditus, reprehendendus: nisi audacia contra notanda hominis mediocriter docti, & tamen hunc talem poetam conantis tractare.

## ÆTAS IV HEINSIO BURMANNIANA

1680 — 1786.

- N. *Heinsius* poetam ex codd. scriptis castigatum & pro suo ingenio ad poetam corrigendos nato factoque emendatiorem dedit 1680. Notas vero ab eo curis secundis scriptas primus protulit Petrus *Burmannus* in edit. II 1701, aliquoties repetita, etiam a Jo. Vulpio Patavii 1720. Has dein cum suis & superiorum editorum vel integris vel selectis conjunxit in ed. majori 1724. Ex hac partim contractiorem, partim nova collatione ed. 1498 & 1565 & excerptarum lectionum accuratiorem fecit Theoph. Chph. *Harlesius* Alterburgi 1781. Atque horum triumvirorum lectionis Valerii constituendæ curam secuti, Valerium damus, etiam ex nostro sensu ad studia juvenum accommodatiorem.
- 1680 *Amstelodami*, 12. ex recensione Nic. *Heinsii*, & sine notis. Quæ editio quidem priores multum superat, quod verba poetæ emendatiora exhibet, sed



tamen negligentiae operarum manifesta saepe vestigia ostendit. Usus est Heinsius codicibus scriptis ad castigandum textum, notasque erat additurus, olim ab eo jam conscriptas: quibus furto ipsi subreptis, cum secundas curas jam adornasset, verbis poetae, quae excudebat Plumerus bibliopola, addendas, morte illius ipsa editio interrupta est, eique per H. Wetstenium suprema manus imposita, & sine adnotatis emissa. Prodierunt tandem hae notae in editione secunda Trajectina 1701, curante Petr. Burmanno.

- 1689 *Parisis*, 8. vid. ad an. 1617.  
 1701 *Trajecti ad Rhen.* 12. ex recensione Nic. Heinsii, cum ejusdem notis, curante Petr. Burmanno. vid. ad an. 1680. De hac ed. cf. Acta Erud. 1702 p. 269. Eadem ed. renovata tantum priori pagina, mentitur etiam annum 1720, adnotante Burmanno in Praef. Eadem repetita ibid. testibus Ernestio in Bibl. Lat. T. II, p. 254, & Hambergero l. c. p. 154.  
 1718 *Patavii*, 8. C. Valerii Flacci Setini Balbi Patavini Argonauticon libri VIII, ex recensione Nic. Heinsii Dan. F. & Petr. Burmanni V. C. Patavii, excudebat Jos. Cominus, superiorum permisso. — Huic editioni praefuit Jo. Ant. Vulpius, qui Indicem adjecit verborum & phrasium aliquot insigniorum, quae in Valerio Flacco occurrunt, cum eorundem explanatione.  
 1724 *Trajectina Heinsii*, 12. cum Praef. P. Burmanni. repetitio elegantior ed. 1701 vel 1718.  
 — *Leidæ*, 4. ap. Sam. Luchtmans. C. Valerii Flacci Argonauticon libri octo, cum notis integris Lud. Carrionis, Laur. Balbi Liliensis, Justi Zinzerlingi, Christoph. Bulæi, Gerh. Vossii & Nic. Heinsii, & selectis Ægidii Maserii, Jo. Bapt. Pii, Jo. Weitzii, & aliorum, curante Petro Burmanno, qui & suas adnotationes adjecit. — Burmannus praeter edd. veteres Codd. scriptis tribus usus est ad textum constituendum. Textui praemissae sunt praefationes edd. priorum, & ipsius longa & erudita de superioribus editoribus & interpretibus. Has excipit Catalogus Argonautarum ex Argonauticis & aliis scriptoribus di-

- ligentissime digestus, cum historia Argonauticae expeditionis a Laur. Balbo Liliensi e variis scriptoribus excerpta. Notae eruditissimae vel rationem reddunt lectionis, vel difficiliora poetae loca illustrant. Accessere etiam Supplementa Pii, & Orphei Argonautica Latine, cum Indice verborum copiosissimo.  
 1781 *Altenburgi*, 8. ex officina Richteriana. C. Valerii Flacci Setini Balbi Argonauticon libri octo, cum notis Petri Burmanni I integris, & selectis Lud. Carrionis, Ægid. Maserii, Laur. Balbi Liliensis, Justi Zinzerlingii, Christoph. Bulæi, Nic. Heinsii & aliorum. Recensuit suasque adnotationes adjecit Theoph. Christoph. Harles. — Is instructus editione Bononiensi 1498 cum lectionibus variis ex Codice veteri excerptis, quae olim fuerat clar. Ernestii, praeterea editione Carrionis Antverpiensi 1565, & exemplari Burmanniano, cujus orae conjecturas quasdam suas addiderat clar. Cortius, ad recensendum denuo Flaccum accessit, in eoque ita est versatus, ut textum frequentius in posterioribus libris, quam in duobus prioribus, ex apparatu suo diligenter emendaret. Variorum notis subinde & suas adspersit. Supplementum Valerii Flacci a Pio concinnatum, item interpretationem Latinam Orphei Argonauticon, atque superiorum editionum dedicationes & praefationes, praeter utramque Burmannianam, omisit, & Indicem verborum contraxit, ne libri mole pretioque poetae cupidi ab emtione & lectione deterrentur.

Nos quidem exemplar Heinsio — Burmannianum expressimus, ita tamen, ut lectiones praestantiores editionis Bononiensis, vel neglectas a Burmanno, vel margini illius ex MSto adscriptas, post Harlesium, in textum reciperemus. Textui praemisimus Catalogum Argonautarum, a Burmanno rectius digestum & auctum, cum historia expeditionis Argonauticae, a Laurentio Balbo Liliensi conscripta. Sub

*Val. Flaccus.*

b



junximus tandem Indicem verborum & phrasium insigniorum in Valerio, curis nostris auctiorem Vulpiano, qui brevior videbatur, quam rationes studiosæ juventutis postularent.

---

Fuerunt etiam alii viri docti, qui novas editiones instituere, vel annotationes aut commentarios: ut *Mich. Piccartus*, qui Codice Erfurtenfi adjutus novam editionem cum commentario molitus est, ut ipse dicit in præfat. Periculorum Criticorum: in quibus ipsis plura Valerii loca tentat. *Barthius* notis ad Guilelmum Britonem XI, 366 se molitum novum Commentarium ait. *Jani Parrhasii* Commentarius ineditus est Neapoli, ubi se vidisse narrat Montefalconius *Diar. Ital. pag. 306* Codicem scriptum Valerii in *Jos. Valletæ* Bibliotheca. *Ratbodi Hermanni Schelii* Emendationes desiderat Nicolaus Heinius (in *Sylog. Epp. Burmann. T. II, p. 811.*) *Isaacus Vossius* promisit, se fratris *Gerhardi Vossii* notas editurum, ad Melam pag. 12. Etiam *Egnatium* in Valerio expoliendo laborasse reperimus, & *Joannes Ulricus Meurerus* Corpus scriptorum Argonaut. & in eo Flacci recensionem promisit. — Plura etiam loca tractavit *Joannes Fridericus Gronovius* in *Observ. libris*, & vir doctus in *Misc. Dorvillianis Vol. IV, Tom. II, pag. 157 — 192.* qui & e libris sex prioribus loca plura attulit, in quibus Homerum imitatus est poeta.

---

CATALOGUS ARGONAUTARUM

EX ARGONAUTICIS

ET

ALIIS SCRIPTORIBUS COLLECTUS.

---

**A**CASTUS. Pelia, regis Theffalia, filius ex Anaxibia (sive, ut alii, teste Apollodor. lib. I, p. 36, Philomache) Biantis filia. Qui Bias est Amythaonis filius, ille autem Crethei, hic vero Æoli, ex quo & Pelias descendebat: filius enim Tyrus, filia Salmonei, (qui Crethei frater & Æoli filius erat, licet Diodorus Siculus lib. IV, p. 188 faciat filium Hellenis, Æoli nepotem) & Neptuni erat, frater uterinus Æsonis, qui ex eadem Tyro & Cretheo erat natus. Ab Etymologici M. auctore dicitur *πατήρ Ἀκαστιδῶς*, cum fuerit ejus frater, nisi locus sit corruptus, & legendum, Ἀκαστος υἱὸς Πελοῦ, *πατὴρ τε Ἀκαστιδῶς*. Nam id ipse locus Euripidis, quem adducit auctor ex Alcestide vers. 732, indicat, ubi *ἀδελφὴ* dicitur, & Scholiastes confirmat. Hic inter Argonautas refertur ab Apollonio Rhodio lib. I, 224, Hygino fab. XIV, & nostro poeta: omittitur vero ab Apollodoro & Orpheo. Poeta noster lib. I, vers. 163, & 484, eum a Jasone persuasum, incio patre Pelia, addidisse se Argonautis, cum jam solverent navem, narrat, & fuisse primæ ætatis juvenem, qui duce Jasone *primos virtutis honores carpere* ardebat. Adscribit tamen eum venatoribus apri Calydonii, simul cum Meleagro Ovid. VIII Met. 306; ubi *jaculo insignis Acastus* dicitur, quam tamen venationem priorem fuisse hac expeditione, multi statuunt. sed pares in fabulis anachronismos in hoc Catalogo videbimus: & huic similem infra in Peleo. sed venatus ille apri revera posterior fuit: nam in illo perierunt quidam Argonautæ, ut Ancæus, Eurytion, & alii. Redux ab hac expeditione dicitur duxisse *Hippolyten*, Hippolyti filiam, quæ ab aliis *Cretheis* dicitur. vid. Pindar. Od. Nem. IV, 92, & ibi Scholiast. sed hac ultimum Patronymicum est; nam Od. Nem. V, 49



Κρηθῆνις Ἴππολύτα dicitur. Hanc *Magnessam Hippolyten* vocat Horat. III od. 7; ubi interpretes quidam ex Scholiaste Pindari eam proprio nomine *Cretheida*, sed a patre *Hippolytam* dictam notant, ab Apollodoro etiam *Astydamiam*, a Suida *Atalantam*: Gallicus interpres etiam *Polydamiam* dictam a quibusdam scribit, quod unde habeat, vellem adscripsisset. *Astydamiam* vocat certe Apollodorus, ut in Peleo videbimus. *Atalantam* vero vocat certe Suidas, sed peperam: nam in fragmento Nic. Damasceni, quod legitur in excerptis Peirescianis, nomen hoc non legitur. sed simpliciter incipit, ὅτι ἡ Ἀκάστον γυνὴ &c. sine nomine proprio. quare nos statuimus proprio nomine vocatam *Hippolyten*; sed *Cretheida* dictam, quia ex Cretheo descendebat. sed quis pater eius Hippolytus fuerit, nescimus: inter Crethei enim posteros neminem eo nomine reperimus, nec Jasonis fratres usquam reperi, cum unicus fuerit Æsonis filius, sublato altero in prima ætate a Pelia, vel ejus ministris, filio; vide nostrum lib. I, v. 823; quem *Promachum* vocatum constat. sed invenimus, Jasona habuisse sororem *Hippolyten*, apud Schol. Apollon. I, 286; quæ forte fuit hæc Acasti uxor, & inde jure *Cretheis* potest dici, quia Æsonis filia, & Crethei neptis fuit. Porphyrius vero ad Horatii d. I. dicit hanc *Hippolyten* tradi nuptam fuisse *Eurypylo*. ubi, quem *Eurypylum* intelligat, nescio, cum diversos fuisse viderimus ad Ovid. VII Met. 363, & XIII, 357. certe ante Acasti nuptias *Eurypylo* nupsisse debuit, cum simul cum Acasto fuerit a Peleo occisa, ut infra in Peleo videbimus. Maserius uxorem Acasti notat a Suida *Atalanten* dici, filiam Hippolytes, quod ultimum ego in Suida non vidi. forte error Suidæ inde natus, vel verba prima turbata, quod *Astydamia*, uxor Acasti, incidit in amorem Pelei, dum cum *Atalanta* in ludis Pelia decertat, ut Apollodor. lib. III, cap. XIII, §. 3. Ex Acasto nata fuit *Laodamia*, Protefilai uxor, ut tradit Hyginus fab. 103 & 104. & hinc *Laodamia* apud Ovid. XIII, Epist. 25.

Vix focer Iphiclus, vix me grandævus Acastus,

Vix mater gelida mæsta refecit aqua.

ubi dubitari potest, an noster *Acastus* intelligendus, qui ad belli Trojani tempora pervenisse non videtur, ut jam recte notavit Antonius Volscus; sed non ostendit tamen, qui ille *Acastus* fuerit, sed in eam sententiam venisse vide-

tur, quia matrem *Laodamiæ*, non *Hippolyten* vel *Astydamiam*, sed *Laodotheam* dictam reperit: quam unde petierit, non indicavit: forte ex adscriptis codici suo glossis vel scholiis, ex quibus primi illi poetarum interpretes, ut Dominus, Raphael Regius, & alii, sæpe bonam notarum suarum partem describere. Certe & *Acastus* hic, & *Laodothea* mihi incogniti sunt. sed si alius fuerit, etiam Thessalum fuisse *Acastum* illum credo, ut & erat Protefilus. quosdam tamen credidisse, *Acastum* ad Trojani belli tempora supervivisse, & a *Peleo*, qui ejus uxorem occidit, expulsam regno, deinde iterum illud recuperasse, ejecto iterum *Peleo*, ex Euripide Troad. 1126 patet, qui ideo Neoptolemum sive *Pyrhum*, Achillis filium, properasse reditum versus *Phthium* refert, quia audiverat, *Acastum* pepulisse regno avum *Pelea*: quæ non cepit nuperus editor *Barnesius*, & contraria Euripidem aliis tradere credidit. Hic etiam *Acastus* patris *Pelia* in honorem instituit ludos funebres & agonem, quos sæpe a pictoribus & artificibus expressos memorat *Pausan.* ut lib. III, 18, v. 17. VI, 20. hos Argivos vocat *Hygin.* fab. 273; in iisque, qui vicerunt, enumerat plurimos Argonautas. vide in *Calai*. ipsius etiam *Acasti* imaginem, præter Argonautas reliquos, maxima cura pinxit *Micon*, & ejus equos, teste eodem lib. I, 18. de morte *Acasti* nihil certi reperi: nam quod *Morerius* eum a *Peleo* occisum narret, citetque eam in rem Supplementi auctor *Apollodori* librum III, ibi nihil de ejus morte legitur.

ACTOR. hoc nomine plurimi in mythico seculo Heroes memorantur, quos hic enumerare nihil attinet. quosdam recensuit *Barthius* ad *Statii* lib. VIII Theb. 152, & *Mezeriacus* ad *Epistol.* *Ovidii* primam p. 38. Hic vero, qui ab *Hygino* & *Apollonio* annumeratur Argonautis, ab aliis omissus, dicitur fuisse *Hippasi* filius, & *Peloponnesius*: duo vero *Hippasi* memorantur ab *Ovidio*. Unus inter socios *Meleagri* in veneratione apri *Calydonii* lib. VIII Met. 313; qui ab *Hygino* fab. 173 dicitur *Euryti* filius. Alter inter *Centaurus* lib. XII *Metam.* 352; in qua pugna *Centaurorum* & *Lapitharum* etiam memoratur *Eurytus*, omnium *Centaurorum* sævissimus, ab eodem poeta vers. 220. Potuit ergo uterque ille *Hippasus* unus & idem fuisse, qui cum patre simul contra *Lapithas* pugnaverit, & solus contra aprum abiit: utraque enim illa expeditio juvene *Nestore* contigit. sed cura



nihil hic certi videam, nihil quoque affirmo. memoratur & *Hippasus* inter filios Pelopis a Schol. Eurip. Orest. 5. & ita recte Peloponnesius esset. vide infr. in *Iphito*. Sed alius scrupulus injicitur ex eo, quod Augeæ frater dicatur hic *Aëtor* Apollodor. lib. II, pag. 112; Augeas vero filius Ἠλίου, quod imperite interpret reddidit, *filius Helii*, apud eundem lib. I, p. 42; cum vertendum sit *filius Solis*: ut recte Allatius in Anonymo de XII laboribus Herculis cap. 5, pag. 329; ubi Græce, Παῖς Ἠλίου, & ab Apollon. Rh. I, 172 Ἠελίοιο; ubi Scholiastes notat, eum quidem vulgo dictum fuisse Solis filium, sed revera fuisse Phorbantis ex Hyrmine, Melei filia. & Pausan. lib. V, 1 dicit, male quosdam eum Ἠλείου, *Elei* filium facere, cum fuerit Ἠλίου, *Solis*. ubi etiam *Aëtor* indigenam facit Elidis, & filium Phorbantis. si ergo frater Aëtoris *Augeas* fuit, Aëtor etiam filius Phorbantis debuit esse; sed Phorbantes etiam diversi memorantur a Mythologis. Hic vero Phorbantas Olenius fuisse videtur: nam Eustathius ad Homer. Iliad. 614 dicit, Phorbantas ex Hyrmine (quam Schol. Apoll. Nelei filiam facere modo vidimus) Aëtoris sorore & Epei filia suscepisse Augeam & *Aëtor*, & ex *Aëtor* natos Cteatum & Eurytum. Phorbantis etiam filium facit Hyginus, ut in eo videbimus. Phorbantas vero origine fuisse Lapithæ filium & Orsinomes, & concessisse Olenum, & ab Aëto rege in consortium regni ascitum, memorat Diodor. Sic. lib. IV, pag. 189; & hujus meminit Ovidius in Lapitharum pugna lib. XII Met. 322. postea transit in Rhodum, ubi, insula a serpentibus purgata, postea ἔσχε Ἡρωϊκὰς τιμὰς, teste eodem Diodoro pag. 228; ubi aperte Lapithæ filius, & in Thessalia moratus, sedes quæsiisse certas, ubi consideret, dicitur. sed Meursius de Rhodo lib. I, cap. V, de hac historia agens, illa verba ex Dionysii testimonio omittit, & Triopæ filium fuisse statuit, ex Hygini Poetico Astronomico; & eum *Carem* facit: unde apparet, veteres confudisse plures Phorbantas. Nam & *Triopes* plures fuerunt, & inter eos etiam Thessalus, ut & Phorbantas erat; nam Perrhæborum tyrannus fuit. vid. Berkel. ad Steph. de Urb. in Μέρο. & *Triopas* inter filios Solis a Scholiaste Pindar. Olym. VII, 131, & a Tzetze Chil. IV, 137, pag. 65 memoratur, ut & noster *Aëtor* ex Sole progenitus videatur. & ita ille cum Phorbante eandem originem habuit. Quidquid in his am-

bagibus fabularum statuendum sit, mihi certum est, Apollodorum & Hyginum, qui soli *Aëtor* referunt inter Argonautas, illum confudisse cum *Aëto* Centauro, *Hippasi* filio: quos utrosque noster poeta memorat lib. I, 146 & 148. quamvis inde certi nihil possit effici, an Aëtor fuerit Lapitha, an Centaurus, verosimilius tamen Lapitham fuisse puto, quia Clans Centaurus eum interfecit. jam etiam Sthenelus, de quo Valer. Flac. lib. V, 90, Aëtorides dicitur ab Apollonio II, 913; sed qui diversus ab illo, qui ab Eustath. ad Dionys. Alex. 484 Cometæ filius dicitur. de quo infra in *Asterione* videbimus.

ACTORIDES. hunc quoque aliqui in Catalogum Argonautarum retulerunt, & in editione Carrionis ex Orpheo memoratur. certe Orpheo lib. I, vers. 136 *Aëtorides* cum Coronone memoratur. Valerius quoque lib. I, 407 canit:

*Linqvit & Aëtorides natum Chironis in antro.*

Sed de Valerio parum laborandum: ille enim sine dubio ibi *Menæum*, Aëtoris filium, intelligit, qui filium Patroclum Chironi commendat per absentiam suam educandum & erudiendum: nam sub eo magistro eum crevisse, etiam tradit Stadius I Achil. 174; & *Aëtorides* dicitur etiam ipse Patroclus ab avo suo Ovidio XIII Met. 273, & ex Pont. IV, 22. sed de eo infra in *Menæio* agendum erit. sed major labor in Orpheo, qui certe *Aëtoriden* diversum facit a *Menæio*: cum enim eum recensuisset cum Coronone vers. 136, deinde dicit *Menæium* etiam accessisse Argonautis ex Opoente. ita ut ille animo suo diversum a *Menæio* *Aëtoriden* conceperit; nisi memoria lapsus fuisse statuamus. *Aëtoris* vero, de quo modo egimus, nulli filii occurrunt, nisi Cteatus & Eurytus, quos omnes fere Mythologi agnoscunt. vid. Apollod. II, cap. VII, § 2; & Ovid. VIII, 387; & qui *Molionida* etiam dicti. vide Periz. ad Ælian. IV, 5, & Schol. Pindar. X Olym. 30; sed eorum neuter huic militiæ nomen dedit. præter hos etiam Aëtoris filium vidimus modo *Sthenelum*, sed ille jam occiderat ante hanc expeditionem. Eurytion etiam, *Menæii* frater, Aëtoris fuit filius Schol. Apoll. I, 71; sed ille etiam seorsim Valerio memoratur I, 378, & de eo postea agemus. quare apud Orpheam non patronymica forma *Aëtorides* capiendus, sed ut nomen proprium; quem unde habuerit, nos ignoramus. simile nomen mox occurret, *Æthalides*.



ACTORION. hunc in Catalogum refert Carrion ex Orpheo, qui vers. 177:

Ἡλύθε δ' Ἀκτορίων Ἰλου παῖς Ἀκτορίωνος.  
ubi Eschenbachius recte quidem emendavit Ἰρου παῖς, nam Actoris filii erant Menœtius & Irus. unde apparet, Ἀκτορίων esse patronymicum, & idem esse, quod Ἀκτορίδης. sed non animadvertit, inconcinne dici, *Actoriona* esse filium *Actorionis*: quasi luderet poeta in duplici vocis ejus usu, ut primo loco esset nomen proprium, altero esset patronymicum. Illustr. Spanhemius ad Callim. in Cerer. vers. 78, ubi memoratur Polyxo, mater Actorionis, hunc Argonautam intelligi credit, quem tamen ab Hygino & Apollonio non Iri filium, sed Hippasi dici putat: confundens *Actoriona* cum Actore, de quo egimus. Verum ego puto locum Orphei corruptum, & quia ille inter Argonautas non memorat *Eurytiona*, quem alii recensent, legendum puto,

Ἡλυθε δ' Εὐρυτίων Ἰρου παῖς Ἀκτορίωνος.  
nam *Eurytion* erat Iri filius, ille vero Actoris, frater Menœtii. vid. Schol. Apollon. I, 72, & infr. in *Eurytione*. Græcos vero patronymica ita flectere notum est. & ita Tzetz. Chiliad. V, p. 79, Cteatum & Eurytum, Actoris filios, vocat Ἀκτορίωνας; & Homerus Eurytum *Actorionem* vocat Il. B. 621.

ADMETUS. memoratus Apollonio, Valerio Flacco, Hygino, Apollodoro, Orpheo, & Statio V Thebaid. 435. Rex Pheretis notissimus, & qui Jasoni conjunctus sanguinis vinculo ex Cretheidis erat. filius enim Pheretis, & nepos Crethei, ita ut esset patruelis Jasonis. Æson enim & Pheres fratres. vide Pindari Pyth. IV, p. 224. mater ejus *Periclymene* dicitur ab Hygino, Minyæ filia, (ut recte correxerunt viri docti) ex Theffalia monte Chalcedonio. Ita etiam vocat Tzetz. Chiliad. II, 53. sed Micyllus eam *Clymenen* vocandam esse voluit: de qua in Jasone videbimus, & Iphiclo. duxit uxorem *Alceſtida*, Pelix filiam, Acasti sororem, quæ nota pietate, pro viro obiit voluntariam mortem, ut patet ex omnibus Mythologis, & Alceſtide fabula Euripidis. vide Barth. ad Stat. VI Thebaid. 332. Hyginus vero fabula CCLVI ipsi dat Theonoen, Theſtoris filiam. plura de *Admeto* vide apud Mezeriacum ad Ovid. Epist. CEnones p. 449, sed quæ Argonauticam expeditionem non spectant.

ÆTHALIDES. nomen proprium, licet formam habeat patronymicam, ut observat Scholiastes Apollonii. quem male *Ethaliden* exprimunt apud Hyginum. Mercurii & Eupolemiæ, Myrmidonis filix, filius, Lariffæus. Orpheus vers. 131, qui in Alope natum esse dicit. Apollonius vero lib. I, 54 natum ad Amphrysum fluvium canit, cum Alopæ habitaverit. Valerio nostro ab arte sagittandi celebratur lib. I, 436. ab Apollodoro omiffus. Apollonius etiam lib. I, 64, ut κήρυκα, (Mercurii enim filio recte hoc munus mandari poterat) missum ab Argonautis ad Hypsipylen reginam Lemni dicit. apud Statium lib. V Theb. 406 quidam Codices *Æthaliū* habent. sed Barthius recte ostendit, vulgatam, *Et Talaum*, lectionem esse præferendam, quamquam ab Orpheo solum illum esse celebratum perpetram affirmat. *Æthaliū* etiam memorat Ovidius in Ibid. 621. ubi & *Æthaliden* quidem codices. sed ex commentatoribus apparet, illum adhuc, quis fuerit, quæri. *Æthaliden* Mercurii filium etiam laudat simul cum Aristeia & aliis Tzetz. Chiliad. IV, pag. 68, vers. 520, inter eos, qui morte & vita, τῷ ἀποδνήσκειν καὶ ζῆν, gloriari poterant. quod illustratur ex Laert. lib. VIII, § 4, ubi Pythagoras dicitur de se prædicasse, fuisse se aliquando *Æthaliden*, Mercurii filium, qui a patre obtinuit, ut vita functus, omnium, quæ contingerent, memoriam haberet. quæ eadem fere Scholiastes Apollon. lib. I, 644. Male ille, qui Morerio adjecit observationes, reprehendit in eo, quod donum memoriæ ad omnia, quæ in vita & post mortem fecerat, extendat. ipse vero restringit tantum ad Metempsychoses, quarum ille meminerat variarum, alii vero obliti erant. Sed Diogenes Laertius manifeste dicit, illum petiisse a Mercurio, ζῶντα καὶ τελευτῶντα μνήμην ἔχειν τῶν συμβαινόντων. & addit, illum, dum adhuc viveret, omnium meminisse, & post mortem servasse eandem memoriam, & tunc demum per metempsychosin in Euphorbum transiisse, & ita porro. Nihil ergo censuræ meretur Morerius. porro hic *Æthalides* Jasona etiam propinqua cognatione contigebat. *Eupolemia* enim mater erat filia Myrmidonis, hic vero uxorem habuit Pisidicen, Æoli filiam, & Crethei sororem. Apollodor. lib. I, cap. VII. Eustath. ad Homer. Iliad. A. 338, dicit Myrmidonem Jovis filium, ejus Actora, qui duxit Æginam, postquam ex Jove Æacum edidisset, & inde ge-



nuit ille Menœtium. idem fere narrat ad Iliad. B. 684.

ALMENUS. hic Apollodoro memoratus, aliis omnibus ignoratur. dicit eum filium Martis, & jungit Ascalapho tanquam fratri. sed & hujus nullus inter Argonautas meminit. sed sine dubio corruptus est locus Apollodori, & simul ipse auctor erravit. legendum enim est Ἰάλμενος, ut jam recte emendavit vir doctissimus Tho. Gale. quia vero sæpe etiam alii Mythologi confuderunt quosdam Heroas, qui Argonauticæ expeditioni interfuerunt cum illis, qui Trojano bello Græcos adjuverunt; Apollodorus perperam hos filios Martis adscripsit Argonautis, quos Homerus Iliad. B. 516 inter Græcos, qui in Trojam militaverunt, refert, quos ex Orchomeno Minyeo venisse dicit, unde forte inter Minyas retulit Apollodorus. vide ibi Eustath. *Ameleon* Hygino memoratur. sed corruptum & ignotum nomen est, unde nihil extrico. præterea hic *Almenus* dicitur natus ex Astyoche Actoris filia, qui diversus ab Actore Menœti patre. Homerus enim Ἀλκείδαν, sive Ἀλέως filium vocat, cum ejus Myrmidonem fuisse patrem viderimus. Etymologici tamen auctor in Ἀκτωρ, Actoris patrem Ἀζέα facit.

AMPHIARAUS. hic ab Apollodoro memoratur, cum alii omnes eum bello Thebano sub Adrasto interfuisse narrent. inter auctores perditos Dejochus etiam *Amphiarum* accensuit Argonautis, teste Scholiaste Apollon. I, 139; & idem censuisse Senecam Tragicum in Med. 656, multi interpretum mirati fuere. quid enim *Amphiarao*, ajunt, cum Argonautis? sed celebr. Gronovius recte ostendit, licet alii eum referant inter Argonautas, Senecam tamen ibi de Mopso agere. inter venatores apri Calydonii refertur a Nasone VIII Met. 317. manifeste etiam Statius III Theb. 516 Colchicæ militiæ interfuisse *Amphiarum* docet, cum eum ita Melampodi respondentem inducit:

*Equidem varii, pater, omina Phœbi*

*Sæpe tuli, jam tunc prima cum pube virentem*

*Semideos inter pinus me Thessala reges*

*Duceret, &c.*

quæ verba male Lutatius Melampodi tribuit. his adductis locis motus cl. Perizonius apud Hyginum loco corrupto & mutilo, ubi legitur, *Atriacha Thestii filia*, rescribi jubet, *Amphiarus Oiclei filius, matre Hypermestra, Argivus*. quod nos nec refellere, nec probare audemus, licet probabilis

fit conjectura, quia dicitur a Statii Scholiaste I, 41 Lyncei & Hypermestræ filius. erraveritque forte ille Scholiastes, confundens *Hypermestram* Danaï filiam, quæ Lynceo nupta fuit, cum Hypermestra Thestii filia, quæ Oicleo conjuncta edidit *Amphiarum*. Qui Thestius si idem sit, qui Ledæ pater dicitur Schol. Apollon. I, 46, ubi corrupte legitur Θεσπιος, & ejus mater vocata *Androdice*. Ille Thestius fuit Martis & Pisidice Æoli filia, Crethei soror, & ita Jasoni etiam consanguineus. ex his patet, errare doctissimum Baylium, qui putat, a solo Apollodoro eum Argonautis annumeratum tradi, qui plura de *Amphiarao* congessit, quo lectorem remittimus. Patrem ejus *Oiclea*, non *Joclea* vocandum, docuit Munckerus ad Hygin. fab. 128. *Oicleus* vero erat filius Tiphatae, Tiphates Melampodis, qui Amythaonis, & ille Crethei. vide Eustath. ad Iliad. B. 666. sed Diodorus Siculus lib. IV, p. 166, *Oiclea*, sub Hercule contra Laomedonta militantem, *Amphiarai* filium facit. qui an idem sit, an nomen avi habuerit ab *Amphiarao*, nescio, nec etiam, an plane alius. nam Diodor. lib. IV, pag. 188, *Oicleum* hunc filium Antiphatis & Xeuxippes, nepotem Melampodis facit. quem vide. Hyginus eo loco & fab. 70 addit etiam Apollinis filium habitum, sed illa opinio invaluit, quia augur vel vates fuit. mater *Clytemnestra* dicitur eidem Hygino ibidem & 73. nescio tamen, an *Clytemnestra* nomen sit repudiandum, quod in Thesti familia videtur magis usitatum. nam ejus filia Leda etiam fuit. vide Schol. Apollon. I, 146. hujus vero altera *Clytemnestra* Agamemnonis uxor. uxor *Amphiarai* Eriphyle fuit, cujus fabula nota. illa autem cum fuerit filia Talai Argonautæ, etiam Cretheis erat. vide in *Talao*.

AMPHIDAMAS. omnibus Argonauticorum scriptoribus memoratus, soli Apollodoro ignoratus apud Hyginum male *Amphitamus* olim legebatur. apud Orphea vero vers. 148 Ἰσιδάμας pro Ἀσιδάμας. Filius fuit Alei & Cleobules, teste Hygino, gente Arcas. Orpheus vero Tegeatem facit. Fratres ejus fuere Lycurgus & Cepheus, de quo infra agemus. Aleus vero filius fuit Aphidantis, & nepos Arcadis. Schol. Apollon. I, 162. qui Aphidas fuit rex Tegeæ in Arcadia. vide Pausan. VIII, 4. Ille Aleus idem est, cujus filiam Augem Hercules compressit. Hygin. fab. 199. nam in Arcadia illam habitasse, patet ex Ovid. Epist. IX, 49:



*Non ego Partheniis temeratam vallibus Augen.*  
 & Diodorus lib. IV, pag. 166, late hanc historiam narrans; Augen Alei filiam circa Parthenium montem peperisse Telephum narrat. Apollodorus vero lib. III, cap. 9, inter Alei filios *Amphidamanta* omittit, sed Cephea, Lycurgum & Augen memorat. & postea ex Lycurgo & Cleophile, sive Eurynome natum præter reliquos *Amphidamanta* refert, ex eoque *Milaniona* & *Antimachen* nuptam Eurytheo. *Amphidamantis* filium *Clysonomum* a Patroclo in talorum lusu interfectum Homerus memorat Il. V. 87, & ejus Scholiastes ad Il. M. vers. 1, & Apollodorus lib. III, cap. 12, & Ovid. I ex Pont. III, 73. An vero idem ille sit *Amphidamas* ab Homero memoratus Il. K. 268, dubito: cum ille Opunte habitasse videatur. in Trojano excidio *Amphidamantem* filium Peliae inter eos, qui se equo Durateo condiderant, refert Tryphiodorus vers. 177. filiam ejus, *Naupidamiam*, matrem Augeæ facit Hyginus, de qua in *Augea*. forte confusi hi duo *Amphidamantes*. In Moreri lexico lego fuisse *Amphidamanta* ex Inachidis, filium Alcæi, & fratrem Lycurgi, sive potius filium Lycurgi, & nepotem Alcæi, idque ex Apollodoro constare: quæ omnia summam negligentiam arguunt auctoris, qui *Aleum* cum *Alcæo*, & forte etiam *Ancaeo* confundit. & in eodem lexico in *Cepheo*, auctori supplementi *Cepheus* dicitur frater *Alcæi pro Alei*, quem ignorarunt mercenarii farcinatores librorum futilium, & ex quibus certa eruditionis & literarum interiorum pestis est exoritura.

AMPHION. memoratus etiam omnibus, excepto Apollodoro, filius *Hyperastii*, & frater *Asterii* dicitur a Schol. Apollon. I, 176. alios vero *Hippasi* filium facere, tradit Hyginus fab. XIV; de quo vidimus in *Aclore*. Orpheus, Apoll. Hygin. & alii ex Pallene venisse hos Argonautas tradunt. Valerius vero Flaccus I, 366 ex Pella. Nos ad illum locum, non eum ex Macedonica Pallene, sed Achaica, (nam Schol. Apollonii dicit *Hyperastium* fuisse regem Achajæ) venisse conjecimus. at hoc inde verosimilius, quia urbs Hyperesia, postea Ægyra dicta, vicina fuerit Sicyoni, ut patet ex Pausan. VII, 26, & Pallenen in eodem tractu sitam esse ostendit ibidem Pausan. cap. ultimo. conjungit etiam ut vicinas urbes Homer. Il. B. 573. *Hyperesiam* ab *Hyperastia* distinguit Stephanus, sed Salmastius eandem

esse, vel urbem & regionem duabus appellationibus, una litera differentibus distinxisse Stephanum putat, & Strabonis, qui de regione agit, verba ita cepisse. Eustathius urbem ab Hyperete, Lycaonis filio, dictam vult. Hic vero *Amphion* diversus fuit ab *Amphione*, Jovis & Antiopes filio, conditore Thebarum, quod ex Apollonio lib. I, vers. 736 patet, ubi Jason Hypsipyla dat pallium dono, in qua illa historia, Amphionis & Zethi, affabre efficta cernebatur; unde, illum antiquiorem fuisse, efficitur.

AMPONITUS. ab Hygino memoratur, sed cum a nemine præterea hujus memoria sit prodita, nec nomen etiam notum; facile accedo viris doctis, qui pro eo *Opuntius* legunt, & de Menœtio, qui præcellit, explicant.

ANCEUS. nulli eorum, qui Argonautica scripserunt, præteritus. Hygino Tegeates est, filius sive nepos *Lycurgi*, qui fuit frater major natu *Cephei* & *Amphidamantis*. vide Comm. ad Valerii lib. I, 376. Hunc Lycurgus pater pro se misit, dum ille curam *Alei* patris, senio confecti, gereret. Apollon. I, 161. De ejus matre non constat. Scholiastes Apollonii *Antinoen* vocat. Apollodorus vero lib. III, cap. 9, ubi Callistus posteros ex Jove recenset, Lycurgo dat uxorem *Cleophilen*, sive *Aurynomen*, ex qua nati *Ancaeus* & alii. Scholiastes vero Statii ad lib. V Theb. 398 *Ancaum* Lycurgi & *Salaminæ* filium facit. Pausanias lib. VIII, 4 matrem non nominat, & Lycurgo tantum duos filios *Ancaum* & *Epochum* dat. Cui consentit Scholiastes Apollonii lib. I, vers. 164, nisi quod ille vocet alterum filium *Epiochum*. de uxore vero Lycurgi nihil reperi; varietas illa vero nominum non nova est, ut in singulis fere Argonautis videbimus. Salamina, quam Lutatius dat Lycurgo uxorem, vix puto esse filiam Afopi & Metopes, memoratam a Scholiaste Pindari, ad VI Olymp. 144. nam illa Neptuno juncta edidit *Cenchrea*, teste Diodoro Siculo lib. IV, pag. 190; ubi tamen melius scriberetur ejus nomen *Κυχρεός*, ut vocatur ab Apollod. lib. III, cap. XI, § 7, & a Stephano in *Κυχρεός*. & Eustathius ad Dionys. vers. 512 dicit Salamina dictam *Κυχρεΐαν*, a quodam *Cycreo*, cujus Lycophron & Arrianus meminerunt. nimirum ille meminit in Alexandra, *Κυχρεός ἀντρον* vers. 451; ubi vide Tzetzen, ut & ad vers. 110. *Antinoe* quædam Peliae filia memoratur Apollod. lib. I, cap. ult. § 27. sed illa



post hanc expeditionem virgo, non potuit mater Ancaei esse. magna vero in hac parte Mythicæ historiæ confusio, quia plures *Ancaei* & *Lycurgi* a veteribus memorantur, quorum sæpe uni adscribitur, quod alii debetur. ita Schol. Apollonii hunc *Lycurgum*, Ancaei patrem, confundit cum *Lycurgo*, Thraciæ rege crudelissimo: nam adducit locum Homeri ex Il. Z. 134, ubi de eo agit, & de quo multa *Eustathius*, & nos egimus ad Petron. cap. LXXXIII, & ad Ovid. IV Metam. 24; & quem recte distinguit Lutat. ad Stat. IV Theb. 742. Meliori specie statui posset *Lycurgus* Nemeæ rex, pater *Archemori*, cujus meminit Stat. ibidem, ubi vide Lutatium & Barthium. ille enim fuit filius *Proactis*, ut erudite probavit cl. Perizon. ad *Ælian.* IV, 5. *Pronax* vero filius *Talai*, ille *Biantis*, hic *Amythaonis*, ille vero *Crethæi*: ut ita *Ancaeus* ex *Crethæidis* *Jasoni* cognatus fuerit. Scio, objici posse, si feriem illam majorum respiciamus, hunc *Ancaem* simul cum proavo suo *Talao* in eandem profectum fuisse expeditionem. sed similia exempla in aliis occurrent, & in fabulis rationem temporum non semper accuratam licet deducere. Quia tamen hoc nimis incongruum videri posset, etiam statui posset filius illius *Lycurgi*, qui circa *Nemeam* habitavit, & frater *Admeti* fuit, & filius *Pheretis*, ex *Cretheo* nati *Apollod.* lib. I, cap. VIII, § 14. quem ille quidem cum *Lycurgo* *Archemori* patre confundit; sed ego distinguendos puto, *Lycurgum* *Pronactis*, & *Lycurgum* *Pheretis* filium; cujus si statuatur *Ancaeus* filius, optime tempora congruerent, & propior cum *Jasone* cognatio conspiceretur. & eum forte intelligunt alii scriptores, qui inter venatores apri *Calydonii* eum memorant: ut *Apollodorus* lib. I, cap. XXX, § 2, qui *Lycurgi* filium ex *Arcadia* facit, & *Admeto* proxime jungit. Ubi confudisse *Ancaeos* videtur, quia eum facit fratrem *Cephei*; cum lib. III, cap. 17 *Cepheum* fecerit fratrem *Lycurgi*; & ita patrum *Ancaei*. alium tamen *Ancaem* *Neptuni* filium venationi affuisse scribit Schol. Apollonii ad lib. I, 188. *Parthasium* vocat *Ovid.* VIII Met. 315; ubi vide *Micylli* notas; & ad vers. 391, ubi eum instruit bipenni. plane ut *Apollon.* II, 118 ipsi dat *πέλεκυν μέγαν*. periit autem ille in venatu illo ab apro occisus, ut *Ovidius* ibidem narrat, & in *Ibide* vers. 503, & *Pausan.* VIII, cap. 4, & *Senec.* Med. 643; ubi vide *Delrii* notas. *Lycurgum* etiam *Penthiden*

memorat *Ovidius* in *Ibide* vers. 607; de quo nihil mihi constat. nec de *Bute* illo, quem antiquus Scholiastes memorat, plus scio. vid. infra in *Bute*. Porro hic *Ancaeus* inter fortissimos Heroas ab omnibus celebratur, & *Orpheus* 198 dicit, illum nunquam lanam gestasse, sed pelle ursina tectum incessisse.

*ANCÆUS* alter. duos enim memorant hoc nomine Argonautas *Apollonius* I, 187, *Orpheus* vers. 205, *Val. Flaccus* I, 413, & *Hyginus*, qui faciunt eum *Neptuni* filium: & qui sæpe cum priore *Ancaeo* a Mythologis est confusus. Matrem ejus vocat *Hyginus* *Altam* *Thestii* filiam, sed *Heinsius* corrigebat ex *Althæa* *Thestii* filia. fortasse quia ex *Æolidis* etiam descendere credebatur: *Thestii* enim mater *Pisidice*, quæ filia *Æoli*, soror *Crethæi*, ut vidimus in *Amphiarao*. quamvis *Apollodorus* *Thestium* *Martis* ex *Demoneice*, *Agenoris* filia, deducat; qui descendit ex *Calyce*, *Pisidices* sorore. vide in *Castore* & *Iphiclo*. sed & hic confusio: nam *Pisidicen* filiam *Leuconis*, qui *Athamantis*, & ille *Sisyphi*, & hic *Æoli* filius erat, facit *Stephanus* in *Ἀργυρῶν*. rectius vero alii (quia nullus, ut credo, *Althæam* cum *Neptuno* concubuisse tradit) hujus *Ancaei* matrem produnt fuisse *Astypalæam*, ut idem *Stephanus* in *Ἀστυπάλαια*, & *Pausan.* lib. VI, cap. 4, ubi ejus posteros recenset, & eum *Lelegibus* imperasse & insulæ *Samo* tradit. & ita frater fuit *Ergini*, cum quo *Orpheus* eum conjungit, qui etiam *Neptuni* filius. vide *Schol.* *Pind.* IV *Pyth.* 61, (quamvis de ejus matre variatum videbimus in illo) qui & *Periclymenum* ipsi dat fratrem, & *Apollodorus* lib. II, cap. 7 *Eurypylum* etiam *Astypalææ* & *Neptuni* filium facit. *Apollonius* quoque lib. II, 867 *Astypalæam* matrem vocat, ubi ex *Simonide* *Genealogo* Scholiastes idem stemma confirmat. *Conditorem* *Sami* insulæ facit etiam *Malchus* de *Vita* *Pythagoræ* pag. 4; ubi vide notas *Rittershusii*, qui ex *Jamblichō* eum ex *Jove* genitum quibusdam creditum notat: & hinc in nummis *Samiorum* *Neptunus* conspicitur, consecratus & templo honoratus ab *Ancaeo* filio. vide *Nummismata* *Abbatis* *du Camps* a *Vallantio* edita, p. 103. *Astypalæa* vero a *Pausania* & Scholiaste *Apollonii* *Phœnicis* filia dicitur, & ab *Hygino* fab. CLVII, ubi corrupte legitur, *Ericlimeus* & *Ancaeus* ex *Astyphele* *Phœnicis* filia; sed, ut vidit *Munkerus*, legendum, *Periclymenus* &



*Ancaus* ex *Astypalæa* Phœnicis filia. hic vero Phœnix an *Agenoris* filius fuerit, an *Amyntoris*, qui Achillis præceptor fuerit, dubium: ille antiquior quidem videtur, sed tamen, ut statuatur pater *Astypalææ*, speciem præbere potest, quod *Aganor* filius *Ancaï* dicatur ab Hesychio in Ἀγάνωρ, quem ille in proavi *Agenoris* memoriam ita vocasse potuit. Phœnix vero Achillis magister temporibus his posterior, & multo magis ejus filia *Astypalæa*, *Ancaum* Argonautam edere non potuisse videtur, si fabularum Chronologiam ad historici temporis fidem exigere liceret. Hic vero *Ancaus* cum alio sæpe confunditur; nam & ab apro Calydonio interfectum, ex Pherecyde prodit Schol. Apollon. lib. I, vers. 188. quod inde etiam posset aliquis efficere, quod hunc *Ancaum* Pleuronium faciat Orpheus vers. 206. Pleuron autem in Ætolia, unde Meleager, ex quo *Meleagria* Pleuron Statio dicitur lib. IV, vers. 103. Quintus Calaber lib. IV, vers. 444 ludos funebres in honorem Achillis narrans, disci meminit, quo olim *Ancaus* erat usus, antequam ab Hercule fuerat domitus. vitiose vero in versione Latina legitur *Alcaus*, & mortis genus, quod Calaber non exprimit (dicit enim πρὶν κρατερῆσι χέρεσσι δαμημέναι Ἡρακλῆος) interpres reddidit, priusquam inter validas manus *Herculis* elisus fuit. Ad utrumque etiam *Ancaum* diversis sententiis scriptorum refertur adagium celeberrimum, πολλὰ μεταξὺ πέλει κύλικος καὶ χείλεος ἄκρου, multa cadunt inter calicem supremaque labra. vide Zenobii Centur. V, 71, & ibi Schotti notas; Apostol. Cent. XVI, 18, & ibi Pantinum. Ceterum hic *Ancaus*, qui peritissimus navigandi artis & siderum describitur, & ideo forte Neptuni filius dictus, Tiphymortuo, ad clavum fuit admotus, teste Hygino cap. XIV, (ut ejus verba supplevit cap. XVIII doctissimus Munkerus) Orpheo vers. 725, 1079 & 1203, & aliis. Valerius vero Flaccus *Erginum* suffragio ipsius navis Argus superasse *Ancaum* & *Nauplium* refert, & *Tiphyn* excepisse, ut in *Ergino* videbimus. in Dictionario Historico Poetico video memorari *Anaxo Ancaï filiam*: quam diu frustra quæsi; sed credo vel auctoris negligentia, qui vitiosam editionem Homeri consuluerat, (in Scholiaste enim Iliad. ξ. 323, ubi *Alcmenæ* genus refertur, legitur, Ἀναξο τῆς Ἀγκάϊου, pro Ἀλλάϊου, ut in editione Hackiana correctum,) vel operarum errore esse editum pro *Alcaï filia*. nam Apollodor.

lib. II, cap. IV, § 5, *Anaxo Alcaï* filiam, *Electryonis* uxorem, & matrem *Alcmenæ* facit. & ille *Alcaus* memoratur Schol. Apoll. I, 747, ut filius *Perfei* & *Andromedæ* fuerit, & pater *Amphitruonis*; Schol. Pind. VI Olym. 115. Euripid. *Hecub.* 886, & Serv. ad Virg. VI Æneid. 396, ita ut *Anaxo* hæc nupserit patruo suo *Electryoni*, *Alcaï* fratri. Obiter etiam noto, *Anaxo* aliam memorari, quam ante *Helenam* ex Troja rapuisse *Thesea* narrat *Athenæus* lib. XIII, 1, quem errare in patria hujus mulieris recte ostendit *Meursius* in *Theseo* cap. XXIII, & ex *Plutarchi Theseo* pag. 13 pro ἐκ Τροίας legendum, ἐκ Τροϊζηνίας; quamquam etiam posse legi, ἐκ Τροϊζήνος, ostendit.

**ANCHISTEUS.** hunc Carrion retulit in catalogum Argonautarum ab Orpheo memoratorum, licet corrupte legatur in Carrionis editione, *Anchistecus*: Orphei verba vers. 221 sunt:

Ἀπτὰρ δὴ Πελῖαιο Φεραϊόθεν ἦλυθ' ἄνακτος  
Ἄγχιστεὺς.

Sed Guil. Canterus lib. V Novar. lect. cap. 5, miratus Orphea nullam *Acasti* mentionem facere, correxit hunc locum & legit,

Ἀπτὰρ δὴ Πελῖαιο Φεραϊόθεν ἦλυθ' Ἀκαστος  
Ἄγχιστεὺς.

& vocem *ἄγχιστεὺς* notare affinem seu generum, ut filium *Peliæ* poetica licentia vocat, docet. quem secutus est Ger. Vossius in notis ad *Valerium nostrum* I, 485; sed non opus *ἄγχιστεία* affinem aut generum vertere, sed proximum, ut filius certe patri erat. Ita *Hesychius* *ἄγχιστεὺς*, συγγενής. & potuit ita capere *Orpheus*, ut apud *Jurisconsultos* suus heres, quia *ἄγχιστεία* est jus hereditatis legitimæ, quod proximo competit, & *ἄγχιστεύειν*, hereditatem jure proximæ cognationis cernere, ut docuit *Budæus* in Commentario Græcæ linguæ pag. 88. vide & *Suidam* in *ἄγχιστεὺς*, qui tamen restringit ad eos, qui ἀπὸ ἀδελφῶν καὶ ἀνεψιῶν; sed *Budæus* latius sumi docet. sed ex hac voce nihil certi potest de *Acasto* colligi: nam & eodem jure *Admetus* *ἄγχιστεὺς* *Πελῖαιο* dici potest, qui etiam gener ejus fuit, ducta *Alcestide*, & qui rex *Pherarum* erat: sed ille jam ab *Orpheo* ante erat memoratus; quare quærendum adhuc puto hunc *Orpheo* intellectum Argonautam.

*Val. Flaccus.*

C



AREJUS. hic ab Orpheo vers. 142, & Apollonio lib. I, vers. 118 refertur inter Argonautas. Carrion omisit in suo Catalogo ex Orpheo, forte, quia crediderit, Ἀρηϊον esse epitheton *Talai*, qui *Martius* dictus fuerit a poeta, ut sæpe Homerus Heroas suos hoc epitheto ornat. fuit hic frater & *Talai* & *Laodoci*, qui filii fuere *Biantis*, ille vero *Amythaonis*, qui *Crethi*: ita ut Jasonem propinqua agnatione contigerint. vid. Scholiast. Euripid. in Phœniss. vers. 423, & infra in *Talao*. Orpheus vero vers. 147 vocat *Abantiada*, quod commentator nuperus non esse patronymicum, sed gentile putat, intelligens credo, illas ex gente vel populo Abantibus venisse. *Abantes* vero fuere Eubœæ incolæ. vide Homer. Iliad. B. 536, & ibi Eustath. sed Argivos fuisse tradit Apollonius, & *Bias* pater rex fuit Argivorum. quare confudisse Orphea credo, quia legerat forte *Talai* patrem fuisse *Abantem*, filium *Lyncei*. diversus ab Argonauta, fuit Hypermnestræ maritus, filius Ægypti, cujus filius *Abas*, nepos *Talaus*. vide Pausan. lib. II, cap. 26, & X, 35, & Schol. Eurip. in Hecub. 886. Alius etiam *Abas* fuit *Melampodis* filius, qui etiam *Amythaonis* filius fuit, & frater *Biantis*, ut Schol. Apollonii I, 143: quos confudisse potuit Orpheus, & per errorem *Abantiadas* vocasse ex *Biante* natos. ille vero *Abas Melampodis filius* hoc nomen habuit ex alio *Abante*, Præti patre. nam *Melampus*, cum Prætidas ab insania liberasset, unam ex illis duxit uxorem, & confors regni factus est a Præto. v. Lutat. ad Stat. III Theb. 452. sed verosimilius tamen credo, Orphea illos secutum, qui *Amythaonis* uxorem fecerunt *Idomenen*, *Abantis* filiam, ut Apollodorus lib. II, cap. II, § 2; licet ipse lib. I, cap. 9, § 11, eam cum reliquis *Pheretis* filiam dicat; ita ut ab avia matre *Biantis*, quæ *Abantis* filia erat, *Abantiadas* potuerit vocare. Mater horum fratrum fuit *Pero*, Nestoris soror, *Nelei* filia, qui ex Tyro filia *Salmonei*, qui Æoli filius erat, descendebat. vide in *Neleo*. Cum vero mirarer, *Valerium* hujus Argonautæ non meminisse, incidit suspicio, latere in illo lib. I vers. 358:

Niuitur hinc *Talaus*, fratrisque *Leodocus* urget

Remo terga sui, quos nobile contulit *Argos*.

ut frater ille fuerit tertius *Arejus*; & ita censere quosdam ait *Pius*, qui tamen rejicit, quia nominatim *Valerius*, ut mos ipsi est, eum non recenset. quare hoc in medio relinquimus.

ARGUS. hoc nomine duo occurrunt nobis Argonautæ; sæpe inter se confusi; quos nos distinguere conabimur. Primus est nobilis ille fabricator navis, quæ ex quorundam opinione ab eo *Argo* fuit dicta, qui ab omnibus, præterquam ab Orpheo memoratur. cum autem multi *Argi* fuerint in historia Mythica, non facile est omnes in concordiam redigere scriptores. De genere nostri non convenit etiam: ex Thespiis oriundum facit noster lib. I, 93 & 124. patrem ejus *Arestorem* facit Apollon. lib. I, 112, ita ut idem esset, qui *Argus*, custos Ius, a Junone appositus, & centum oculis vigilans a Mercurio interfectus. hunc enim *Arestoriden* vocat Ovidius I Metam. 624. Tzetz. ad Lycophron. vers. 885. Ἐστορος ἢ Ἀλέκτορος filium dicit, ubi credo, Ἀρέστορος legendum pro Ἐστορος. & in Apollonio *Alestoridem* pro *Arestoridem* esse contendit doctissimus Mezeriacus ad Ovid. Epist. VI, 65, p. 671, ubi egregie de hoc Argo, & nave Argo disputat. hunc etiam alii faciunt conditorem urbis Argi. Schol. Euripid. Phœniss. 1123. quem alii filium *Alevæ*, ut Schol. Æschyl. Prometh. 570; alii *Inachi*, ut Apollodor. lib. II, cap. 1, § 1. alii *Jovis* & *Niobes*, ut Schol. Euripid. Orest. 930, ex *Pherecyde* faciunt. sed centoculum illum diversum a nostro Argo esse, certe ita censere *Valerium* nostrum, apparet ex lib. IV, 351, ubi Orpheus fabulam Ius & custodis Argi, ut multo antiquiorem, canit. variant vero in hac ipsa Ius fabula veteres. Anonymus enim de Incredibilibus cap. 15 editionis Thomæ Gale, facit *Io Arestoris* filiam, *Argum* vero fratrem matris *Arestoris*: *Charax* vero apud Stephanum in Παρρασία *Pelasgum Arestoris* filium, hunc *Ecbasi*, illum *Argi*. quæ vix possent inter se congruere, nisi *Argi* soror, mater statueretur *Arestoris*. Apollodorus lib. I, cap. 9, § 16, *Phruxi* filium facit; sed ille alter *Argus* est, de quo mox dicendum. Hyginus fab. XIV facit *Polybi* & *Argiæ* filium, vel, secundum alios, *Danai*. *Polybum* vero *Phocidis* regem, qui *Cædipum* educavit, reperio apud Diodor. Sicul. lib. IV, pag. 185, & Stat. I Theb. 64. *Argiam* vero ejus matrem plane ignoro. diversam ab omnibus opinionem tradit *Ptolemæus Hephæstionis* F. lib. II, pag. 310, qui prodit, *Argo* navem dictam ab *Argo Jasonis* filio, quem ille amans secum in *Scythiam* duxit. vide in *Hercule*.

ARGUS alter. *Phruxi* & *Chalciopes*, filia *Æetæ*, sororis



Medæ, filius, quem confuderunt multi cum priorè Argo: nam Apollodorus lib. I, cap. 9, § 16, Phrixi filium facit fabricatorem navis: & Pherecydes apud Schol. Apollon. I, 4 in eadem fuit sententia. idem inter recentiores scriptores fecit vir doctissimus *Franc. Bianchinus* in *Histor. Univers. Decad. III, pag. 375.* hic accessit cum fratribus suis Argonautis in insula Dia, ut Hyginus scribit: quod vix verisimile videtur, cum illa in mari Ægæo sita sit, diuque jam Argonautæ Pontum Euxinum intraverant; nisi sit alia insula in Ponto Euxino intelligenda. Valerius Flaccus lib. V, vers. 461, Jasonem illos invenisse in ipsa Colchide, & aula Ætæ, tradit. & ita fere Orpheus vers. 858. Scholiastes Apollon. ad lib. II, 284 & 309 dicit, Argonautas illos invenisse in insula deserta, quam *Aretiada* vocatam ait, in qua erant aves Stymphalides, & templum Martis, ab Amazonum regina constructum. & ipse poeta vers. 1125, ubi Argonautas ad eam insulam perduxit, Argum inducit cum Argonautis colloquentem: ubi etiam Scholiastes dicit, filios Phrixi quatuor, ab aliis quinque, statui, & Acusilaum & Hesiodum eorum matrem non Chalciopen, sed Josphossam, filiam Ætæ, facere. ex quibus inducor fere, ut apud Hyginum nomen insulæ corruptum esse, & pro *Dia, Aretiade* legendum esse credam. dicta vero *Ἀρτιὰς* fuit a *Marte*, quia ab Otrera Amazonum regina, Martis filia, fuit condita. Hic porro Argus duxit *Perimelen* Admeti filiam, ex qua *Magnetem* tulit, unde Magnesia in Thessalia dicta; Magnetis filius vero fuit *Hymenaus*. vide Antonini Liberal. *Metam. cap. XXIII.*

ARMENIUS. unde *Armenia* dicta. Jasonis comes in militiam Colchicam dicitur a Justino lib. XLII, 2, ubi Bon-gar-fius a Strabone *Armenum* vocatum notat. Strabo enim lib. XI, pag. 530, *Armenum* ex Armenio Thessaliæ oppido, sito inter Pheras & Larissam, se comitem præbuisse Jasoni narrat, ubi multis cognationem & similes mores inter Thessalos & Armenios probat. *Armenum* tamen vocat eodem libro pag. 503, ubi Casaubonus Armenium Thessaliæ urbem, *Ormenium* vocari lib. IX, p. 438 notat. idem fere tradit Eustathius ad Dionys. Perieg. vers. 694; nisi quod addat, alios hunc *Armenium* Rhodium fecisse. nihil præ-terea de hoc obscuro Heroe mihi constat.

ASCALAPHUS. hunc Apollodorus in catalogum suum

retulit, cum fratre *Almeno*. vide supra in *Almeno*; ubi errorem esse ostendimus, & illos Trojano bello interfuisse ex Homeri Il. B. 516 docuimus. diversus vero hic *Ascalaphus* Martis filius, ab *Ascalapho*, Acherontis & Orphnes filio, de quo vidimus ad Ovid. V Met. 539.

ASCLEPIUS. Apollinis & Coronidis filius, qui Latinis *Æsculapius* dicitur, soli Hygino inter Argonautas memoratus. Clemens tamen Alexandr. lib. I Stromat. p. 325, *Asclepium* & *Dioscuros* etiam cum Jasonem navigasse, ex Apollonio Rhodio narrat. nuperus vero in Anglia Clementis editor nos remittit ad lib. I vers. 146, ubi quidem *Dioscurorum* fit mentio, sed nulla, quod sciam, in toto Apollonio, *Asclepii* Argonautæ. ideo vellem locum nobis accuratius demonstrari. de *Asclepio* vero, vel *Æsculapio*, cum omnia sint obvia, & cum nemo præter Hyginum annumeret Argonautis, hic pluribus non agemus. Obiter tantum notabimus, ipsum Hyginum, hunc filium Coronidis facere, & tamen Fab. XCVII *Machaona* filium *Æsculapii* ex Coronide etiam natum affirmare. ubi vide Munkeris notas, & ad fab. CLXI, & quæ nos ad Ovidii Met. II, 569 de matre *Æsculapii* adduximus, & alii ad XV, 624.

ASTERION. omnibus memoratus scriptoribus. Orpheo vers. 161; Apollonio I, 35; Valer. Flacc. I, 355; Apollodoro lib. I, cap. 9, ubi corrupte *Ἀστῆριος* vocatur. filius dicitur *Cometæ*, de quo vide commentatores ad Val. Fl. d. I. Hyginus solus ipsi dat *Pyremum* patrem, qui, quis sit, ignoratur; & locus sine dubio corruptus est. idem Hyginus alterum *Asteriona* memorat *Hyperasii* filium, fratrem Amphionis. sed ille *Asterius* vocandus, ut videbimus mox, & supra jam in *Amphione* docuimus, ubi de Pellene vel Peline eorum patria egimus. apud Hyginum etiam pro *Pyremo*, *Pyreto* rescribi posset, quo nomine in pugna Lapitharum & Centaurorum aliquis memoratur apud Ovidium lib. XII Met. 449. Sed hæc incertissima: alii enim omnes *Cometæ* filium faciunt; ut Pausanias lib. V, 17. *Cometes* etiam memoratur inter Lapithas Ovidio XIII, 284. an idem ille sit, non audeo affirmare. nec etiam an ille *Cometes*, cujus filius *Sthenelus* Trojani belli tempore ab Eustathio affertur ad Dionys. Perieg. 484, qui *Sthenelus* diversus est ab illo Herculis comite in expeditione Amazonia, Actoris filio, quem noster memorat lib. V, 90, ubi vide notas; & ab alio *Persei*



& Andromedæ filio, apud Schol. Apollon. I, 747. Mater *Asterionis* ab Hygino dicitur *Antigona*, Pheretis filia; quod cognationem cum Jafone ostendit. *Pheres* enim *Crethæi* frater, filius *Æoli* fuit. Ab hoc Heroe urbem Asterium Thesaliæ, cujus Stephanus meminit, denominatam credit Simfonus: Stephanus, vel a fulgure, vel ab Asterio quodam, ut & Eustathius a Berckelio adductus.

ASTERIUS. hunc ab Asterione diversum faciunt Apoll. I, 176, & Orpheus 214: Hyginum, vel ejus librariorum, permutasse duos modo vidimus. Frater *Amphionis* dicitur, quare patria & parentes iis communes, neque hic repetenda, quæ supra de iis diximus. omittit eum Valerius Fl. nisi quod Pius eum intrudere pro Deucalione tentet lib. I, vers. 365; de quo in *Deucalione*. Apollodorus *Asterium Cometa* filium facit; sed ibi legendum *Asterionem* diximus, quem, omisso Asterio, solum memorat. Fuit & alius hoc tempore *Asterius*, Nelei filius, frater Nestoris & Periclymeni, qui ambo quoque inter Argonautas fuere. vid. Schol. Apollon. I, 156.

ATALANTA. Schoenei filia, sive altera Jafii filia: nam confudisse duas, docent notæ ad Ovid. VIII Metam. 318, & X, 565, ubi de illis satis dictum. Unica hæc inter tot viros puella, si Diis placet, hoc iter ingressa dicitur ab Apollodoro lib. I, cap. IX, § 16, & Diodoro *Siculo* lib. IV, pag. 175. alii vero omnes hanc majori cum specie veri omittunt. Apollon. lib. I, vers. 709, dicit, *Jafona* habuisse hastam, quam hospitale munus ab *Atalanta* acceperat, ubi Scholiastes *Jasonis* (sed legendum *Jafii*, ut recte Barth. ad Stat. VI Theb. 504, observat) filiam facit, quæ nupta Milanioni fuit, distinguens ab altera Schoenei filia.

AUGEAS. Solis filius, ut vidimus in *Astore*, memoratur ab Orpheo versu 212, Apollonio I, 172, & III, 361, Hygino & Apollodoro. sed omittitur a Valerio. An *Augeas*, an *Augias* dicendus sit, disputat ad Valer. Fl. I, 394 Maserius, ubi quidam codices pro *Bute* *Ægeum* habent. unde Maserius ansam arripuit de *Augia* etiam agendi. *Augeum* etiam dici posse credidit Munkerus ex judicio Heinsii ad Hygin. fab. 30. sed hoc ex flexione Græca venisse puto, quia *Αυγείας* *Αυγείου* in genitivo habet. Matrem ejus Hyginus fab. XIV facit *Naupidamen Amphidamantis* filiam. qui si *Amphidamas* Argonauta fuerit, avus & nepos huic

expeditioni simul interfuisse debuerunt. hæc vero *Naupidame* mihi prorsus ignota. *Augeæ* vero nomen forte habere potuit ab *Auge*, sorore *Amphidamantis* avi sui, de qua supra vidimus. Tzetzes Chiliad. IV, 137, pag. 65, inter Solis filias recenset *Augeam* ex *Iphiboe*, quæ æque ignota mihi ac *Naupidame*. Scholiastes Apollonii, qui nomine Solis, revera Phorbantis filium fuisse Augean refert, dicit matrem fuisse *Nyctei* filiam, alii vero *Epochi* filiam, de quo loco egi ad Ovid. II Metam. 593, ideoque hic non repetito. Reliqua de *Augea*, ejus stabulo & bello cum Hercule, ut quæ ad Argonautica non pertinent, hic attingere non vacat.

AUTOLYCUS. Mercurii filius, notus furandi arte, ex *Chione*, vel, ut alii, ex *Philonide* Deucalionis filia. vid. Hygin. fab. 200 & 201. & de cujus genere vide Mezeriacum ad initium Epistolæ Ovidianæ Penelopes. hoc unum adjicio, Servium duos *Autolycos* distinguere ad *Æneid.* II, 79: priorem, etiam furem, habuisse filios duos Sisyphum & Autolycum, ex Sisypho natum Sinonem, ex Autolyco secundo Ulixem; ita ut Anticlia, quam corrumpit Sisyphus, fuerit fratris filia. Memorat etiam Strabo *Autolycum* furem & parietum perfosorem, qui in Parnaso habitavit, lib. IX, pag. 439, ex Homer. II. K. 226. A solo Apollodoro memoratur hic inter Argonautas. videtur autem antiquior. nam ejus filia Anticlia a Sisypho *Æoli* filio jam compressa dicitur, & gravida data Laertæ, qui etiam inter Argonautas numeratur. vide de *Autolyco* hoc Tzet. Chiliad. VIII, 202, p. 149. Præterea a quibusdam Alcimede, mater Jasonis, filia Autolyci creditur fuisse, de qua in Jafone agemus, nec videtur avus sub ductu nepotis sui militasse. quare credo, Apollodorum hunc *Autolycum* nobiliorem confudisse cum minus noto *Autolyco*, qui se Argonautis circa Sinopen urbem adjunxit, cum *Phlogio* & *Deilonte*, ut narrat Apollonius lib. II, 957, & Val. Fl. V, 115. hos Apollonius facit filios *Deimachi*, & fuisse comites Herculis contra Amazonas, & deinde errasse, & circa Sinopen habitasse. quidam etiam *Autolycum* conditorem Sinopes, & ejus statuam egregii operis, a Stenide factam, ibi fuisse positam, quæ expugnata urbe a Lucullo fuit ablata. vide Strabon. XII, pag. 377, qui addit, hunc *Autolycum* unum fuisse ex illis, qui cum Jafone navigarunt. Hyginus vero, eum & tres



ejus comites fuisse filios *Phixi*, quos alio nomine diversi scriptores appellare consueverunt.

AZORUS. Hefychius, Ἀζωρος εὐκράτος οἶνος, καὶ ὁ κυβερνήτης τῆς Ἀργούσ. Munker. ad Hygini fab. XVIII, se ignorare fatetur, quis ille *Azorus* sit gubernator Argus navis. nec ego plus novi; nisi quod fuisse conditorem urbis Azori credam, quæ in Pelagonia sive Tripolitide memoratur a Strabone lib. VII, pag. 327, & a Stephano recensetur, qui & conditam a quodam *Azoro* addit. reliqua quærat me diligentior.

BUPHAGUS. hunc in album Argonautarum ab Orpheo memoratorum retulit Carrion. Alardus vero, cæcos duces non tantum sequi solitus, sed eorum errores ampliare, exhibet *Euphagum*. Insigni certe uterque ignorantia & negligentia: Orpheus enim vers. 136 ait,

Αὐτίκα δ' Ἀκτορίδης καὶ βούφαγος ἦλθε Κόρωνος.

ubi apparet esse epitheton *Coroni*, & pessime Perdrerium vertisse *Buphagum Coroni filium*, ut arguit optime Eschenbachius, qui hoc epitheton, Herculi alias datum, robur & strenuitatem indicare ostendit. unde apparet, versionem Carrioni fraudi fuisse, & verum de eo esse, quod Lipsius de eo scribebat Cantero in Epist. LIX, Centur. 3, a Gabbema edita, Græcæ linguæ ignarum fuisse Carrionem, & neglectis fontibus, versionibus acquievisse; immo ne Græcæ quidem scribere novisse. de hoc vero titulo *βουφαγος*, qui Herculi ob voracitatem, & quia integrum aliquando bovem comederat, datus, consulendi Barth. ad Stat. VI, 532, & Spanhem. ad Callim. Hym. in Dianam vers. 148 & 160.

BUTES. Atheniensis, memoratur Orpheo vers. 138, Apollonio I, 95, Apollodoro & Hygino, nec omissus Valerio Flacco I, 394; licet Carrion eum inter Argonautas Valerio memoratos omiserit. *Teleontis* filius, qui diversus a *Teleonte*, patre Eribotæ, a Scholiaste Apollonii dicitur. diversus hic a *Bute* memorato Ovidio VII Metam. 500, Pallantis filio, quamvis Heinsius ibi *Teleonte creatum*, pro *Pallante* conjecerit legendum. Meursius vero, ut ibi notavimus, pro *Bute*, *Bryten* legebat. Orpheo vero *Aiveiᾶδης* dicitur; sed quod stemma plane ignorare me fateor. Mater ejus ab Hygino dicitur *Zeuxippe*, Eridani fluminis filia. quæ etiam incognita mihi: suspicor vero, legendum esse in Hygino *Apidanis* fluminis filiam, ut ita ex Thessalia maternum genus

trahens, Jasoni se etiam comitem adjunxerit: & certe, solere hæc flumina confundi, docebunt notæ ad Ovid. I Met. 580. plures *Butas* Athenis fuisse hoc nomine nobiles, & ab auctoribus sæpe inter se confusos, puto: nam idem Apollodorus libro III, cap. XIV, § 7 *Zeuxippen* memorat uxorem Pandionis, ex qua *Erechthea*, *Buten*, *Procnen*, & *Philomelam* tulit: cui etiam accedit *Tzetz*. Chiliad. V, 29. quæ *Zeuxippe* ab Apollodoro dicitur fuisse matris Pandionis soror, mater vero fuit *Pasithea*, Nympha *Nais*, teste Apollodoro lib. III, cap. XIV, § 6. sed hunc *Buten* diversum ab Argonauta facit Meurs. lib. II de Reg. Attic. 6; qui & de eo agit in *Cecrope* cap. XVIII. meminit ejus & Stephanus in *Βουτάδαι*. Ex hoc familia nobilissima *Eteobyadarum* descendit. vide Harpocr. & auctorem *Ety-mol. M.* in *Βουτάδαι* & *Ἐτεοβουτάδαι*. Diversus etiam creditur *Butes* Amyci filius, qui ex Venere suscepit *Erycem*, qui in Sicilia regnavit. quem Lexicographi memorari putant a Virgil. V, 372; sed confudisse illum cum illo *Bute* Argonautam nostrum apparet, quod Apollodor. lib. I, 9, § 25, & Apollon. IV, 912, & Hygin. dicant, hunc *Buten*, Sirenum carmine victum, ad eos nataturum se in mare præcipitasse, sed Veneris beneficio e fluctibus servatum apulisse *Lilybæum*, ibique sedes fixisse. Hic ergo pater *Erycis* debet statui, de quo omnia collegit Cluverius de Sicilia Antiq. lib. II, cap. 1, qui etiam notat, alios *Erycem* non *Butæ*, sed *Neptuni* filium fecisse. Nimirum, ut sæpe in Heroibus vidimus, revera erat *Butæ* filius, sed *Neptuni* dictus. & huc spectare puto verba auctoris *Ety-molog. M.* quæ præterierunt Cluverium, in *Βουτίδης. οὗτω Βούτης, Βούτου, Βουτίδης, τοῦ Ποσειδῶνος υἱός*. sed hinc alium scrupulum injicit Apollonius, qui d. I. narrans *Butæ* casum, jam *Venerem* vocat, Ἐρυκος μεδέουσαν, reginam *Erycis*, id est, Scholiaste explicante, *urbis Erycis*. si enim *Butæ* filius *Eryx*, eo tempore urbs certe *Eryx* nondum erat, vel saltem eo nomine insigniri non poterat, nisi πρόκλησιν statuamus, vel *Buten* illum diversum ab Argonauta. certe *Diodor. Sic.* lib. IV, p. 196, loquitur de *Bute*, ut ignoto vel indigena. nam *Erycem* filium *Butæ*, βασιλέως ἐρχορίου, dicit. *Polycaonem* filium *Butæ* memorat *Pausan.* lib. IV, 2; quem ignoro. Alius, sed ignorabilis plane, *Butes* memoratur ab interprete veteri *Ibidis* Ovidianæ vers. 609, de quo vide, quæ ibi diximus.



CÆNEUS. Elati filius, ab Hygino solo refertur inter Argonautas; sed suspicatur Munckerus, hic quædam ex Apollonio a glossatore quodam descripta, qui *Coroni* Argonautæ memoriam, cujus pater fuit *Cæneus*, voluit illustrare. quod tamen nescio an persuadeat, cum in ultima parte illius capituli XIV recenseat *Cænea alterum, Coronis filium* (ubi certe *Coroni filius* legendum) quem neminem novisse ait, cum *Coronus* fuerit filius *Cænei*. & certe loca illa Hygini male affecta esse credibilius est, quia nusquam mentio *Coroni* occurrit, quem alii annumerant Argonautis. quare in primo loco assentimur Scheffero & Munkero, qui nomen *Coroni* excidisse credunt, & suppleunt, *Coronus Cænei filius, urbe Gyrtone*. Scholiastes tamen Apollon. 1, 57 dicit, quosdam *Cænea*, non *Coronum* inter Argonautas retulisse. forte hæc confusio inde nata, quod quidam *Cænea*, non *Elati* filium, sed etiam *Coroni* filium fecerint, quos secutus Hyginus fuit. ita certe auctor Scholiorum Homeri, in Iliad. B. 745, *Καινεΐδαο*, ut ibi *Leonteus* vocatur, explicat *Καινεός, παῖδας Κορώνου*. Carrion Catalogo suo adscripsit quoque *Cænea*, ut ab Orpheo memoratum; sed ille vers. 167 de *Polyphemo* *Cænei* fratre agit, non de ipso *Cæneo*; nisi in corrupto illo versu 168 lateat *Cæneus*. de *Cæneo* vero *Lapitharum* in pugna, ejusque miraculis vid. Ovid. XIII, 459 & seq. ubi & *Elateius* dicitur vers. 497.

CALAIS, cum fratre ZETE. nati ex Borea & Orithyia, quæ filia fuit *Erechthei* Atheniensis regis, filii *Pandionis*: ab omnibus inter Argonautas relati, ut & ab *Oppiano* II *Cyneg.* vers. 621. Hæc *Boreas*, filius *Strymonis* a quibusdam habitus, rex *Thraciæ*. vide *Schol. Apollon.* lib. I, 211. qui rapuit ex *Attica* *Orithyiam* *Erechthei* filiam. vide *Apollod.* lib. III, XIV, § 2. *Schol. Pindari* ad *Pyth.* IV, 324 docet, *Boream* virum quendam *Thracem* fuisse, quia *Thracas* *Græci* *Boreïous* vocarent, & filios *Boreæ* venti dictos, quia erant velocissimi pedibus; & *Calain* dictum, quasi *καλῶς ἄοντα*, *Zeten*, quasi *ζαήτην*, id est, *ἀγαν ἄοντα καὶ πνέοντα*. quibus similia habet *Eustath.* ad *Odyf. E.* circa fin. pag. 240 *Ed. Basil. Stat. V Theb.* 406 velis ministrantem *Calain* inducit, unde forte alas ipsi tribuerunt poetæ, eodem modo ut *Perseo*, *Dædalo*, & aliis, ut notum est ex *Mythologis*. Matrem *Orithyiam* confundunt quidam cum alia ejusdem nominis: *Scholiast.* enim *Apollon. d. 1.* facit *Ce-*

*cropis* filiam; cum hæc fuerit *Erechthei*, altera vero *Cecropis* II, quæ, nupta *Macedoni*, *Europum* genuit, teste *Stephano*. vide *Meurs. Reg. Att. II, cap. 13 & 14.* Sororem habuere hi Argonautæ *Cleopatram*, quæ nupta *Phineo*. de qua noster *Flacc. lib. IV, 464,* & cujus historiam enarrat *Triclinius* ad *Sophocl. Antig. 977,* & *Scholiast.* ad vers. 992: ad quem obiter notandum, illum *Scholiasten*, quisquis sit, narrare maximam partem ex *Apollodori* Bibliotheca, in cujus tamen lib. III, cap. XIV, § 2, ita ut nos habemus, & aliter, & brevius narratur. unde confirmari posset opinio *Barthii* ad *Stat. I Theb.* 121, nos tantum magni & immensi operis *Mythologici* habere epitomen. ex hæc *Cleopatra* *Phineus* tulit *Plexippum* & *Pandiona*, vel, ut alii, *Gerumban*, & *Aspondum*. hos ad Argonautas venisse, contra injurias novercæ auxilia petentes, & cum iis abiisse in *Colchida* narrat *Diod. Sic. lib. IV, pag. 172.* hos *Boreadas* mortuos esse in persequendis *Harpyiis* quosdam tradere, alios vero circa *Tenum* insulam ab *Hercule* occisos, narrat *Apollodorus d. 1.* *Hyginus* telis ab *Hercule* confectos refert. quo respicit *Senec. Med. 634:*

*Stravit Alcides Aquilone natos.*

ubi vide *Delrium*. Condidisse *Calain Cales*, urbem in *Campania*, auctor est *Silius Ital. lib. VIII, 514,* quam & lib. XII, 525 *Threiciam Calen* ideo vocat. sed *Cluverius Ital. Antiq. lib. IV, cap. 6,* poetam ex similitudine vocabulorum id finxisse censet, cujus sententiæ accedit eruditionis summæ vir *Camillus Peregrinus* dissert. II de *Campania Felice* pag. 316. sed idem vir summus non observasse *Cluverium* notat, *Silium* de ejus situ contraria dixisse; cum enim lib. XII recte eam inter *Campanas* retulerit, lib. VIII eam collocat in *Pelignis*. Unde vero editor numismatum egregiorum ex *Museo Jacobi de Wilde* resciverit, caput juvenis alati in nummo *Amisi* urbis *Galatiæ* esse *Calais*, nescio. & vellem nobis vel unicum testimonium veteris scriptoris protulisset, quo suspicionem de *Calai*, conditore *Amisi*, firmasset. unde etiam *Cales* urbem, de quo modo vidimus, *Calesium* vocatam didicerit, vellem indicasset. persuasum tamen etiam *cl. Jac. Gronovio*, caput in nummo *Amisi*, esse *Calais*, video ex tomo I *Thefari Ant. Græc.* in quem eum contulit; sed de urbe *Amiso* mentione nulla facta: quod tamen oportuit. Ex *Hygino* tantum



fab. 273 (non 237) memorat, Calain in ludis, quos Acastus fecit, Argivis, vicisse diaulo: de quibus ludis in *Acasto* egimus. si iis vero Calais & Zetes vicerint, vixere certe post expeditionem Argonauticam. sed quo tempore ab Hercule perierint, nescio. Dion Chrysoft. in Corinthiaca p. 458, quem indicio cl. Gronovii locum debemus, hoc certamen a Neptuno & Sole institutum ait, in quo & Argo navis vicit, quæ postea a Jasone fuit consecrata. ubi in Isthmo certamen, non Argis, fuisse commissum dicitur, & nulli, nisi Argonautæ, certasse; non alii, quos Hyginus admiscet. Ceterum *Calain* & *Zeten* sæpe a scriptoribus confusos cum *Amphione* & *Zeto*, observavit vir eruditissimus Schurtzschichius in Animadversionibus ad Longin. cap. X, pag. 66.

CANTHUS. & hic omnibus memoratus scriptoribus. *Abantiades* dicitur Apollon. I, 78, & Scholiastes facit filium Canethi, (unde mons in Bœotia,) qui filius *Abantis*, unde Eubœæ incolæ *Abantes* dicti. quocum & Orpheus facit, qui vers. 139:

Κάνθος δ' Εὐβοίανδεν Ἀβαντιάδης ἐπέριπεν.

Valerius vero lib. I, 453 genitorem *Abanta* vocat, & lib. VI, 321, Euboicum facit. Abantes vero plures fuisse, & alios etiam *Abantiadas* vocari vidimus in *Arejo*. quare nostrum deducere licet ex illo Abante, qui Melampodis filius, nepos Amythaonis, pronepos Crethei fuit, ut ita genere Jasoni fuerit conjunctissimus. Hygino dicitur *Ceriontis* filius, quod nomen certe corruptum est. Hic non rediit domum, sed, ut Hyginus refert, in Lybia a *Cephalione* cum Eurybate interfectus. Apollon. lib. I, 485, a Caphauro filio Nasamonis & Tritonidis Nymphæ, (qui filius *Amphithemidis*, vel *Garamantis*; & ille ex *Acacallide* minori filia filius *Phœbi*) cujus pecus abigere volebat, lapide ictum canit: Orpheus 141 simpliciter in Libya periisse dicit: Valerius ab his dissidens, eum lib. VI, 317, & VII, 422, in pugna cum Perse a *Gefandro* interemptum memorat. Maserius ad lib. I, 451 ad *Canthum* refert illa Senec. *Medea* vers. 622:

*Aulis amisse memor inde regis &c.*

quæ alii ad Tiphyn, alii Erginum spectare censent. vide Scaliger. ad Propert. III, 6, 23. sed locus ille mihi nondum planus esse videtur.

CASTOR & POLLUX. fratres, Jovis filii, *Dioscuri*, no-

tiores fere, quam ut describi possulent. nam & nulli hujus expeditionis scriptori præteriti: nemo ignorat etiam Jovis & Ledæ filios dici. In qua generis origine hoc solum, quia omnia reliqua obvia, observandum, quod etiam Jasoni conjuncti fuere sanguine, & familiam *Æolidarum* contigerint. *Æoli* enim filia fuit *Calyce*, quæ ex *Æthlio* suscepit *Endymiona*, cujus filius *Ætolus*, ejus *Pleurón*, hujus *Agenor*, illius *Demonice*, quæ ex *Marte* tulit *Thestium*, patrem *Ledæ*, qui rex fuit *Æoliæ*. vid. Apollod. lib. I, cap. 7. sed in hoc stemmate hoc incommodum, quod cum tot gradibus *Thestius* ab *Æolo* distet, vix ejus ætas temporibus hujus militiæ congruere posse videtur, cui tot dedere nomina posterum *Æoli*, multo propiore gradu eum contingentes. Sed idem in *Ancao*, *Iphiclo* & aliis occurrit, nec tales in historia Mythica nodi nos morari debent, cum sæpe ejusdem nominis avos & nepotes confuderint poetæ. possunt tamen *Dioscuri* propius *Æolo* admoveri, si per patrem *Tyndarea* ascendamus: ille enim filius *Perieris*, & nepos *Æoli* fuit, ut Apollodorus stemma deducit lib. I, cap. IX, § 5. qui tamen alios *Perierem* *Cynortæ* filium facere addit, qui fuit filius *Amyclæ*, & hinc lib. III, cap. X, § 3 & 4, ex *Cynorta* deducit *Perierem*, ex illo *Cæbalum*, & ex eo *Tyndareum*. sed hinc etiam perturbationes plurimæ temporum: si enim *Tyndareus* tertius ab *Æolo*, qui potuit *Leda*, quæ nona ab illo fuit, ejus conjux fuisse? neque etiam *Castor* & *Pollux* multo infra hæc tempora detrudendi, cum ante Trojani belli tempora jam e medio excefferint; quod si etiam verum sit, qui credibile est, *Helenam*, eorum forem, belli Trojani potuisse esse auctorem? si enim illa filia *Tyndarei* fuit, decrepitam anum fuisse, cum Trojam irent *Græci*, oportet. quem nodum non aliter solvit *Servius* ad *Virg. II Æneid. 601*, nisi quod *Pollux* & *Helena* fuerint immortales, ideoque non senectæ vitiis obnoxii, *Castor* vero mortalis: quæ ratio nulli satisfacere poterit. Idem *Servius* observat, *Argonautarum* filios interfuisse bello *Thebano*: illorum vero filios Trojano. sed inextricabiles hos nodos relinquamus. sunt &, qui *Castorem* & *Pollucem* ex *Nemese* genitos, a *Leda* vero, jam anu scilicet, nutritos. vid. *Had. Jun. I Animadv. 15*. nihil præterea de nobilissimis his fratribus addere vacat, nisi, quia gemini & vultibus ita similes fuerunt, ut vix dignosci potuerint, ita



fuisse confusos a veteribus, ut Castori tribuerit hic, quæ alius Polluci, & non modo *Castoras* utrumque vocaverint, sed nec in artibus, quibus alteruter excelluit, constiterint. *Castora equo gaudere* Horat. II Sat. 1, & I od. 12, & alii dixerunt: sed Polluci equum *Cyllarum* & equestrem scientiam Propertius lib. III, eleg. 21, & Virg. III Georg. 89, attribuunt, quia nempe equus ille communis utrique, & poetis hæc licentia permittatur. vide Serv. ad Virgil. VIII Æneid. 642. cum vero hanc ad expeditionem se Castor fuccingeret,

*Passus Amyclæa pinguescere Cyllaron herba,*

ut noster canit lib. I, 426; & *remo permutat habenas*, ut Statius VI Theb. 329. ubi vide Lutat. & præterea operæ pretium tuleris, si adieris Tristani Tom. II Comm. pag. 268.

CEPHEUS. omnibus memoratus. Arcas fuit, & filius *Alei*, Lycurgi frater. vide in *Ancæo* priore, & *Amphidamante*. Apollodorus lib. III, cap. 9, ex Pelasgo ejus originem deducit; inter filios vero *Alei* omittit *Amphidamanta*, ut vidimus. vide Pausan. VIII, 4. Scholiastes vero Apollonii lib. I, 161 duos hoc nomine fuisse Arcadas dicit, unum *Cephea*, *Alei* filium; alterum, cujus *Hellanicus* meminit in *Arcadicis*, sed, quis ille fuerit, non addit. fuisse potuit *Cepheus* filius *Jasii*, quem memorat *Aratus* in *Phænom.* vers. 179; quamvis *Theon* *Jasidem* dici non a patre, sed ab *Io*, *Inachi* filia, velit, ut sit *Cepheus* *Agenoris* filius, de quo mox videbimus. & ita *Germanicus* vers. 184:

*Jasides etiam cælum cum conjuge Cepheus*

*Ascendit.*

*Avienus* quoque vers. 440 *Jasidem* vocat. sed potuit *Aratus* *Cephea* *Agenoris* confudisse cum *Jasii* filio: *Jasius* enim *Arcas* memoratur *Pausan.* lib. V, 8, & VIII, 48. ubi cum capite 47 narrasset, *Cephea*, *Alei* filium, posuisse *Tegeæ* templum *Minervæ Poliatidi*, potuit & illos confudisse *Pausanias*. *Tegeæum* fuisse *Cephea* etiam noster lib. I, 375 indicat. *Pausan.* lib. VIII, 23 *Caphyarum* conditorem facit. *Stephanus* vel a *Capy Anchisæ* patre, vel a *Cepheo*, oppidi nomen repetit. *Cepheus* vero ille habuit *Æropum*, & ille *Echemum*. *Pausan.* VIII, 4 & 5, & ejus nomen apud *Herodotum* IX, 29 corruptum fuisse in *Phegea*, vidimus ad *Ovid.* IX *Met.* 412. Tertius vero *Cepheus* *Andromedæ* pater huc non pertinet: fuit enim ille, ut no-

tum, æqualis *Perseo*, qui fuit proavus *Herculis*, & ita expeditioni huic interesse non potuit: unde dubito, an de *Cepheo* hoc capienda sint, quæ ex antiquo, sine dubio, scriptore profert *Apostol.* Cent. XVI, Adag. 22, ubi *comam Gorgones* dictam fuisse *Asteropæ*, *Cephei* filia, dicit, quo tempore *Cepheus* cum *Hercule* militabat in *Lacedæmonia*, ut illo absente *incolumis* civitas maneret. quæ de nostro *Cepheo* narrat paulo aliter *Pausan.* VIII, cap. 47. & tunc forte *Herculem* hospitio excepit *Cepheus*, ut *Val. Fl.* I, 375 dicit. sed in fabula duos *Cepheos* esse confusos puto. nam neque *Cepheus* rex *Æthiopum* potuit cum *Hercule* militare, cum ipse jam grandævus esset, quo tempore *Perseus* *Andromedan* liberavit, qui longe ante *Herculis* natales vixit. neque noster *Cepheus* potuit *comam Gorgones* a *Perseo* accipere, nisi fingamus per manus traditam ad eum devenisse. auctor supplementi ad *Lexicon Moreri*, *Cephea* filium *Alei*, pro *Alei* facit; nisi operis adscribere malumus id mendii.

*CIUS*. hic a nullo scriptore *Argonauticorum*, quod sciam, memoratur. sed reperi hunc apud *Strabonem* lib. XII, p. 564, ubi narrat, *Hylam* *Herculis* comitem raptum fuisse fabulis tradi, simulque alterum comitem *Herois* *Cium* reversum ab expeditione *Colchica*, urbem sibi cognominem condidisse: quod *Strabonis* testimonium laudat etiam *Eustath.* ad *Dionysii Periegesin* vers. 806, ut *Scherpenzeelii* diligentia animadvertit. *Casaubonus* vero ex *Scholiaste* *Apollon.* I, 1346 observat, hunc *Cium* ducem *Milesiorum* fuisse, & idem *Scholiastes* ad lib. I, 1175, urbem hanc coloniam fuisse *Milesiorum* duce *Cio*, narrat, cujus meminit *Scylax*. Plura de hoc non observavi.

*CLIMENUS*, sive *CLYMENUS*. Soli *Valerio Flacco* celebratus lib. I, 369. neque certi hic aliquid reperio, unde efficere liceat, quis ille fuerit. Vocat poeta eum fratrem *Iphicli*, quod incertiores nos facit, cum duo *Iphicli* fuerint inter *Argonautas*. si vero intelligatur *Iphiclus* *Thestii* filius, ille frater *Althææ*, *Clymenus* vero *Penei* filius. & ita fuisset *Iphiclus* *Clymeni* avunculus, si ex *Althæa* natus fuit *Clymenus*, quia & *Althæa* fuit filia *Thestii*. vide *Apollodor.* lib. I, cap. 8; qui & lib. II, cap. 4, § 11 vocat *Minyarum* regem *Clymenum*, quem auriga *Menœci* *Petieres* lapidis ictu vulneravit. patrem etiam *Ergini* fuisse



addit. sunt tamen, qui in Valerii loco legant, *Clytium* & *Iphium*, de quibus in illis Argonautis vidimus. Addit Apollodorus, *Clymenum* vulneratum, fuisse portatum in urbem Orchomenon. quare forte idem esse potuit, qui filius Orchomeni dicitur a Stephano in Ἀσπλίδων, cujus tres erant filii,

Ἀσπλίδων Κλύμενός τε, καὶ Ἀμφίδοκος Θεοειδής.

vid. Eustath. ad Homer. Iliad. B. 511. Scholiastes vero Apollon. lib. I, 185 dicit, patrem Ergini *Clymenum*, fuisse filium Presbonis, & Buziges filiae Lyci. Presbon vero fuit filius Minyæ & Clytodoræ, teste eodem Scholiaste ad vers. 230. Auctor vero Etym. M. dicit, Presbonem fuisse patrem Splendonis, sive Asplendonis, uxorem ei fuisse Steropen. sed Stephanum Asplendonis & simul Clymeni patrem Archomenon facere vidimus. diversus ab hoc *Clymenus* Telei filius, cujus historiam narrat Parthenius in Eroticis cap. XIII, & Hyginus fab. CCVI, (ubi *Schænei* filius dicitur) & CCLIII, & CCLV. Filia ejus *Harpalyce* vocatur, quo nomine aliam ardentissimo amore in *Iphicium* incensam fuisse refert Turneb. X Adv. II; sed non addit, quo ex auctore hæc habeat. legitur vero apud Athenæum lib. XIV, cap. 3. quod si constaret, hinc appareret, cognomines illas mulieres confusas; nam & *Iphicium* Clymeni fratrem vidimus fuisse. præterea hunc *Clymenum* confusum cum nostro inde etiam colligo, quia filium, quem ex incesto coitu cum *Harpalyce* filia sustulit, Presbonem vocat Eustathius ad Iliad. E. vers. 219, pag. 976, ita vocatum certe propter Presbonem, Clymeni patrem. quod vero addit Turnebus, canticum quoddam *Harpalycen* ab illa, quæ *Iphicium* amavit, esse dictum, verum esse potest; quia alia *Harpalyce*, aut a patre interfecta, aut in Chalcidem mutata dicitur. hanc vero, forte ab *Iphiclo* repulsam, ex desperatione se præcipitem dedisse: & hinc de infelici ejus exitu canticum hoc fuisse compositum & celebratum, conjicere licet ex Eustathio, qui ad Homer. II. Φ. vers. 280, pag. 1324, dicit *Calycen* esse canticum Stesichori, in quandam *Calycen*, quæ per amorem se præcipitaverit, esse et alterum *Harpalycen* de similli casu. quænam autem illa *Calyce* sit, ignoro. fuit certe quædam foror Pisidices *Calyce*. sed etiam eo nomine matrem Cygni, quem ex Neptuno suscepit, fuisse, docebunt te notæ Heinssii ad

Ovid. Epist. XIX, 133; quamquam Munker. ad Hygin. fab. CLVII, pro *Calyce*, conjecerat *Harpalycen*, vel *Harpalen*. sed matrem Cygni *Calycen* fuisse dictam hinc puto firmari posse, quia, quemadmodum Stesichorus, teste Eustathio, oden illam Καλυκην scripsit, ita idem poeta scripsit Κύκνον, quem citat Scholiast. Pindari ad Olymp. X, 19: Στησιχορος ἐν ἐπιγραφομένῳ Κύκνω ἱστορεῖ; quamvis *Calycen* illam non fuisse matrem Cygni ex Athenæo lib. XIV, cap. 3 colligere liceat, qui laudans Stesichori carmen, dicit fuisse illam captam *Evathli* amore, & repulsam se ex *Leucade* præcipitasse, & fuisse virginem pudicam & moribus probatissimis. Ita nihil in his certi, quo consistamus, reperire licet. Sed hæc nos longius a *Clymeno* abduxerunt. alii videntur hunc eundem fecisse, qui *Periclymenus*: (licet Valerius ambos referat) nam in *Ergino* videbimus, illum *Periclymeni*, & ab aliis *Clymeni* filium statui: ut & mater *Jasonis* & *Admeti* ab his *Clymene*, ab illis *Periclymene* vocatur.

CLYTIUS. Orpheo, Apollodoro & Flacco nostro ignotus, sed ab Apollonio lib. I, vers. 86 cum *Iphito* ex *Cæchalia* venisse dicitur: quare aliqui in Valerio eum *Clymeno* voluisse substituere vidimus. Scholiastes dicit, fuisse filios *Antiopes*. Pater ejus fuit *Eurytus*: sic Hyginus vocat, quem regem *Cæchaliæ* ex Homero fuisse Scholiastes dictus ostendit, de quo in *Euryto* videbimus. Scholiastes ad *Trachin*. 268, ex *Euryto* quatuor filios provenisse ex *Hesiodo* docet, inter quos *Clytius* & *Iphitus*. Matrem vero vocat *Antiochen*. Aristocratem vero tres filios statuere, præterito *Iphito*, addit. idem ad vers. 355, filios *Euryti* ab *Hercule* occisos præter *Iphitum*, qui in *Eubœam* fugit, narrat. Hyginus matrem dicit fuisse filiam *Pylonis*. sed & hunc ignoro; neque de *Clytio* aut *Iphito* plura indagare potui. *Pythius* male vocatur in vitiosis *Diodori Siculi* lib. IV, pag. 169, codicibus, cum *Clytius* dicendus sit.

CORONUS. Cænei filius, de quo jam aliquid supra in *Cæneo* vidimus. memoratur hic Orpheo vers. 136, Apollonio lib. I, vers. 57, & Apollodoro: aliis omittitur. Duo autem fuerunt Cænei, unus *Atracis*, alter *Elati* filius, qui fuit pater nostri *Coroni*. De hoc *Elato* & *Cæneo* non repetemus hic, quæ diximus ad Ovid. XII Met. vers. 186. Rex fuit *Perrhæborum*, quorum urbs erat *Gortyna*. vide infra in *Po.*

Val. Flaccus.

d



*lyphemo*. Hic *Coronus*, Lapitharum dux, in bello contra Ægimium, Doriensium regem, cui Hercules se socium ad-diderat, ab hoc fuit interfectus. Apollodor. lib. II, cap. VII, § 7. Hujus filius fuit Leonteus, qui in bellum Tro-janum cum Polypœte, filio Pirithoi, profectus fuit; vide Homer. Il. B. 744, ubi Eustathius dicit, eum cum Poly-pœte Lapitharum ducem fuisse factum, cum Pirithous cum Theseo ad inferos expeditionem sumserat, rapiendæ Proserpinæ causa. meminit ejus etiam Dictys lib. I, cap. XIII; & Hygino cap. XCVII restituit eum Micyllus. eun-dem inter procos Helenæ recenset Apollodorus lib. III, cap. IX, § 8. An hic fuerit *Coronus* ille Lapitha, (ita enim puto vertendum, non *filius Lapithæ*) cujus filiam Lysiden Ajax habuit uxorem, teste Stephano in *Φιλαιδα*, nescio. ex his vero Philæum natum dicit Stephanus. & Herodo-tus lib. VI, 35, Miltiadis genus ex Philæo, filio Ajacis, deducit, qui Atheniensi civitate donatus, tribuit nomen tribui Philidarum: nescio vero, unde in Indicem retulerint editores Philæum, Æaci filium; certe Herodotus id non dicit, sed Ajacis filium fuisse. ut et Marcellinus, auctor vi-tæ Thucydidis, in initio, ubi *Φιλαιδας* dicitur; ubi Hud-sonus ex aliis scriptoribus Philæum hunc illustrat. alius *Coronus*, filius Therfandri, ab eodem Stephano memora-tur in *Κορωνεία*. qui Therfander fuit filius Polynicis. vide Schol. Apollon. IV, 1764, & Pausan. IX, 34, qui & Ther-fandrum Sisyphi filium facit.

CYLINDRUS. hunc solus Hyginus refert inter filios Phixi & Chalciopes, qui ex insula Dia Argonautis\* accef-tere. sed cum nemo alius eum hoc nomine agnoscat, puto corruptum hoc nomen esse, & locum dandum CYTISORO, qui & *Cytorus* dicitur, quem omnes agnoscunt, & Munckerus etiam ad fab. III, pro *Cylindro* reducendum credit, & He-rodoto, Melæ, & aliis *Cytisorum* dici docuit. Valer. Flac. V, 461, etiam *Cytisorum* vocat: ut & Schol. Apollon. II, 390, & ipse Apollon. lib. II, vers. 1159. reliqua vide in *Argo*.

DEILEON. cum fratribus Autolyco & Phlogio accessisse Argonautis ad Sinopen dicitur ab Apollon. II, vers. 957, & Val. Fl. V, 115. vide supra in *Autolyco*. hic, ut recte suspicatus est Munckerus, corrupte apud Hyginum vocatur *Demoleon*, nam conjungitur fratribus suis, ut ab aliis scri-

ptoribus. hunc scriba, cum sciret, ab Homero *Demoleonta*, filium Antenoris, memorari, pro *Deilonte* forte supposuit.

DEUCALION. memoratus Hygino & nostro poetæ. Hy-gino est Minois & Pasiphaes filius. & certe inter filios Mi-nois eo nomine unus memoratur ab Apollod. lib. III, cap. I, § 2, & Diodoro lib. IV, pag. 183, & lib. V, pag. 238, ubi patrem Idomenei fuisse scribit. vide Meursii Cretam lib. III, cap. 3. & ætas satis congruere pro ratione chro-nologica Mythici temporis posset. Nam & Theseus huic ex-peditioni socius a multis refertur, quem Minois ætate vi-xisse constat: & filius Deucalionis, Idomeneus, Trojano bello interfuit, cum aliis filiis Argonautarum. tamen inter quatuor *Deucaliones*, quos recenset Schol. Apollon. III, 1085, etiam ille Minois filius legitur. Fuit & alius, Aban-tis filius: qui si Abas Melampodis filius fuerit, ex Crethei genere, & cognatione Jasonis fuisset *Deucalion*. vid. supra in *Cantho*. sed de hoc nihil reperi. Valerio vero nostro lib. I, 366 dicitur frater Amphionis, ex Hypso matre, & Hyperesio patre, & venisse ex Pella. vide, quæ in *Amphione* notavimus. Et ille forte erit, cujus Hellanicus meminit apud Scholiasten Apollonii, qui nihil de genere aut pa-tria addit. Pius ad Valerii locum *Deucalionem* hunc extru-dere conatur, & *Asterium* pro eo inferere, qui Phylaci & Clymenes filius, frater Alcimedidis fuit. sed forte adscribe-rit aliquis glossator *Deucalionem* Asterii fuisse nepotem, Mi-nois filium: nam ita Mythologi plures stemma deduxe-runt; vid. Diodor. lib. IV, pag. 183, & Meurs. Cret. lib. III, cap. 2.

ECHION. nulli omissus, filius Mercurii & *Antianira*, ut recte Schefferus apud Hyginum nomen matris correxit, ex Apoll. I, 56. Orpheus vero *Laothoen* Mereti filiam vo-cat vers. 134, ubi tamen melius *Μεγέροιο* legeretur. & apud Hygin. 160 legendum puto, *Echion ex Antianira & Eury-tus*. Geminus fuisse Eurytum & Echiona, ex Pindari IV, Pyth. 316 colligere licet, nam *Διδύμους* vocat: Æthalides vero Mercurii filius ex alia matre fuit, ut vidimus. Ex Alo-pe venisse dicuntur: cum vero variæ fuerint hoc nomine urbes, ut ex Stephano & Strabone est manifestum, Hygi-nus addidit, quæ nunc vocatur *Ephesus*. quæ verba an ab Hygini manu sint, dubito. Plinius etiam lib. V, 29: *Alope &c. vocata est Ephesus*. sed verosimilius puto ex Alope Thessa-



lica, ab Alope Cercyonis, vel Actoris filia, dicta, venisse. & ita quosdam putare addit Hyginus. & Scholiast. Apollon. I, 51 dicit, esse civitatem Thessaliæ, vel Magnesiæ: Orpheus *πετρήσσαν* vocat, quod epitheton non convenire puto Epheso, sed bene urbi Thessaliæ, quæ regio montosa. Movere etiam aliquem posset, quod *Arcas* vocetur lib. VII, 543, & *Nonaeria* proles IV, 141. sed hoc ratione patris Mercurii, qui in Cyllene Arcadiæ natus fingitur, unde & *Parrhasio galero* eum ornat Valer. IV, 137. Hic *Echion*, ut decebat Mercurii filium, astutus & dolosus, exploratoris munere inter Argonautas functus fuit. Idem videtur fuisse, qui inter apri Calydonii venatores cum fratre Euryto, vel Eurytione memoratur Ovidio lib. VIII Met. 312, & templum Matri Deum fecisse eidem dicitur lib. X, 686. Alios hoc nomine, ut socium Cadmi, & patrem Penthei, & alium conditorem Echinadarum hic recensere nihil attinet.

ERGINUS. a nemine omissus, Neptuni filius Apollodoro, Hygino & Valerio Flacco I, 415. peritissimus rei navalis & siderum, & ideo quasi vicarius Tiphys, cui mortuo etiam successit. vid. Val. Fl. V, 65, & VIII, 177. & hunc respicere illa Senecæ Medea 617

*Tiphys in primis domitor profundi*

*Liquit indocto regimen magistro.*

putat Maserius ad Val. I, 416. Scaliger etiam ad Propert. III, 23 sequentem vers. 622 *Aulis amissi memor inde regis*, ad *Erginum* referebat. vid. in *Cantho* quæ diximus. Scholiastes vero Apollonii ad lib. I, vers. 185, facit Clymeni & Buziges filium, nepotem Presbonis, de quo vide in *Clymeno*. qui cum & *Periclymenus* dicatur, Hyginus dicit, quosdam eum Periclymeni filium dicere. Schol. Pindari etiam ad Od. IV Olym. 31, Clymeni filium facit. sed idem ad Od. IV Pyth. 61, Periclymenum, Erginum & Ancaum filios Neptuni dicit. unde videmus, sæpe filios & nepotes alicujus promiscue dici a veteribus. quare Scholiastes Apollonii eum vocat *Ποσειδῶνος ἀπόγονον*. & possunt hæ diversæ sententiæ ita forte in unum coire, si stemma hoc modo deducatur. Minyas creditus filius Bæoti & Hermippes, sed φύσει erat Neptuni; licet Hyginus fab. 157 ipsum Bæotum filium Neptuni faciat. Minyæ ex Clytadora erat Presbon, & Periclymene & Eteoclymene; Schol. Apollon. I, 230. ita ergo per Presbontem ex Neptuno descendit, & simul ex Minya-

rum familia. Minyam Chryse & Neptuni filium facit Pausan. IX, 36, ejusque filium Orchomenum: quo sine liberis mortuo, regnum Orchomeniorum ad Clymenum Presbonis filium transit. Presbon vero etiam filium Clymenum habuit, ut vidimus modo. per matrem etiam descendebat ex Neptuno: Clymeni enim uxor Buzyge, erat filia Lyci, teste Scholiaste Apollonii I, 185. Lycus vero etiam Neptuni filius, Hygino fab. 157, & Celænus, Ergei filia, quam tamen Atlantis filiam facit Apollodorus lib. III, cap. 10, § 1. Tzetzes vero facit filium Promethei & Celænus. Eustathius ad Homer. Iliad. B. 511, pag. 206, *Erginum* Clymeni filium facit, qui Thebas vectigales fecit, & habuit, donec Hercules interfecerit *Erginum*, Ascalaphi & Jalmeni progehitorem. *Ergini* filium dicit fuisse Azea, ejus Actora, cujus fuit Astyoche, & ex illa Ascalaphus & Jalmenus. vide & Schol. Pindari Olym. IV, 2, & Pausan. IX, 17 & 37, ubi in fine agens de Astyoche, dicit eam fuisse filiam Actoris, Ἀζέως (corrigere Ἀζέως) neptem, Clymeni proneptem, omittens *Erginum*. qui tamen, an idem *Erginus* fuerit, qui Argonauta, dubitari potest, quia ille Orchomeni rex dicitur, & ex Minyis descendere, noster ex Mileto venisse refertur ab Apollonio, Orpheo & Hygino. si duo diversi fuerunt, eorum res gestas inter se confusas statuere debemus. Ceterum Orpheus vers. 150 dicit:

Ἦλυθε δ' Ἐργίνος, Βράγχου παχύπυρον ἄρουραν  
Ἐκπρολιπών.

quæ interpres vertit, venit etiam *Erginus Branchi*, ita distinguens, quasi filius Branchi fuisset. & ita cepit Eschenbachius, qui hoc pugnare cum aliis dicit, qui Neptuni filium faciunt, quia erat ἀπόγονος Neptuni. sed Branchus vulgo Apollinis filius statuitur. vide Lutat. ad Stat. VIII, 198; quamvis ex Varronis, quem adducit, loco, potius ejus amafius videatur fuisse, ut & ipse Lutatius ait ad lib. III, 478, ubi Thessalum dicit fuisse. vide & Conon. Narrat. XXXIII, & Menag. ad Laert. I, 72. quare illa Orphei ita capienda, ut conjunctim ἐκπρολιπών ἄρουραν Βράγχου vertantur, *linquens terram Branchi*, id est, Miletum, vel ejus agrum, ubi erat templum Branchi, de quo omnia nota, & dicta aliis hic non repetenda videntur.

ERIBOTES. Teleontis filius, memoratus Apollon. I, 732



Valer. Flacco I, 402, & Hygino. Orpheus & Apollodorus eum ignorant. obscurior hujus Argonautæ origo: nam hic Teleon, ejus pater, diversus est a Teleonte, patrè Butæ, ut notat Scholiast. Apollon. ad lib. I, 94. nec tamen indicat, quis fuerit, aut unde oriundus. Eundem etiam esse, qui *Eurybates* ab aliis vocatur, ex Herodoto notat idem Scholiastes ad vers. 73, & Hyginus in fine cap. XIV dicit in reversione periisse *Eurybaten* Teleontis filium, quem antea *Eriboten* vocaverat: eodem modo, ut mox *Erytum* & *Eurytum* eundem fuisse videbimus. Maserius in notis ad Val. Fl. I, 401 ait, Orphea scribere, *Eriboten* Medicinæ peritissimum fuisse, & Oilei vulnus, a Stymphalidibus illatum, sanasse. quæ ego reperire non potui in Orptheo, sed ea narrat Apollonius lib. II, vers. 1032 & seq. & tamen in Lexico Historico secure compiler hoc ex Orptheo quoque tradit. Pausanias lib. V, 17 in ludis funebribus Pelix *Euryboten* disco certasse narrat. Sed quis fuerit ille, incertum esse ait. forte noster Argonauta *Eurybates* fuit, quem non mirum nos ignorare, si Pausanias nihil certi de eo resciscere potuit. An interciderit memoria hujus Herois, quia postea *Eurybatis* nomen ita infamatum fuerit propter furem & scelestum *Eurybaten*, vel *Eurybatum*? (de quo vide Suidam & ibi annotata) ut *Eurybaten* pro scelesto homine usurparent. ita utitur apud Athen. IX, 8 Amphis. vide & Alciphron. Epist. III, 20, & ibi notas Bergleri, & Eustath. ad Homer. Il. A. 328, ubi mentio *Eurybatis* Κίρκος. dicit inde *εὐρυβατεύεσθαι* pro *πονηρεύεσθαι*, & proverbium *εὐρυβάτην πονηρὸν οἶδεν ἄνδρα*, ortum, & sic omnes Paræmiographi. *Eurybatum* alium, Euphemi filium, memorat Anton. Liberal. Metam. cap. 8.

EUMEDON. soli Hygino memoratus, cui Liberi Patris & Ariadnæ, Minois filix, filius est, & ex Phliunte venisse dicitur; ita ut frater fuerit Phlejantis & Staphyli, de quibus infra videbimus: nusquam vero hunc Argonautam deprehendere potui, neque ejus nomen inter filios Bacchi, quos enumerat Scholiastes Apollon. III, 996. quare eum indagandum felicioribus relinquo.

EUPHEMUS. nulli Argonauticorum scriptorum neglectus, Neptuni filius, Tanarius patria, ex Europa, Tityi filia, Hygino. Tanari rex fuisse dicitur Scholiasti Pindari Od. IV Pyth. 61 & 307, in qua ode multa ejus mentio. Ad

versum 77 Neptuno ex *Europa* dicit natum, in ripis Cephisi fluvii. ad vers. 15 & 39 idem Scholiastes dicit natum ex *Mecionice*, Eurotæ filia, duxisse vero uxorem Alcmenes filiam Laonomen, & ex illo septimum decimum esse *Batum*, sive *Aristotelem*, qui condidit Cyrenem. Ad versum tamen 455 dicit, *Euphemum* in Lemno coisse cum *Malachè*, & inde natum *Leucophanem*, unde *Aristoteles* descendit, progenitor Arcefilai Cyrenæi, in cujus laudes hymnum illum cecinit Pindarus; & ibi plures *Euphemos* recenset Scholiastes. Tzetz. ad Lycoph. Alex. vers. 887, etiam filium *Mecionices*, sive *Doridos*, (ita enim viri docti emendant pro *Oridos*) filix Eurotæ, facit, & eadem fere, quæ Scholiastes Pindari, narrat. vide & Jo. Tzetz. Chiliad. II, 43, ubi triplicem matrem Europen & Mecenicen filiam Orionis, & Orida agnoscit. Illa *Oris* vero incognita Mythographis, Neptuni vel uxor vel amica, posset forte esse filia Ori, quæ & *Leis* dicitur, ex qua Neptunus etiam *Althepiam* suscepisse dicitur Pausaniæ lib. II, 30. in Apollonii editionibus lib. I, vers. 179. legitur vulgo,

Ταινάρων αὐτ' ἐπὶ τοῖσι λιπῶν Πολύφημος Ἰκάνε.  
ubi certè, ut jam observavit Simson in Chronico, *Εὐφημος* legendum esse constat, quia de hoc Argonauta ibi agere certum est: nam & *Polyphemi*, Elati filii, jam meminerat vers. 40. Quam indiligenter vero Hœlzlinus in Argonauticis versatus fuerit, notæ ejus ad hunc locum probant. cum enim *Euphemum* ab aliis dici annotasset, addit, Orphea eum ne nomine quidem novisse: cum disertim ejus mentionem faciat vers. 203.

Ταινάρειος δ' Εὐφημος ἔβη &c.  
sed video, quid fefellerit virum minime malum: neglectis Græcis Orphei verbis, Latinum interpretem consuluit, qui cum *εὐφημος*, litera prima minori scriptum, deprehendisset, vertit

Tanareusque CELEBRIS venit, Meleatidis vertices  
Linquens Aulonas.

& hanc versionem retinuit Eschenbachius. Pradierius omisit totum τὸ Εὐφημος: & hinc jam novum nobis Argonautam protulerunt *Tanarea* dictum, qui epitheto *εὐφήμου*, id est, celebris, ornatus ab Orptheo esset. hinc Carrion, Græcarum, ut vidimus, literarum rudis, in Catalogum suum ex Orptheo *Tanarieum* retulit, quem infelix Alardus in sua edi-



tione *Tanaricum* iussit vocari. Cribellus vero in versione metrica totum *Euphemi* nomen omisit, ut & Pradierium fuisse diximus. Egregium certe exemplum, ex quo discere omnes poterunt, quanti habendæ sint versiones, etiam doctissimorum virorum, & quam turpiter errent, qui illas consulere semper solent. Quo vero maxime celebratus est hic *Euphemus*, βῶλος ille, gleba fuit, quam in mare jecit, & unde nata insula Calliste, postea Thera dicta, quod in locis ex Scholiaste Pindari & Tzetze laudatis refertur, & ab Apollon. IV, 1562 & 1755; ubi vide & Scholiast. Præterea dicitur potuisse pedibus mare ita permeare, ac si per terram iter faceret. (quod idem de Orione narratur) quod explicat Tzetz. Chil. II, 41, quod fuerint gubernatores celeberrimi, qui nunquam mari damnum aut naufragium fecerunt. nam nolter *Euphemus* πρῶτος navis Argi etiam dicitur Schol. Pindar. d. I. vers. 36 & 61, & apud Apollon. lib. II *Euphemus* columbam de prora dimittit, ut iter per Symplegadas aperiret. *Euphemi* etiam in ludis Pelix meminit Pausan. lib. V, 17, & dicit comitem Jasonis fuisse. ex hoc forte descendisse *Euphemum* suspicor, cujus mentio fit apud Schol. Pind. od. Pyth. IX, 185, ubi de Antæi urbe Irassa agit; quem diversum esse ab Antæo, ab Hercule victo, sed alterum ait esse, ὃ συνέμασε Εὐφήμος, οὗ οἱ ἀπόγονοι μετόκησαν εἰς Κυρήνην. *Euphemi* etiam memoriam consecravit cl. Gronovius, & Thesauri Græci parti primæ fol. Ggg. inseruit. nec monuit, unde ejus imaginem petierit, neque etiam ex illa quidquam desumi potest, unde *Euphemi* efficiatur imago, cum vel Neptuno ipsi, vel cuicumque Neptuni filio, eodem jure accommodari possit. *Euphemum* vero ita effingere, ut in piscem desinat, mihi indecorum videtur, & Tritonem, Glaucum, aut alium marinum Deum, hac forma exprimere magis solitos crediderim. *Euphemum* *Eurybati* alicujus patrem modo in *Eurybato* vidimus, nobis non aliunde notum.

**EURYALUS.** Mecistei filius, hunc solus inter Argonautas numerat Apollodorus, ceteris indictum: *Mecisteus* vero fuit filius *Talai* & *Lysimaches*, Abantis filix. *Talaus* *Biantis*, & ille *Amythaonis*, qui *Crethi*, ita ut fuerit ex *Cretheidis*, unde & Jason. sed ille in tempora aliquantulum seriora incidit: nam & adversus Trojam navigasse dicit Apollodorus lib. I, cap. IX, § 13, & Pausanias II, 30, cum *Diomede*

illum Argivos ad Trojam duxisse ait ex Homer. Il. B. 564; quamvis ille posset alter, & forte ex ejus posteris, fuisse: nam & fratres ejusdem *Mecistei*, *Adrastus* & *Parthenopæus*, qui fuit inter septem duces contra Thebas, (quamquam *Parthenopæum* Apollodorus lib. II, cap. VI, § 3, faciat *Melanionis* filium, sed Paus. II, 20, & IX, 18, *Talai*) & soror *Eriphyle* nupta *Amphiarao*, qui eidem bello interfuit. Quare si noster fuit filius *Mecistei*, simul nepos cum avo *Talao* & duobus avunculis majoribus, *Arejo* & *Leodoco*, interfuisset huic expeditioni. & post Trojana tempora vixisse hunc adhuc *Euryalum*, patet ex Pausan. II, 18, si conferatur cum cap. 30. nam ille tutor *Cyanippi* fuit, qui a *Biante* *Amythaonis* filio quinque ætates distabat. alium *Euryalum* Neptuni & *Evippes* filium memorat *Parthenius* *Erotic.* 3; sed & ille tempore posterior. Apollodorus etiam libro III, cap. VII, § 2, inter *Epigonos* recenset *Eurypylum* *Mecistei* filium, ubi certe *Euryalum* legere præstat: ut idem inter *Epigonos* & Trojani belli duces memoratus fuerit, itidem ut *Diomedes*, cui jungit eum *Pausanias*. *Mecisteus* vero occisus a *Melanippo* dicitur *Pausan.* lib. IX, 18. Ego vero puto, Apollodorum in hoc viro errare, aut illum Catalogum malam manum passum. Unicum addendum, hunc *Euryalum* intelligi in obscuro *Ibidis* *Ovidianæ* loco vers. 287, credidisse *Palmerium* *Exercit. ad Scriptor.* Græcos pag. 373; de quo vide notas ad illum locum. *Euryalus* inter procos *Hippodamiæ* etiam refertur a *Schol. Pindar.* I *Olym.* 126, & *Pausan.* lib. VI, 21, sed qui ejus patriam. & parentes se ignorare addit. An ille lateat apud *Etymol. M.* scriptorem in *Εὐρύαδης*, qui dicitur εἰς τῶν μνηστῆρων? an legendum *Εὐρύαλος*? non audeo definire, nec etiam, an ex eo *Pausanias* & *Scholiastes* sint corrigendi. videant eruditi.

**EURYDAMAS.** Hygino filius *Iri* & *Demonassa*. frater ergo fuit *Eurytionis*, de quo mox agemus. addit *Hyginus*, alios filium *Crimeni* facere, qui juxta locum *Xynium* *Dolopeidem* urbem inhabitabat. quæ ex *Apollonii* lib. I, 68 ad verbum fere versa sunt. ubi & *Scholiastes* notat *Crimenen* urbem *Thessaliæ*, & *Dolopeida* vocari *Thessaliam*. *Orpheus* dicit vers. 164, venisse a lacu *Bæbeide*, juxta *Peneum* & *Melibæam*. unde eundem locum duplici nomine appellatum fuisse docuimus ad *Valer. Fl.* I, 449. nihil præterea



de hoc *Eurydamante* reperi, quem Valerius noster omisit; ut & Apollodorus, qui lib. II, cap. I, § 5, memorat *Eurydamanta* quendam, cui contigit Pharte, filia Danai. alius *Eurydamas* inter procos Penelopæ Homer. Odyf. Σ. 296, & alibi memoratur. vide cl. Drakenb. ad Sil. II, 178. Alius somniorum interpres, cujus filios Abantem & Polyidem interfecit Diomedes II. E. 148. Tryphiodorus inter Heroas, qui in equo Trojano conditi fuerunt, memorat *Eurydamanta*, Pelæ filium, vers. 177; quem inter posteros Pelæ non reperi, nisi alius Pelias, quam Crethei filius, fuerit. *Eurymas* quidam a Polluce interfectus, quia erat calumniator, *δίαβολος*, refertur ab Hesychio. ubi forte *Eurydamas* præstaret legere, quod nomen notius. Olenium fuisse dicit idem auctor.

EURYTION. sæpe cum *Euryto* confusus, memoratur Apollonio, Hygino, & Valerio Flacco I, 378. Hygino est *Iri* & *Demonassa* filius, itaque frater *Eurydamantis*. *Irus* vero frater Menæti, & filius Actoris; Schol. Apoll. I, 71; ergo Patrocli patruelis. Hunc a Peleo (quem antea expiaverat, & cui filiam Antigenen dederat, teste Apollodor. lib. III, cap. 12.) in venatione apri Calydonii interemtum dicit Apollodor. ibid. & lib. I, cap. IX, § 2; quod modo videbimus de *Euryto* dici ab aliis. sed & Tzetz. ad Lycoph. 175, *Eurytionem*, *Iri* filium, occisum a Peleo, sed in alio venatu, & *Irum* fratrem Polymelidis, prioris Pelei uxoris, fuisse ait. quod reperire se potuisse negat Munker. ad Ovid. XI Met. argum. fab. 8. sed si legisset totum locum Tzetzis, vidisset, illum, cum ante dixisset, Pelea purgatum ab *Euryto*, deinde in fine notæ addere, eum *Eurytiona* Argonautam in venatu occidisse. quod etiam Aristides Orat. II Platon. tom. III, pag. 206, probat. idem narrat Anton. Liberal. cap. 38. Ovidius VIII Met. 311, *Eurytionem* etiam inter Meleagri socios in venatu memorat: sed quia *Echioni* adjungit, posset videri pro *Euryto* posuisse. *Eurytionis* etiam meminit Anonymus de XII Laboribus Herculis ab Allatio editus c. V, qui liberavit *Mnesymachen*, Oleni filiam, cum ab Augiæ stabulo purgato ad *Eurysthea* rediret. confusio- nem vero *Euryti* & *Eurytionis* inde provenisse puto, quia Græci patronymica non tantum in *ιδης*, sed & *ιω* formabant, ut vidimus in *Astorione*. & ita *Eurytus* habuerit filium *Eurytum*, ut *Maserium*, sed nescio unde, affirmare

vidimus: & *Eurytion* esset *Eurytides*, id est, *Euryti* filius. certe apud Virgil. X Æneid. 499 omnes editi fere habent,

*Quæ Clonus Eurytion multo calaverat auro.*

sed *Pierius* iussit rescribi *Eurytides*, quod unum idemque notat. Alius *Eurytion* Centaurus, qui *Pirithoo* sponsam eripuit, est apud Pausan. lib. V, 10, & VII, 18. quem dubito fuisse illum, mox ex Antonino Liberali productum, quia ibi cum rege Oleni memoratur. Hyginus f. 32, dicit eum ab Hercule occisum, quia *Deianiram* petiit. & fab. 33 dicit *Ixonis* & *Nubis* filium fuisse. ejus & *Homerus* Odyss. φ. 295 meminit: ubi *Scholias* videndus.

EURYTUS. nulli prætermisus, sed varie tamen scriptus. Valer. Fl. I, 439, Hygino, & Apollodoro *Eurytus*, sed *Orpheo* 133, *Apollonio* I, 52, *Pindaro* IV Pyth. 319, *Erytus*. Eundem tamen esse patet, quia frater geminus *Echionis*, filius *Mercurii* & *Antianira* dicitur Hygino fab. XIV & CLX, & *Pindaro*, & aliis. sed proprie *Εὐρυτος* ab *εὐρύς*, ut *Etymolog. M.* auctor in *Αἴπυτος*, *Ἐρυτος* poetica licentia. hic in ludis funebribus *Pelæ* sagitta vicit, teste Hygin. fab. 273. Diversus vero ille est ab *Euryto* *Æchaliæ* rege (filio *Stratonices*, secundum *Hesiodum*, cujus fragmentum apud *Schol. Sophoclis* in *Trach.* 268 legitur, quod *Æschyli* *Schol.* perperam credo tribui ab *Hesiodi* editoribus) patre *Iphii* & *Clyti* Argonautarum, ut ab Hygino & Apollon. I, 88 dicitur. Hic magister *Herculis*, sagittas ut mitteret, dicitur fuisse a *Theocrit.* Idyl. XXII, 105. quem locum respicit *Eustathius* ad *Homer.* II. B. 505. cujus filiam *Iolen*, occiso patre & filiis, captivam abduxit *Hercules*. Apollod. lib. II, cap. VII, *Schol. Sophocli.* *Trachin.* 268 & 355, *Pausan.* II, 15, *Diodor.* lib. IV, p. 165 & 169. Præterea *Athen.* lib. IX, 2 dicit, *Eurytum* & filium sublatos ab *Hercule*, quia ab *Eubœensibus* tributa exigebant. de hoc *Euryto* est epigramma sextum *Callimachi*, ubi nescio quid venerit in mentem *Annæ Fabri* filia, quæ *Euryton* urbem eandem, quæ *Æchalia* dicitur, explicat, cum sit viri nomen, patris *Ioles*, sed *Homerus* d. l. *Euryti* urbem *Æchaliæ* vocat. vide ibi *Eustathium*. sed fatale est *Gallis* nominum nomina in urbes transformare. *Homerus* vero dicit ibi, *Thamyrim* venire ex *Æchalia* ab *Euryto*. quo respicere puto *Lucianum* in *Piscatore* pag. 202 Ed. *Bourd.* ubi *Thamyrim* jungit *Euryto*, & illum innuit *Musas* canen-



di arte, hunc Apollinem jaculandi, provocare aufos. idem vero est ille *Eurytus* Dryopis pater Ovidio IX Met. 356. illa enim soror *Ioles* fuit. Alius etiam *Eurytus*, Actoris filius, frater Cteati fuit, qui Molionides dictus, de quo vide supr. in *Actorides*, & ad Ovid. lib. VIII Met. 308. filius ejus *Thalpius*, qui inter procos Helenæ refertur ab Apollod. III, cap. IX, § 8. Hic *Eurytus* Pelea a cæde Phœci iustravit, ut narrat Tzetz. ad Lycoph. vers. 175, & deinde cum interesset venationi apri Calydonii (ut vidimus ex Ovidio, quamvis Hygin. fab. 173, non *Eurytum*, sed *Hippasum* Euryti filium recenset) ibi a Peleo imprudente & invito occisus fuit. vid. Schol. Aristoph. in Nubib. vers. 1059, quod alii *Eurytioni* adscribunt. *Eurytus* etiam Melanei filius memoratur a Pausan. lib. IV, 33; a quo Melaneo Eretriam, urbem Eubœæ, Melaneida appellari ait Stephanus in *Ἐπεσπία*. hunc puto sæpe confusum cum *Euryto*, Æchaliæ rege, si non idem sit: nam cum plures Æchaliæ fuerint, incertum de qua intelligenda Æchalia Euryti. vid. Eustath. ad Hom. d. I. *Eurytus* vero ille Melanei F. fuit in Messeniaca regione cultus. vid. Pausan. II, 3, qui & Epaminondam, novam urbem conditurum, præcipue Heroa *Eurytum* invocasse dicit cap. 26, & ejus ossa servari in loco, qui olim Æchalia, postea locus Carnasus dicebatur, cap. 33. *Melaneus* vero præstantissimus artis sagittandi, ut Apollinis filius diceretur; Paus. IV, 2. Masecius ad Val. Fl. I, 439 incertus est, quem statuat *Eurytum*, an patrem *Ioles*, (quem Euryti alterius filium nescio unde facit) an *Melanei* (quem *Meneleum* vocat) filium, tamen *Eurytum*, *Echiona* & *Æthalidem* Mercurii filios, & inter se fratres. sed *Æthalida* alia fuit mater, ut vidimus. denique *Eurytum* regem Cyrenarum a Phylarcho vocari, quem alii *Eurypylum* vocaverunt, docet nos Schol. Apollon. IV, 1561.

GLAUCUS. Hic, cujus parentes varie traduntur, Deus marinus factus, a nemine, quod sciam, Argonautis accensetur, nisi a Poside, quem laudat Athenæus lib. VII, cap. 12, qui Argo navis fabrum & gubernatorem fuisse ait, & in pugna navali cum Tyrrhenis nullo vulnere sauciatus; sed in imo maris apparuisse, & Deum factum. Apollon. lib. I, 1310, post Herculem relictum, apparuisse *Glaucum* e fundo maris, fingit, qui Herculis & Polyphemi fatum non

esse, ut in Colchida pernavigarent, doceret eos. reliqua de hoc & aliis *Glaucis* hic præterimus, nisi si quis de *Glaucoco*, Sisyphi filio cogitare velit, qui filius Æoli fuit. & ita *Glaucus*, proximo genere Jasoni conjunctus, potuit socius itineris fuisse.

HERCULES. Thebanus, Jovis & Alcmenæ filius, de quo verba perdere non licet, quia nulli non dictus, sed notissimus est. Argonautis se associasse, omnes scribunt. immo Ptolem. Hephæstion lib II tradit, Herculem ædificasse navem, quæ Argo a Jasonis filio Argo, quem amabat Hercules, dicta fuit, & propter quem cum Jasonem navigavit. quæ non congruit reliquis, qui Jasonem in prima juventa, antequam uxorem duxisset, a Pelia extrusum omnes uno ore tradunt. Huic voluisse omnes Argonautas summam imperii tradere, sed ipsum Junonis consilii conscium, pronuntiasse Jasonem ducem, tradit Hyginus & Orpheus vers. 293; ubi Aristotelem lib. III Polit. 13 contrarium tradere notavit Eschenb. & noluisse parere Jasoni, itaque deseruisse Argonautas. Anton. Liber. c. XXVI, creatum etiam ducem, affirmat; ut & Diodor. Siculus lib. IV, p. 171, ut Jason demum post Herculem relictum summæ rei præfuerit. Scholiast. Pindar. ad IV Pyth. 305, relictum ab Argonautis, cum aquatum exiisset; nosser & alii, dum Hylam quæreret, tradunt. Varias sententias recenset Schol. Apollon. ad lib. I, 1290. inter quos Hesiodi etiam refertur; scilicet jam relictum fuisse in Magnesia, in loco, qui *ἄπὸ τῆς ἀφῆσεως* dictus est *Ἀφῆτας*. cui & consentit Stephan. in *Ἀφῆται*; quod vix verosimile videtur Berckelio, nec mihi. alii in Colchos pervenisse, & vicissim omnes Argonautas ipsi affuisse in bello contra Laomedonta, scribunt. vide Schol. Pindar. III Od. Nem. vers. 64. reliqua de ejus laboribus obvia. & an illi hac expeditione priores fuerint, vidimus ad Val. I, 34. reliqua de Hercule præterimus, ne tædio delicatis simus, quibus jam has Mythicas nugas fastidium creare credimus.

HIPPALCIMUS. *Pelopsis* & *Hippodamia*, Ænomai filia, filius, ex Peloponneso, Pisus venisse auctor est Hyginus cap. XIV. Apollodorus vero lib. I, cap. IX, § 16 Peneleum filium *Hippalmi* inter Argonautas recenset, quem filium hujus *Hippalcimi* fuisse credo, & nomen vel varie positum, vel a scribis corruptum per compendium scripturæ



puto. Schol. Euripidis ad Orest. vers. 5, ubi stemma Pelopis habet, inter ejus filios etiam habet *Hippalmum*, quem descripsit fere ad verbum Apostol. cent. XVIII, adag. 7. (male Munckerus eo numero citat Zenobium, cujus tantum VI Centurias edidit Schottus.) *Hypalcum* vocat idem Hygin. cap. 84 & 97. *Hippalcum* Schol. Pindari ad I Olym. 144; sed Munckerus omnibus præfert *Hyppalcimum*. nec mihi displicet. nam & hoc nomen Diodorus habet lib. IV, pag. 188, ex quo aliud forte stemma hujus Argonautæ confici posset, ut non fuerit Pelopis filius, sed Itoni, & ille Bœoti, hic Arnes, quæ filia Æoli secundi, ille Hippotis, qui Mimantis, & hic denique Æoli primi, ex quo etiam Jason & plurimi Argonautæ; ut fuerit ergo conjunctus sanguine Jasoni & Cretheo, qui filius Æoli. descendere quidem longius infra tempora hæc videtur stemma illud; sed & similia habuimus in aliis. vide in *Ancaeo*.

HYLAS. Cui non dictus Hylas puer? vulgari dicto ex Virgil. III Georg. 6 celebratur. Theocrito, Virgilio, Apollonio, Valerio, Propertio, Statio, & multis aliis memoratus. vide Barth. ad Stat. V Theb. 443. Pater ejus Hygino dicitur *Theodamas*, & mater *Menodice* Nympha, Orionis filia. de patre consentiunt etiam alii. & inde *Theodamanteus* dicitur Propertio lib. I eleg. XX, 6. Scholiastes Apollon. I, 131, Theodamantis, filii Dryopis, filium facit. Hellenicum tamen *Theomenitem*, Theodamantis filium, patrem facere notat. ubi tamen Hætz. legit *Θειομένητα ἀντὶ Θειοδάμαντος καλεῖ*. idem Schol. ad vers. 1207, *Θειομένους* ex Hellenico profert. ubi etiam varias sententias affert. Antoninus Liberal. cap. XXVI, *Ceycis* filium facit. De quo certius aliquid constaret, si superesset *Hæfiodi* liber de *Κήυκος γάμος*, quem laudat Scholiast. Apoll. ad lib. I, 1290; & ita fuisset sanguine conjunctus Herculi Hylas: nam Ceyx filius fratris Amphitryonis, teste Schol. Sophocl. Trach. vers. 39. alios *Hylam* cum *Hyllo* confundisse, ex eodem Apollonii Scholiaste patet. unde fortasse illa opinio de Ceyce venit. nam *Hyllum* apud Ceycem regem Trachinis confedisse, scribit Diodor. lib. IV, pag. 169, & Pausan. lib. I, 33. Mater ejus *Menodice* ab Hygino dicitur, ubi Munckerus mavult *Mecionicea*, Orionis filiam vocari ex Tzetz. Chil. II, 43, quam vidimus a quibusdam haberi matrem *Euphemi*. sed hoc in medio relinquimus.

Orpheus vers. 224 dicit, Hylam venisse ad navem Argo, cum illo *Anchisteo*, sive *Acasto* (de quo vide in *Anchisteo*) ex Pheris, in quo etiam hæremus, quia alii omnes ex Dryopibus circa Cætam venisse scribunt.

JASON. *Æsonis* filius, dux & princeps expeditionis Argonauticæ, nulli non notus & celebratus. ideoque ejus stemma, quod cum omnibus Cretheidis & Æolidis commune habuit, non deducemus operosius, nec vitam ejus omnem enarrabimus. de matre ejus ingens discordia veterum. Communiter *Alcimedea* Phylaci filia statuitur. Ita Apollon. I, 47, Valer. Fl. I, 295, Hyginus f. 3 & 14, & Ovid. Epist. VI, 105. Hujus etiam genus incertum. Hyginus dicit *Alcimedea* filiam esse *Clymeni*, ubi Mezeriacus ad Ovid. Epist. VI, initio legendum censet *Clymenes*, quæ mater *Alcimedea* fuit, filia Minyæ. vide Schol. Apollon. I, 230, & supra in *Admeto*. de *Phylaco* videbimus in *Iphiclo*. nam *Clymene* Phylaci uxor etiam Scholiasti ad vers. 45; ubi addit, Herodotum *Polyphemen* vocare matrem Jasonis, quæ erat filia Autolyçi, quæ a Tzetze Chiliad. VII, 96, dicitur *Polylymele*, & cujus soror *Alcimedea* a quibusdam mater Jasonis habetur. Ab Apollodoro lib. I, cap. IX, § 16, *Polymede* Autolyçi filia vocatur, ut etiam vocat Tzetzes ad Lycoph. 872, qui ibi etiam alios *Arnen* matrem facere scribit. quod nomen in Æolidarum familia usitatum fuisse docet alia *Arne* ex Æoli genere, quam vidimus ex Diodoro Siculo in *Hippalcimo*. hanc Arnen ab aliis *Scaphen*, vel ut legitur in variis lectionibus nuperæ editionis, *Scaphen*, vel *Scaphen*, vocari ait Tzetzes. ab *Arne* Æoli secundi filia, & matre Bœoti, urbs Thessaliæ *Arne*, teste Stephano, dicta, de quo oraculum, *Ἄρην χηρέουσα μένει βοιωτῶν ἀνδρα*, cujus sensus obscurus: sed potest ad filium ejus *Bæotum* forte referri. ut enim *Arne* nomen habuit a patre, qui abundabat ovibus, ita illa ex Neptuno filium pariens *Bæotum* appellavit a bobus. vid. Eustath. ad Homer. II. B. 507, & ad Dionys. Perieg. vers. 426, & Etymolog. M. auctorem in *Ἄρην* & *Βοιωτός*. alii tamen *Arnen* urbem deducunt ab *Arne*, nutrice Neptuni. v. Tzetz. ad Lycoph. 644, & Etym. M. in *Ἄρην*. Præterea *Andron* matrem Jasonis fecit *Theognetem*, Laodici filiam, teste Scholiaste eodem Apollonii. denique Tzetzes d. I. Chiliadum, alios fuisse addit, qui matrem Jasonis facerent *Rhæo*, Staphyli filiam. Staphylus



autem Bacchi filius duas habuit filias, *Hemitheam* & *Rhæo*; vide Parthen. Erotic. cap. 1. *Rhæo* autem dicitur concubuisse Apollini, & ex eo genuisse *Arium*, qui pater fuit *Enotropæum*. vide Tzetz. ad Lycoph. 570. sed nusquam legi eam *Æsoni* conjunctam. immo ipse *Staphylus* inter Argonautas ab Apollodoro numeratur; ergo avus sub nepotis ductu militasset. Vide in *Staphylo*. Hæc jam omnia, tam diversa, inter Mythicos hos scriptores componere, non est nostrum; sed multa forte nomina fuit mater Jasonis sortita, inter quæ aliqua Epithetorum vice potuerunt fungi: ut in aliis Heroibus & Heroïnīs usu venire solet. Ceterum Jasona metu Pelia Chironi nutriendum datum, plurimi inter jam ad ductos tradunt, & Pindarus Od. Nem. III, 93, & præcipue IV Pyth. 135, quo hymno Jasonis præcipue laudes canuntur, & ejus pulchritudo & forma vers. 153 celebratur; de reliquis ejus factis, quæ Argonauticam expeditionem secuta sunt, non agemus. sed unum adhuc notari meretur, in quo temporis ratio non bene observata videtur ab omnibus fere poetis. *Staphylus* dicitur fuisse Bacchi & Ariadnæ filius, Thoas vero ejus frater ex eadem Ariadna genitus: ita ut *Hypsipyle*, quæ se *Minoo Thoante* natam gloriatur apud Ovid. Ep. VI, 114, si Jason ex Rhæo, *Staphyli* filia, fuisset natus, ejus fuisset patruelis. at in hoc illud primum offendit in *Staphylo*, qui ætate prior Argonautica expeditione, ipse sub nepote militare non potuit. At alterum majus, quod Theseus ipse inter Argonautas non tantum numeretur, a quo Ariadnam in Naxo desertam *Bacchus* demum duxit, & hanc prolem suscepit, sed plura gessisse dicitur, quæ in unam hominis ætatem conferre durum est. nam plurima demum post Argonauticam expeditionem acciderunt. Herculi enim jam provecta ætate adhæsit Theseus juvenis, & in Amazonia expeditione socius fuit, interfuit huic expeditioni, venatui apri Calydonii, & rapuit Helenam, quæ circa Trojanum bellum maxime floruit: quæ omnia si Theseus tot temporum intervallis distincta egit, secula duo vel tria vixisse debuit. Certe Jason *Hypsipylem* neptem Ariadnes nec videre, nec Lemni cognoscere potuit. licet noster poeta huic difficultati occurrisse videri possit per ea, quæ de Ariadna memorat lib. VII, 279, ubi Jasonem Ariadnæ mentionem facientem inducit. IDAS. nulli ommissus, Messenius, Apharei & Arenæ,

*Æbali* filia, filius, frater *Lyncei* Hygino fab. XIV, ubi Munckerus de ejus avo *Æbalo* (nam vitiose *Bubalus* legebatur) videndus. Et hic ex posteris *Æoli*. *Aphareus* enim Perieris filius, nepos *Æoli*. Apollodor. lib. I, cap. IX, § 5, ubi Tyndarea etiam filium facit Perieris, ut ita Castor & Pollux fuerint patruales Idæ & Lyncei. Et hinc Schol. Apollon. I, 151 dicit, illos cum Dioscuris simul adolevisse. Alii hunc Perieren, patrem *Apharei*, filium faciunt *Cynortæ*, ut Apollod. III, cap. X, § 3. Et Pausanias lib III, cap. 1, *Cynortam* facit *Æbali* patrem, hunc vero duxisse *Gorgophonem*, *Persei* filiam, & inde natum Tyndarea, ita ut *Gorgophone* bis nupta fuerit, prius Perieri, unde *Aphareus*, deinde *Æbalo*, unde Tyndareus, ut fuerit frater *Apharei* ὁμομήτριος; & lib. IV, 2 Perieri dat ex *Gorgophone* duos filios, *Apharea* & *Leucippum*; *Apharea* vero condidisse *Arenen* urbem, dictam a filia *Æbali* uxore sua: *Apharei* autem filios *Idam* & *Lyncea* memorat. Scholiastes Homeri Iliad. I, 557 dicit, *Idam* vulgo haberi *Apharei* filium, sed revera fuisse *Neptuni*. quod & affirmat Apollodor. d. I. lib. III. de matre etiam *Arene* non omnes consentiunt. Scholiast. enim Apoll. d. I. Theocritum ipsi dare matrem *Laocoosam*, *Pisandrum* vero *Polydoram*. in qua nescio, an non quædam sit mulierum confusio. nam *Pelea* ex *Antigone*, *Eurytionis* filia, genuisse *Polydoram* narrat Apoll. lib. III, cap. 12, § 1, quæ nupta fuit *Boro*, Perieris filio, quem *Borum* postea § 4 dicit esse *Sperchium* fluvium, & ex illo matrimonio natum *Meneshium*. qui *Borus* ab aliis *Mythographis* inter filios Perieris non numeratur, ut forte ejus uxor fratri *Aphareo* fuerit a quibusdam data, qui legerant *Polydoram* nuptam filio Perieris. Eustath. ad Iliad. B. vers. 681 *Polydoram* hanc ex *Polymela*, filia *Actoris*, natam, & *Achillis* sororem facit. sed alii aliter. vide Schol. Apollon. I, 558. *Polydoram* *Protesilai* uxorem, unde nata uxor *Meleagri*, dicit Pausan. IV, 2. de qua uxore *Meleagri* mox dicemus. aliam opinionem de matre *Idæ* & *Lyncei* habet Tzetz. ad Lycoph. 511, qui alios *Arnen*, filiam *Æoli*, ejus matrem facere dicit. de qua *Arne* in *Jasone* egimus. Idas vero acer & ferox Hygino dicitur fuisse, & hac nota ab omnibus Argonautarum scriptoribus demonstratur. vide Valer. Fl. VII, 574. Ore procacem & Deorum contemptorem, Apollonium eum inducere notat Barth. ad Stat. V, 505; Val. Flaccus. e



& hinc in pugna illa cum Castore & Polluce, quam alii de fororibus Phœbe & Ilaira raptis, alii de præda male divisa, ortam narrant, ferociam ostendit, & Castora interfecit, ut Pollux Lyncea; quam cædem cum ulcisceretur *Idas*, lapide Pollucem percussit, sed Juppiter *Idam* fulmine percussit. vide Apollod. III, cap. X, § 2. Pindar. Od. X Nem. 115. Theocrit. in Dioscuris. Tzet. ad Lycoph. 511. Ovid. V Fast. 699 & sqq. & alios plurimos. *Idas*, qui bello Thebano interfuisse a Statio narratur, non noster quidem esse videtur, sed ad ejus ferociam formatus a poeta. vide VI Theb. 533. unde *horridus* vers. 603, *improbus* vers. 644. Nam Thebanus erat, & quem Lydens prosternit lib. VIII, 446, ubi *Onchestium* vocat. fortasse etiam Neptuno, ut noster *Idas*, ortum indicans: Onchestus enim Neptuno sacra, ut notat ibi Barth. & Schol. Apoll. III, 1240. Schol. Pind. I Isthm. 45. unde *Onchesti plebes Neptunia* Stat. VII, 271. eadem forte etiam ratione alterum *Idam* Statius ex diversa parte inducit lib. VII, 588, quem *Tanarium* vocat; cum & Tanarus Neptuno sacra; ut Schol. Apoll. III, 1239. Hic *Idas* etiam Marpeßam rapuit, & ex ea genuit *Cleopatram* Meleagri uxorem; Pausan. IV, 2. de quo raptu vide Plutarch. de Flum. in Lycorma, & Schol. Homer. Iliad. I, 553. hæc Cleopatra etiam *Acyone* dicta fuit Hygin. fab. CLXXIV, ubi vide Muncker. Maserius, cum ad Val. Fl. I, 461 recte hæc tradidisset, ad lib. III, 544 dicit, ex *Acyone* *Idam* genuisse *Atalantam*, Meleagri uxorem.

IDMON. omnibus memoratus, sed soli Apollodoro in catalogo Argonautarum omiffus, quem tamen malam manum passum fuisse credo, quia in sequentibus lib. I, cap. IX, § 23, *Idmona* vatem ab apro percussam in Maryandinis narrat. Filius Apollinis & Cyrenes vulgo habebatur. sed Pherecydes Apolline & Asteria, *Coroni* filia, genitum scripsit apud Scholiast. Apollon. I, 139; ubi & laudatur Chamalion antiquus scriptor, qui *Idmona*, non nomen proprium Argonautæ fuisse contendit, sed epitheton *Thestoris*. Maserius quoque ad lib. V princ. notat, Codrum Urceum credidisse, *Idmona* esse *Mopsim*: quæ suspicio etiam nata fuerat Cælio Rhodigino Lect. Antiq. XXIX, cap. 15; sed mox repudiata. nam omnes poetæ & Mythologi *Idmona* diversum faciunt, & vatem sive augurem fuisse tradunt, ut eum inter veteres vates recenset Clemens Alexandr. I Strom.

pag. 334. vide Valer. Fl. I, 228, ubi *Phabejus* dicitur, & *Mopso*, qui immanior & horrore Deoque plenior, quietior *Idmon* opponitur. Fuere & qui Abantis filium, & Argivum fecerunt, teste Hygino: inter quos *Orpheus* vers. 185, qui nothum dicit Abantis filium, quem *Antianira* genuit Apollini. Idem fere tradit Apollonius, unde Scholiastes ejus cognationem cum *Æolidis* & *Cretheidis* deducit: Abas enim Melampodis, ille Amythaonis, hic vero Crethei filius. Haruspicias etiam munus obiisse ex Valer. III, 438 conficit Maserius. *Argolicum* vocat eum idem lib. V, 2. etsi vero ex augurii & futuri scientia noverat, se in hac expeditione periturum, non detrectavit tamen militiam, sed se Jafoni adjunxit. de ejus morte diversa quoque tradidere veteres, quorum opiniones recenset Maserius & Weitzius ad d. l. lib. V princ. Apollodorus ab apro in Maryandinis occisum narrat, cui & concinit Apollon. II, 817, & Hygin. fab. XIV, & Ovid. in Ibi vers. 504, ubi vide Salvagnium. noster vero poeta fati & morbis lapsum dicit. Ammian. Marcell. XXII, 8 eum prope Tibarenos humatum esse narrat. vide Senec. Medeam vers. 652, & ibi Gronovium. ab hoc *Idmone* diversus Epidaurius ille, Medicinæ peritia in aula Adrafi celebratus a Stat. III, 389; & alius *Idmon*, pater Arachnes, Ovidio VI Met. 8 memoratus, qui Colophonius fuit.

JOLAUS. Iphicli, fratris Herculis, filius, soli Hygino annumeratus Argonautis. Hic ab Ovidio inter venatores apri Calydonii memoratur lib. VIII Met. 310. Ab Apollodoro ejus pater *Iphiclus*. Affuit & Jolaus Herculi patruo contra hydram. vide Scholiast. Nicandri ad Ther. 688. ejusque currum rexisse in illo certamine narrat Anonym. p. XII. Labribus Herculis ab Allatio additus cap. 2; & ejus precibus juventuti restitutum fuisse, canit Ovid. IX Met. 429. alii eum mortuum dicunt, sed cum Eurystheus Heraclidas ab Atheniensibus deposceret, & bellum denuntiaret, revixisse, & Eurysthea occidisse narrat. vide Schol. Pindari IX Pythior. 137, ubi addit, alios hoc de reddita seni juventute interpretari. ejus vero tumulus honorarius erat prope Thebas ad Amphitryonis monumentum, ubi *Jolæa* sacra celebrabantur. vide eundem Scholiast. ad IX Ol. 149, & IV Nem. 21 & 32. *Τέμενος Ἰολάου* prope Thebanam urbem memorat Arrianus lib. I de Exped. Alexandr. 7, ubi interpretes inter se contendunt, an lucum an fanum Jo-



lai intelligi oporteat. In Sicilia quoque Jolao templum & sacra instituisse Herculem, narrat Diodor. Sicul. lib. IV, p. 161, & ut Deum in Sicilia & Sardinia cultum refert pag. 164. *Jolaum* hunc cum *Protesilao* confundi videbimus in *Iphiclo* altero.

IPHICLUS, filius Thestii, Apollodoro lib. I, IX, § 16, Hygino cap. XIV, Apollonio I, 201, & Orpheo vers. 158 memoratus, nec Valerio nostro omissus lib. I, 370, quamvis ibi quidam *Iphitum* legant, sed perperam: cum quia hic Iphiclus Thestii filius a nullo præteritus, neque a Flacco debebat negligi, tum quia, ut recte Maserius notat, media syllaba in *Iphitus* corripienda sit, cum in *Iphiclus* sit anceps. Orpheo frater, *σύγγονος*, Althææ dicitur, quæ & Thestii filia fuit Schol. Apollon. I, 146; ubi *Thestius* male pro *Thestius* legitur vulgo. Mater vero Althææ ibi *Laphonte* dicitur. sed ad vers. 201 Scholiastes dicit, Iphiclum & Althæam fuisse ex Deidamia Perieris filia: Apollodorus vero lib. I, cap. VII, § 10 dicit Thestium ex Eurythmide, Cleobææ filia, sustulisse Althæam, Hypermnestram, Iphiclum, & alios. vide supra in *Amphiarao*. Hyginus vero matrem *Leucippen*, tam Althææ, quam Iphicli facit: quæ fortasse illa *Leucippe* fuit, quæ ab Æliano III, var. 42 inter *Minyadas* numeratur, & ab Ovidio *Leuconoe* dicitur. unde cognatio ejus cum *Jasone* posset deduci, & simul ratio reddi, cur frater ejus *Clymenus* vocetur, quod nomen, ut & *Clymene*, in *Minyarum* familia usitatum fuit. vide supra in *Clymene*.

IPHICLUS alter. filius Phylaci, pater *Protesilai* & *Podarcis*, Apollod. lib. I, IX, § 12; quamvis eum omittat in catalogo *Argonautarum*. quod fraudi fuit viro docto *Eschenbachio* ad *Orphei* vers. 137, qui cum *Iphiclo* Thestii filio confundere videtur: reliqui omnes *Argonautis* annumerant. & hic cognatione proximus fuit *Jasoni*, & ex *Æolidis*: mater enim ejus *Periclymene*, *Minyæ* filia, quæ & *Clymene*, soror *Alcimedæ*, *Jasonis* genitricis. vide Schol. Apoll. I, 45 & 239, & supra in *Jasone*. Avunculum *Jasonis* vocat Hyginus, quia *Alcimedem* matrem *Jasonis*, ejus sororem, & filiam *Phylaci* faciunt aliqui. vide *Heinf.* ad *Ovid.* XIII *Epist.* 35. per patrem etiam ex *Æolidis* deducebat genus. *Phylacus* enim filius erat *Iphicli*, hujus pater *Phylacus*, illius *Dejon* vel *Dejoneus*, *Æoli* filius. vide *Eustath.* ad *Ho-*

mer. *Iliad.* B. 697, *Apollod.* lib. I, cap. IX, § 4. *Phylacus* vero primus, filius *Dejonis*, condidit urbem *Phylacem*, teste *Eustathio* & *Stephano* in *Φυλάκη*. unde *Phylacidem* dictum *Protesilaum* a *Propert.* I, XIX, 7, quidam putant: cum non ab oppido, sed ab *avo* *Phylaco* II, patre *Iphicli*, ita denominetur: nam ab oppido gentili *Φυλακῆσιον*, vel per periphrasin *ἐκ Φυλάκης*, dici docet *Stephanus*. quamvis & *Φυλάκιος*, de *Protesilai*, *Iphicli* filii, patria, apud *Lucian.* in *Dialog. Mortuor.* p. 145 Edit. *Bourdel.* occurrit. *Iphicli* uxor *Diomedea* dicitur ab *Hygino* fab. CIII. sed ibi agitur de *Iphiclo*, *Herculis* fratre, de quo in *Jolao* vidimus, quem *Hyginus* dicit esse dictum *Protesilaum*, cum proprio nomine *Jolaus* dicatur. vide *Munckeri* notas. *Eustathius* *Astyoche* vocat uxorem *Iphicli*, quæ diversa videtur ab *Astyoche*, *Actoris* filia, de qua vidimus in *Almelo*: hic vero tanta pedum levitate & pernitate cursus fuisse dicitur, ut supra *spicas* *triticeas* posset currere, nec eas tamen læderet, vel, ut *Demaratus* ajebat, ut posset per summas undas labi. unde in proverbium abiit, *Iphicli celeritas*. vide *Scholiast.* *Apollon.* d. I. & *Tzetz.* *Chil.* I, 42, & *Eustath.* ad *Hom.* II. γ. 227, & *Etymol. M.* auctorem in *Ἰφιλλος*. quæ poetis hyperbolæ usitatissimæ de quocunque, sive homine, sive animali perniti, ut multis *Eschenbach.* ad *Orph.* vers. 137, & alii ostenderunt. Qua tamen dote in hac expeditione nautica non commendari potuisse videtur, quia jam senior erat, & immunis omnium operum, sed ut monitor, qui juvenes ad virtutem stimularet, ascitus. vide *Val. Fl.* I, 474. quare mirari aliquis, cui poetarum in historia *Mythica* temporum confusiones ignotæ sunt, posset, *Ovidium* eum adhuc *Trojano* bello superfuisse tradere cum *Laodamia*, quæ in *Epist.* XIII, vers. 25, foci sui *Iphicli*, ut viventis & sibi officium præstantis, meminert; nisi quis confusos *Iphiclos*, & eorum munera putet. nam *Orpheus* vers. 158, alterum *Iphiclum* *Thestii* filium esse missum in hanc expeditionem, ut doceret *Meleagrum* *Althææ* filium, cujus avunculus erat, præclara opera, ut ita tamquam ejus rector esset. quem *Iphiclum* *Valerius* remo admovet lib. I, 370; cujus vacationem habebat alter *Iphiclus*. Ad hunc *Iphiclum* referendum est fragmentum *Hesiodi* apud *Athen.* lib. XI, cap. 14, ubi & *Phylaci* ejus patris mentio fit. quis vero *Iphiclus* fuerit, cujus historiam narrat idem *Athenæus* lib.



VIII, cap. 16, nescire me fateor. neque etiam, an Parthenius in *Iphiclo*, cujus operis meminit Stephanus in *Apw-  
pela*, nostri Herois res gestas descripsit, definire audeo.

IPHIDAMAS. ita vitiose nominatur in Orphei editione, cum dicendus sit *Amphidamas*; ubi vide.

IPHITUS. Nauboli filius, Phocensis, omnibus memoratus; nisi quod apud Apollodorum vitio operarum *Iphitos* dicitur. *Naubolus* autem ab Apollonio I, 207 *Ornithides* vocatur, ut distinguatur a *Naubolo*, Lerni filio, memorato ab eodem poeta I, 135. vide infra in *Nauplio*. Hæltzlinus Naubolum alio nomine *Hæmona* dicit, & *Ornytum*, qui & *Ornytus* & *Ornytion*, esse; quia a Pausania lib. II Iphitus Hæmonis, Hæmon Thoantis, Thoas Ornytionis filii dicuntur: & ex Ornytionem etiam natus Phocus, unde Phocenses. sed hæc admodum obscura. Pausanias lib. X, cap. 33, Naubolenses dictos Phocenses olim tradit. & Homerus II. B. 517 Schedium & Epistrophum, filios Iphiti Naubolidæ, facit duces Phocensium: ubi Scholiastes *Naubolum* facit filium Iphiti: ut & Scholiastes Barthii ad Stat. VII Theb. 354. ipse vero *Naubolus Hippasides* a Statio dicitur, ut & Hyginus notat, quosdam credidisse, *Iphitum Hippasi* filium fuisse, & ex Peloponneſo venisse. ita esset frater *Aëtoris*, de quo vide supra. quæ omnia inter se conciliare, non est opis nostræ. Filia Iphiti *Eurynome* dicitur, ex qua *Adrastus*. vide infra in *Talao*. alius est *Iphitus* Euryti, Cæchaliæ regis, filius, frater Ioles, apud Apollodor. lib. II, cap. VI, § 1, quem Argonautis etiam annumerat Hyginus & Apollonius lib. I, 86. vide in *Clytio* & *Euryto*, ubi pluribus de illis egimus. Hunc *Iphitum* ab Hercule e turre præcipitatum narrat Diodorus Sic. lib. IV, pag. 165; quem tamen effugisse in Eubœam Scholiastes Sophoclis ad Trach. 355 affirmat. Arcum *Iphiti*, quem Hercules ipsi abstulit, & quo postea in furore abusus est, celebrat Anacreon vers. 421; ubi vide Barnesium.

IPHYS, vel potius *Iphis*. soli Valerio Flacco lib. I, 441 memoratus, ubi admodum laborat Pius & alii, quia olim *Iphitus* ibi legebatur pro *Iphis* &c. Alii contendunt, eundem esse, qui *Tiphys*. quos recte refellit Pius. & absurde Flaccus, cum *Tiphys* gubernator fuerit, & ad clavum federit, scriberet, ejus morte remum cessasse. præterea *Tiphys* mortuus est in Maryandinis, ut ipse Valer. Flac. lib. IV memorat; *Iphis* vero demum in Colchide, lib. VII, 423,

ubi vide Pii & Maserii notas, & ad lib. VI, 638 quæ notavimus, & Balbum ad lib. I, 721. quare ex ipsa Valerii sententia diversi sunt. Aleëtoris fuisse filium, ex Pausania, Iphyn, qui Sthenelo Capanei fratris sui filio regnum reliquit, notat Maserius ad lib. I, 441; licet, alium fuisse, addat se putare. vide infra in *Leio*.

IXITION. ex urbe Cerintho, soli Hygino notus. sed cum locus ille procul dubio sit corruptus, neque id nomen obyium in seculo illo fabuloso, verosimilis Munckeri conjectura, illo loco *Canthum* fuisse memoratum, qui ad finem capitis *Ceriontis* filius dicitur. quidquid sit, nihil definiam, donec a meliori codice medicina appareat, vel indubitatis argumentis hic *Ixition* probetur fuisse inter Argonautas.

LAERTES. Arceſii filius, pater Ulixis, a solo Apollodoro inter Argonautas refertur, reliquis omnibus igaoratur. Tempora satis conveniunt, & cognatio cum Jasone & Æolidis potuit eum huic militiæ fociare. *Arceſus* enim filius Celei, ille Cephali, hic vero frater Phylaci, & filius Dejonæ, qui Æoli filius fuit. licet in hoc stemmate quædam aliter ordinentur, & ipse Ulixes apud Ovidium XIII Met. Arceſii patrem Jovem fuisse gloriatur. quæ omnia egregie illustravit Mezeriacus ad Ovid. Epist. I, cujus scrinia compilare non libet. addit idem Mezeriacus, credidisse multos, Ulixem ex furtivo cum matre ejus coitum ex Sisypho natum, quod ipsi objicit Ajax, & ita propius Æolum, cujus Sisyphus filius fuit, contingeret.

LAOCOON. Parthaonis filius, Cenei frater, Calydonius, & patruus Meleagri, in cujus nomine de stemmate horum agemus. memoratur hic inter Argonautas ab Hygino & Apollonio Rhodio lib. I, 192, qui addit, illum ex alia matre natum, & quidem ancilla. quare Ceneus eum filio suo Meleagro addidit κοσμήτορα, rectorem. Et hæc forte ratio, cur ab Apollodoro lib. I, cap. VII, § 11, inter filios Parthaonis non numeretur, nec etiam alii inter Argonautas, ut ignobiliorem, recenseant. Nihil præterea de hoc *Laocoonte* mihi compertum est.

LEITUS. Λήϊτος, Aleëtoris filius, reperitur in catalogo Apollodori. legitur quidem Leiti filius, *Penelus*, inter procos Helenæ Apoll. II, IX, § 8, ubi vide. sed sine dubio mendosum id in hoc Argonauta; & cum Aleëtoris filium faciat *Iphyn* Pausanias lib. II Corinth. cap. 18, ille forte re-



ponendus esset. Alektor vero filius Anaxagoræ, unde Anaxagoridæ reges Argivi post eum dicti fuere.

LEODOCUS. Frater Areji & Talai, filius Biantis, & ita ex Cretheidis, memoratur Orpheo, Apollonio & Valerio; sed Hygino & Apollodoro præteritur. hic stemma cum commune habeat cum Arejo, & Talao, ad eos lectorem remittimus. notandum modo, Orphea vers. 146 eum Λεωδοκον vocare, quem Apollonius Λεωδοκον appellat.

LYNCEUS. Apharei filius, Idæ frater, in quo pluribus de eorum parentibus actum, & origine ex Cretheo. celebratus maxime acerrima oculorum acie, qua penetrare in ipsa terræ viscera dicebatur, quam ejus dotem Valerius noster & omnes Argonautici & Mythologici scriptores extollunt: quod poetæ ipsi tribuere propter studium rei metallicæ & naturalium, & quod in visceribus terræ recondita perscrutabatur. Hinc Romanæ Academiæ sodales, quales in Italia plurimæ, se *Lynceos* dixerunt, ex qua celeberrimus *Fabius Columna*, qui non *Lynceus* appellatus, quia in rerum naturalium perquisitione acutissimus erat, quamvis & eo nomine hac appellatione non indignus esset, sed quia Academiæ *Lynceorum* adscriptus erat, ut nos docet Leonard. Nicodemus in Addit. ad Toppii Biblioth. Neap. in *Fabio Columna*. Placcius vero de Pseudonymis num. 1430, p. 77, *Martinum Fogelium* historiam Lynceorum jamjam editurum, nobis nuntiavit nuper. *Lynceus* vero Argonauta mortem habuit cum fratre Ida, communem, de qua supra egimus. Unicum adhuc notandum, confundi hunc Lyncea, Messenium Apharei filium, sæpe cum *Lynceo*, Ægypti filio, qui Argivum regnum tenuit, marito Hypermnestræ, Danaï filia, quæ eum servavit, ita Aristophanis Schol. ad Plut. act. I, sc. II, vers. 152 acutum visum Lynceo Ægypti filio tribuit, licet postea duos Lynceos distinguat. Scholiastes quoque Pindari ad Pyth. VIII, 77, dicit Lyncei filium fuisse Abantem, Talai patrem, ex quo *Adrastus*, ubi est confusio duorum stemmatum. Nam *Lynceus* Ægypti filius reliquit Abanta, sed ejus filius fuit *Acrisius*, ut notissimum. vid. Pausan. II, 16. sed Talai pater fuit *Bias*, filius vero *Adrastus*, ut in *Talao* videbimus, ubi & Orphea Talaum Abantis filium facere notabimus. interfuit & hic cum fratre Ida venationi apri Calydonii. Ovid. VIII Met. 304.

MELAS. filius Phrixi & Chalciopes, qui cum fratribus

Argo, Cytiforo, & Phrontide in insula Dia accessit Argonautis. vid. in *Argo & Cytiforo*. hunc mari submersum nomen dedisse, ut μέλας πόντος diceretur, docet Scholiastes Apollonii ex Eudoxo ad lib. I, 922; quamvis addat, alios a fluvio Mela deducere nomen. vid. Eustath. ad Dionys. Perieg. 538.

MELEAGER. notissimus ævi prisce Heros, Cenei & Althææ filius, Calydonius, qui genus longa serie ex Æolo trahebat, descendens ex Calyce Æoli filia. vide Apollodori lib. I, cap. VII, § 5 & seq. ab avo vero Parthaone, *Parthaonides* dicitur Valerio lib. III, 705; ubi videndus Pius, qui de cognatione Tydei & Meleagri multa ibi confert. egregie quoque *Parthaonis* stemma illustravit Heinsius ad Ovid. VIII Met. 541; ubi & fuisse notat, qui Martis filium Meleagram fecerint, ut & Maserius notavit. vid. Lutat. ad Stat. II Theb. 727. reliqua ejus acta nota sunt. unum est, quod alicui, longum ordinem majorum recensenti, scrupulum movere possit: nimis longum nimirum intervallum inter Æolum & Meleagram intercedere, ut potuerit interfuisse huic expeditioni; cum nonus fere numeretur ab Æolo, & plurimi, ut Jason, Argus, & alii, tertia tantum ab Æolo generatione distent. sed sæpe jam notavimus, frustra temporum concordiam in fabulis quæri. Juvenem vero & imberbem affuisse huic expeditioni dicit Apoll. lib. III, 518; unde & *Laocoonta* ipsi rectorem additum vidimus. Noster tamen Valerius in hac sententia non fuisse videtur, qui lib. I, 434, humeros ipsi & spatium pectoris Herculeis æquum lacertis præbet; & lib. V, 574, ipsum & Tydea vocat *ingentes Calydonis alumnos*. *Magnum Cniden* vocat Statius lib. V Theb. 405; licet hæc de statura, quæ jam juveni immensa fuerit, explicare liceret. denique ætate jam virili fuisse apparet, quod ipse Apollonius lib. I, 997 eum nulli, nisi Herculi, cedere affirmet; unde & Herculis relinquendi auctor, & factionis dux, magniloquentia & superbia omnes superat. vide Flaccum lib. III, 645 & seq. uxorem dicitur habuisse *Cleopatram*, Idæ filiam, de qua vide in *Ida*, & Heins. ad Ovid. Epist. III, 97.

MENCETIUS. Actoris & Æginæ filius, ex insula Ægina; Æolidarum etiam ex familia: Actor enim Dejonæ filius, qui Æoli. Pater fuit Patrocli, qui inde *Astorides* Ovid. I, Art. 743 dicitur. vide & II ex Pont. IV, 22. Ab omni-



bus vero Argonauticis memoratur. a Valerio Flacco lib. I, 407, *Actorides* dicitur, de quo vide supra in *Actoride*; & Schol. Pindari ad IX Olymp. 104. Actor vero ille rex Opoentis fuit, & diversus ab *Actore* Argonauta, quem supra recensuimus. Eustathius ad Homeri Iliad. A. 337 ex Hesiodo tradit, Menœtium fuisse fratrem Pelei, & filium Æaci, alios vero facere Myrmidonem, filium Jovis, ex quo natus Actor, qui duxit Æginam, quæ jam ex Jove Æacum antea susceperat, ipse vero postea ex illa tulit Menœtium. Myrmidonis etiam filium *Aclora* dicit Scholiastes Apoll. Rh. lib. IV, 816; ubi addit, ejus filiam *Philomelam* datam fuisse Peleo. quam tamen Hyginus facit matrem Patrocli, ergo uxorem Menœtii, vide de his amplius agentem doctissimum Mezeriacum ad Ovid. Epist. I, vers. 17; & Munckerus quoque ad Hygini cap. XCVII, *Sthenelen* Menœtii uxorem fuisse notat. Achillis etiam matrem *Philomelam* fuisse, ostendit idem Mezeriacus ad initium Epist. III Ovidii, potuere vero confusæ fuisse duæ mulieres, *Philomela* Actoris filia, Menœtii soror, quam duxit Peleus, & *Polymele* Pelei filia, quam duxit Menœtius, cujus nomen pro *Philomela* apud Hyginum esset restituendum, si vera sunt, quæ doctissimus vir annotat ad Ovid. II ex Pont. IV, 22; quamvis apud Apollodorum lib. III, cap. 12, ex correctione Galei, non reperiam *Polymelen* Pelei filiam, sed *Polydoram*, ex qua *Menesihus* natus fuit. Sed Mezeriacus Eustathium dicit Achillem facere filium *Polymeles*, Actoris filia, quæ certe ab aliis *Philomela* vocatur.

MOPSUS. nulli omiffus aut ignoratus; celeberrimus vates, ut eum inter antiqui nominis vates celebrat Clemens Alexand. lib. I Strom. pag. 333. *Ampycis*, vel ut alii *Ampyci*, & *Chloridis* Nymphæ filius, Lapitha, ex Cæchalia, ut quidam, vel Titarensis, teste Hygino: *Τιταρῆσιος* Apollon. lib. I, 65. quidam etiam *Titaronium* (Lycophron. vers. 881 *Τιταρῶνειον*) vocant, quia pater Ampyci fuit Titaron, vel ab oppido Theffaliæ Titarone, quod a Titaresio flumine Theffaliæ diversum esse docet Stephanus, & meminit ejus Homerus Il. B. 751, ubi multa de eo flumine adducit Eustathius, qui eum ex Titaro monte, qui vicinus Olympo, effluere, & Eurotan etiam dici, notat. Hic vero *Mopsus* sæpe confusus cum altero *Mopsō*, Tiresiæ filio, vel nepote, qui etiam vates Trojani belli tempore fuit. vide

Gronov. ad Senec. Med. 655, Vales. ad Ammian. Marcel. XIV, 8, & Berckel. ad Steph. in *Mόψῳ*. Noster vero Ampycides vatis munere functus inter Argonautas memoratur. Orpheus vers. 127 eum filium *Ampyci* & *Aregonidis* facit. ubi Eschenbachius, ex Grævii sententia, diversam de matre vatis Orpheæ sequi sententiam notat. alii constanter *Chlorida* matrem vocant, quæ diversa a *Chloride*, Amphionis & Niobes filia, quam Neleus uxorem duxit, & a *Chloride*, Tiresiæ filia, ut quidam matrem Periclymeni vocant. vide in *Periclymeno*. Hygin. fab. X, & Schol. Homeri Odyf. A. 280. vide infra in *Neleo*. Valerius noster lib. I, vers. 383 Apollinis filium facit. cum quo facit Statius III Theb. 521, ubi Lutatius interpres Apollinis & Himantis filium dicit fuisse, & hinc quidam apud Ovid. I ex Ponto IV, 37 legunt, *nec Himantide natus*, & intelligunt *Mopsus*, ut docet Merula in notis. Sed Apollinis filius non fuit revera, sed opinione & poetarum elogiis, qui vates Apollinis filios faciunt; unde Valerius dicit, *Phæbi fides non vana parentis*, id est, eum arte sua & præstantia vaticinandi vulgi rumorem confirmasse, quasi Apollinis esset filius. eodem modo ut Neptuni & aliorum Deorum filios vidimus alios, qui tamen vero patre censebantur alio. ita & alter *Mopsus* Apollinis filius dictus, cum esset Rhacii & Mantus; Pausan. lib. VII Achaic. cap. 3, ubi vide notas Kuhnii, qui ex Cononis narratione VI id firmat. reliqua de Mopso obvia & occupata aliis. Hyginus vero hunc ab initio non accessisse Argonautis ait, sed in itinere post mortem Ampyci patris ad eos se contulisse, deinde in Africa morsu serpentis obiisse: cum ceteri omnes simul cum Jafone conscendisse navem, & ex Theffalia solvissent, narrent. de ejus morte videri possunt viri docti, quos jam laudavimus, & Tzetzes ad Lycophron. vers. 881. Ovidius, eum superfuisse huic expeditioni, & venatui Calydonio cum Meleagro interfuisse; canit lib. VIII Metam. 316. Apulejus de Deo Socratis, eum pro Deo cultum, & in Africa oraculum habuisse, affirmat. vid. Barth. ad Stat. III Theb. 521.

NAUPLIUS. Neptuni & Amymones, Danaï filia, filius, Argivus, omnibus, præter Apollodorum, memoratus. Scholiastes vero Apollonii ad lib. I, vers. 133, duos fuisse *Nauplios* tradit. hunc fuisse veterem Neptuni filium, & Argonautam; alium vero ex ejus posteris *Nauplium*. & stemma



ita deducitur: Amymone genuit *Nauplium* Argonautam; ille Prætum, ille Lernum, ille Naubolum, ille Clytonaum, ille denique *Nauplium* secundum. & videtur Apollonius ex hujus stemmatis deductione *Nauplium* minorem filium Clytonai statuere Argonautam; licet vers. 138 *Nauplium* majorem Amymones fil. navigandi peritissimum statuens, eum Argonautis accensere posset credi. certe Orpheus vers. 200, Hyginus, & alii, eum Neptuni & Amymones filium faciunt. Hœlzlinus ad Apollonium, ubi de variis *Naupliis* agit, ipse confundit stemma, & Prætum facit *Nauplii* minoris filium, cum fuerit majoris, & *Nauplium* putat eundem esse, qui *Abas* dicitur Pausaniæ lib. II, 16; sed ille diversus Prætus fuit, geminus Acrisii frater, filius Abantis, & Argivus. hic vero Prætus, *Nauplii* filius, Phocensis: nam Lernum & Naubolum fuisse Phocenses, vidimus in *Iphito*. & hic *Nauplius* major conditor *Naupliæ*, teste Pausan. lib. II, 38, & V, 35, & Schol. Euripid. in *Oreste* vers. 54. & verosimile est, Lernam paludem a Lerno Præti filio dictam, ut & ab Amymone fons nomen in eodem tractu terræ accepit. *Nauplius* etiam familiaris Aleo fuit, cujus iussu filiam Augen necandam vel vendendam tradidit, teste Diodoro lib. IV, pag. 166, & Apollod. lib. III, 9, § 1, & paulo aliter Paus. VIII, 848. Scholiastes vero Apollonii ad lib. IV, 1091, ex hoc *Nauplio*, Neptuni filio, natum esse ait Damastora, Pherecyde auctore, ex eo vero Peristhenen, inde Castora, & ex eo Androthoen, matrem Dictyos & Polydectæ. Hic *Nauplius*, cum Tiphys periisset, petiit clavi regimen, sed prælatus fuit Anceus, teste Apoll. II, 898, ex Flacci sententia Erginus lib. V, 65. insignem vero fuisse ejus navigandi peritiam & siderum scientiam, inde confici posset, quod ex duabus *Arctis* unam reperisset *Nauplium*, alteram Thaletem, dicat Theon ad Arati Phænom. vers. 27. Præterea etiam noster poeta hunc *Nauplium* confundisse videtur cum alio *Palamedis* patre lib. I, 371, qui tamen fuit Euboicus, cum noster Argivus dicatur ab Hygino XIV, & Scholiaste Euripidis d. l. Apollodorus etiam lib. II, cap. I, § 5, itidem confundit. Nam hunc *Nauplium* Clymenen, Atrei filiam, vel ut alii Philyram, duxisse narrat; vel ex sententia Cercopis Hesionen cepisse, ex qua *Palameden* & alios genuit; qui locus mendosus est. nam *Clymene* Atrei, *Ἀρπείως*, filia dicitur, ut etiam legitur apud

Schol. Euripid. *Orest.* 432, quæ lib. III, cap. II, § 2 dicitur *Crethei* filia, qui *Κρήτειος* etiam ibidem dicitur. Minois filius. sed semper *Catreia* vocari debere, docuit Meursius in *Creta* lib. III, cap. 3, & ita MSS. habere, notat Th. Galeus, & Tzetz. ad *Lycoph.* 384 recte tradit. hæc *Clymene* fuit mater *Palamedis*, cujus soror *Ærope*, *Plisthæni* nupta, edidit *Agamemnona* & *Menelaum*. unde a *Suida* *Palamedes* dicitur *Ἀγέλλιος* *Agamemnonis*. ipse etiam *Virgilius* *Nauplios* confundisse videtur, cum *Palameden* *Beliden* vocet lib. II, 82. *Amymone* enim, *Danai* filia, *Beli* neptis erat; ubi *Servius*, *Apollonium* secutus, dicit, eum septimo gradu a *Belo* distare, quæ iisdem pæne verbis habet *Lutatius* ad *Stat.* I *Achil.* 92; cum tamen ex *Apollodori* loco, mox adducto, tantum quarto gradu distare efficitur. si vero *Nauplium* minorem fuisse patrem *Palamedis* statuamus ex stemmate *Apollonii*, nono quidem gradu distabit. *Lutatius* vero ad *Stat.* II *Theb.* 432, VI *Theb.* 288, *Nauplium* majorem patrem *Palamedis* statuit, ut *Apollodorum* fecisse vidimus. absunt tamen illa verba, quæ *Palameden* ex *Nauplio* natum indicant, ab *Hygini* fabula CLIX, quam descripsisse *Lutatium* *Munckerus* notavit. *Morerius* in lexico suo memorat *Nauplium* secundum, quem *Seriphi* & *Eubœæ* regem facit, quod unde habeat, vellem docuisset. si enim *Seriphi* rex fuisset, potuisset *Polydecten* aut *Dictyn*, quos ex posteris *Nauplii* prioris fuisse vidimus, cognatione contigisse. illorum autem posteros nescio an veteres memoraverint. qui vero supplementa adjecit *Morerio*, recte eum quidem reprehendit, quod nullam *Nauplii* prioris mentionem fecerit, quem tamen ipse censor, an fuerit, ignorat, nec stemma *Nauplii* accurate excutere satagens, ad *Apollodorum*, obvium omnibus in hac materia auctorem, remittit, quem nos *Nauplios* duos confundere ostendimus. maximum hoc ex furum *Lexicographorum* scriptis est incommodum, quod vel nullos auctores producant, vel ad scriptorem aliquem nos ita remittant, ut quærendo defatigati, tandem illis fidem habere malimus, quam inutilem operam infumere. sæpe etiam citant auctores, apud quos illa, de quibus agunt, debere existare credunt, licet sæpe vel nihil ibi reperiat, vel longe aliter.

NELEUS. *Hippocoontis* filius, *Pylus* Hygino fabula X



& XIV, qui solus eum in Argonautarum censum refert. ab aliis *Neptuni* & *Tyrus* filius dicitur. vide Schol. Pind. IX Ol. 43, & Schol. Apollon. I, 156, & Schol. Homeri Odyf. A. 380, Apollodor. in catalogo Argonautarum, & Liban. Diegem. 38. sed de Nelei gente mox in *Nestore* & *Periclymeo*, Nelei filiis, agendum erit. ejectus hic erat a fratre Pelia ex Theffalia, & in Peloponnesum abiens Pylum condiderat, ibique regno confirmatō, & ducta Chloride, Amphionis & Niobes filia, Periclymenum, Nestora & Chromium sustulerat; Hygin. fab. X: quorum duo Argonautis se associaverunt. quare vix verosimile videri potest, illum cum filiis se voluisse adscribi in hanc militiam, cum diu ante hoc tempus ex Theffalia migraverit, & senior jam esset. Pero, ejus filia, mater fuit *Areji* Argonautæ; ubi vide.

NESTOR. Nelei filius, qui solus omnibus fratribus superstes fuit, quia aberat eo tempore domo, quo Hercules Nelea cum omni familia sustulit. vide Hygin. fab. X. Hic soli Valerio nostro debet, quod inter Argonautas habeatur. vid. lib. I, 380, & VI, 569. Licet vero frater ejus *Periclymentus* natu major fuerit, ipsum hujus expeditionis tempore militaris ætatis fuisse apparet, quia jam antea Lapitharum certamini interfuit, quod paucis annis hanc militiam præcessit, ut ipse Nestor apud Ovidium XII Met. 212 & seq. & noster lib. I, 145 testantur: quamquam scrupulus, si omnia ad historica veritatis calculum apud Mythicos revocare vellemus, inde injici posset, quod primis in annis interfuisse Calydonio venatui dicat Ovidius VIII Met. 313, qui post reduces Argonautas est institutus. Præterea Scholiastes Statii lib. IV Theb. 126 dicit, illum ad bellum Thebanum non ivisse, quia nondum militaverat; quod tamen ex verbis Statii vix confici posse puto, quæ ita se habent:

*Nondum nota Pylos, juvenisque ætate secunda*

*Nestor, at ire tamen peritura in castra negavit.*

unde tantum patet, eum ultra triginta annos natum, ideoque aptum satis militiæ, sed noluisse huic bello nomen suum dare. ubi etiam Barthius notat, poetas non constare sibi in temporum ratione, ut talium dominos, non famulos, suo quodam privilegio. reliqua de Nestoris actis & vita, quia notiora sunt, & huc non pertinent, omitemus.

OILEUS. *Leodoci* & *Agrianomes*, filia Perseonis, filius,

ex urbe Naricea Hygino fab. XIV memoratur, sed Berckelius in notis ad Fragmentum Stephani pag. 60, sive ad *Δώτιον*, emendat *Oædoci* filius, qui filius erat Cyni, quod stemma mihi est ignotum, & Berckelius ex Eustath. ad Il. B. 531, matris etiam nomen *Laonomen* pro *Agrianome* substituit, quod verosimile. nam idem Steph. in *Καλλιάρως* facit Calliarum, filium Oædoci & Laonomes. Uxor *Oilei* fuit *Eripois*, ex qua Ajax natus fuit, Homer. Il. N. 697, & O. 536; ex Rhene concubina habuit Medonta, Homer. Il. B. 727. memoratur vero hic inter Argonautas ab omnibus, præterquam ab Apollodoro. dotes ejus præcipuas fuisse, dolo hostes aggredi a tergo, si inclinata esset acies, canit Apollon. I, 75; quod posset intelligi non de acie hostium, sed de sua, in qua pugnabat *Oileus*, quæ cum fugeret, ipse, quasi in tergo manus haberet, insequentes hostes poterat impetere; & ad eum forte, non filium Ajacem, referri illa Servii possent ad I Æneid. 41: *a multis historicis Græcis tertiam manum dicitur post tergum habuisse, quod ideo est factum, quia sic celeriter utebatur in prælio manibus, ut tertiam habere putaretur.* quibus verbis si liceret præponere *qui*, & ita connectere, sane hic Ajax *Oilei* filius, qui a multis, ad patrem, non filium, lubens referrem: quamvis non pugnem, si de ipso Ajace quis vellet capere, qui eadem dote, qua pater, instructus, hostes in fugam datos mira velocitate insequi esset solitus, unde *ταχύς* Homero, & Horatio I, od. 15 *celer sequi* dicitur. sed hæc relinquimus in medio.

ORPHEUS. celeberrimus vates, & de cujus sapientia musica omnia veterum monumenta plena sunt, a nullo Argonauticorum scriptorum non celebratus; quare nec nostrum est institutum, operose de eo agere. De parentibus ejus non convenit. quidam *Apollinis* & *Calliopes*, alii *Æagri*, ut noster IV, 348, filium faciunt. vide Schol. Apollon. I, 23, & Muncker. ad Hygin. XIV. potuit vero revera *Æagri* fuisse, sed habitus Apollinis, quia vates & poeta excellens fuit; ut in *Mopso* vidimus & aliis. & Schol. Pindari IV Pyth. 313 notat, ut ex Jove, & Jovis filii reges dicuntur, ita poetæ & citharistæ ex Apolline. magister Eumolpi dicitur Ovidio III ex Pont. III, 41, ubi vide notas. Hic rei militaris rudis, & etiam debilis, assumptus a Jasone ex consilio Chironis, quia aliter non potuissent



Sirenas transire. Schol. Apoll. I, 24 & 31. Orpheus, sive Onomacritus juvenem facit vers. 408; & idem fingit, Jasona abiisse ad eum in Thraciam, & ad iter Colchicum invitasse. Ejus munus fuit, citharæ cantu demulcere feros juvenum animos, (nam feras mitigasse Musis & literis mentes docent Parrhas. & Barth. ad Claudian. Præfat. lib. II de Rapt. Proserp. & alii.) & modum remis ducendis dare, & celestia canere. De poesi, quæ sub ejus nomine circumfertur, quam ad *Onomacritum* quidam, alii ad juniorem poetam, nobis incognitum, referunt, hic agendi locus non est. vide Fabricii Biblioth. Græc. lib. I, cap. 18, & Schurtzfleisch. notitiam Biblioth. Weimar. pag. 178.

PALÆMON. Apollodoro memoratus, *Vulcani*, sive *Ætoli* filius; Orpheo vero vers. 208 *Lerni* filius nothus dicitur, & *Palæmonius* vocatur, ut & Apollonio I, 202, qui dictum quidem *Lerni* filium, sed revera *Vulcani* fuisse dicit: qui *Lernus* si idem sit, quem *Præti* filium vidimus fuisse in *Nauplio*, itidem ex *Æolia* familia genus suum deducebat. si vero ex Apollodori sententia fuerit *Ætoli* filius, potuit illius *Ætoli* fuisse, qui *Endymionis* filius, *Calyces* *Æoli* filiae nepos fuit, & ita ex *Æolidis* genus quoque traheret, & *Calydonius*, ut *Hyginus* eum facit, fuisset. ignoratur hic *Valerio Flacco*, neque nobis de eo amplius quid constet.

PELEUS. *Æaci* filius, *Telamonis* frater, *Achillis* pater, nulli incognitus, & ab omnibus inter Argonautas connumeratus. Matrem ejus *Tzetz.* ad *Lycoph.* 275 *Deida* fuisse scribit, quam in *Endeida* mutat *Munckerus* ad *Hyginum*, cujus notas vide. hanc *Plutarchus* in *vita Thesei Scironis*, alii *Chironis* filiam faciunt, quod verosimilius: & nomen apud *Plutarchum* corruptum esse patet, quia uxor *Chariclo* additur, quæ *Chironi* fuit nupta. vide ad *Ovid.* II *Metam.* 636, & *Schol.* *Pind.* IV *Pyth.* 182, & *Apollon.* IV, 613. *Æaci* vero mater *Ægina* dicitur *Ovid.* VII *Met.* 615, *Stat.* VII *Theb.* 317, & aliis, ita ut fuerit frater *Menœtii*. Licet ille *Actore* patre magis, *Æacus* vero *Jove*, (qui in *aquilam* versus *Æginam* vitiavit. vid. *Schol.* *Stat.* ad lib. VII *Theb.* 424, & *Nonni Dionys.* lib. XXIV, pag. 625.) censeatur. qua ratione etiam *Æolidas* tangat, vide in *Menœtio*. Ipse *Peleus*, *Thetin* *Nerei*, (sive *Neptuni*; *Hygin.* fab. CLVII) filiam duxit, unde eum *generum pro-*

fandi *Nereos* appellat *Stat.* V *Theb.* 436. reliqua notissima sunt. sed hic quoque ratio temporum admodum turbata est. ut enim multa præteream, dicitur *Peleus*, cum fratrem suum *Phocum*, inita sceleris societate cum *Telamone*, occidisset, aufugisse, & lustratus ab *Euryto* *Actoris* filio, quem *Eurytiona* vocat *Apollodorus*; (vide supra in *Eurytione*) cujus filiam *Antigonen* duxit, & in tertiam partem regni a socero ascitus fuit: deinde, cum in venatu apri *Calydonii* occidisset *Eurytiona*, iterum se *Jolum* contulit, ad *Acastum*, *Peliæ* filium, a quo lustratus iterum fuit; *Ovid.* XI *Met.* 409, II *Fast.* 39. sed cum ab *Astydamia*, *Acasti* uxore, sollicitaretur ad adulterium, nec vellet ejus libidini morem gerere, ab *Acasto*, apud quem eum criminata erat *Astydamia*, iterum expulsus fuit, & feris expositus, sed ope *Jovis* conservatus spoliavit *Acastum* regno, & duxit *Thetin*. hæc multis prodita vide apud *Tzetz.* ad *Lycoph.* 176, *Schol.* *Aristoph.* *Nubib.* 1059, *Pindar.* III *Nem.* 55 & 88, *Apollon.* I, 224, & alios. vide & supra in *Acasto* & *Eurytione*. quæ si vera sunt, cum maximam partem post hanc expeditionem accidere debuerint, qui ergo ab *Apollonio* & *Valerio* fingi potest jam tempore hujus expeditionis natus *Achilles*, & apud *Chironem*, qui avus ejus maternus fuit, educatus? qui si ex *Thetide* natus, certe *Acastus*, qui in primo ævo ad *Jasona* venisse dicitur, non potuit jam uxorem habuisse, nec *Pelea* lustrasse ante natum *Achillem*. movet & hunc scrupulum *Pius* ad *Valer.* I, 256, sed non solvit. quare statuendus hic anachronismus, poetis admodum familiaris: licet ego facile credam, connubium *Pelei* fuisse posterius hac expeditione, sed poetas ornando argumento, jam *Achillem* puerum induxisse, qui indolem suam tot *Heroibus* ostenderet: *Peleus* enim juvenis debuit affuisse *Argonautis*, quia ejus patruus *Menœtius*, qui neque proventa ætate fuit, ut plurimi *Argonautæ*, itidem commilito fuit; neque etiam, si hoc tempore jam puer *Achilles* fuerit, & ad *Trojana* bella protraxerit ævum, non habuit ejus mater, nec ipse, quod de brevitate vitæ quererentur. sed plura incredibilia in *Achillem* anno nono ætatis fuisse a matre in insula *Scyro* occultatum, & paulo post inde ad *Trojanum* bellum extractum. vide *Barth.* ad *Stat.* I *Achil.* 1, & 503. *Neoptole-*  
Val. Flaccus. f



mus vero, ex Deidamia susceptus, unum annum agebat, cum ab Ulixē deprehenderetur Achilles. vide Stat. II Achil. 234. ille tamen post decem vel undecim annos jam vir, & ferocissimus Ilii vastator, & Priami interfectōr inducitur a Virgilio II Æneid. & aliis. quibus crediderim Ovidium inductum, ut Neoptolemum adhuc in Scyro fuisse fingat XIII Met. 155, ubi de armis Ajacis:

*Est genitor Peleus, est Pyrrhus filius illi,*

*Quis locus Ajaci? Phthiam Scyronve ferantur.*

quamquam aliquis posset contendere, Pyrrhum post armorum iudicium Græcorum exercitui accessisse. nam nisi hoc Ovidius crediderit, sibi obloqueretur, cum mox vers. 455, eum Polyxenæ cædi parentali interfuisse, narret; si forte hæc tam accurate Naso excusserit in opere, quod non emendavit. Denique *Pelea* omnia illa egisse, quæ supra vidimus, post expeditionem, inde apparet, quod superfuert usque ad bellum Trojanum, quæ ætas longissima fuisset, si tam provec̄ta ætate, & tot rebus gestis demum ad Argonauticam expeditionem profectus fuisset. supervixisse vero Achilli, ex Ovidii loco XIII Met. 155, apparet, & ex Plutarchi libro, an Seni sit gerenda Respubl. qui dicit, *Pelea* & *Laerten* domi defedisse, ideoque despectos, cum Nestor etiam senex laudem adhuc obtineret ex re militari. vide & Schmid. ad Pind. IV Pyth. pag. 268. a Pyrrho nepote reduce restitutus etiam regno dicitur, quod iterum per Orestem amisit, indeque confectus mœrore obiit. ad militaris rei scientiam, qua valuit, pertinet, quod *μάχαιραν* invenisse dicatur a Servio ad Virg. IX Æn. 505.

PENELEUS. filius *Hippalmi*, soli Apollodoro notus: nobis, unde venerit, aut ortus sit, minime constat. memoratur *Peneleus*, *Leiti* filius, inter procos Helenæ, ut vidimus in *Leio*. sed ille simul ergo cum patre debuisset militare. *Hippalcmum*, Pelopis filium, reperio apud Schol. Pindari I Olymp. 144; sed de ejus conjugio aut posteris nihil novi, & , an idem sit, qui *Hippalmus*: certe ita vocatur a Schol. Euripidis in Oreste vers. 5. *Peneleus*, *Leiti* filius, Bæotorum dux in bello Trojano ab Homero & aliis celebratur. simul cum *Leito* duxisse copias dicit Homerus II. B. vers. 494, quem *Penelea* an diversum faciat, an confundat cum Argonauta cap. XXVII Hyginus, nescio: nam dicit *Hippalli* & *Asteropes* filium fuisse: *Hippallum* vero *Pe-*

lopi & Hippodamiæ filium fab. LXXXV; quem alii *Hippalmum* & *Hippalcmum* vocant. vide Munckeri notas. hujus Penelei nepos itidem *Peneleus*, conditor oppidi Paneli dicitur a Stephano in Πάνελος. *Leitus* vero dicitur *Lacreti* & *Cleobulis* filius, quæ etiam nomina corrupta: nam quod *Alectoris* vel *Alectryonis* restituant viri docti, arbitrarium est. melius est, expectare certiora.

PERICLYMENUS. *Nelei* filius, frater Nestoris, ab omnibus celebratus inter Argonautas. vide Apollon. I, 156, & ibi Schol. Homer. Od. A. 380. Orpheus dicit, eum venisse ex Pallene vel Pellene (vid. Eschenbachii notas) & Lipaxo. Hyginus vero Pylum facit. Scholiastes vero Pindari ad IV Pyth. III, & IX Nem. 61, *Nelei* & *Chloridis* filium facit, quam *Chlorida* dicit fuisse filiam Tiresiæ, ubi cum *Amphiarao* congressus dicitur. nisi sit diversus a nostro, quod vix puto. Seneca quoque in Medea 635,

*Patre Neptune genitum necavit,*

*Sumere innumeras solitum figuras.*

vid. in *Neleo*: qui Neptuni filius censebatur a multis, ut vidimus, & hinc auctor Neleidarum Neptunus habitus. vid. Schol. Pindari IV Pyth. 309, & Ovid. XII Met. 556. & recte avum *Periclymeni* Neptunum facit Tzetzes II Chiliad. 45, & d. Scholiastes Pindari. licet Pindarus, eum Euphemo conjungens, videatur Neptuni filium credidisse. ex hoc *Periclymeno* descendebat *Melanthius*, pater Codri, ut ostendit Meursius de Reg. Athen. lib. III, cap. 10. Neptunus vero præ ceteris Neleidis hunc *Periclymenum* dilexisse dicitur, & decorasse munere, ut se posset vertere in varias figuras: quod Ovidius & Schol. Apollon. d. I. docent. in bello vero, quo pater ejus oppressus fuit ab Hercule, cum se in muscam convertisset, clava fuit occisus, secundum Scholiasten dictum. Ovidius vero verisimilius in aquilam conversum, sagittis ab Hercule confectum, tradit. ad illas metamorphoses respicit Severus Sophista in excerptis Rhetorum *Allatii* pag. 231.

PHALERUS. *Alconis* filius, Atheniensis, omnibus memoratus. Apollon. I, 96, Orptheo 142, Valer. Fl. I, 398. *Alcon* a Scholiaste Apollonii dicitur filius Erechthei regis Atheniensium; unde *Athæus Phalerus* vocatur a Valerio lib. VI, 217. Hunc *Alconem* forte respexerit Virgilius Ecl. V,

*Aut Alconis habes laudes, aut jurgia Codri.*



in quo verisimiliter latet aliquod egregium *Alconis* facinus; Codro comparandum, quod præstitit *Alcon* patriæ suæ. certe Maserius ad Val. Fl. d. l. narrat, *Alcona* fuisse quendam Atheniensium ducem, qui sua morte suis vitam restituit. quod unde hauserit, non addit. de Erechthei filiabus certe narratur, illas se pro patria immolandas præbuisse. vide Ciceron. I Tusc. 48, & III de Natur. Deor. 19, & pro Sext. 21, Hygin. fab. XLVI, & alios. an in hujus facti societatem venerit frater, ignoro. confusus sæpe hic *Alcon* Atheniensis cum Cretenſi sagittario, quem Servius ad Virgillii d. l. ibi innui putat: nam & nostrum fuisse artis sagittandi peritissimum, apparet ex illis, quæ Valerius ei attribuit, & Manilius V, 304:

Quin etiam ille pater tali de sidere cretus  
Esse potest, qui serpentem super ora cubantem,  
Infelix, nati somnumque animamque bibentem,  
Sustinuit missò petere ac prosternere telo, &c.

ubi Scaliger videndus, qui adducit versus Sidonii in eandem rem, ad quos vide Carm. V, 154 Sirmondi notas. quare forte Valerius Cretenſis factum Atheniensi attribuerit. Eustathius *Alconem*, Pandori filium, Erechthei nepotem facit. vide Meurf. de Regib. Athen. lib. II, cap. 13. Alius *Alcon* Myleus, artifex egregius, memoratus ab Ovidio XIII Met. 683; alius Sicyonius Stat. IX Theb. 121, ubi de aliis Barthius videndus. & nomen illud etiam temporibus posterioribus usitatum fuisse, docet *Alcon* Saguntinus apud Liv. XXI, 12, & Chirurgus imposuit id cuidam Martialis XI, 85. Quidquid sit de *Alcone* patre, filius ejus *Phalerus* dicitur, & Gortynam urbem Theſſaliae condidisse ab Orpheo vers. 143, quod a nemine præterea tradi notavit Eschenbachius. ab eo portum *Phalereum* etiam Atheniensibus structum nomen accepisse, tradit Pausan. lib. II, cap. 1; præterea in Italiam deinde transgressum, urbem ex suo nomine *Phalerum*, quæ deinde *Parthenope*, & postea *Neapolis* fuit dicta, condidisse, Petrus La Sena de Gymnasio Neap. cap. XI, § 4, & Camill. Peregrinus de Campania Felice diss. II, § 21, eruditissime ex Lycophrone & aliis ostenderunt. La Sena etiam, quia *Εὐμεδῖος* Phalerus ab Apollonio vocatur, inde Neapolim *Eumelida* vocari a Statio lib. IV Silv. VIII, 49 credit. in quo loco explicando ad-

modum fudant interpretes. sed Domitium Calderinum jam id suspicatum fuisse, licet ille ab Eumelo Parthenopes patre deducat, ex ejus notis, quas forte ex antiquo glossatore concinnavit, apparet. vide ad Ovid. VII Met. 390.

PHANUS. *Dionysi* five *Bacchi* filius, soli Apollodoro numeratus inter Argonautas, nobis ignotus. vide infra in *Staphylo* ejus fratre. An ab hoc proverbium *Φάνου Σύρα* ortum, nescio. Refert id *Erasmus* ex Suida, titulo *Indigentia*. sed ille *Φάνιος* dicitur Zenobio Centur. IV, 24, *Φανείδος* a Diogeniano Centur. V, 5. Eustathius *Phaniam* vocat, notante Schotto.

PHILAMMON. *Apollinis* & *Chiones* filius Hygino fab. CC, & Ovid. XI Met. 317, ubi pluribus de eo actum. *Leucooes*, vel *Leucothoes*, ut alii, filium facit Hygin. CEXI, ubi v. Scheffer. & infr. in *Thersanon*. fuit Autolyçi frater *ἑμομήτριος*. Hunc Scholiastes Apollon. lib. I, 24, ex Pherecyde narrat cum Argonautis navigasse, non vero Orphea. De confusione circa hunc & *Eumolpum*, vide quæ ad Ovidium notata lib. XI, 93, & III ex Pont. III, 41; nec verosimile esse, hunc cum Argonautis navigasse, evincit illa, quæ de *Autolyco* ejus fratre supra diximus.

PHILOCTETES. filius *Pæantis*, ex Melibœa, satis notus. hic ab Hygino & Val. Fl. I, 391, solis recensetur inter Argonautas; a reliquis omnibus omittitur, & jure, ut puto. non enim verosimile, si rationem temporum spectemus, eum utrique expeditioni Argonauticæ & Trojanæ interfuisse, quod soli Nestori, omnium maxime longævo, contigisse dicitur. quare alii *Pæantem* ejus patrem Argonautam faciunt, cui & Herculem sagittas suas dedisse scribit Apollodorus lib. II, cap. VII, § 7. quare Philocteten potius Trojanis bellis relinquimus.

PHLEIAS, vel PHLIAS. *Bacchi* & *Ariadnes* filius, ex Phliunte urbe. Valerio lib. I, 412, & III, 108, Apollon. I, 115, Orpheo vers. 192, memoratus. *Phliasius* Hygino dictus. Urbs vero Phlius in Peloponneso olim Arathyrea dicta, teste Scholiaste Apollonii d. l. & Pindari VI Nem. 73, sed de auctore hujus urbis discrepant. quidam enim ab hoc *Phliante* volunt conditam; ut Pausan. II, 12, qui eum non *Ariadnes*, sed *Arathyrea* filium ex Baccho facit; licet alii ex *Caso*, Temeni filio, deducant. Orpheus ma-



trem ejus Nympham vocat, sed nomen non exprimit. Stephanus & Schol. Apollonii a *Phliunte*, (rectius a *Phliante*) Bacchi & Chthonophyles filio, conditam ajunt. Maserius ad lib. III, 148, valde æstuat in hoc nomine, & licet Despauterio male *Phæas* dicatur, ipse tamen *Phlæas* recte dici posse censet.

PHLOGIUS. filius *Phruxi* & *Chalciopes*, qui cum fratribus in insula Dia Argonautis se adjunxit. memoratur Hygino, Apollonio, & Val. Flacco. vide in *Argo* & *Mela*, & imprimis in *Autolyco*.

PHOCUS, vel, ut editur, *Focus*, *Cænei* filius, ex Magnesia, soli notus Hygino. *Cæneus* ejus pater, Elati filius, Magnesius, supra est relatus. non vero, ut toties vidimus, verosimile credo, patres cum filiis subiisse hanc expeditionem, cum passim Argonautæ juvenes florente ætate inducantur. alium *Phocum* Ornitionis, sive Neptuni filium, memorat Pausanias lib. II, cap. 4. Alius etiam est filius *Æaci*, a Peleo & Telamone occisus, de quo vid. ad Ovid. VII Met. 685.

PHRONTIS, sive, ut ab aliis vocatur, *Phrontides*. *Phruxi* & *Chalciopes* filius, de quo nihil est, quod dicamus, cum a fratribus *Argo*, *Mela* & *Cytisoro* nihil habeat peculiare. *Phrontis* vocatur a Scholiaste Apollonii II, 390, 1125, & ab ipso Apollonio vers. 1159. Et ita rectius vocari, docet alter *Phrontis*, rector Menelai, memoratus Homer. *Odyss.* T. 282, & Eustath. ad Dionys. *Perieg.* vers. 9, & Hesychio.

PIRITHOUS. *Ixionis* filius, Thesei indivisus comes & amicus, soli quoque Hygino refertur inter Argonautas, cum Apoll. I, 103 aperte neget, illos interesse potuisse huic expeditioni, cum retinerentur a Plutone, quod Proserpinam rapere instituisent, ex qua captivitate postea demum ab Hercule fuere liberati. vide *Germ. Valent.* ad Virgil. VI *Æneid.* 617.

POEAS. *Phylaci* filius, Iphicli frater, & ita ex *Æolidis*. vide in *Iphiclo*. soli Apollodoro hic memoratur inter Argonautas, qui *Thaumaci* filium facit, manifesto mendo scriptio- nis, pro *Phylaci*. stemma ejus recenset Eustath. ad Homer. II. B. 697, & nos in *Philoctete*, ejus filio, supra aliquid diximus: male vero Maserius eum confudit cum *Phleiante*, ut vidimus.

POLLUX. nec hic nos detinebit: nam quia omnia com-

munia cum fratre Castore habet, ad illa, quæ ibi diximus, lectorem ablegamus.

POLYPHEMUS. *Elati* filius, Theffalus ex Larissa, frater ergo *Cænei*. mater ejus *Hippea*, Antippi filia, ab Hygino dicitur. Scholiastes vero Apollonii lib. I, 50 dicit, alios eum Neptuni filium facere, nimirum eo modo, ut plures jam bipatres Heroas vidimus. an hic *Elati* idem sit, qui memoratur ex Pherecyde a Scholiast. Apoll. I, 101, filius Icaris, qui Erimedem Damasci filiam duxit, & inde Tænarum genuit, nescio. *Elati* quoque Ischyos pater est Schol. Pindar. III *Pyth.* 14 & 55. vid. ad Ovid. II *Met.* 599. *Doliæ* etiam pater teste Steph. in *Dolio*, qui & *Elateam* urbem ab *Elato* dictam dicit. qui omnes *Elati* quomodo distinguendi sint, vix apparet. Male vero hunc confundunt quidam cum *Polyphemo* Cyclope sciret, ideo tamen *Polyphemi* mentionem injecisse videtur in historia *Amyci* lib. IV, 105, quia & ille Neptuni erat filius. Hic, senior licet, robore tamen corporis omnes fere superabat; sed pedibus præ ætate tardior. vide Orph. vers. 168, ubi verba illa, Ἡβείδης Καϊνῶς ἀφίκετο, sunt corruptissima, & sensu plane destituuntur. latere putem sub illis urbem *Æniam*, quæ erat Perrhæborum. sed quid restituam non invenio. de urbe illa vide Eustath. ad *Iliad.* B. 749, Strabon. lib. IX, pag. 434. *Cænea* etiam ibi recenseri, non male suspicati sunt viri docti. sed vellem explicuissent illud Ἡβείδης Καϊνῶς. Porro *Polyphemus* comes ita fuit affiduus Herculi, ut & sororem ejus Laonomen, Amphitryonis & Alcmenæ filiam, duxerit, teste Schol. Apollon. I, 1240. hinc etiam Herculem, Hylam investigantem, persecutus est, & simul cum Hercule ab Argonautis relictus, sedes posuit in nova urbe *Cio*, quam condidit; licet noster reversum fuisse videatur dixisse lib. I, 457, ubi vide, quæ notavimus. urbs tamen nomen illud *Cii* postea demum consecuta a *Cio* Milesio, qui novis colonis instauravit. Ipse *Polyphemus* obiit in pugna cum Chalybibus. vide Schol. Apollon. I, 1177 & 1354, & IV, 1470.

PRIASUS. cum fratre *Phoco* nobis fere incognitus. vide in *Phoco*.

STAPHYLUS. *Bacchi* filius, frater Phani, soli Apollo-



doro memoratus. In hoc vero mira temporum conturbatio; si enim ex Ariadna fuerit natus, post Argonauticam expeditionem vivere incepit. certe non diu ante. vide Schol. Apoll. III, 996. sed fuit longe Theseo antiquior: nam ejus filia Rhæo a quibusdam mater Jasonis dicitur fuisse; ita ut avus sub nepote militasset. vide in *Jasone*. præterea ad eum dicitur devertisse Lycus, Phoronei filius, tempore Inachi, quo nihil antiquius Græci esse jactabant. v. Parth. Erotic. cap. I. frater ejus etiam fuisse debuit *Eumedor*, de quo supra vidimus.

TALAUUS. *Biantis* filius, frater *Arei* & *Laodoci*, in quibus egimus de eorum stemmate. vide & Euripidis Scholiasten ad Phœniss. vers. 423. *Abantis* filius Orpheo dicitur vers. 147, de quo etiam supra late vidimus. Hos fratres omittunt Apollodorus & Hyginus. meminit ejus Apollodorus lib. I, IX, § 13, ubi ipsi dat uxorem *Lysimachen*, *Abantis* filiam: & sobolem ejus recenset Hyginus fab. LXIX, & LXX dat ipsi *Eurynomen* Iphiti filiam. Pausanias II, 6, duxisse *Lysianassam*, Polybi filiam, testatur. Inter filios nobilissimus *Adrastus*, qui qua ratione Argis regnum obtinuerit, docet Barth. ad Statium II Theb. 141. alter *Pronax* illustratur a Casaubono ad Athen. XII, 6. filia *Eriphyle*, Amphiarai uxor, cujus fabula notissima. vide Ovid. III Art. 13. hunc male *Alaum* vocavit Cribellius in versione metrica Orphei, deceptus prava verborum Græcorum lectione. nam pro *Λαοδόκος*, *Ταλαός* legit, *Λαοδόκος* τ' *Ἀλαός*.

TELAMON. *Æaci* filius, frater Pelei, in quo de genere eorum quædam adduximus. ejus omnes scriptores hujus expeditionis meminerunt. Comes hic & amicus certissimus Herculis, qui contra Meleagrum & alios, Herculem expectandum, cum Hylan quæreret, contendebat. postea ipsi affuit in expugnatione Trojæ. Valerius I, 351, solo Hercule eum minorem facit. & Statius V Theb. 378, *Herculem*, *Telamona*, & *Pelea* principes Argonautarum esse ostendit. reliqua ejus notissima, & omnibus narrata. Uxor ejus *Peribæa*, Alcathoi, Pelapis filii, filia dicitur Apollodor. lib. III, cap. XII, § 11, quæ ab aliis dicitur *Eribæa*; de qua Muncker. ad Hygin. fab. XCVII. ita & vocat eam Pindarus VI Isthm. 65, & Sophoc. in Ajace 570; ubi

vide Camerarium. apud Athenæum XIII, cap. I, inter conjuges Thesei recensetur *Melibæa*, Ajacis mater, ubi *Eribæam* legendum esse puto.

THERSANON. *Solis* & *Leuconoes* filius, Andrius, soli Hygino notus, ad quem Schefferus notat, se credere, eundem esse, qui *Philammon*, & qui cap. CLI dicitur filius Apollinis & Leuconoes; Munckerus vero *Leucothoes* mallet legere, ego *Leucothees*. vide quæ hanc in rem notavimus ad Ovid. IV Met. 196. Si vero *Leucothee* filia Orchami intelligatur, qui septimus a Belo, videndum, an tempora congruere possint. quamquam id in his fabulis nunquam nos morari debet.

THESEUS. nobilissimus Heros, & cujus tanti opera habebatur, ut *nihil sine Theseo* in proverbium abierit. quare neque hunc expertem hujus laboris esse voluerunt Apollodorus & Hyginus, quamvis nobis non verosimile id videri ostendimus in *Pirithoo*. Statius quoque lib. V, 431, eum Argonautis accessisse, superbum a Marathone asserto, fingit: & I Achil. 156 Chiron dicit, se quondam vidisse inter Argonautas juvenem Alcidem & Thesea, quos eadem in ætate non bene jungi, recte Barthius notat, quia in Thebaide juvenem Thesea, defuncto jam Hercule, inducit: nec, si *Theseus* affuisset, id Plutarchum omitturum fuisse credit, qui vel minima de *Theseo* persequitur. præterea plurimi *Thesea* antiquiorem faciunt hac expeditione, quia Hypsipyle filia fuit Thoantis, ille vero Bacchi & Ariadnes, quam a Theseo relictam duxit Bacchus; & Apoll. III, 996, inducit Jasonem, Medæe narrantem fabulam Thesei & Ariadnes, ut & fecit Valerius lib. VI, 278. vide in *Jasone*. vide etiam Meurf. Thef. cap. 23. Et idem Valerius lib. V, 90 expeditionem Herculis, comite Theseo, in Amazonas priorem facit Argonautica, quamvis ex Justini lib. II, 4 aliquis posteriorem possit credere, qui dicit, novem longis navibus Herculem profectum, cum alii primam navem bellicam Argo statuant, ut passim etiam Valerius. de *Theseo* ipso, & an pater *Ægeus*, an Neptunus fuerit, denique de ejus tota vita, ne actum agamus, ad Plutarchi inter veteres, & Meurfii, diligentissimi inter recentiores scriptoris, vitam Thesei ablegamus.

THESSALUS. hunc inter Argonautas video reponi in indice Munckeri in Hyginum. sed errasse credo auctorem, cum



non sit nomen proprium, sed patriæ, qua *Polyphemus*, *Pirithous*, & plures alii inter Argonautas censentur. neque *Theffalus* ille, qui ab Hygino cap. CCXXV templum Jovis Dodonæi dicitur posuisse, Argonauta fuit. *Theffali* vero plures in Mythica historia reperiuntur, hoc tanquam proprio nomine insigniti. ita Herculis filium, patrem Philippi & Antiphi, *Theffalium* vocat Dictys lib. II, cap. 4. qui forte idem est, quem Heracliden, & nomen Theffaliæ dedisse, dicit Schol. Apollon. III, 1089, & Pindari IV Nem. 40. sed ille post hæc tempora vixit. vide Muncker. ad Hygin. fab. XCVII. Æmonis filium *Theffalum* Stephanus vocat in *Αἰμωνία*, & alios habet hoc nomine in *Δόριον* & *Ἐγυρα*. vide & quæ notavimus ad Ovid. Ibin 285.

THESTOR. *Idmonis* filius, a nullo quidem scriptore Argonauticon memoratus. sed Scholiastes Apollonii lib. I, 239, quosdam credidisse, illum navigasse cum illis, sed proprio nomine mutato in *Idmona*, ob peritiam vaticinandi. vide in *Idmone*. ejus filia *Theonoe* nupta *Admeto*; ubi vide. filius ejus, celeberrimus ille in expeditione Trojana vates *Calchas* fuit, qui passim *Thestorides* dicitur.

TIPHYS. *Hagnii* filius, Apollodoro, Apollon. I, 105, Orphea 120, Valerio I, 481. vid. Eschenb. ad Orphea. Hygino vero est *Phorbantis* & *Hymanes* filius, Bœotius. quæ mater mihi penitus ignota. si vero *Phorbantis* filius fuerit, *Hyrmines* ibi legendum foret: illa enim *Phorbanti* nupta, & ita *Tiphys* fuisset frater *Actoris*, in quo de *Phorbante* quædam notavimus. natum fuisse Aphormii, loco Thespiensium, & famam obtinuisse, ibi solutam & reducentem appulsam fuisse navem, dicit Stephanus in *Ἀφρμίο*. & hinc Orpheus *Θεσπεσιέων* flumen, *Siphæum*, cujus & meminit Apollon. transisse dicit. licet alii ex Tipha oppido oriundum velint; vide Pausan. IX, 33. Regem Aulidis fuisse quidam putant, ex Senecæ Med. vers. 622. quem alii ad *Canthum*, alii ad *Erginam* referunt, sed nos ibi jam nobis nondum liquere pronuntiavimus. Obiit in ipso itinere, ut Apollon. II, 856; ubi vide, quæ Scholiast. & Val. Flacc. V, 15, Hygin. XVIII, & alii notarunt. Ammianus lib. XXII, 8, ejus monumentum & *Idmonis* & *Stheneli* non longe a Tiberenis & Macronibus esse narrat.

TYDEUS. *Ænei* filius, Meleagri frater, quamvis ex diversa matre; hic enim ex *Althæa*, Tydeus ex *Peribæa*, Hip-

ponoi filia; Hygin. fab. LXIX, ubi vide Muncker. quæ ab aliis *Eurybæa*, ut vidimus similem variationem in *Telamonis* uxore. De ejus genere egit etiam Maserius ad Valer. Fl. I, 387. sæpe a Valerio Flacco, licet omissus sit ab aliis, ejus virtus, Meleagri fratris conjuncta, celebratur. vid. III, 104, 705, IV, 223, & V, 574. *Parthaonides* vocatur etiam ejus frater *Meleager* III, 705; ubi alii *Tydea* intelligunt. Sed de hoc patronymico remisimus supra lectorem ad Heinsum in Ovid. VIII Met. 541. *Portheus* ille ab Homero dicitur Il. E. 115; ubi Eustathius videndus est.

ZETES. *Borea* filius, frater *Calai*, in quo de illis diximus. ab eo literam Z fuisse inventam, tradit Etymologici Magni auctor in *Ζήτα*: qui de eo & agit in *Ζήτης*.



## ARGONAUTICÆ EXPEDITIONIS

HISTORIA A LAURENTIO BALBO LILIENSI

E VARIIS SCRIPTORIBUS EXCERPTA.

*Jasonis & Phrixi genealogia.*

QUATUOR fuerunt *Deucaliones*: unus Minois filius, de quo Pherecydes; alter, de quo Hellanicus; tertius Abantis filius, de quo Aristippus in Arcadicis mentionem facit. quartus vero omnium antiquissimus ex Prometheo Japeti filio, & Pandora natus, ut scribit Hesiodus, qui primus, Apollonio teste, urbes condidit, & ædes Deorum construxit, primusque omnium mortalium regnavit. Is *Pyrrham* Epimethei filiam uxorem duxit, ut testatur Hesiodus in primo catalogo; de cuius nomine tota Thessalia *Pyrrha* fuit dicta, si Rhiano poetæ Græco fides habenda est, dicenti,

Πύρραν δῆποτε τήνγε παλαιότεροι καλέεσκον,  
Πύρρης Δευκαλίονος ἀπ' ἀρχαίης ἀλόχοιο.

Accipimus, prisca hanc *Pyrrham* nomine dictam,  
Antiqua antiqui de conjugè *Deucalionis*.

unde etiam qui ex *Deucalionis* genere fuerunt, Thessaliæ regnum tenuere, ut scribunt Hesiodus, & Hecataeus. Ex *Deucalione* natus est *Hellen*, ex hoc *Æolus*, qui ventorum rationem invenisse dicitur, ut tradit Plinius VII Naturalis historiæ libro. Ab aliis tamen alius existimatur, quibus magis accedo. Tres enim fuerunt *Æoli*: unus, qui in insulis a se denominatis regnavit, atque ex earum fumo ventorum rationes deprehendit; alter, qui in *Hetruria* regnavit, cuius filii fuerunt *Macareus* & *Canace*; tertius vero hic *Hellenis* filius. cui tres fuerunt liberi, *Cretheus*, *Athamas*, & *Salmoncus*. & *Crethei* quidem filius fuit *Æson*, Jasonis pater. *Salmonci* autem filia fuit *Tyro*, quæ prius *Cretheo* patruo nupta, *Æsonem* eum, quem Jasonis patrem diximus, *Pheretemque* *Admeti* patrem, & *Amythaonem* peperit, ex quo & *Dorippe* natus est *Melampus* vates, ut scribit *Deri-*

*chidas*. Postea a Neptuno, verso in *Enipei* fluvii, quem ille amabat, formam, comprehensa, *Neleum* Nestoris patrem, *Peliamque* Thessaliæ regem edidit. *Athamas* vero ex prior uxore, quæ *Nephele* dicta est, duos sustulit filios, *Phrixum* & *Hellen*. secundum Herodotum plures, qui ait, eum ex Themisto genuisse *Schœneum*, *Erythron*, *Leuconem*, *Pœum*, ultimosque omnium *Phrixum* & *Hellen*. ex posteriore vero *Melicertam* & *Learchum* filios, filiamque *Eurycliam* habuit.

*De Athamante.*

*Athamas*, prior uxore ex vivis sublata, *Ino* *Cadmæ* & *Harmoniæ* filiam duxit uxorem, cuius insidiis parum abfuit, quin privigni occiderentur. Illa enim novercali odio mariti liberos infectata, persuasit indigenarum uxoribus, ut semina coquerent. Cumque sequenti anno semen coctum fructus speratos non suppeditaret, *Athamas* ad *Delphicum* *Pythici* *Apollinis* oraculum sacerdotes misit, qui de ejus mali remedio Deum consulerent; verum, ab eadem corrupti, *Athamantis* filios ad placandos Deos sacrificari, *Apollinem* postulare nuntiaverunt. Cumque ii, omnibus jam ad sacrificium necessariis rebus paratis, ad aras mastrandæ admoverentur, *Nephele* mater superinducta nube eos eripuit, arietemque aureo vellere conspicuum dedit, cui insidentes a novercæ insidiis evaderent: sed cum fugientes pontum transfretarent, *Helle* muliebri pavore percussa in mare decidit, atque undis submersa ponto nomen indidit. *Phrixus* vero in *Colchos* se contulit, atque ibi arietem *Mercurii* consilio, ut *Apollonius* scribit, *Jovi* *Phrixio* sacrificavit, *Ætæque* regis filiam duxit uxorem, quam ex Græcis *Herodotus* & *Apollonius*, ex Latinis *Ovidius* & *Valerius* *Chalciopen* vocant. *Arcefilaus* vero & *Hesiodus* ἐν ταῖς μεγάλαις ἰστίαις (operis nomen est) *Jophosam* appellant. *Pherecydes* in sexto *Eveniam* scribit vocatam, fuisse autem ei cognomentum *Chalciopæ* & *Ophiussæ*. ex ea *Phrixus* quatuor sustulit liberos, *Argum*, *Phrontim*, *Melana*, & *Cythiforon*, quem *Ephorus* *Cythorum* appellat; addit & quintum *Epimenides*, *Presbonem* nomine.

*De Phrixi noverca.*

Causam novercæ in mariti filios odii, alii aliter referunt.



dicunt enim, eo quod Phrixus illicitum infandumque no-  
vercæ amorem spreverit, ab ea apud patrem incesti tentati  
inſimulatum. de nomine tam matris, quam novercæ eorum,  
mira est, & prope ridicula apud scriptores Græcos differe-  
rentia. plures dicunt, *Nephele* matrem fuisse, *Ino* autem  
novercam. Sophocles in Athamante *Nephele* autumat vo-  
catam novercam; *Hippias Gorgopin*; *Pherecydes Themisto*;  
*Pindarus* in hymnis *Demotica*.

*De ariete aureo.*

Arietem hunc, de quo tam multa Græci fabulantur, multi  
aureum vellus habuisse narrant, quos secutus est Orpheus,  
& Apollonius, qui Mercurii contactu aureum dicit effectum  
lib. secundo. *Simonides* vero album interdum, interdum  
purpureum fuisse dicit. *Acusilaus* ex mari purpureo infectum  
colore asserit. Apollonius vocem humanam habuisse scribit,

ἀλλὰ καὶ ἀδῆν  
Ἄνδρομέτην προέθηκε καλὸν τέρας.

vocem virilem  
*Formosum emisit monstrum.*

quod & *Hecataeus* affirmat. Sunt, qui dicant, hoc ideo fictum,  
quia Phrixus navicula, arietis figuram in prora habenti, na-  
vigavit. *Dionysius* vero *Mitylenæus*, *Crion*, (quod nomen  
apud Græcos *arietem* significat) Phrixii pædagogum fuisse,  
atque cum ipso ad *Colchos* navigasse: unde ea omnia ficta  
esse narrat.

*De Jasonis parentibus.*

Jasonem omnes ex *Æsone* genitum affirmant. De ejus  
matre non usque adeo inter scriptores convenit. Apollonius  
& *Valerius Alcymedem*, *Clymenes* filiam, fuisse scribunt;  
*Stesichorus Eteoclymenen*; *Pherecydes Alcymeden*, *Phylaci*  
filiam; *Herodotus Polyphemem* *Autolyçi*. *Andron* in abbre-  
viatione τῶν συγγενειῶν *Thogniten*, *Laodici* filiam, Jasonis  
matrem fuisse autumat. Natus est autem ex his duobus so-  
lus Jason, ut sentit Apollon. *Ibycus* filiam etiam eis dicit  
fuisse, *Hippolyten* nomine. *Diodorus*, filium alterum *Promachum*  
appellatum. Fuit autem Jason a *Chirone* Centauro  
educatus, a quo etiam Medicinæ artem didicit, unde Ja-  
son est appellatus. *Pindarus*, φῆρ δὲ δεῖος Ἰάσονα κικλήσ-

κων προστήνδα: ubi interpres, παρὰ τὴν ἰασιν vocatum di-  
cit, quod etiam Apollini Commentarius confirmat.

*De Pelia rege.*

*Pelias*, ut vidimus, Neptuni ex Tyro *Salmonei* filius,  
magnam *Theſſaliæ* partem ditione tenuit. Filium habuit  
*Acastum*, qui Argonautas comitatus est, secundum Apollo-  
nium & *Valerium*. *Orpheus* nullam de *Acasto* mentionem  
facit. *Diodorus* quoque in V, masculis filiis *Peliam* caruisse  
scribit. Filias habuit *Alceſtim*, *Amphinomen*, & *Evadnen*,  
de quibus idem eodem libro. Habuit & *Pelopeam*, de qua  
*Apollonius* in I. Is cum sortem accepisset, se illius ma-  
nibus moriturum, quem altero pede nudo ad se venientem  
vidisset, omnibusque Diis, Junone excepta, solemnia forte  
sacra faceret, Jason ad sacra festinat, Junonem Deam sub  
vetulæ speciem in *Anauri* ripa invenit, quæ se quidem trans-  
ire in ulteriorem torrentis ripam velle, timere tamen simu-  
labat. Eam Jason humeris acceptam transvexit, altero cal-  
ceo sub torrentis cœno relicto, sicque ad *Peliam* se contu-  
lit. Quem cum rex vidisset, oraculi memor, animo cogitare  
cœpit, quo pacto mortem illi moliretur. Cumque intelli-  
geret, nullam ea tempestate rem esse majoris periculi, quam  
vellus aureum, quod in templo *Martis* apud *Colchos* erat,  
nepoti persuasit, ut ad id rapiendum eo proficisceretur,  
auxilium opesque suas pollicitus. Cui cum Jason assensisset,  
navem jussit fabricari gracilibus clavis, ut scribit *Timage-  
tus*, quo citissime dissolveretur, omnesque in mari perde-  
ret. Ceterum architectus contrarium fecit: cujus rei fide  
accepta, *Acastus* cum Argonautis navigavit. Alii tamen di-  
cunt, *Minervæ* industria ab *Argo* *Arestoris* filio compagina-  
tam, eique navis refarciendæ provinciam injunctam, atque  
de ipsius nomine *Argo* fuisse dictam. *Pherecydes* tamen ab  
*Argo*, Phrixii filio, vocatam fuisse dicit, alii a velocitate. Fuit  
autem vocalis, & fatidica. Nam *Minerva* lignum in ea ex  
quercu *Dodonea* fixit, ut Apollonius lib. I fabulatur. Po-  
stea hæc navis ob memoriam inter sidera collata dicitur.

*De Argonautarum profectioe.*

Jason, principum Græciæ juventute collecta, ipse omnium  
dux, ut Apollonius, Orpheus, & *Valerius* testantur, (quam-



vis Diodorus aliter) navigare cœpit, solvens ex Pagafis; quod Magnesiæ est promontorium, dictum ἀπὸ τοῦ ἐκεῖ πεπύχσαι τὴν Ἀργῶ. Demetrio vero Scepsio, ab eo quod multis fontibus irrigatur. Atque ad Lemnon primum applicuit, ubi paulo ante Lemniæ mulieres viros omnes (præter Thoantem regem, a quo *Hypsipyle* filia manus abstinerat) internecione sustulerant, eo quod illi uxores aversati, ut ab eis discederent, bellum Thracibus intulerant, quia pessimum earum odorem a Venere injectum ferre non possent. Myrtilus tamen secundo Lesbiacorum aliter. Scribit enim, Medeam, cum juxta Lemnon Argonautæ a Colchide redeuntés navigarent, præ zelotypia venenum in Lemnon jecisse, quo Lemniis feminis gravissimus atque intolerandus est injectus odor. Argonautæ igitur ad insulam appulsi passim cum feminis coierunt, benigne ab illis accepti, ut Herodotus, Apollonius, Orpheus, & Valerius scribunt: Æschylus tamen in *Hypsipyle*, eas in armis egressas Argonautas accessu prohibuisse scribit, quoad illi jurejurando fidem fecerunt, se cum eis coituros. Sophocles etiam in Lemniis prælium grave inter utrosque commissum scribit: quos secutus videtur Papinius in *Thebaidi*. Ibi cum Argonautæ, deliciis & voluptati vacantes, moræ aliquantum traxissent, ab Hercule increpiti ad Samothraciam navigarunt, ubi Cabiris, ut diximus, sunt initiati. Inde profecti, cum ad Trojam appulissent, Hercules Laomedontis filiam *Hesionem*, monstro objectam, liberavit, ut & Valerius & Diodorus affirmant. Apollonius & Orpheus nullam ejus rei mentionem faciunt. Inde navigantes ad Cyzicum pervenerunt.

*De Cyzico & ejus morte.*

Erat autem *Cyzicus* a Thessalis oriundus. Fuit enim ex Æneo Apollinis & Stilbes filio natus, qui relicta Thessalia, ubi fuerat ortus, in Hellepontum se contulit, atque ibi regnavit, & *Ænetem* Eufoni Thraciæ regis filiam uxorem duxit, ex qua *Cyzicum* genuit, qui Dolionum tenuit imperium in Isthmo & Chersoneso, quæ est in Propontide, juxta quam mons est *Artos* nomine, quem semiferi & horrendi gigantes ex terra geniti incolebant, quos etiam Thessalos dicit fuisse Deilochus. Apollonius vero in Her-

culis perniciem a Junone fabulose scribit creatos. fabulæ a leone Nemæo genitos volunt. Polygnostus vero prædones eos fuisse scribit. Hi assidue cum *Cyzicenis* bellum gerebant. *Cyzicus* igitur, cum Argonautas sibi cognatione conjunctos didicisset, eos benignissime suscepit hospitio. cumque a Cyzico digressi essent Argonautæ, proxima nocte tempestate acti, eodem reversi sunt: quos *Cyziceni* hostes cum crederent, adversus eos egressi plane internecione sublati sunt; inter quos ipse *Cyzicus* ab *Jasone* est interentus, ut & Apollonius, & Valerius scribunt. Orpheus ab Hercule, alii a *Dioscuris*. Erat *Cyzici* uxor *Clite* nomine, *Meropis* Percolii *Pitycæ* regis filia, ut narrant *Deilochus* & *Ephorus*: quæ cum virum extinctum videret, doloris impatiens suspendio vitam finivit, ut & Apollonius libro I, Orpheus in *Argonauticis*, & *Evanthes*, & *Deilochus* scribunt.

*De Hercule ab Argonautis relicto.*

Hinc Argonautæ, justis *Cyzico* solutis, ad *Myziam* navigarunt, ubi *Hylas* aquatum egressus, ut diximus, in fontem decidit: quem cum Hercules inquirendo totum montem perlustrasset, diuque expectatus non rediisset, Argonautæ moræ diutinæ impatientes, relicto eo, vela fecerunt, ut & Apollonius, & Valerius scribunt. *Dionysius* tamen *Mitylenæus* ad *Colchos* usque cum Argonautis navigasse affirmat. Idem etiam *Demaratus*. quod & *Diodorus* affirmare videtur. *Hesiodus* vero in *Ceicis* nuptiis in *Magnesia* relicto scribit. *Antimachus* in *Lyde*, eo quod ipse onere navem gravatam submergendam timebant, relicto ait. quod & *Posidippus*, & *Pherecydes* dicunt. *Ephorus*, ipsum sua sponte apud *Omphalem* *Lydiæ* reginam mansisse, testatur.

*De Phineo.*

Argonautæ vero ad *Bithyniam* appulerunt, ubi *Pollux* *Amycum* regem cæstibus victum obruncavit. Hinc navigantes ad *Phineum* regem pervenerunt, *Ageonis* secundum *Hellanicum* filium, at *Hesiodo*, *Asclepiade*, *Antimacho*, & *Pherecyde* testantibus, *Phœnicis* & *Calliopeæ*. Hunc quidam in *Paphlagonia*, alii in *Salmydesse* *Thra-*  
*Val. Flaccus.* 8



ciæ regnasse scribunt. quem Boreæ filii Zetes & Calais ab Harpyiis, ut vidimus, liberarunt: de quo, quia multa apud Latinos, non plura verba faciam.

*De morte Idmonis & Tiphys.*

Ab eo digressi, Cyaneas petras, quas & Symplegadas vocant, non sine periculo transierunt, columba duce, ut scribit Asclepiades, & Ovidius in Ibi tangit. Inde ad Mariandyniam venerunt, ubi *Lycus* Dascyli filius regnabat, qui Argonautas libentissime suscepit hospitio, & quod a Græcis patrem suum Pelopem honoratum sciebat, & quod Pollux Amycum Priolæ fratris occiforem interfecerat. Hic *Idmon* vates Phœbi filius, aut verius Abantis, diem obiit ab apro vulneratus, ut Nymphis in Heraclea, & Promaditas, atque Herodotus testantur, qui eum in Heracleæ foro sepultum scribit. Hic etiam obiit *Tiphys* navis gubernator, ut Apollonius, Nymphis, & Orpheus atque Valerius scribunt. Herodotus vero non euntibus, sed redeuntibus Argonautis, mortuum ait. Hic navis gubernandæ munus mandatum est *Ancaeo*, Neptuni & Aftypalæ filio, ut inquit Simonides, attestantibus Apollonio, atque Orpheo. Theotimus *Euphemum*, Neptuni & Mecionices filium; Herodotus vero, *Erginum* post Tiphys obitum navem gubernasse scribit, quem secutus videtur Valerius. Quod fuit in causa, ut & Apollonius, & Valerius, in gubernationis petitione horum omnium meminerint. Defunctis Heroibus solutis exsequiis, secundo vento per varia loca ad Colchos appulerunt. & quia multa hic de *Æeta*, atque ejus filiiis dicuntur, non erit abs re, dummodo non sit lectoribus fastidio, nonnulla de iis, quæ varie ab auctoribus traduntur, strictim breviterque narrare. Non enim ad hujus poetæ modo carmina intelligenda, verum ad alios etiam maximum parient emolumentum.

*De Æeta Colchorum rege.*

Diodorus in quinto, Dionysius Milesius in primo τῶν Ἀργοναυτικῶν, scribunt, Solem duos habuisse filios, *Æetam* & *Perseum*, quem alii *Perfen* vocant, ac *Æetam* quidem in Colchide & Mæotide; *Perseum* vero in Taurica regnas-

se, atque ex indigenis feminam quandam duxisse uxorem, ex qua *Hecaten* suscepit. quæ cum venationis, plus quam muliebrem sexum decebat, esset studiosa, dum in lustris ac montibus diu versatur, herbas invenit complures, præsentanei multas atque efficacissimi veneni, multas etiam saluberrimas. Sed cum natura inmitis esset atque crudelis, primum veneno patrem *Perseum* sustulit, & ad *Æetam* patrum confugit. cui nupta *Circen* & *Medeam* genuit. *Epimenides* Corinthium genere fuisse tradit *Æetam*, Sole patre atque *Ephyre* matre natum. *Diophanes* vero libro Ponticarum historiarum primo, ex Sole & *Antiope* genitum affirmat, cui etiam subscribit *Eumelus* quidam poeta, ut ex ejus carminibus, quæ subjiciam, intelligi potest.

Ἄλλ' ὅτε δὴ δ' Αἰήτης καὶ Ἀλωεύς ἐξεγένοντο  
Ἡελίου καὶ Ἀντιόπης, τότε δ' ἀνδιχα χῶρην  
δάσατο παισὶν εἰς Ὑπερίονος ἀγλαῶς υἱός.  
Ἦν μὲν ἔχ' Ἀσωπὸς, ταύτην πόρε δῖος Ἀλωεῖ.  
τὴν δ' Ἐφύρην κτεάτεσσ' Αἰήτη δῶκεν ἅπασαν.  
Αἰήτης δ' ἀρ' ἐκὼν Βούρῃ παρέδωκε φυλάσσειν,  
ἔισκεν αὐτὸς ἰκοῖτ', ἢ ἐξ αὐτοῖο τις ἄλλος,  
Ἢ παῖς, ἢ δ' υἱανὸς, ὃδ' ἵκετο Κολχίδα γαίαν.  
Natus ubi *Æetas* & *Alæus* sanguine Phæbi  
Pulchræque *Antiopes*. regionem rite suis tunc  
Divisit natis Phæbus. donavit *Alæo*,  
Quam pater *Asopus* nitidis circumfluit undis.  
Aft *Ephyren* dedit *Æeta*, quam sponte reliquit  
Buno *Mercurii* servandam, dum ipse rediret,  
Aut aliquis, natusve, aut sanguine tandem  
Junctus: at ipse quidem concessit *Colchida* terram.

Is cum fortem accepisset, se tunc periturum, cum externi homines, navigio ad Colchos vecti, vellus aureum sustulissent, effera crudelitate se hospites sacrificare ostentavit, ut, divulgata tantæ immanitatis fama, externi omnes ab accessu averterentur. Lucum etiam, in quo vellus aureum erat suspensum, muro circumdedit: quæ, & multa alia, quia vulgatissima sunt, consalto prætermitto. postea demum, cum *Medeam* filiam cum *Jasone*, raptò vellere, comperisset aufugere, illos cum magnis copiis frustra est insecutus; nihil enim perfecit, ut vult Apollonius. Dio-



nyfius Milefius fcribit, eum Argonautas confequitum, atque Iphim Euryfthei fratrem interfeciffe. Diodorus a Meleagro teftatur occifum. Valerius aliud innuit.

*De Æetæ filiis.*

De filiis, quos Æetas genuit, non adeo inter fcriptores convenit, ideoque breviter de unoquoque figillatim, ut pofcet ordo, dicemus. Diodorus, ut fuperius, uxorem fcribit habuiffe *Hecaten* Perfæ filiam, quam alii Jovis dicunt effe. Hefiodus Perfæ & Afteriæ, Orpheus Cereris,

*Καὶ τότε δὴ δ' Ἑκάτην Διὸς τέκεν εὐπατέριαν.  
Æthereasque Ceres Hecaten emifit in auras.*

Bacchylides nocte genitam fabulatur. *Ἑκάτα δαδοφόρου νυκτὸς μεγαλοκόλπου εὐγατερ.* Pherecydes ex Ariftæo natam. Mufæus Jovem ait Arifterim compreffiffe, & ex fe gravidam Perfeo tradidiffe, quæ poftea *Hecaten* peperit: unde credita eft Perfei filia. ex hac Circen & Medeam natas Æetæ fcribit Dionyfius Milefius. Diodorus filium etiam, quem alii *Absyrtum*, ipfe, atque ex noftris Pacuvius, *Ægialeum* vocat. Alii etiam multi *Chalciopen* addunt, de qua dictum eft. Hefiodus Solis filiam Æetæque fororem, non filiam, fuiſſe *Circen* fcribit in Theogonia. Ejuſdem eft Apollonius opinio, qui eam in tertio ab Apolline patre raptam, & in Italiam curru paterno vectam canit. Et in quarto Perfes & Solis filiam vocat. Orpheus etiam Apollinis & Aftropes filiam dicit. de ejus nomine *Κιρκραίων παιδίον* vocatum fcribit Timæus: cujus etiam facit mentionem Apollonius. quin & de Æetæ regis uxore non parva eft diſſenſio. nam cum multi *Hecaten* dicant, Apollonius eum *Aſterodiam* Caucaſiam Nympham duxiſſe, deinde *Idyiam* Oceani & Tethyos filiam. Sophocles *Nearam* Nereidum unam. Hefiodus in Theogonia *Idyiam*. Qui Naupactica compoſuit *Eurylyten* ait.

*De Medea.*

*Medea* Æetæ ex quacunque matre filia fuit, quæ & veneficiis & herbarum cognitione adeo præſtitit, ut ne Circæ quidem cedere haberet, natura tamen miſericors, & ab immani patris crudelitate abhorrens, ſi Diodoro credi-

mus. Hæc eo pacto, quo dicemus, cum Jaſone, rapto auro vellere, confugit, atque in Theſſaliam *Jolchon* venit, Peliamque regem, filiabus ejus per ſpeciem pietatis deceptis, interemit. Decemque annos cum Jaſone concorditer vixit, atque ex eo *Dydimum*, *Alcymenum*, *Theſſandrum* & *Theſſalum* genuit. Repudiata *Medea*, Jaſon *Glaucam*, ſeu *Creuſam*, filiam Creontis, Corinthiorum regis, uxorem duxit. quam nuptiarum die *Medea* cum tota ſimul Creontis regia, miſſa corona venenis illita, vel naphthæ bitumine, ut Plinius ait, cremavit: filioſque in mariti ultionem trucidavit omnes, præter *Theſſalum*, qui fuga ſibi ſalutem peperit. Jaſon, cum doloris vim ferre non poſſet, propria ſibi manu mortem conſcivit. *Medea* ad Ægeum Athenarum regem confugit. Cui nupta *Medum* filium peperit, qui poſtea *Mediæ* imperavit. Inde expulſa, ad partes Aſiæ tranſiens (ait Diodorus) cuidam clariffimo nuplit regi, ex quo dicunt filium *Medum* peperiffe. multa alii, quæ recentere magis faſtidio, quam voluptati, lectoribus futurum puto. Hæc non omittenda, Latinis forſan adoleſcentibus non valde nota, eam poſt mortem in Elyſio Achilli nupliſſe, quod primus dixit *Ibycus*, poſt hunc *Simonides*, & *Apollonius*. ad quod alluſit *Angelus Politianus*, vir de literis Latinis optime meritus. Is in Umbra hæc ait:

*Elyſium tenet. hic magna venerabilis umbra  
Mutatis pulchram auſpiciis ſibi Colchida junget,  
Solis & Oceani volventi progner ævo.*

*De Absyrto.*

*Absyrtus* ex Æeta & Aſterodia natus eſt, ut inquit Apollonius. Sophocles in Scythiis, non ex eadem matre natos *Absyrtum* & *Medeam* fcribit, ſed *Medeam* ex *Idyia*, *Absyrtum* vero ex *Neæra*. Fuit hic ob pulchritudinem *Phæathon* cognominatus, ut Apollonius libro III Argonauticorum, & *Timonax* Scythicorum II, affirmant. Sunt, qui eum *Medea* natu majorem dicant. Pherecydes in VII, a *Medea* ex lectulo ſublatus, & ad Jaſonem perductum, ac ut Æetam regem Argonautas infequentem morarentur, dilaceratum. Sophocles in Tragœdia, quæ *Colchides* inſcribitur, in patris ædibus laniatum fcribit; Apollonius vero, ad Iſtrum



fluvium occisum; Plinius in insulis, quæ ex ejus nomine *Absyrtides* nuncupantur.

*De amoribus Jasonis & Medæ.*

Cum igitur Jason cum ceteris Argonautis ad Colchos appulisset, Medeam forte ad Phasidis ripam obviam habuerunt. Cui cum Jason adventus sui causam exposuisset, atque ab ea de crudelitate patris esset edoctus, ad preces conversus, fidem de conjugio dedit, si in discrimine ab ea præmonstrato sibi ferret opem. Acceperat ante Jason a Venere *Iyngem* aviculam, quam Magæ mulieres tantam ad amatoria carmina vim habere credunt, ut omnia venena & unguenta ad amorem excitandum idonea *Iynges* appellentur, teste Theocriti antiquo expositore, & ipse amor *Iynx* a Pindaro dicitur, qui scribit in Pythiis, hanc ex Olympo a Venere primum ad mortales allatam, & datam Jasoni, ut ea simul, & quibusdam amatoriiis carminibus, quæ ipsa Venus docuit, Medeam amore ad insaniam usque accenderet. Quod cum fecisset, illa amore correpta, suum ei promisit auxilium, ac statim herbas medicatas & pharmaca quædam dedit, quibus a taurorum igne tutus esset, & eum, quid agendum esset, docuit. Ille *Æetam* convenit, ac vellus aureum poposcit: quod *Æetas* se datum est pollicitus, si tauros ingentes flammis ore & naribus evomentes junxisset, atque dentes, quos ipse daret, seminasset, hominesque armatos, qui inde pullarent, vicisset. Quæ omnia Jason, Medea opitulante, cum summa sua laude & gloria perfecit. *Æetas* tamen vellus aureum negavit, ac de Argonautarum cæde tractare cœpit.

*De serpentis dentibus.*

Erant autem dentes, quos Jason feminavit, non ex eo serpente, qui vellus in arbore suspensum custodiebat, sed ex eo, quem Cadmus in *Bœotia* interemerat. Nam ut *Pherecydes* in VII, & *Apollonius* in III scribunt, *Minerva* dentes serpentis illius, quem *Cadmus* in Martis fonte occidit, *Cadmo* & *Æetæ* æquis portionibus divisit. & *Cadmus* quidem continuo, quos ipse acceperat, Martis jussu feminavit, ex quibus plures homines armati sunt nati, qui omnes

mutuis vulneribus se confoderunt, quinque dumtaxat relictis, *Udao*, *Chthanio*, *Peloro*, *Hyperenore*, *Echione*; quos *Cadmus* ad condendam urbem socios sibi assumit. Ex his gentem quandam vocatam *Spartos*, scripsit *Hippias Delius*, & similiter *Atrometus*. Eorum etiam mentionem apud nostros facit *Lactantius Firmianus*. *Æetas* autem suum patrem, usque ad tempus illud, quo Jason vellus aureum petebat, servavit, tuncque ei dentes tradidit feminandos.

*De vellere rapto.*

Nocte proxima, cum *Æetas*, de Jasonis sociorumque cæde cogitans, Colchorum proceres consulendos congregasset, *Medea* clam ad Jasonem confugit, eumque ad lucum Martis, ubi vellus aureum in arbore suspensum a dracone servabatur, deduxit. Serpentemque semper vigilem magicis cantibus sopivit; & ita Jason vellus aureum rapuit, atque cum *Medea* in navem se recepit. Hoc & *Apollonius*, & *Antimachus*, & *Valerius*: *Pherecydes* vero & *Herodotus* occisum ab Jasone serpentem, sicque vellus sublatum scribunt. Qui *Naupactica* composuit, *Medeam* fingit, cum ex patris domo fugeret, secum aureum vellus, quod in *Æetæ* domo servabatur, attulisse.

*De Jasonis reditu.*

De reditu Argonautarum, non satis inter Græcos scriptores convenit. *Timagetus* primo de portibus libro, *Istrum* scribit ex Germaniæ montibus derivari, & inde in Germaniæ influere paludem, postea in duo scindi brachia, & unum quidem in Germanicum pelagus, alterum vero in Euxinum pontum deferri, ac per hoc navigantes Argonautas in Etruriam venisse. Hunc secutus videtur *Apollonius*, *Apollonium Valerius*. *Hecataeus Milesius* per Phasidem in Oceanum evasisse, inde Nilum penetrasse, atque ex hoc in nostrum mare pervenisse, asseverat. Hoc *Artemidorus Ephesius* falsum esse convincit. Siquidem *Phasis* fluvius Oceano minime infunditur. idem & *Eratosthenes* in tertio Geographicorum confirmat. *Scymnus* per Tanaim autumat navigantes in magnum mare, inde in nostrum venisse. *Hesiodus* autem, & *Pindarus* in Pythiis, & *Antimachus* in Ly-



CIV ARGONAUTICÆ EXPED. HISTORIA.

de, per Oceanum dicunt eos ad Lybiam appulſos, navem humeris vehentes in mare noſtrum exiſſe. Sophocles in Scythiſ, & Callimachus, atque Herodotus in Argonautiſ, eadem, qua Colchos petierant, reverſos ajunt. unde hi, qui ex Colchis in Adriam venerunt Argonautas veſtigantes, eos non invenerunt: qui vero per Cyaneas petras navigarunt, eos in Corcyra inſula invenerunt.

*De Jaſoniſ & Medea nuptiis.*

Valerius Jaſoniſ & Medea nuptias in Peuce inſula fieri inceptas eſſe ſcribit: inopino autem Abſyrty adventu turbatas & interruptas. Timæus, & Apollonius libro quarto, atque Orpheus, Corcyrae ſcribunt. Dionyſius Mileſius in ſecundo Argonauticon Byzantii, Antimachus in Lyde, prope fluvium dicit Jaſonem cum Medea coiſſe. Philetas in Telepho, in Alcinoi domo celebratas ait. Timonax vero Siculorum primo, in Colchide ſcribit Medeam ab Jaſone ductam uxorem, non ſine patris Ætæ voluntate. Refert autem idem, monſtrari juxta Pontum hortos quorſdam Jaſoniſ vocatos, ex quibus ipſe diſceſſum fecit, & in Æea gymnasia quædam, & thalamum, in quo Medea Jaſoni nupſit, & prope urbem facellum Jaſoniſ, & multa alia. Hæc ex Apollonii interprete. Ceterea vero, quæ de Argonautarum in Theſſaliam reditu a Græciſ ſcriptoribus traduntur, conſulto prætermiſimus, tum quia ad Valerii noſtri opus intelligendum, non multæ frugiſ ſunt, tum ne *ἐπιπίδιον* hoc, in quo breves eſſe laboravimus, volumen juſtum excederet.

C. VALERII FLACCI  
SETINI BALBI  
ARGONAUTICON  
LIBER PRIMUS.



LIBRI PRIMI  
ARGUMENTUM  
ÆGIDIO MASERIO

AUCTORE.

*LIVOR agit Pelian, Phrixo vellere fortem  
Qui replet Æsoniden. Argo, natosque Deorum,  
Divarum auxilio longum in discrimen Iason  
Apparat: augurioque insignem latus agresti  
Persuadere fugam haud frustra conatur Acasto.  
Æquoreum oblato placat libamine patrem  
Æsonides: Mopsusque canit quæ certa tulerunt  
Fata Deæ. miranda refert Phæbeius Idmon.  
Ingemit Alcimede. grandævus lætior Æson  
Fert animum. transiris scribuntur nomina. Acastus  
Tollitur. unda fremit. desævit in Æsona crudus  
Innocuum Pelias: matremque & pignora truncat.*

3  
C. VALERII FLACCI  
SETINI BALBI  
ARGONAUTICON  
LIBER I.

**P** RIMA Deum magnis canimus freta pervia natis,  
Fatidicamque ratem; Scythici quæ Phasidis oras  
Ausâ sequi, mediosque inter juga concita cursus  
Rumpere, flammifero tandem confedit Olympo.  
Phoebe, mone; si Cymææ mihi conscia vatis 5  
Stat casta cortina domo; si laurea digna  
Fronte viret. Tuque o, pelagi cui major aperti  
Fama, Caledonius postquam tua carbasa vexit  
Oceanus, Phrygios prius indignatus Iulos,  
Eripe me populis, & habenti nubila terræ, 10  
Sancte pater; veterumque fave veneranda canenti  
Facta virum. versam proles tua pandet Idumen  
(Namque potest) Solymo nigrantem pulvere fratrem,  
Spargentemque faces, & in omni turre furentem.  
Ille tibi cultusque Deum, delubraque genti 15  
Instituet; cum jam genitor lucebis ab omni

*Val. Flaccus.*

A 2



Parte poli. neque enim in Tyrias Cynosura carinas  
 Certior, aut Grajis Helice servanda magistris:  
 Seu tu signa dabis, seu te duce Græcia mittet  
 Et Sidon Nilusque rates. nunc nostra serenus  
 Orsa juves; hæc ut Latias vox impleat urbes.

20

Hæmoniam primis Pelias frenabat ab annis;  
 Jam gravis & longus populis metus: illius amnes;  
 Ionium quicumque petunt: ille Othryn & Hæmum;  
 Atque imum felix versabat vomere Olympum.

25

Sed non ulla quies animo fratrisque paventi  
 Progeniem Divûmque minas: hunc nam fore regi  
 Exitio vatesque canunt, pecudumque per aras  
 Terrifici monitus iterant: super ipsius ingens  
 Instat fama viri, virtusque haud læta tyranno.

30

Ergo anteire metus, juvenemque extinguere pergit  
 Æsonium; letique vias ac tempora versat.  
 Sed neque bella videt, Grajas neque monstra per urbes  
 Ulla. Cleonæo jam tempora elusus hiatu

Alcides: olim Lernæ defensus ab angue  
 Arcas; & ambobus jam cornua fracta juvencis.

35

Ira maris, vastique placent discrimina ponti.  
 Cum juvenem, tranquilla tuens, nec fronte timendus,  
 Occupat; & fictis dat vultum & pondera verbis:

Hanc mihi militiam, veterum quæ pulchrior actis,  
 Annue; daque animum. nostri de sanguine Phrixus  
 Cretheos ut patrias, audisti, effugerit aras.

40

Hunc ferus Æetes, Scythiam Phasinque rigentem  
 Qui colit, (heu magni Solis pudor!) hospita vina  
 Inter, & attonitæ mactat sollempnia mensæ,  
 Nil nostri Divûmque memor. non nuntia tantum

45

Fama refert. ipsum juvenem tam sæva gementem,  
 Ipsum ego, cum serus fessos sopor alligat artus,  
 Aspicio: meque assiduis lacera illius umbra  
 Questibus, & magni numen maris excitat Helle.  
 Si mihi, quæ quondam, vires; vel pendere pœnas.  
 Colchida jam, & regis caput hic atque arma videres.  
 Olim annis ille ardor hebet: necdum mea proles  
 Imperio, & belli rebus matura marique.

50

Tu, cui jam curæque vigent, animique viriles,  
 I decus: & pecoris Nephelæi vellera Grajo  
 Redde tholo; ac tantis temet dignare periclis.  
 Talibus hortatur juvenem, propiorque jubenti  
 Conticuit, certus Scythico concurrere ponto.

55

Cyaneas: tantoque filet possessa dracone  
 Vellera; multifidas regis quem filia linguas  
 Vibrantem ex adytis cantu dapibusque vocabat,  
 Et dabat hesternò livenia mella veneno.

60

Mox taciti patuere doli, nec vellera curæ  
 Esse viro; sed sese odiis immania cogi  
 In freta: qua jussos sic tandem querere Colchos  
 Arte queat. nunc aerii plantaria vellet  
 Perseos, aut currum, ut sævos frenasse dracones  
 Creditus, ignaras Cereris qui vomere terras  
 Imbuit, & flava quercum damnavit arista.

65

70

Heu quid agat? populumne levem, veterique tyranno  
 Infensum, atque olim miserantes Æsona patres  
 Advocet? an socia Junone & Pallade fretus  
 Armifona, superet magis & freta jussa capeffat?  
 Si qua operis tanti domito consurgere ponto  
 Fama queat. tu sola animos mentemque peruris,

75



Gloria: te viridem videt immunemque senectæ  
 Phafidis in ripa stantem, juvenesque vocantem.  
 Tandem animi incertum confusaque pectora firmat  
 Religio: tendensque pias ad sidera palmas, 80  
 Omnipotens regina, inquit, quam, turbidus atro  
 Æthera cæruleum quateret cum Iuppiter imbre,  
 Ipse ego præcipiti tumidum per Enipea nimbo  
 In campos & tuta tuli: nec credere quivi  
 Ante Deam, quam te tonitru nutuque reposci 85  
 Conjugis, & subita raptam formidine vidi:  
 Da Scythiam Phasinque mihi: tuque, innuba Pallas,  
 Eripe me. vestris egomet tunc vellera templis  
 Illa dabo: dabit auratis & cornibus igni  
 Colla pater: niveique greges altaria cingent. 90  
 Accepere Deæ, celerique per æthera lapsu  
 Diversas petiere vias. in mœnia pernix  
 Thespiaca ad carum Tritonia devolat Argum.  
 Moliri hunc puppim jubet, & demittere ferro  
 Robora: Peliacas & jam comes exit in umbras. 95  
 At Juno Argolicas pariter Macedumque per urbes  
 Spargit, inexpertos tentare parentibus Austros  
 Æsoniden: jam stare ratem; remisque superbam  
 Poscere quos revehat, rebusque in secula tollat.  
 Omnis avet, quæ jam bellis spectataque fama, 100  
 Turba ducum, primæ seu quos in flore juventæ  
 Tentamenta tenent, necdum data copia rerum.  
 At quibus arvorum studiumque insontis aratri,  
 Hos stimulant, magnaue ratem per lustra viasque  
 Visi laude canunt manifesto in lumine Fauni, 105  
 Silvarumque Deæ, atque elatis cornibus Amnes.

Protinus Inachiis ultro Tirynthius Argis.  
 Advolat: Arcadio cujus flammata veneno  
 Tela puer, facilesque humeris gaudentibus arcus  
 Gestat Hylas: velit ille quidem; sed dextera nondum. 110  
 Par oneri, clavæque capax. quos talibus amens.  
 Insequitur, solitosque novat Saturnia questus:  
 O utinam Grajæ rueret non omne juventæ  
 In nova fata decus: nostrique Eurystheos hæc nunc  
 Iussa forent! imbrem & tenebras sævumque tridentem 115  
 Jam jam ego, & inviti torfifsem conjugis ignem.  
 Hunc quoque nec socium nostræ columenve carinæ  
 Esse velim; Herculeis nec me unquam fidere fas sit  
 Auxiliis, comiti & tantum debere superbo.  
 Dixit: & Hæmonias oculos detorquet ad undas. 120  
 Fervere cuncta virum cœtu, simul undique cernit  
 Delatum nemus, & ducta resonare bipenni  
 Litora: jam pinus gracili dissolvere lamna  
 Thespiaden; jungique latus, lentoque sequaces  
 Molliri videt igne trabes; remisque paratis. 125  
 Pallada velifero quærentem brachia malo.  
 Constitit ut, longo moles non pervia ponto,  
 Puppis, & ut tenues subiere latentia ceræ  
 Lumina, picturæ varios superaddit honores.  
 Hic insperatos Tyrrheni tergore piscis 130  
 Peleos in thalamos vehitur Thetis: æquora delphin  
 Corripit: illa sedet dejecta in lumina palla;  
 Nec Jove majorem nasci suspirat Achillem.  
 Hanc Panope, Dotoque soror, lætataque fluctu  
 Prosequitur nudis pariter Galatea lacertis, 135  
 Antra petens: Siculo revocat de litore Cyclops.  
 A 4



Contra ignis, viridique torus de fronde, dapesque,  
 Vinaque, & æquoreos inter cum conjugè Divos  
 Æacides: pulsatque chelyn post pocula Chiron.  
 Parte alia Pholoe, multoque insanus Iaccho 140  
 Rhœtus, & Atracia subitæ de virgine pugnæ:  
 Crateres mensæque volant, aræque Deorum,  
 Poculaque, insignis veterum labor. optimus hasta  
 Hic Peleus, hic ense furens agnoscitur Æson.  
 Fert gravis invito victorem Nestora tergo 145  
 Monychus: ardenti peragit Clanis Actora quercu:  
 Nigro Nessus equo fugit: acclinisque tapeti  
 In mediis vacuo condit caput Hippasus auro.  
 Hæc quanquam miranda viris stupet Æsone natus;  
 Et secum: Heu miseros nostrum natosque patresque; 150  
 Haccine nos animæ faciles rate nubila contra  
 Mittimur? in solum nunc sæviet Æsone pontus?  
 Non juvenem in casus eademque pericula Acastum  
 Abripiam? invisæ Pelias freta tuta carinæ  
 Optet, & exoret nostris cum matribus undas. 155  
 Talia contanti lævum Jovis armiger æthra  
 Advenit: & validis fixam erigit unguibus agnam.  
 At procul e stabulis trepidi clamore sequuntur  
 Pastores, fremitusque canum: citus occupat auras  
 Raptor; & Ægæi super effugit alta profundi. 160  
 Accipit augurium Æsonides, lætusque superbi  
 Testa petit Pelix. prior huic tum regia proles  
 Advolat, amplexus fraternaque pectora jungens:  
 Ductor ait: Non degeneres, ut reris, Acaste,  
 Venimus ad questus: socium te jungere cœptis 165  
 Est animus, neque enim Telamon, aut Canthus & Idas,

Tyndariusque puer mihi vellere dignior Helles.  
 O quantum terræ, quantum cognoscere cœli  
 Permissum est! pelagus quantos aperimus in usus!  
 Nunc forsan grave reris opus: sed læta recurret 170  
 Cum ratis, & caram cum jam mihi reddet Iolcon;  
 Quis pudor heu nostros tibi tunc audire labores!  
 Quas referam visas tua per suspiria gentes!  
 Nec passus rex plura virum. Sat multa parato  
 In quæcunque vocas; nec nos, ait, optime, segnes 175  
 Credideris; patriisve magis confidere regnis,  
 Quam tibi; si primos, duce te, virtutis honores  
 Carpere, fraternæ si des accrescere famæ.  
 Quin ego, ne qua metu nimio me cura parentis  
 Impediat, fallam ignarum; subitusque paratis 180  
 Tunc adero, primas linquet cum puppis arenas.  
 Dixerat. ille animos promissaque talia lætus  
 Accipit; & gressus avidos ad litora vertit.  
 At ducis imperiis Minyæ monituque frequentes  
 Puppim humeris subeunt; & tento poplite proni 185  
 Decurrunt, intrantque fretum. non clamor anhelis  
 Nauticus, aut blandus testudine defuit Orpheus.  
 Tum læti statuunt aras. tibi, rector aquarum,  
 Summus honor: tibi cæruleis in litore vittis  
 Et Zephyris Glaucoque bovem, Tethidique juvencam 190  
 Dejecit Ancæus. non illo certior alter  
 Pingua letifera perfringere colla bipenni.  
 Ipse ter æquoreo libans carchesia patri  
 Sic ait Æsonides: O qui spumantia nutu  
 Regna quatis, terrasque salo complecteris omnes, 195  
 Da veniam. scio me cunctis e gentibus unum



Illicitas tentare vias, hiememque mereri:  
 Sed non sponte feror: nec nunc mihi jungere montes  
 Mens tumet, aut summo deposcere fulmen Olympo;  
 Ne Pelia te vota trahant; ille aspera iussa 200  
 Repperit, & Colchos in me luctumque meorum.  
 Illum ego. tu tantum non indignantibus undis  
 Hoc caput accipias, & pressam regibus alnum.  
 Sic fatus, pingui cumulat libamine flammam.  
 Protulit ut crinem densis luctatus in extis 205  
 Ignis; & ascendit salientia viscera tauri;  
 Ecce sacer, totusque Dei, per litora Mopfus  
 Immanis visu, vittamque comamque per auras  
 Surgentem laurusque rotat: vox reddita tandem;  
 Vox horrenda viris: tum facta silentia vati: 210  
 Heu quam aspicio! nostris modo conscius ausis  
 Æquoreos vocat ecce Deos Neptunus, & ingens  
 Concilium: fremere, & legem defendere cuncti  
 Hortantur. sic amplexu, sic pectora fratris,  
 Juno, tene: tuque o, puppim ne desere, Pallas: 215  
 Nunc, patruum nunc flecte minas. cessere, ratemque  
 Accepere mari. per quot discrimina rerum  
 Expedior! subita cur pulcher arundine crines  
 Velat Hylas? unde urna humeris? niveosque per artus  
 Cæruleæ vestes? unde hæc tibi vulnera, Pollux? 220  
 Quantus, io, tumidis taurorum e naribus ignis!  
 Tollunt se galeæ, fulcisque ex omnibus hastæ,  
 Et jam jamque humeri. quem circum vellera Martem  
 Aspicio? quam aligeris secat anguibus auras  
 Cæde madens? quos ense ferit? miser eripe parvos 225  
 Æsonide: cerno en thalamos ardere jugales.

Jam dudum vates Minyas ambage ducemque  
 Terrificat: sed enim contra Phœbeius Idmon,  
 Non pallore viris, non ullo horrore comarum  
 Terribilis, plenus fatis Phœboque quieto, 230  
 (Cui genitor tribuit monitu prænoscere Divum  
 Omina, seu flammam, seu lubrica comminus exta,  
 Seu plenum certis interroget aera pennis)  
 Sic focii Mopsoque canit: Quantum augur Apollo,  
 Flammaque prima docet; præduri plena laboris 235  
 Cerno equidem; patiens sed quæ ratis omnia vincat.  
 Ingentes durate animæ, dulcesque parentum  
 Tendite ad amplexus. lacrimæ cecidere canenti,  
 Quod sibi jam clusos invenit in ignibus Argos.  
 Vix ea fatus erat; jungit cum talia ductor 240  
 Æsonius: Superum quando consulta videtis,  
 O socii, quandoque datur spes maxima cœptis;  
 Vos quoque nunc vires animosque afferte paternos.  
 Non mihi Theffalici pietas culpanda tyranni,  
 Suspectivæ doli: Deus hæc, Deus omine dextro 245  
 Imperat. ipse suo voluit commercia mundo  
 Juppiter & tantos hominum miscere labores.  
 Ite, viri, mecum; dubiisque evincite rebus,  
 Quæ meminisse juvet, nostrisque nepotibus instent.  
 Hanc vero, o socii, venientem in litore lati 250  
 Dulcibus alloquiis ludoque educite noctem.  
 Paretur. molli juvenes funduntur in alga,  
 Conspicuosque toris Tirynthius. exta ministri  
 Rapta simul veribus, Cereremque dedere canistris.  
 Jamque aderat summo decurrens vertice Chiron, 255  
 Clamantemque patri procul ostentabat Achillem.



Ut puer ad notas erectum Pelea voces  
 Vidit, & ingenti tendentem brachia passu,  
 Affluit, caraque diu cervice pependit.  
 Illum nec valido spumantia pocula Baccho 260  
 Sollicitant: veteri nec conspicienda metallo  
 Signa tenent. stupet in ducibus: magnumque sonantes  
 Haurit, & Herculeo fert comminus ora leoni.  
 Lætus at impliciti Peleus rapit oscula nati,  
 Suspiciensque polum, Placito si currere flutu 265  
 Pelea vultis, ait, ventosque optare ferentes;  
 Hoc, Superi, fervate caput. tu cetera, Chiron;  
 Da mihi. te parvus lituos & bella loquentem  
 Miretur: sub te puerilia tela magistro  
 Venator ferat, & nostram festinet ad hastam. 270  
 Omnibus inde magis calor additus: ire per altum  
 Magna mente volunt. Phrixi promittitur absens  
 Vellus, & auratis Argo reditura corymbis.  
 Sol ruit, & totum Minyis lætantibus undæ  
 Deduxere diem. sparguntur litore curvo 275  
 Lumina, nondum ullis terras monstrantia nautis.  
 Thracius hic noctem dulci testudine vates  
 Extrahit; ut steterit redimitus tempora vittis  
 Phrixi; & injustas contestus nubibus aras  
 Fugerit, Inoo linquens Athamanta Learcho; 280  
 Aureus ut juvenem miserantibus intulit undis  
 Vector, & adstrictis ut sedit cornibus Helle.  
 Septem Aurora vias, totidemque peregerat umbras  
 Luna polo; dirimique procul non æquore visa  
 Cœperat a gemina discedere Sestos Abydo. 285  
 Hic soror Æoliden, ævum mansura per omne,

Deserit: heu sævæ nequidquam erepta novercæ!  
 Illa quidem fessis longe petit humida palmis  
 Vellera, sed bibulas urgenti pondere vestes  
 Unda trahit, levique manus labuntur ab auro. 290  
 Quis tibi, Phrixe, dolor, rapido cum concitus æstu  
 Respiceres miseræ clamantia virginis ora,  
 Extremasque manus, sparsosque per æquora crines?  
 Jamque mero ludoque modus; positique quietis  
 Conticuere toris: solus quibus ordine fufis 295  
 Impatiens somni ductor manet. hunc gravis Æson,  
 Et pariter vigil Alcimede spectantque tenentque  
 Pleni oculos: illis placidi sermonis lason  
 Suggestit affatus, turbataque pectora mulcet.  
 Mox, ubi victa gravi ceciderunt lumina somno; 300  
 Visa coronatæ fulgens tutela carinæ  
 Vocibus his instare duci: Dodonida quercum,  
 Chaonique vides famulam Jovis. æquora tecum  
 Ingredior. nec fatidicis avellere filvis  
 Me nisi promisso potuit Saturnia cœlo. 305  
 Tempus adest. age, rumpe moras: dumque æquore toto  
 Currimus, incertus si nubila duxerit æther;  
 Jam nunc mitte metus, fidens superisque mihique.  
 Dixerat. ille pavens, leto quanquam omine Divûm,  
 Prosiluit stratis. Minyas simul obtulit omnes 310  
 Alma novo crispans pelagus Tithonia Phœbo.  
 Discurrunt transtris. hi celfo cornua malo  
 Expediunt: alii tonsas in marmore summo  
 Prætantant. prora funem legit Argus ab alta.  
 Increscunt matrum gemitus, & fortia languent 315  
 Corda patrum. longis flentès amplexibus hærent:



Vox tamen Alcimedes planctus super eminent omnes:  
 Feminis tantum illa furens ululatibus obstat;  
 Obruat Idæam quantum tuba Martia buxum.  
 Fatur & hæc: Nate, indignos aditure labores, 320  
 Dividimur: nec ad hos animum componere casus  
 Ante datum; sed bella tibi terrasque timebam.  
 Vota aliis facienda Deis, si fata reducant  
 Te mihi, si trepidis placabile matribus æquor;  
 Possum equidem lucemque pati, longumque timorem. 325  
 Sin aliud Fortuna parat; miserere parentum,  
 Mors bona, dum metus est, nec adhuc dolor. hei mihi! Colchos  
 Unde ego, & averti timuissim vellera Phrixi?  
 Quos jam mente dies, quam sæva insomnia curis  
 Prospicio! quoties raucos ad litoris ictus 330  
 Deficiam, Scythicum metuens pontumque polumque;  
 Nec de te credam nostris ingrata serenis!  
 Da, precor, amplexus, hæsuraque verba relinque  
 Auribus, & dulci jam nunc preme lumina dextra.  
 Talibus Alcimede mœret. sed fortior Æson 335  
 Attollens dictis animos: O si mihi sanguis,  
 Quantus erat, cum signifero cratere minantem  
 Non levio Pholum manus hæc compescuit auro!  
 Primus in æratis posuissim puppibus arma,  
 Concussoque ratem gauderem tollere remo. 340  
 Sed patriæ valere preces, auditaque magnis  
 Vota Deis. video en nostro tot in æquore reges,  
 Teque ducem: tales, tales ego ducere fuetus,  
 Atque sequi: nunc ille dies, (det Iuppiter oro)  
 Ille super, quo te Scythici regisque marisque 345  
 Victorem, atque humeros ardentem vellere raptò

Accipiam, cedantque tuæ mea facta juventæ.  
 Sic ait, ille suo collapsam pectore matrem  
 Sustinuit, magnaque senem cervice recepit.  
 Et jam finis erat: Zephyrumque ratemque morantes 350  
 Solverat amplexus tristi tuba tertia signo.  
 Dant remo sua quisque viri, dant nomina transtris.  
 Hinc lævum Telamon pelagus tenet: altior inde  
 Occupat Alcides aliud mare: cetera pubes  
 Dividitur. celer Asterion, quem matre cadentem 355  
 Cristatus gemino fovit pater anæ Cometes,  
 Segnior Apidani vires ubi sentit Enipeus:  
 Niritur hinc Talas, fratrisque Leodocus urget  
 Remo terga sui, quos nobile contulit Argos.  
 Hinc quoque missus adest, quamvis arcantibus Idmon 360  
 Altiibus; sed turpe viro timuisse futura.  
 Hic & Naubolides tortas confurgit in undas  
 Iphitus: hic patrium frangit Neptunius æquor,  
 Qui tenet undisonam Psamathen, semperque patentem  
 Tænarum Euphemus: mollique a litore Pellæ 365  
 Deucalion certus jaculis, & cominus ense  
 Nobilis Amphion; pariter quos edidit Hypso;  
 Nec potuit similes voluitve ediscere vultus.  
 Tum valida Clymenus percusso pectore tonsa,  
 Frater & Iphiclus puppim trahit: & face sæva 370  
 In tua mox Danaos acturus saxa, Caphareu,  
 Nauplius: & tortum non ab Jove fulmen Oileus  
 Qui gemet, Euboïcas nato stridente per undas:  
 Quique Erymanthei sudantem pondere monstri  
 Amphitryoniaden Tegeæo limine Cepheus 375  
 Juvit; & Amphidamas, at frater plenior annis



Maluit Ancæo vellus contingere Phrixi.  
 Tectus & Eurytion servato colla capillo,  
 Quem pater Aonias reducem tondebit ad aras.  
 Te quoque Thessalicæ, Nestor, rapit in freta puppis 380  
 Fama; Mycenæis olim qui candida velis  
 Æquora, nec stantes mirabere mille magistros.  
 Hic vates, Phœbique fides non vana parentis;  
 Mopfus; puniceo cui circumfusa cothurno  
 Palla imos ferit alba pedes, vittataque frontem 385  
 Cassis, & in summo laurus Peneia cono.  
 Quin etiam Herculeo confurgit ab ordine Tydeus,  
 Nelidesque Periclymenus: quem parva Methone  
 Et levis Elis equis, & fluctibus obuius Aulon,  
 Cæstibus adversos viderunt frangere vultus. 390  
 Tu quoque Phrixeos remo, Pæantie, Colchos;  
 Bis Lemnon visure petis: nunc cuspide patris  
 Inclitus, Herculeas olim moture sagittas.  
 Proximus hinc Butes Aetæis dives ab oris:  
 Innumeras nam claudit apes, longaque superbus 395  
 Fuscatur nube diem; dum plenas nectare cellas  
 Pandit, & in dulcem reges dimittit Hymetton.  
 Insequeris, casusque tuos expressa, Phalere,  
 Arma geris: vacua nam lapsus ab arbore parvum  
 Ter quater ardenti tergo circumvenit anguis: 400  
 Stat procul intendens dubium pater anxius arcum.  
 Tum cælata metus alios gerit arma Eribotes.  
 Nec Peleus fretus foceris & conjuge Diva  
 Defuit. at prora splendet tua cuspis ab alta;  
 Æacide: tantum hæc aliis excelsior hastis, 405  
 Quantum Peliacas in vertice vicerat ornos.

Linguit & Aetorides natum Chironis in antro;  
 Ut socius caro pariter meditetur Achilli  
 Fila lyræ: pariterque leves puer incitet hastas:  
 Discat eques placidi conscendere terga magistri. 410  
 Et, quem fama genus non est decepta Lyæi,  
 Phleias immissus patrios de vertice crines.  
 Nec timet Ancæum genitrix committere ponto;  
 Plena tulit quem rege maris. securus in æquor  
 Haud minus Erginus, proles Neptunia, fertur: 415  
 Qui maris insidias, claræ qui sidera noctis  
 Norit, & e clausis quem destinet Æolus antris;  
 Non metuat cui regna ratis, cui tradere cælum  
 Assidua Tiphys vultum lassatus ab Arcto.  
 Taurea vulnifico portat cælataque plumbo 420  
 Terga Lacon; saltem in vacuos ut brachia ventos  
 Spargat; & Æbalium Pegaseia puppis alumnum  
 Spectet, securo celebrantem litora ludo.  
 Oraque Thessalico melior contundere freno,  
 Vectorem pavida Castor dum quæreret Helles, 425  
 Passus Amyclæa pinguescere Cyllaron herba.  
 Illis Tænario pariter tremit ignea fuco  
 Purpura; quod gemina mater spectabile tela  
 Duxit opus: bis Taygeton silvasque comantes  
 Struxerat: Eurotan molli bis fuderat auro. 430  
 Quemque suos sonipes niveo de stamine portat,  
 Et volat amborum patrius de pectore cygnus.  
 At tibi collectas solvit jam fibula vestes,  
 Ostenditque humeros fortes, spatiumque superbi  
 Pectoris, Herculeis æquum, Meleagre, lacertis. 435  
 Hinc numerosa phalanx, proles Cyllenia: certus  
 Val. Flaccus. B



Æthalides fubitas nervo redeunte sagittas  
 Cogere: tu medios gladio bonus ire per hostes,  
 Eurytē: nec patrio Minyis ignobilis usu,  
 Nuntia verba ducis populis qui reddit, Echion. 440  
 Sed non, Iphi, tuis Argo reditura lacertis;  
 Heu celerem Scythica te mœsta relinquet arena,  
 Cessantemque tuo lugebit in ordine remum.  
 Te quoque dant campi tanto pastore Pheræi  
 Felices, Admete: tuis nam pendit in arvis 445  
 Delius, ingrato Steropen quod fuderat arcu.  
 Ah quoties famulo notis soror obvia filvis  
 Flevit, ubi Ossæ captaret frigora quereus,  
 Perderet & pingui miseros Bœbeide crines!  
 Insurgit transiris, & remo Nerea versat 450  
 Canthus, in Ææo volvet quem barbara cuspis  
 Pulvere: at interea clari decus adjacet orbis,  
 Quem genitor gestarat Abas: secat aurea fluctu  
 Tegmina Chalcidicas fugiens Euripus arenas:  
 Celsaque semiferum contorquens frena luporum 455  
 Surgis ab ostrifero medius, Neptune, Geræsto.  
 Et tibi Palladia pinu, Polypheme, revecto  
 Ante urbem ardentis restat deprendere patris  
 Reliquias: multum famulis pia iusta moratis,  
 Si venias. breviorē petit jam cœrula remo, 460  
 Occupat & longe sua transira novissimus Idas.  
 At frater magnos Lynceus servatur in usus;  
 Quem tulit Arene: possit qui rumpere terras,  
 Et Styga transmissio tacitam deprendere visu.  
 Fluctibus e mediis terras dabit ille magistro, 465  
 Et dabit astra rati; cumque æthera Juppiter umbra

Perdiderit, solus transibit nubila Lynceus.  
 Quin & Cecropiæ proles vacat Orithyæ,  
 Temperet ut tremulos Zetes fraterque ceruchos,  
 Nec vero Odrifius transiris impenditur Orpheus, 470  
 Aut pontum remo subigit: sed carmine tonfas  
 Ire docet, summo passim ne gurgite pugnent.  
 Donat & Iphiclo pelagus juvenumque labores  
 Æsonides; fessum Phylace quem miserat ævo,  
 Non jam operum in partem; monitus sed tradat ut acres, 475  
 Magnorumque viros qui laudibus urat avorum.  
 Arge, tuæ tibi cura ratis: te mœnia doctum  
 Thespia Palladio dant munere: fors tibi, ne qua  
 Parte trahat tacitum puppis mare; fissaque fluctu  
 Vel pice vel molli conducere vulnera cera. 480  
 Pervigil Arcadio Tiphys pendebat ab astro  
 Hagniades; felix stellis qui segnibus usum,  
 Et dedit æquoreos cœlo duce tendere cursus.  
 Ecce per obliqui rapidum compendia montis  
 Ductor avens lætusque dolis agnoscit Acastum, 485  
 Horrentem jaculis, & parmæ luce coruscum.  
 Ille ut se mediæ per scuta virosque carinæ  
 Intulit; ardenti Æsonides retinacula ferro  
 Abscidit. haud aliter saltus vastataque pernix  
 Venator cum lustra fugit; dominoque timentem 490  
 Urget equum; teneras compressus pectore tigres,  
 Quas astu rapuit pavido: dum sæva relictis  
 Mater in adverso catulis venatur Amano.  
 Ut pariter propulsa ratis; stant litore matres:  
 Claraque vela oculis, percussa que sole sequuntur 495  
 Scuta virum: donec jam celsior arbore pontus,



Immensusque ratem spectantibus abstulit aer.  
 Siderea tunc arce pater pulcherrima Grajū  
 Cœpta tuens, tantamque operis confurgere molem;  
 Lætatur: patrii neque enim probat otia regni. 500  
 Una omnes gaudent superi, venturaque mundo  
 Tempora, quæque vias cernunt sibi crescere Parcæ.  
 Sed non & Scythici genitor discrimine nati  
 Intrepidus, tales fundit Sol pectore voces:  
 Summe fâtor, cui nostra dies, volventibus annis, 505  
 Tot peragit reficitque vices: tuane ista voluntas?  
 Grajaque nunc undis duce te, nutuque secundo,  
 It ratis? an meritos fas & mihi rumpere questus?  
 Hoc metuens, & ne qua foret manus invida nato,  
 Non mediæ telluris opes, non improba legi 510  
 Divitis arva plagæ: (teneant uberrima Teucer,  
 Et Lybis, & vestri Pelopis domus) horrida sævo  
 Quæ premis arva gelu, strictosque infedimus amnes.  
 Cederet his etiam; & sese sine honore referret  
 Ulterius: sed nube rigens ac nescia rerum 515  
 Stat super, & nostros jam zona reverberat ignes.  
 Quid regio immanis, quid barbarus amnibus ullis  
 Phasis, & averfis proles mea gentibus obstat?  
 Quid Minyæ meruere queri? num vellere Grajo  
 Vi potitur? profugo quin agmina jungere Phrixo 520  
 Abnuit; Inoas ultor nec venit ad aras:  
 Imperii sed parte virum natæque moratus  
 Conjugio, videt e Graja nunc stirpe nepotes:  
 Et generos vocat, & junctas sibi sanguine terras.  
 Fleste ratem motusque, pater; nec vulnere nostro 525  
 Æquora pande viris: veteris sat conscia luctus

Silva Padi, & viso flentes genitore sorores.  
 Affremit his, quassatque caput, qui vellera dono  
 Bellipotens sibi fixa videt: tentataque contra  
 Pallas, & amborum gemuit Saturnia questus. 530  
 Tum genitor: Vetera hæc nobis & condita pergunt  
 Ordine cuncta suo, rerumque a principe cursu  
 Fixa manent: neque enim terris tum sanguis in ullis  
 Noster erat, cum fata darem; justique facultas.  
 Hic mihi, cum varios struerem per secula reges. 535  
 Atque ego curarum repetam decreta mearum;  
 Jam pridem regio, quæ virginis æquor ad Helles,  
 Et Tanain tenuis immenso descendit ab Euro,  
 Undat equis, floretque viris: nec tollere contra  
 Ulla pares animos, nomenque capescere bellis 540  
 Ausa manus: sic fata, locos sic ipse fovebam.  
 Accelerat sed summa dies, Asiamque labantem  
 Linquimus, & poscunt jam me sua tempora Graji;  
 Inde meæ quercus, tripodesque animæque parentum  
 Hanc pelago misere manum: via facta per undas, 545  
 Perque hiemes, Bellona, tibi: nec vellera tantum  
 Indignanda: manet proprior de virgine rapta  
 Ille dolor: (sed nulla magis sententia menti  
 Fixa meæ.) veniet Phrygia nam pastor ab Ida,  
 Qui gemitus, irasque pares, & mutua Grajis 550  
 Dona ferat. qua classe dehinc effusa procorum  
 Bella! quot ad Trojam flentes hiberna Mycenæ!  
 Quot proceres natosque Deum, quæ robora cernes  
 Oppetere, & magnis Asiam concedere fati!  
 Hinc Danaum de sine sedet: gentesque fovebo 555  
 Mox alias. pateant montes, silvæque, lacusque,  
 B 3.



Cunctaque claustra maris; spes & metus omnibus esto  
 Arbitr. ipse locos, terrenaque summa movendo  
 Experiar, quænam populis longissima cunctis  
 Regna velim, linguamque datas ubi certus habenas. 560  
 Tunc oculos Ægæa refert ad cærula, robur  
 Herculeum Ledæque tuens genus; atque ita fatur:  
 Tendite in astra, viri: me primum regia mundo  
 Iapeti post bella trucis, Phlegæque labores  
 Imposuit: durum vobis iter & grave cœli 565  
 Institui. sic ecce meus, sic orbe peracto  
 Liber, & expertus terras remeavit Apollo.  
 Dixit, & ingenti flammantem nubila fulco  
 Direxit per inane facem: quæ puppe propinqua  
 In bifidum discessit iter, fratresque petiuit 570  
 Tyndarios: placida & mediis in frontibus hæsit  
 Protinus amborum; lumenque innoxia fudit  
 Purpureum, miseris olim implorabile nautis.  
 Interea mediis sævus permessa profundo  
 Carbasa Pangæa Boreas specularatus ab arce, 575  
 Continuo Æoliam Tyrrenaque tendit ad antra  
 Concitus. omne Dei rapidis nemus ingemit alis:  
 Strata Ceres: motoque niger sub præpete pontus.  
 Æquore Trinacrio, refugique a parte Pelori  
 Stat rupes horrenda fretis: quot in æthera surgit 580  
 Molibus, infernas totiens demissa sub undas.  
 Nec scopulos aut antra minor juxta altera tellus  
 Cernitur: illam Acamas habitat, nudusque Pyracmon.  
 Has nimbi ventique domos, & naufraga servat  
 Tempestas: hinc in terras latumque profundum 585  
 Est iter: hinc olim soliti miscere potumque

Infelixque fretum: neque enim tunc Æolus illis  
 Rector erat, Lybia cum rumperet advena Calpen  
 Oceanus, cum flens Siculos Ænotria fines  
 Perderet, & mediis intrarent montibus undæ: 590  
 Intonuit donec pavidis ex æthere ventis  
 Omnipotens, regemque dedit, quem iussa vereri  
 Sæva cohors: in monte chalybs iterataque muris  
 Saxa domant Euros. cum jam prohibere frementum  
 Ora nequit, rex tunc aditus & claustra refringit 595  
 Ipse volens, placatque data fera murmura porta.  
 Nuntius hunc solio Boreas proturbat ab alto:  
 Pangæa quod ab arce nefas, ait, Æole, vidi!  
 Graja novam ferro molem commenta iuventus  
 Pergit, & ingenti gaudens domat æquora velo: 600  
 Nec mihi libertas imis freta tollere arenis.  
 Qualis eram, nondum vinclis & carcere clausus!  
 Hinc animi, struæque viris fiducia puppis,  
 Quod Borean sub rege vident. da mergere Grajos,  
 Insanamque ratem: nil me mea pignora tangunt, 605  
 Tantum hominum compefce minas, dum litora juxta  
 Theffala, nec dum aliæ viderunt carbasa terræ.  
 Dixerat. at cuncti fremere intus & æquora venti  
 Poscere. tum valido contortam turbine portam  
 Impulit Hippotades. fundunt se carcere læti 610  
 Thraces equi: Zephyrusque, & nocti concolor alas  
 Nimborum cum prole Notus; crinemque procellis  
 Hispidus, & multa flavus caput Euris arena,  
 Induxere hiemem; raucoque ad litora tractu  
 Unanimi freta curva ferunt: nec sola tridentis 615



Regna movent: vasto pariter ruit igneus æther  
 Cum tonitru, piceoque premit nox omnia cœlo.  
 Excussi manibus remi; conversaque frontem  
 Puppis in obliquum resonos latere accipit ictus:  
 Vela super tremulum subitus volitantia malum 620  
 Turbo rapit. qui tum Minyis trepidantibus horror;  
 Cum picei fulsere poli, pavidamque coruscæ  
 Ante ratem cecidere faces, aatennaque lævo  
 Prona dehiscentem cornu cum sustulit undam!  
 Non hiemem, missosque putant consurgere ventos 625  
 Ignari, sed tale fretum. tum murmure mœsto:  
 Hoc erat, illicitas temerare rudentibus undas  
 Quod nostri timere patres! vix litore puppim  
 Solvimus; en quanto fremitu se sustulit Ægan!  
 Hoccine Cyaneæ concurrunt æquore cautes? 630  
 Tristius an miseris superest mare? linquite, terræ,  
 Spem pelagi, sacrosque iterum seponite fluctus.  
 Hæc iterant, segni flentes occumbere leto.  
 Magnanimus spectat pharetras & inutile robur  
 Amphitryoniades: miscent suprema paventes 635  
 Verba alii, junguntque manus, atque ora fatigant:  
 Aspectu tota in misero cum protinus alnus  
 Solvitur, & vasto puppis mare sorbet hiatu.  
 Illam huc atque illuc nunc torquens verberat Euris,  
 Nunc stridens Zephyris aufert Notus; undique fervent 640  
 Æquora: cum subitus trifida Neptunus in hasta  
 Cæruleum fundo caput extulit. Hanc mihi Pallas,  
 Et soror hanc, inquit, mulcens mea pectora fletu  
 Abstulerint: veniant Phariæ Tyriæque carinæ,

Permissumque putent. quoties mox rapta videbo 645  
 Vela Notis, plenasque malis clamoribus undas!  
 Non meus Orion, aut sævus Pliade Taurus  
 Mortis causa novæ. miseris tu genibus, Argo,  
 Fata paras: nec jam merito tibi, Typhi, quietum  
 Ulla parens volet Elysiū manesque piorum. 650  
 Hæc ait, & pontum pater ac turbata reponit  
 Litora, depellitque Notos: quos cæruleus Horror  
 Et madido gravis unda sinu, longeque secutus  
 Imber, ad Æoliæ tendunt simul æquora portæ.  
 Emicuit referata dies; cœlumque resolvit 655  
 Arcus; & in summos redierunt nubila montes.  
 Jam placidis ratis exstat aquis, quam gurgite ab imo  
 Et Tethis, & magnis Nereus focer erigit ulnis.  
 Ergo humeros ductor sacro velatur amictu,  
 Æsoniamque capit pateram: quam munere gaudens 660  
 Liquerat hospitio, pharetrasque rependerat auro  
 Salmoneus: nondum ille furens; cum fingeret alti  
 Quadrifida trabe tela Jovis, contraque ruentem  
 Aut Athon, aut Rhodopen; mœstæ nemora ardua Pisæ  
 Æmulus & miseros ipse ureret Elidis agros. 665  
 Hac pelago libat latices, & talibus infit:  
 Dî, quibus undarum tempestatisque sonoræ  
 Imperium, & magno penitus par regia cœlo:  
 Tuque, fretum Divosque pater sortite bifformes:  
 Seu casus nox ista fuit; seu volvitur axis, 670  
 Ut superùm sic staret opus; tollique vicissim  
 Pontus habet; seu te subitæ nova puppis imago,  
 Armorumque hominumque truces consurgere in iras



Impulit: hæc luerim satis; & tua numina, rector,  
 Jam fuerint meliora mihi. da reddere terris 675  
 Has animas, patriæque amplecti limine portæ.  
 Tum quocunque loco meritas tibi plurimus aras  
 Pascet honos, ubicunque rotis horrendus equisve  
 Stas, pater, atque ingens utrinque fluentia Triton  
 Frena tenet; tantus nostras condere per urbes. 680  
 Dixerat hæc. oritur clamor, dextræque sequentum  
 Verba ducis. sic cum stabulis & messibus ingens  
 Ira Deum, & Calabri populator Sirius arvi  
 Incubuit; coit agrestum manus infcisa priscum  
 In nemus, & miseris dictat pia vota sacerdos. 685  
 Ecce autem molli zephyros descendere lapsu  
 Aspiciunt; volat immixtis cava pinus habenis,  
 Infunditque salum, & spumas vomit ære tridenti:  
 Tiphys agit, tacitique sedent ad iussa ministri.  
 Qualiter ad summi solium Jovis omnia circum 690  
 Prona, parata Deo, ventique, imbresque, nivesque,  
 Fulguraque & tonitrus, & adhuc in fontibus amnes.  
 At subitus curaque ducem metus acrior omni,  
 Mensque mali præfaga quatit; quod regis adortus  
 Progeniem, raptoque dolis crudelis Acasto, 695  
 Cetera nuda neci, medioque in crimine patrem  
 Liquerit, ac nullis inopem vallaverit armis,  
 Ipse procul nunc tuta tenens? ruat omnis in illos  
 Quippe furor. nec vana pavet, trepidatque futuris.  
 Sæviti atrox Pelias, inimicaque vertice ab alto 700  
 Vela videt: nec qua se ardens effundere possit.  
 Nil animi, nil regna juvant. fremit objice ponti

Clausa cohors, telisque salum facibusque coruscat.  
 Haud secus, ærisona volucer cum Dædalus ora  
 Profiluit, juxtaque comes brevioribus alis; 705  
 Nube nova linquente domos, Minoia frustra  
 Infremuit manus, & visu lassatur inani  
 Omnis eques, plenisque redit Gortyna pharetris:  
 Quin etiam in thalamis, primoque in limine Acasti  
 Fusus humi, juvenis gressus & inania signa 710  
 Ore premit, sparsisque legens vestigia canis,  
 Te quoque jam mœsti forsan genitoris imago  
 Nate, ait, & luctus subeunt suspiria nostri.  
 Jamque dolos, circumque trucidis discrimina leti  
 Mille vides. qua te infelix, quibus insequar oris? 715  
 Non Scythicas ferus ille domos, nec ad ostia Ponti  
 Tendit iter; falsæ sed captum laudis amore  
 Te, puer, in nostræ durus tormenta senectæ  
 Nunc lacerat, celsis an si freta puppibus essent  
 Pervia, non ultro juvenes classemque dedissem? 720  
 O domus, o freti nequidquam prole penates!  
 Dixit, & extemplo furiis iraque minaci  
 Terribilis, Sunt hic etiam tua vulnera, prædo;  
 Sunt lacrimæ, carusque parens. simul ædibus altis  
 Itque reditque fremens, rerumque asperrima versat. 725  
 Bistonas ad meritos cum cornua sæva Thyoneus  
 Torfit, & infelix jam mille furoribus Hæmus,  
 Jam Rhodopes nemora alta gemunt, talem incita longis  
 Porticibus conjuxque fugit natiqque Lycurgum.  
 Tartareo tum sacra Jovi, Stygiisque ferebat 730  
 Manibus Alcimedea, tanto super anxia nato;



Si quid ab excitis melius prænosceret umbris.  
 Ipsum etiam, curisque parem, talesque prementem  
 Corde metus ducit, facilem tamen, Æsona conjux.  
 In scrobibus cruor, & largus Phlegethontis operi 735  
 Stagnat honos, sævoque vocat grandæva tumultu  
 Theffalis exanimes atavos, magnæque nepotem  
 Pleïones. & jam tenues ad carmina vultus  
 Extulerat, mœstosque tuens natumque nurumque;  
 Talia libato pandebat sanguine Cretheus: 740  
 Mitte metus, volat ille mari: quantumque propinquat,  
 Jam magis atque magis variis stupet Æa Deorum  
 Prodigiis, quatiuntque truces oracula Colchos.  
 Heu quibus ingreditur fatis! qui gentibus horror  
 Pergit! mox Scythiæ spoliis nuribusque superbus 745  
 Adveniet. cuperem ipse graves tum rumpere terras.  
 Sed tibi triste nefas, fraternaque turbidus arma  
 Rex parat, & sævos irarum concipit ignes.  
 Quin rapis hanc animam, & famulos citus effugis artus?  
 I, meus es, jam te in lucos pia turba silentum, 750  
 Secretisque ciet volitans pater Æolus antris.  
 Horruit interea famulum clamore supremo  
 Mœsta domus: regemque fragor per moenia differt;  
 Mille ciere manus, & jam dare iussa vocatis.  
 Flagrantes aras, vestemque, nemusque sacerdos 755  
 Præcipitat, subitisque pavens circumspicit Æson,  
 Quid moveat. quam multa leo cunctatus in arta  
 Mole virum, rictuque genas & lumina preffit;  
 Sic curæ subiere ducem, ferrumne capeffat  
 Imbelle, atque ævi senior gestamina primi: 760

An patres regni que acuat mutabile vulgus.  
 Contra effusa manus, hærensque in pectore conjux,  
 Me quoque, ait, casus, comitem, quicumque propinquat,  
 Accipies: nec fata traham, natumque videbo  
 Te sine fat coeli patiens, cum prima per altum 765  
 Vela dedit, potui quæ tantum ferre dolorem.  
 Talia per lacrimas. & jam circumspicit Æson,  
 Præveniat quo sine minas, quo fata capeffat  
 Digna fatis. magnos obitus natumque domumque,  
 Et genus Æolium, pugnatæque poscere bella. 770  
 Est etiam ante oculos ævi rudis altera proles,  
 Ingentes animos & fortia discere facta  
 Quem velit, atque olim leti meminisse paterni.  
 Ergo sacra novat. veteris sub nocte cupressi  
 Sordidus, & multa pallens ferrugine taurus 775  
 Stabat adhuc: cui cæruleæ per cornua vittæ,  
 Et taxi frons hirta comis; ipse æger, anhelans;  
 Impatensque loci, visaque exterritus umbra.  
 Hunc sibi præcipuum, gentis de more nefandæ;  
 Theffalis in seros Ditis servaverat usus. 780  
 Tergeminam tum placat heram, Stygiasque supremo  
 Obsecrat igne domos, jam jam exorabile retro  
 Carmen agens. neque enim ante leves niger avehit umbras  
 Portitor, & cunctæ primis stant faucibus Orci.  
 Illum ubi terrifici superesse in tempore sacri 785  
 Conspexit, statuit leto, supremaque fatur,  
 Ipse manu tangens damnati cornua tauri:  
 Vos, quibus imperium Jovis, & non segne peractum  
 Lucis iter, mihi conciliis, mihi cognita bellis



Nomina, magnorum fama sacrata nepotum: 790  
 Tuque, excite parens umbris, ut nostra videres  
 Funera, & oblitos superum paterere dolores;  
 Da placidæ mihi sedis iter; meque hostia vestris  
 Conciliet præmissa locis. tu nuntia fontum  
 Virgo Jovi, terras oculis quæ prospicis æquis; 795  
 Ultricesque Deæ, Fasque, & grandæva Furorum  
 Poena parens, meritis regis succedite testis,  
 Et sævas inferte faces. sacer effera raptet  
 Corda pavor. nec sola mei gravia affore nati  
 Arma ratemque putet: classesque, & Pontica signa, 800  
 Atque indignatos temerato litore reges  
 Mente agitet; semperque metu decurrat ad undas,  
 Arma ciens; mors fera viam tentataque claudat  
 Effugia, & nostras nequeat præcurrere diras:  
 Sed reduces jam jamque viros, auroque coruscum 805  
 Cernat iter. stabo insultans, & ovantia contra  
 Ora manusque feram. tum, vobis si quod inausum  
 Arcanumque nefas, & adhuc incognita leti  
 Sors superest, date fallaci pudibunda fenestæ  
 Exitia, indecoresque obitus. non Marte, nec armis, 810  
 Aut nati precor ille mei dignatus ut unquam  
 Ense cadat. quin fida manus, quin cara suorum  
 Diripiat laceretque fenem; nec membra sepulcro  
 Contegat. hæc noster de rege piacula sanguis  
 Sumat, & heu cunctæ, quas misit in æquora, gentes. 815  
 Adstitit, & nigro fumantia pocula tabo  
 Contigit ipsa gravi Furiarum maxima dextra.  
 Illi ayide exceptum pateris hausere cruorem.

Fit fragor: irrumpunt sonitu, qui sæva ferebant  
 Imperia, & strictos iussis regalibus enses. 820  
 In media jam morte senes, suffectaque leto  
 Lumina, & undanti revomentes veste cruorem  
 Conspiciunt: primoque rudem sub limine rerum  
 Te, puer, & visa pallentem morte parentum,  
 Diripiunt, adduntque tuis. procul horruit Æson 825  
 Excedens, memoremque tulit sub nubibus umbram.  
 Cardine sub nostro rebusque abscisa supernis  
 Tartarei sedet aula patris: non illa ruenti  
 Accessura polo, victam si solvere molem  
 Juppiter, & primæ velit omnia reddere massæ. 830  
 Ingenti jacet ore Chaos; quod pondere fessam  
 Materiem, lapsumque queat consumere mundum.  
 Hic geminæ æternum portæ: quarum altera, dura  
 Semper lege patens, populos regesque receptat;  
 Ast aliam tentare nefas, & tendere contra; 835  
 Rara & sponte patet; si quando pectore ductor  
 Vulnera nota gerens; galeis præfixa rotisque  
 Cui domus, aut studium mortales pellere curas;  
 Culta fides, longe metus atque ignota cupido:  
 Seu venit in vittis, castaque in veste sacerdos. 840  
 Quos omnes lenis plantis, & lampada quassans,  
 Progenies Atlantis agit. lucet via late  
 Igne Dei: donec silvas & amœna piorum  
 Deveniant, camposque, ubi Sol, totumque per annum  
 Durat aprica dies, thiasique, chorique virorum, 845  
 Carminaque, & quorum populis jam nulla cupido.  
 Has pater in sedes æternaque mœnia natum



Inducitque nurum. tum, porta quanta sinistra  
Poena, docet, maneat Pelian; quo limine, monstrat.  
Mirantur tantos strepitus, turbamque ruentem,  
Et loca, & infernos almæ virtutis honores.

850

C. VALERII FLACCI  
SETINI BALBI  
ARGONAUTICON  
LIBER SECUNDUS.



LIBRI SECUNDI  
ARGUMENTUM

ÆGIDIO MASERIO

AUCTORE.

*CLARUS ab Æolio spiramine liber Iason  
Navigat. Hagniades trepidantia pectora firmat.  
Ingratam Veneri puppis Vulcanida Lemnon  
Tuta petit: generisque dolo concepta virilis  
Fata recensentur. vetiti reparantur amores.  
Excitat Alcides animos: residuumque quietem  
Indignam juvenum damnat. fit ad æquora cursus.  
Ingemit Hypsipyle. felix Samothracia sacris  
Linquitur. Hesione mediis Tirynthius undis  
Liberat Alcides. solatur Iasona Phœxi  
Diva soror. socias jungunt fœdere dextras  
Circæus, Argolicique duces sub tecta recepti.*

C. VALERII FLACCI  
SETINI BALBI  
ARGONAUTICON  
LIBER II.

**I**NTEREA scelerum luctusque ignarus Iason  
Alta secat. neque enim patrios cognoscere casus  
Juno finit; mediis ardens ne slectat ab undis,  
Ac temere in Pelian, & adhuc obstantia regis  
Fata ruat, placitosque Deis ne deserat actus.  
Jamque fretis summas æquatam Pelion ornos,  
Templaque Tifææ mergunt obliqua Dianæ.  
Jam Scia hos subsedit aquis, jam longa recessit  
Sepias: attollit tondentes pabula Magnes  
Campus equos: vidisse putant Dolopeia busta,  
Intrantemque Amyron curvas quæsitæ per oras  
Æquora; flumineo cujus redeuntia vento  
Vela legunt. remis insurgitur. inde salutant  
Eurymenas. recipit velumque fretumque reversus  
Auster: & in nubem, Minyis repetentibus altum,  
Ossa redit. metus ecce Deum, damnataque bello  
*Val. Flaccus.* C 2



Pallene: circumque vident immania monstra  
 Terrigenum coelo quondam adversata gigantum;  
 Quos scopulis trabibusque parens miserata jugisque  
 Induit, & versos extruxit in æthera montes. 20  
 Quisque suas in rupe minas, pugnamque, metusque  
 Servat adhuc: quatit ipse hiemes, & torquet ab alto  
 Fulmina crebra pater: scopulis sed maximus illis  
 Horror abest, Sicala pressus tellure, Typhœus.  
 Hunc profugum, & sacras revomentem pectore flammæ, 25  
 Ut memorant, presum ipse comis Neptunus in altum  
 Abstulit, implicuitque vadis: totiesque cruenta  
 Mole resurgentem, torquentemque anguibus undas  
 Sicanium dedit usque fretum; cumque urbibus Ætnam  
 Intulit, ora premens: trux ille eiecit adesti 30  
 Fundamenta jugi; pariter tunc omnis anhelat  
 Trinacria, injectam fesso dum pectore molem  
 Commovet experiens, gemituque reponit inani.  
 Jamque Hyperionius metas maris urget Hiberi  
 Currus, & evectæ pronò laxantur habenæ 35  
 Æthere; cum palmas Tethys grandæva sinusque  
 Sustulit, & rupto sonuit focer æquore Titan.  
 Auxerat hora metus; jam se vertentis Olympi  
 Ut faciem, raptosque simul montesque locosque  
 Ex oculis, circumque graves videre tenebras. 40  
 Ipsa quies rerum, mundique silentia terrent,  
 Astraque, & effusis stellatus crinibus æther.  
 Ac velut ignota captus regione viarum,  
 Noctivagum qui carpit iter, non aure quiescit;  
 Non oculis; noctisque metus niger auget utrinque 45  
 Campus, & occurrens umbris majoribus arbor.

Haud aliter trepidare viri. sed pectora firmans  
 Hagniadès, Non hanc, inquit, sine numine pinum  
 Dirigimus: nec me tantum Tritonia cursus  
 Erudit; sæpe ipsa manu dignata carinam est. 50  
 An non experti, subitus cum luce fugata  
 Horruit imbre dies? quantis, pro Juppiter, austris.  
 Restitimus! quanta quoties & Palladis arte  
 In cassum decimæ cecidit tumor arduus undæ!  
 Quin agite, o socii; micat immutabile cœlum; 55  
 Puraque nec gravido surrexit Cynthia cornu;  
 Nullus in ore rubor; certusque ad talia Titan  
 Integer in fluctus, & in uno decidit Euro.  
 Adde, quod in noctem venti veloque marique  
 Incumbunt magis: it tacitis ratis ocior horis. 60  
 Atque adeo non illa sequi mihi sidera monstrant,  
 Quæ delapsa polo reficit mare: tantus Orion  
 Jam cadit; irato jam stridet in æquore Perseus:  
 Sed mihi dux, vetitis qui nunquam conditus undis.  
 Axe nitet serpens, septenosque implicat ignes. 65  
 Sic ait: & certi memorat qui vultus Olympi,  
 Pleïones Hyadumque locos; quo sidere vibret  
 Ensis, & Actæus niteat qua luce Bootes.  
 Hæc ubi dicta dedit; Cereris tum munere fessas  
 Restituunt vires, & parco corpora Baccho: 70  
 Mox somno cessere: regunt sua sidera puppim;  
 Jamque sub Eoæ dubios Atlantidis ignes  
 Albet ager: motisque truces ab ovilibus urfi  
 Tuta domosque petunt: raras & litus in altum  
 Mittit aves; cum primus equis exegit anhelis 75  
 Phœbus Athon, mediasque diem dispersit in undas.



Certatim remis agitur mare: rostraque cursu  
 Prima tremunt. & jam summis Vulcania surgit  
 Lemnos aquis, tibi per varios defleta labores,  
 Ignipotens: nec te Furiis & crimine matrum 80  
 Terra fugat, meritiq; piget meminisse prioris.  
 Tempore quo primum fremitus insurgere opertos  
 Cœlicolũm, & regni sensit novitate tumentes  
 Iuppiter; ætheriæ nec stare silentia pacis:  
 Junonem volucris primam suspendit Olympo 85  
 Horrendum chaos ostendens, pœnasque barathri.  
 Mox etiam pavidæ tentantem vincula marris  
 Solvere, prærupti Vulcanum vertice cœli  
 Devolvit: ruit ille polo noctemque diemque,  
 Turbinis in morem; Lemni cum litore tandem 90  
 Insonuit: vox inde repens ut perculit urbem,  
 Acclinem scopulo inveniunt, miserentque foventque  
 Alternos ægro cunctantem poplite gressus.  
 Hinc, reduci superas postquam pater annuit arces,  
 Lemnos cara Deo: nec fama notior Ætne 95  
 Aut Lipares domus has epulas, hæc templa, peracta  
 Ægide, & horrefici formæ fulminis alis,  
 Lætus adit: contra Veneris stat frigida semper  
 Ara loco; meritas postquam Dea conjugis iras  
 Horrui, & tacitæ Martem tenuere catenæ. 100  
 Quocirca struit illa nefas, Lemnoque merenti  
 Exitium furiale movet: neque enim alma videri  
 Jam tumet, aut tereti crinem subnectitur auro,  
 Sidereos diffusa sinus; eadem effera & ingens,  
 Et maculis suffecta genas, pinumque sonantem 105  
 Virginibus Stygiis, nigramque simillima pallam.

Jamque dies aderat, Thracas qui fuderat armis:  
 Dux Lemni, puppes tenui contexere canna  
 Ausus, & indulto cratem defendere tergo,  
 Læta mari tum signa refert: plenasque movebat 110  
 Armentis nuribusque rates. it barbara vestis,  
 Et torques, insigne loci. sonat æquore clamor:  
 O patria. o variis conjux nunc anxia curis,  
 Has agimus longi famulas tibi præmia belli.  
 Cum Dea se piceo per sudum turbida nimbo 115  
 Præcipitat; Famamque vagam vestigat in umbra:  
 Quam pater omnipotens digna atque indigna canentem;  
 Spargentemque metus, placidis regionibus arcet  
 Ætheris: illa fremens habitat sub nubibus imis,  
 Non Erebi, non Diva poli: terrasque fatigat, 120  
 Qua datur: audentem primi spernuntque foventque:  
 Mox omnes agit, & motis quatit oppida linguis.  
 Talem Diva sibi scelerisque dolique ministram  
 Quærit avens: videt illa prior; jamque advolat ultro  
 Impatiens; jamque ora parat; jam suscitatur aures. 125  
 Hanc superincendit Venus, atque his vocibus implet:  
 Vade, age, & æquoream, virgo, delabere Lemnon,  
 Et cunctas mihi verte domos: præcurrere qualis  
 Bella soles; cum mille tubas, armataque campis  
 Agmina, & innumerum stans confingis equorum. 130  
 Adfore jam luxu turpique cupidine captos  
 Fere viros, carasque toris inducere Thressas.  
 Hinc tibi principia; hinc rabidas dolor undique matres  
 Instimulet: mox ipsa adero, ducamque paratas.  
 Illa abit, & mediam gaudens defertur in urbem: 135  
 Et primam Eurynomen ad proxima limina Codri



Occupat, exesam curis, castumque cubile  
 Servantem: manet illa viros; famulasque fatigat  
 Velleribus: tardi repetunt quæ tempora belli  
 Ante torum, & longo mulcent infomnia penso. 140  
 Huic Dea cum lacrimis, & nota veste Neæræ  
 Ista genas: Utinam non hic tibi nuntius essem,  
 O soror; aut nostros, inquit, prius unda dolores  
 Obruat; in tali quoniam tibi tempore conjux,  
 Sic meritæ, votis quem tu fletuque requiris, 145  
 Heu furit, & captæ indigno famulatur amore.  
 Jamque aderunt: thalamisque tuis Threïssa propinquat;  
 Non forma, non arte colus, non laude pudoris  
 Par tibi; nec proles magni præclara Dorycli:  
 Picta manus, ustoque placet sed barbara mento. 150  
 Attamen hos tales forsan solabere casus  
 Tu thalamis, fatoque leges meliore penates.  
 Me tua matris egens, damnataque pellice proles  
 Exanimat; quam jam miseros transversa tuentem,  
 Letalesque dapes, infectaque pocula cerno. 155  
 Scis simile ut flammis fimus genus. adde cruentis  
 Quod patrium sævire Dahis. jam lacte ferino,  
 Jam veniet durata gelu. sed me quoque pulsam  
 Fama viro: nostrosque toros virgata tenebit  
 Et plaustro derepta nurus. sic fata, querelas 160  
 Abscidit: & curis pavidam lacrimisque relinquit.  
 Transit ad Iphinoen; isdemque Amythaonis implet,  
 Olenique domum furiis. totam inde per urbem  
 Personat, ut cunctas agitent expellere Lemno;  
 Ipsi urbem Threïssæque regant. dolor iraque surgit. 165  
 Obvia quæque eadem traditque auditque: neque ulli

Vana fides. tum voce Deos, tum questibus implent.  
 Oscula jamque toris, jamque oscula postibus ipsis  
 Ingeminant: lacrimisque iterum visuque morantur.  
 Profiliunt; nec tecta virum, thalamosque revisunt 170  
 Amplius: agglomerant sese; nudisque sub astris  
 Condensæ fletus acuunt; ac dira precantur  
 Conjugia, & Stygias infanda ad foedera tædas.  
 Has inter medias, Dryopes in imagine mœstæ,  
 Flet Venus; & sævis ardens Dea planctibus instat. 175  
 Primaque: Sarmaticas utinam, Fortuna, dedisses  
 Infedisse domos, tristefque habitasse pruinas,  
 Plaustra sequi; vel jam patriæ vidisse per ignes  
 Culmen agi; stragemque Deum! nam cetera belli  
 Perpetimur. mene ille novis, me destinat amens 180  
 Servitiis? urbem aut fugiens natosque relinquam!  
 Non prius ense manus, raptoque armabimus igne?  
 Dumque silent, ducuntque nova cum conjuge somnos;  
 Magnum aliquid spirabit amor? tunc ignea torquens  
 Lumina, præcipites excussit ab ubere natos. 185  
 Illicet arrestæ mentes, evictaque matrum.  
 Corda sacer Veneris gemitus rapit. æquora cunctæ  
 Prospiciunt, simulantque choros, delubraque festa  
 Fronde tegunt; lætæque viris venientibus adsunt.  
 Jamque domos mensasque petunt; discumbitur altis 190  
 Porticibus: sua cuique furens festinaque conjux  
 Adjacet. inferni qualis sub nocte barathri  
 Accubat attonitum Phlegyan & Thesea juxta  
 Tisiphone, sævasque dapes & pocula libat,  
 (Tormenti genus) & nigris amplectitur hydris. 195  
 Ipsa Venus quassans undantem turbine pinum



Agglomerat tenebras, pugnæque accincta trementem  
 Defilit in Lemnon. nimbisque & luce fragosa  
 Prosequitur polus, & tonitru pater auget honoro.  
 Inde novam pavidas vocem furibunda per aures 200  
 Congeminat: qua primus Athos, & pontus, & ingens  
 Thraca palus, pariterque toris exhorruit omnis  
 Mater, & adstricto riguerunt ubere nati.  
 Accelerat Pavor, & Geticis Discordia demens  
 E stabulis, hirtæque genis pallentibus Iræ, 205  
 Et Dolus, & Rabies, & Leti major imago  
 Visa, truces exserta manus; ut prima vocatu  
 Intonuit, signumque dedit Mavortia conjux.  
 Hic aliud Venus & multo magis ipsa tremendum  
 Orsa nefas, gemitus fingit, vocesque cadentum: 210  
 Irrupitque domos: & singultantia gestans  
 Ora manu, taboque sinus perfusa recenti,  
 Arrestasque comas: Meritos en prima revertor  
 Ultra toros: premit ecce dies. tum verbere victas  
 In thalamos agit, & cunctantibus invenit enses. 215  
 Unde ego tot scelerum facies, tot fata jacentum  
 Exsequar? heu vatem monstris quibus intulit ordo!  
 Quæ se aperit series! o qui me vera canentem  
 Sistat, & hac nostras exsolvat imagine noctes!  
 Invadunt aditus, & quondam cara fuorum 220  
 Corpora: pars, ut erant, dapibus vinoque soporos;  
 Pars conferre manus etiam; magnisque parata  
 Cum facibus; quosdam insomnes & cuncta tuentes.  
 Sed tentare fugam, prohibetque capeffere contra.  
 Arma metus. adeo ingentes inimica videri 225  
 Diva dabat; notaque sonat vox conjuge major.

Tantum oculos pressere metu; velut agmina cernant  
 Eumenidum, ferrumve super Bellona coruscet.  
 Hoc soror, hoc conjux, propiorque hoc nata parensque  
 Sæva valet: prensosque toris maclatque trahitque 230  
 Feminæ genus, immanes quos sternere Bessi,  
 Nec Geticæ potuere manus, aut æquoris iræ.  
 It cruor. in thalamis, & anhela in pectore fumant  
 Vulnera; seque toris misero luctamine trunci  
 Devolvunt: diras aliæ ad fastigia tædas 235  
 Injiciunt, adduntque domos: pars ignibus atris  
 Effugiunt propere; sed dura in limine conjux  
 Obsidet, & viso repetunt incendia ferro.  
 Ast aliæ Thressas labem causamque furoris  
 Diripiunt. mixti gemitus, clamorque precantum 240  
 Barbarus, ignotæque implebant æthera voces.  
 Sed tibi nunc quæ digna tuis ingentibus ausis  
 Ora feram, decus & patriæ laus una ruentis,  
 Hypsipyle? non ulla meo te carmine dictam  
 Abstulerint, durent Latiis modo secula factis; 245  
 Illiacique lares, tantique palatia regni.  
 Irruerant actæ pariter natæque nurusque;  
 Totaque jam sparsis exarserat insula monstris:  
 Illa piæ armata manus, Fuge protinus urbem  
 Meque, pater: non hostis, ait, non moenia læsi 250  
 Thraces habent: nostrum hoc facinus. ne quare, quis auctor.  
 Jam fuge, jam dubiæ donum rape mentis, & enses  
 Tu potius miseræ retine. tunc excipit artus,  
 Obnubitque caput, tacitumque ad conscia Bacchi  
 Tempa rapit: primoque manus a limine tendens, 255



Exime nos sceleri, pater, & miserere piorum  
 Rursus, ait. tacita pavidum tunc sede locavit;  
 Sub pedibus dextraque Dei. latet ille receptus  
 Veste sacra. voces chorus & trieterica reddunt  
 Æra sonum, fixæque fremunt in limine tigres. 260  
 Regina ut rosæis Auroram surgere bigis  
 Vidit, & infomni lassatas turbine tandem  
 Conticuisse domos; stabilem quando optima facta  
 Dant animum, majorque piis audacia cœptis;  
 Serta patri, juvenisque comam vestesque Lyæi 265  
 Induit, & medium curru locat; æraque circum,  
 Tympanaque, & plenas tacita formidine cistas.  
 Ipsa sinus hederisque ligat famularibus artus:  
 Pampineamque quatit ventosis ictibus hastam,  
 Respiciens; teneat virides velatus habenas 270  
 Ut pater, & nivea tumeant ut cornua mitra,  
 Et facer ut Bacchum referat scyphus. impulit acri  
 Tum validas stridore fores; rapiturque per urbem,  
 Talia voce canens: Linque o mihi cæde madentem,  
 Bacche, domum. sine foedatum te funere pontus 275  
 Expiet; & referam lotos in templa dracones.  
 Sic medios egressa metus: facit ipse verendam  
 Nam Deus, & flatu non inficia gliscit anhelò.  
 Jamque senem tacitis sæva procul urbe remotum  
 Occulerat filvis: ipsam sed conscius ausi 280  
 Nocte dieque pavor, fraudataque turbat Eriannys.  
 Non similes jam ferre choros (semel orgia fallunt)  
 Audet, non patrios furtis accedere saltus:  
 Et fuga diversas misero quærenda per artes.

Visa ratis, sævæ defecta laboribus undæ, 285  
 Quam Theidi longinqua dies Glaucoque repostam  
 Solibus, & canis urebat luna pruinis;  
 Huc genitorem, altæ per opaca silentia noctis,  
 Præcipitem filvis rapit; & sic mœsta profatur:  
 Quam, genitor, patriam, quanta modo linqvis inanes 290  
 Pube domos! pro dira lues, pro noctis acerbæ  
 Exitium! ralin' possum te credere puppi,  
 Care parens? possum tantis retinere periclis?  
 Solvimus heu ferum Furiis scelus! annue votis,  
 Diva, soporiferas quæ nunc trahis æquore bigas. 295  
 Non populos, non dite solum, non ulla parenti  
 Regna peto: patria liceat decedere terra.  
 Quando ego servato mediam genitore per urbem  
 Læta ferar? quando hic lacrimas planctusque videbo?  
 Dixerat. ille procul trunca fugit anxius alno; 300  
 Taurorumque locos, delubraque sæva Dianæ  
 Advenit. hic illum tristi Dea præficis aræ  
 Ense dato. mora nec terris tibi longa cruentis.  
 Jam nemus Egeriæ, jam te ciet altus ab Alba  
 Juppiter, & soli non mitis Aricia regi. 305  
 Arcem nata petit, quo jam manus horrida matrum  
 Congruerat, rauco fremitu federe parentum  
 Natorumque locis: vacuæque in mœnibus urbis  
 Jura novant: donant solio sceptrisque paternis,  
 Ut meritam; redeuntque piæ sua præmia menti. 310  
 Ecce procul validis Lemnon tendentia remis  
 Arma notant: rapitur subito regina tumultu,  
 Conciliumque vocat. non illis obvia tela



Ferre, nec infestos deerat furor improbus ignes:  
 Ni Veneris sævas fregisset Mulciber iras. 315  
 Tunc etiam vates Phœbo dilecta Polyxo,  
 Non patriam, non certa genus, sed maxima Ceto  
 \* Proteaque ambiguum Pharii se patris ab antris  
 Huc rexisse vias, junctis super æquora phocis:  
 Sæpe imis se condit aquis, cunctataque paulum 320  
 Surgit, ut auditas referens in gurgite voces:  
 Portum demus, ait. hæc hospita, credite, puppis  
 Adveniet: levior Lemno Deus æquore flexit  
 Huc Minyas. Venus ipsa volens dat tempora jungi,  
 Dum vires utero, maternaque sufficit ætas. 325  
 Dicta placent. portatque preces ad litora Grajis  
 Iphinoe: nec turba nocens, scelerisque recentis  
 Signa movent; tollitque loci Cytherea timorem.  
 Protinus ingentem procerum sub nomine taurum  
 Deicit: insuetis & jam pia munera templis 330  
 Reddit: & hac prima Veneris calet ara juvenca.  
 Ventum erat ad rupem, cuius pendentia nigris  
 Fumant saxa jugis, coquiturque vaporibus aer;  
 Substitit Æsonides. atque hic regina precari  
 Hortatur: causasque docens, Hæc antra videtis, 335  
 Vulcanique, ait, ecce, domos: date vina precesque,  
 Forsitan hoc factum taceat jam fulmen in antro;  
 Nox dabit ipsa fidem: clausæ cum murmura flammæ,  
 Hospes, & incussæ sonitum mirabere massæ.  
 Moenia tum, viresque loci, veteresque parentum 340  
 Jactat opes. mediis famulæ convivia tectis  
 Expediunt; Tyrio vibrat torus igneus ostro.

Stat moerens atavos reges, regesque maritos  
 Thressa manus, quæcunque faces timuisse jugales  
 Credita, nec dominæ sanctum tetigisse cubile. 345  
 Jam medio Æsonides, jam se regina locavit;  
 Post alii proceres: sacris dum vincitur extis  
 Prima famas; circum pateris it Bacchus, & omnis  
 Aula filet: dapibus coeptis mox tempora fallunt  
 Noctis, & in seras durant sermonibus umbras. 350  
 Præcipueque ducis casus mirata requirit  
 Hypsipyle: quæ fata trahant, quæ regis agat vis:  
 Aut unde Hæmonia molem ratis. unius hæret  
 Alloquio, & blandos paulatim colligit ignes,  
 Jam non dura toris, Veneri nec iniqua reversæ: 355  
 Et Deus ipse moras spatiumque indulget amori.  
 Pliada lege poli nimbo solo moverat astro  
 Juppiter, æternum volvens opus; & simul undis  
 Cuncta ruunt: unoque Dei Pangæa sub ictu,  
 Gargaraque, & moesti steterant formidine luci. 360  
 Sævior haud alio mortales tempore mentes  
 Terror agit: tunc urget enim, tunc flagitat iras  
 In populos Astræa Jovem; terrisque relictis  
 Invocat assiduo Saturnia sidera questu.  
 Insequitur niger, & magnis cum fratribus Euris 365  
 Intonat Ægæo: tenditque ad litora pontus.  
 Et lunam quarto densam videt imbribus ortu  
 Thespiades, longus coeptis & fluctibus arcet  
 Quem metus: usque novos Divæ melioris ad ignes  
 Urbe sedent læti Minyæ, viduisque vacantes 370  
 Indulgent thalamis: nimbosque educere luxu:



Nec jam velle vias: Zephyrosque audire vocantes  
 Dissimulant; donec refides Tyrinthius heros  
 Non tulit, ipse rati invigilans, atque integer urbis;  
 Invidisse Deos tantum maris æquor adortis 375  
 Desertaque domos, fraudataque tempore segni  
 Vota patrum. quid & ipse viris cunctantibus adfit?  
 O miseri, quicumque tuis accessimus actis!  
 Phasin, & Æeten, Scythicique pericula ponti  
 Redde, ait, Æsonide: me tecum solus in æquor 380  
 Rerum traxit amor, dum spes mihi sistere montes  
 Cyaneos, vigilemque alium spoliare draconem.  
 Si fedet, Ægæi scopulos habitare profundi;  
 Hoc mecum Telamon peraget meus. hæc ubi dicta,  
 Haud secus Æsonides monitis accensus amaris, 385  
 Quam bellator equus, longa quem frigida pace  
 Terra juvat, brevis in lævos piger angitur orbes:  
 Frena tamen dominumque velit, si Martius aures  
 Clamor, & oblitus rursus fragor impleat æris.  
 Tunc Argum Tiphynque vocat; pelagoque parari 390  
 Præcipitat. petit ingenti clamore magister  
 Arma, viros pariter, sparsosque in litore remos.  
 Exoritur novus urbe dolor, planctusque per omnes  
 It facies antiqua domos. sibi mœnia linqui  
 En iterum. ecquando natorum tempora, gentem 395  
 Qui recolant, qui sceptrâ gerant? nunc triste nefandæ  
 Noctis opus: vidui nunc illa silentia testi  
 Sæva magis; thalamos excussa que vincla quod ausæ  
 Induere, atque iterum tales admittere curas.  
 Ipsa quoque Hypsipyle subitos per litora cursus 400

Ut vidit, totaque viros decedere Lemno;  
 Ingemit, & tali compellat lasona questu:  
 Jamne placet primo deducere vela sereno,  
 Carius o mihi patre caput? modo sæva quierunt  
 Æquora. sic portus fugeret ratis, aspera si te 405  
 Plias in adversæ tenuisset litore Thraces?  
 Ergo moras cœlo cursumque tenentibus undis  
 Debuimus? Dixit lacrimans: hæsuraque caro  
 Dona duci promit chlamydem textosque labores.  
 Illic servati genitoris conscia sacra 410  
 Pressit acu, currusque pios: stant sæva paventum  
 Agmina, dantque locum: viridis circum horrida tela  
 Silva tremit: mediis refugit pater anxius umbris.  
 Pars & frondosæ raptus expresserat Idæ,  
 Illustremque fugam pueri: mox æthere lætus 415  
 Adstabat mensis: quin & Jovis armiger ipse  
 Accipit a Phrygio jam pocula blanda ministro:  
 Tunc ensem, notumque ferens insigne Thoantis,  
 Accipe, ait, bellis mediæque ut pulvere pugnae  
 Sim comes, Ætnei genitor quæ flammea gessit 420  
 Dona Dei, nunc digna tuis adjungier armis.  
 I, memor, i terræ, quæ vos amplexa quieto  
 Prima sinu; refer & domitis a Colchidos oris  
 Vela, per hunc, utero quem linquis lasona nostro.  
 Sic ait, Hæmonii labens in colla mariti. 425  
 Nec minus Orphea tristis cervice, tuaque,  
 Æacide, & gemino conjux a Castore pendet.  
 Has inter lacrimas legitur piger uncus arenis:  
 Jam remi rapuerê ratem, jam flamina portant;  
 Val. Flaccus. D



Spumea subsequitur fugientis semita clavi. 430  
 Tunc tenuis Lemnos; transitque Electria tellus  
 Threiciis arcana sacris: hic numinis ingens  
 Horror, & incautis decreta piacula linguis.  
 Hanc demissa Jovi non unquam lædere fluctu  
 Audet hiems: sponte ipse Deus tunc asperat undas; 435  
 Cum vetat infidos sua litora tangere nautas.  
 Obvius at Minyas terris adytisque sacerdos  
 Excipit, hospitibus referans secreta, Thyotes.  
 Hastenus in populos, vates Samothraca, diemque  
 Missa mane: sacrisque metum servemus opertis. 440  
 Illi sole novo læti, plenique Deorum,  
 Confidunt transtris. jam, quas præviderat urbes  
 Navita, condebat: proræque accesserat Imbros:  
 Et Sol ætherias medius conscenderat arces.  
 Thessala Dardaniis tunc primum puppis arenis 445  
 Appulit, & fatis Sigeo litore sedit.  
 Defiliunt: pars hinc levibus candentia velis  
 Castra levat: tracto pars frangit adorea saxo  
 Farra: citum stridens alius de cautibus ignem  
 Ostendit foliis, & sulphure pascit amico. 450  
 Alcides Telamonque comes dum litora blando  
 Anfractu sinuosa legunt, vox accidit aures,  
 Flebile succedens, ceu fracta remurmurat unda:  
 Attoniti pressere gradum; vacuumque sequuntur  
 Vocis iter: jam certa sonat: desertaque duræ 455  
 Virgo neci quem non hominum superumque vocabat?  
 Acrius hoc instare viri, succurrere certi.  
 Qualiter, implevit gemitu cum taurus acerbo

Avia, frangentem morfu super alta leonem  
 Terga ferens; coit e sparso concita mapali 460  
 Agrestum manus, & cæco clamore coloni.  
 Constitit Alcides; visuque enifus, in alta  
 Rupe truces manicas, defectaque virginis ora  
 Cernit, & ad primos turgentia lumina fluctus.  
 Exanimum veluti, multa tamen arte coactum, 465  
 Mœret ebur; Pariusve notas & nomina sumit  
 Cum lapis; aut liquidi referunt miranda colores.  
 Ductor ait: Quod, virgo, tibi nomenque genusque,  
 Quæ fors ista, doce. tendunt cur vincula palmas?  
 Illa tremens, tristisque oculos dejecta pudore, 470  
 Non ego digna malis, inquit: suprema parentum  
 Dona vides, ostro scopulos auroque frequentes.  
 Nos Ili veteris quondam genus, invida donec  
 Laomedonteos fugeret Fortuna penates.  
 Principio morbi, cœloque exacta sereno 475  
 Temperies; arsere rogis certantibus agri:  
 Cum subitus fragor, & fluctus Idæa moventes  
 Cum stabulis nemora: ecce, repens consurgere ponto  
 Bellua, monstrum ingens; hanc tu nec montibus ullis,  
 Nec nostro metire mari: primæva furenti 480  
 Huic manus, amplexus inter planctusque parentum,  
 Deditur. hoc sortes, hoc corniger imperat Hammon,  
 Virgineam damnare animam, sortitaque Lethæ  
 Corpora: crudelis scopulis me destinat urna.  
 Verum o jam redeunt Phrygibus si numina, tuque 485  
 Ille ades, auguriis promisse & sorte Deorum;  
 Jam cui candentes votivo in gramine pascit



Cornipedes genitor, nostræ stata dona salutis,  
 Annue, meque, precor, defectaque Pergama monstros  
 Eripe; namque potes. neque enim tam lata videbam 490  
 Pectora, Neptunus muros cum jungeret astris;  
 Nec tales humeros pharetramque gerebat Apollo.  
 Auxerat hæc locus, & facies moestissima capti  
 Litoris, & tumuli, cœlumque, quod incubat urbi:  
 Quale laborantis Nemees iter, aut Erymanthi 495  
 Vidit, & infectæ miseratus flumina Lernæ.  
 Dat procul interea signum Neptunus: & una  
 Monstriferi mugire sinus: Sigeaque pestis  
 Agglomerare fretum: cujus stellantia glauca  
 Lumina nube tremunt, atque ordine curva trifulco 500  
 Fulmineus quatit ora fragor; pelagoque remenso  
 Cauda redit, passosque sinus rapit ardua cervix.  
 Illam incumbentem per mille volumina pontus  
 Prosequitur lateri assultans; trepidisque ruentem  
 Litoribus sua cogit hiems. non fluctibus æquis 505  
 Nubiferi venit unda Noti, non Africus alto  
 Tantus ovat, patriisque manus cum plenus habenis  
 Orion bipedum flatu mare tollit equorum.  
 Ecce ducem placitæ furiis crudescere pugnæ,  
 Surgentemque toris stupet, immanemque paratu 510  
 Æacides; pulsantque graves ut terga pharetræ.  
 Ille patrem, pelagique Deos, suaque arma precatus,  
 Infiluit scopulo; motumque e sedibus æquor  
 Horrui, & celsi spatiosa volumina monstri.  
 Qualis ubi a gelidi Boreas convallibus Hebræi 515  
 Tollitur, & volucres Rhipæa per ardua nubes

Præcipitat, piceo nec dum tenet omnia cœlo.  
 Illa simul molem horrificam, scopulosaque terga  
 Promovet, ingentique umbra subit; intremere Ide,  
 Illidique ratis, pronæque resurgere turres. 520  
 Occupat Alcides arcum, totaque pharetræ  
 Nube premit. non illa magis, quam fede moveri  
 Magnus Eryx, deferre velint quem vallibus imbres.  
 Jam brevis, & telo volucris non utilis aer.  
 Tum vero fremitus, vanique insania cœpti, 525  
 Et tacitus pudor; & rursus pallefcere virgo.  
 Projicit arma manu, scopulos vicinaque saxa.  
 Respicit, & quantum ventis adjuta vetustas.  
 Impulerit, pontive fragor, tantum abscidit imi  
 Concutiens a sede maris. jamque agmine toto 530  
 Pistris adest, miseræque inhiat jam proxima prædæ.  
 Stat mediis elatus aquis, recipitque ruentem.  
 Alcides: saxoque prior surgentia colla,  
 Obruit: hinc vastos nodosi roboris ictus  
 Congeminat. fluctus defertur bellua in imos, 535  
 Jam totis resoluta vadis. Idæaque Mater,  
 Et chorus, & summis ulularunt collibus amnes.  
 Protinus e scopulis, & opaca valle resurgunt  
 Pastores, magnisque petunt clamoribus urbem.  
 Nuntius hinc socios Telamon vocat; ac simul ipsi 540  
 Horrescunt, subitoque vident in sanguine puppim.  
 Nec minus in scopulos, crudique cacumina saxi  
 Emicat Alcides, vinclisque tenentibus aufert.  
 Virgineas de rupe manus: aptatque superbis.  
 Arma humeris: regem inde petens superabat ovante 545  
 D 3



Litora tuta gradu. qualis per pascua victor  
 Ingreditur, tum colla tumens, tum celsior armis  
 Taurus, ubi assueti pecoris stabula alta revisit,  
 Et patrium nemus, & bello quos ultus amores.  
 Obvia cui contra, longis emissa tenebris, 550  
 Turba Phrygum, parvumque trahens cum conjugē natum  
 Laomedon, jam mœstus equos, jam debita posci  
 Dona gemit. pars aërii fastigia muri  
 Cingit, & ignotis juvenem mirantur in armis.  
 Illum torva tuens, arque acri lubricus astu 555  
 Rex subit, & patrio fatur male lætus amore:  
 Maxime Grajugenūm, quem non Sigea petentem  
 Litora, nec nostræ miserantem funera Trojæ,  
 Appulit his Fors ipsa locis; si vera parentem  
 Fama Jovem, summique tibi genus esse Tonantis; 560  
 Noster ades, junctusque veni: fator unus, & idem  
 Stirpis honos: quanquam longis disjungimur oris.  
 Quot mihi post lacrimas, post quanta piacula patrum  
 Serus ades? quam parva tuis jam gloria factis?  
 Verum, age, nunc socios fraternis mœnibus infer, 565  
 Ut tibi, servata statui quæ munera prole,  
 Crastina lux bijuges stabulis ostendat apertis.  
 Dixerat hæc: tacitusque dolos, dirumque volutat  
 Corde nefas, clausum ut thalamis somnoque gravatum  
 Imolet, ereptaque luat responsa pharetra: 570  
 Namque bis Herculeis deberi Pergama telis  
 Audierat. Priami sed quis jam vertere regni  
 Fata queat? manet immotis nox Dorica lustris,  
 Et genus Æneadūm, & Trojæ melioris honores.

Nos, ait, ad Scythici, Tirynthius, ostia ponti 575  
 Raptat iter; mox huc vestras revehemur ad oras,  
 Dona que dicta feram. tum vero plura vocatis  
 Annuit ille Deis. promissa infida tyranni  
 Jam Phryges, & miseræ flebant discrimina Trojæ.  
 Panditur hinc totis in noctem carbasus alis; 580  
 Litora que, & veteris tumulos prælabitur Ili,  
 Dardaniumque patrem: vigili simul omnia ludo.  
 Festa vident. hinc unda, sacris hinc ignibus Ide  
 Vibrat, & horrifonæ respondent Gargara buxo.  
 Inde ubi jam medii tenuere silentia ponti, 585  
 Stridentisque juvant auræ, Phrixæa subibant  
 Æquora, & angustas quondam sine nomine fauces.  
 Ecce autem prima volucrem sub luce dehiscens  
 Terruit unda ratem: vittataque consistit Helle,  
 Jam Panopes Tethidisque soror: jamque aurea læva 590  
 Sceptra tenens: tum sternit aquas, proceresque ducemque  
 Aspicit, & placidis compellat Iasona dictis:  
 Te quoque ab Hæmoniis ignota per æquora terris,  
 Regna infesta domus, fatisque simillima nostris  
 Fata ferunt: iterum Æolios Fortuna penates 595  
 Spargit, & infelix Scythicum gens quæritis amnem.  
 Vasta super tellus, longum (ne defice cœptis)  
 Æquor; & ipse procul (verum dabit ostia) Phasis.  
 Hic nemus arcanum, geminæque virentibus aræ  
 Stant tumulis. celeres hic prima piacula Phrixo 600  
 Ferte manu; cinerique precor mea reddite dicta:  
 Non ego per Stygiæ, quod rere, silentia ripæ,  
 Frater, agor. frustra vacui scrutaris Averni,



Care, vias. neque enim scopulis me & fluctibus actam  
 Frangit hiems; celeri extemplo subiere ruentem 605  
 Cymothoe Glaucusque manu: pater ipse profundi  
 Has etiam sedes, hæc numine tradidit æquo  
 Regna; nec Inois noster sinus invidet undis.  
 Dixerat: & mœstos tranquilla sub æquora vultus  
 Cum gemitu tulit, ut patrii rediere dolores. 610  
 Tum pelago vina invergens dux talibus infit:  
 Undarum decus & gentis, Cretheia virgo,  
 Pande viam, cursuque tuos age, Diva, secundo.  
 Immittitque ratem, mediasque intervalat urbes,  
 Qua brevibus furit æstus aquis; Asiamque prementem 615  
 Effugit abruptis Europa immanior oris.  
 Has etiam terras, confertaque gentibus arva,  
 Sic, pelago pulsante, reor, Neptunia quondam  
 Cuspis, & adversi longus labor abscedit ævi;  
 Ut Siculum Libycumque latus: stupuitque fragorem 620  
 Canus & occiduis regnator montibus Atlas.  
 Jam juga Percotes, Pariumque infame fragosis  
 Exsuperant Pityamque vadis, transmissaque puppi  
 Lampfacus: Ogygii quam nec trieterica Bacchi  
 Sacra, neque arcanis Phrygius furor invehit antris, 625  
 Sed suus in Venerem raptat Deus. illius aras  
 Urbe super, celsique vident velamina templi.  
 Rarior hinc tellus, atque ingens undique cœlum  
 Rursus, & incipiens alium prospectus in orbem.  
 Terra sinu medio Pontum jacet inter & Hellen, 630  
 Ceu fundo prolata maris: namque improba cæcis  
 Intulit arva vadis, longoque sub æquora dorso

Litus agit. tenet hinc veterem confinibus oris  
 Pars Phrygiam, pars discreti juga pinea montis.  
 Nec procul ad tenuis surgit confinia ponti 635  
 Urbs placidis demissa jugis: rex divitis agri  
 Cyzicus: Hæmoniaë qui tum nova signa carinaë  
 Ut videt, ipse ultro primas procurrit ad undas;  
 Miraturque viros, dextramque amplexus, & hærens,  
 Incipit: O terris nunc primum cognita nostris 640  
 Æmathiaë manus, & fama mihi major imago.  
 Non tamen hæc adeo semota, neque ardua tellus,  
 Longaque jam populis impervia lucis Eoaë;  
 Cum tales intrasse duces, tot robora cerno.  
 Nam licet hinc sævas tellus alat horrida gentes, 645  
 Meque fremens tumido circumfluat ore Propontis;  
 Vestra fides, ritusque pares, & mitia cultu  
 His etiam mihi corda locis. procul effera virtus  
 Bebrycis, & Scythici procul inclementia sacri.  
 Sic memorat; lætosque rapit: simul hospita pandi 650  
 Testa jubet, templisque sacros largitur honores.  
 Stant gemmis auroque tori, mensæque paratu  
 Regifico; centumque pares primæva ministri  
 Corpora: pars epulas manibus, pars aurea gestant  
 Pocula, bellorum casus expressa recentum. 655  
 Atque ea prima duci porgens carchesia Grajo  
 Cyzicus, Hic portus, inquit, mihi territat hostis:  
 Has acies sub nocte refert: hæc versa Pelasgum  
 Terga vides: meus hic, ratibus qui pascitur, ignis.  
 Subjicit Æsonides: Utinam nunc ira Pelasgos 660  
 Efferet, & solitis tentent concurrere furtis;



Cunctaque se ratibus fundat manus: arma videbis  
Hospita, nec post hanc ultra tibi proelia noctem:  
Sic ait: hasque inter variis nox plurima dictis  
Rapta vices, nec non simili lux postera tractu. 665

---

C. VALERII FLACCI  
SETINI BALBI  
ARGONAUTICON  
LIBER TERTIUS.



LIBRI TERTII  
ARGUMENTUM  
ÆGIDIO MASERIO  
AUCTORE.

*Cyzicon, Argolicosque duces nocturna nefandum.  
In scelus impellunt bella: indignamque fatentur  
Fœdere conjuncti mortem. fit luctus in urbe.  
Ad tumulum celebratur honos. gemit Æsone natus  
Mœstitiâ ostentans animi. sed pectora dictis,  
Mopse, levans multis faciendâ piaculâ casis  
Sancta jubes. maclantur oves ad litora. cantu  
Lustrifico Manes exciti abolere jubentur  
Bella, minas, motus trepidos, nocturna que tædis  
Signa Acheronteis mixta. hinc ratis æquora rursus  
Ingreditur: litusque offert tunc Mysia nautis.  
Pulcher Hylas rapitur. misso volat Hercule puppis.*

61  
C. VALERII FLACCI  
SETINI BALBI  
ARGONAUTICON  
LIBER III.

**T**ERTIA jam gelidas Tithonia solverat umbras;  
Exueratque polum; Tiphyn placida alta vocabant.  
It testis Argoa manus; simul urbe profusi  
Ænidæ caris socium digressibus hærent.  
Dat Cererem, lectumque pecus; nec palmite Bacchum  
Bithyno Phrygiove satum; sed quem sua noto  
Colle per angustæ Lesbos freta suggerit Helles.  
Ipse agit Æsonide junctos ad litora gressus  
Cyzicus, abscessu lacrimans; oneratque superbis  
Muneribus, primas conjux Percofia vestes  
Quas dabat, & picto Clite variaverat auro.  
Tum galeam, & patriæ telum insuperabile dextræ  
Addidit: ipse ducis pateras & Theffala contra  
Frena capit: manibusque datis junxere penates.  
**Tu** mihi nunc causas infandaque prælia, Clio,  
Pande virum: tibi enim superum data, virgo, facultas.



Nosse animos, rerumque vias; cur talia passus  
 Arma; quid hospitium junctas concurrere dextras  
 Juppiter; unde tubæ, nocturnaue movit Erinny.  
 Dindyma sanguineis famulūm bacchata lacertis 20  
 Dum volucris quatit asper equo, silvasque fatigat  
 Cyzicus, ingenti prædæ deceptus amore,  
 Assuetum Phrygiæ dominam vectare per urbes,  
 Oppressit jaculo redeuntem ad frena leonem.  
 Et nunc ille jubar captivaque postibus ora 25  
 Imposuit, spoliūm infelix, Divæque pudendum.  
 Quæ postquam Hæmoniam, tantæ non immemor iræ,  
 Ærisono de monte ratem, præfixaque regum  
 Scuta videt, nova monstra viro, nova funera volvit;  
 Ut socias in nocte manus, utque impia bella 30  
 Conserat; & sævis erroribus implicet urbem.  
 Nox erat, & leni canebant æquora sulco;  
 Et jam prona leves spargebant sidera somnos.  
 Aura vehit: religant tonsas: veloque Procneffon,  
 Teque etiam medio flaventem, Rhundace, ponto, 35  
 Spumofumque legunt fracta Scylaceion unda.  
 Ipse diem longe Solisque cubilia Tiphys  
 Consulit; ipse ratem vento stellisque ministrat.  
 Atque illum non ante sopor luctamine tanto  
 Lenit agens Divūm imperiis: cadit inscia clavo 40  
 Dextera, demittitque oculos; solataque puppis  
 Turbine flectit iter, portuque refertur amico.  
 Ut notis allapsa vadis, dant æthere longo  
 Signa tubæ: vox & mediis emissa tenebris:  
 Hostis habet portus; soliti rediere Pelasgi. 45  
 Rupta quies: Deus ancipitem lymphaverat urbem,

Mygdoniæ Pan iussa ferens sævissima Matris.  
 Pan nemorum bellique potens; quem lucis ad horas  
 Antra tenent: patet ad medias per devia noctes.  
 Særigerum latus, & torvæ coma fibila frontis. 50  
 Vox omnes super una tubas, qua conus & enses,  
 Qua trepidis auriga rotis, nocturnaue muris  
 Claustra cadunt; talesque metus non Martia cassis,  
 Eumenidumque comæ, non tristis ab æthere Gorgon  
 Sparserit, aut tantis aciem raptaverit umbris. 55  
 Ludus & ille Deo; pavidum præsepibus aufert  
 Cum pecus, & profugi sternunt dumeta juvenci.  
 Illicet ad regem clamor ruit. exsilit, altis  
 Somnia dira toris simulacraque pallida linquens,  
 Cyzicus. ecce super foribus Bellona reclusis, 60  
 Nuda latus, passuque movens orichalca sonoro,  
 Adstitit, & triplici pulsans fastigia crista,  
 Inde ciere virum. sequitur per mœnia demens  
 Ille Deam, & fatis extrema in proelia tendit.  
 Qualis in Alciden & Thesea Rhoetus, iniqui 65  
 Nube meri geminam Pholoen majoraque cernens  
 Antra, ruit: qualisque redit, venatibus actis,  
 Lustra pater Triviamque canens; humeroque Learchum  
 Advehit: at miseræ declinant lumina Thebæ.  
 Jamque adeo nec porta ducem, nec pone moratur 70  
 Excubias sortita manus: quæ prima furenti  
 Advolat; hinc alii subeunt, ut proxima quæque  
 Intremuit domus, & motus accepit inanes.  
 At Minyas anceps fixit pavor. ægra virorum  
 Corda labant: nec quæ regio, aut discrimina, cernunt: 75  
 Cur galeæ clypeique micent: num pervigil armis



Hostis, & exciti dent obvia proelia Colchi.  
 Donec & hasta volans immani turbine transtris  
 Insonuit, monuitque ratem rapere obvia cæca  
 Arma manu. Princeps galeam constringit Iason, 80  
 Vociferans: Primam hanc nati, pater, accipe pugnam:  
 Vosque, viri, optatos huc affore credite Colchos.  
 Bistonas in medios ceu Martius exsilis astris  
 Currus; ubi ingentes animæ, clamorque, tubæque  
 Sanguineæ iuvare Deum. non segnius ille 85  
 Occupat arva furens; sequitur vis omnis Achivum:  
 Agglomerant latera; & densis thoracibus horrens  
 Stat manus; ægisono quam nec fera pectore virgo  
 Dispulerit, nec dextra Iovis, Terrorque Pavorque  
 Martis equi. sic contextis umbonibus urgent; 90  
 Cæruleo veluti cum Juppiter agmine nubem  
 Constituit; certant Zephyri, frustra que rigentem  
 Pulsat utrinque Notus: pendent mortalia longo  
 Corda metu, quibus illa fretis, quibus incidat arvis.  
 Hinc manus infelix, clamore impellere magno 95  
 Saxa, facesque atras, & tortæ pondera fundæ:  
 Fert sonitus immota phalanx; irasque retentant,  
 Congeries dum prima fluat. stellantia Mopsus  
 Tegmina, & ingentem Corythi notat Eurytos umbram.  
 Restitit ille gradu; seseque a lumine ferri 100  
 Sustinuit præceps: subitum ceu pastor ad amnem,  
 Spumantem nimbis, fluctuque arbuta ruentem.  
 Et Tydeus, en intentis quem viribus, inquit,  
 Experiar; manibusque dari quem cominus optem:  
 Quo steteris, moriere loco. subit ilia cuspis 105  
 Olenii: dedit ille sonum; compressaque mandens

Æquora purpuream singultibus exspuit auram.  
 Ac velut in medio rupes latet horrida ponto,  
 Quam super ignari nunquam rexere magistri  
 Præcipites impune rates: sic agmine cæco 110  
 Incurrit strictis manus ensibus. occubat Ison,  
 Et Cotys, & Pyrno melior genitore Bienor.  
 At magis interea diverso turbida motu  
 Urbs agitur. Genyso conjux amoverat arma:  
 Ast illi subitus ventis vivoque reluxit 115  
 Torre focus; telis gaudes, miserande, repertis.  
 Linqvit & undantes mensas, infectaque pernox  
 Sacra Medon: chlamys imbelli circumvenit ostro  
 Torta manum; strictoque vias præfulgurat ense.  
 Talis in arma ruit: nec vina dapesque remotæ; 120  
 \* Statque loco torus; in quo (omen) mansere ministri.  
 \* Inde vagi nec tela modis nec casibus isdem  
 Conseruere manum, & longe jacuere peremti.  
 Ecce gravem nodis pinguique bitumine quassans  
 Lampada, turbata Phlegyas decurrit ab arce: 125  
 Ille leves de more manus, aciemque Pelasgum  
 Per noctem remeasse ratus, pulsusque requirens  
 Sæpe sibi vano Thamyrum clamore petebat  
 Arduus, & late fumanti nube coruscus,  
 Quantus ubi immenso prospexit ab æthere Typhon, 130  
 Igne simul ventisque rubens; quem Juppiter alte  
 Crine tenet: trepidant diro sub lumine puppes.  
 Tollitur hinc, totusque ruit Tirynthius arcu,  
 \* Pectore certa regens adversa spicula flamma,  
 Per piceos accensa globos: & pectus arundo 135  
 Per medium contenta fugit, ruit ille comanti  
 Val. Flaccus. E



Ore facem supra, majorque apparuit ignis.  
 Ambrosium Peleus, ingentem Ancæus Ethelum  
 Sternit: & elatæ propius succedere dextræ  
 Telecoonta finit; duplicataque ora securi 140  
 Disjecit cervice tenus. simul aspera victor  
 Cingula sublultri vibrantia detrahit umbra.  
 Has, precor, exuvias & prima cadavera, Nestor;  
 Linquite, ait: ferro potius mihi dextera, ferro  
 Navet opus: prensamque manu detruncat Amastrum: 145  
 Diversasque simul socios invadere turmas  
 Admonuit. pergunt rupta testudine fusi,  
 Qua tenebræ campique ferunt. gravis invenit Ochum  
 Phleias, & trepido Pollux impingitur Hebro.  
 Ipse super vultus, taboque labantia terga, 150  
 Dux campi Martisque potens, ut cæca profundo  
 Currit hiems, Zelen & Broten Abarinque relinquit  
 Semineces; Glaucum sequitur; Glaucumque ruentem  
 Occupat, & jugulo vulnus molitur aperto.  
 Ille manu contra telum tenet, ultima frustra 155  
 Verba ciens; fixamque videt decrescere cornum.  
 Hinc Halyn, hinc rigido transcurrens demerit ense  
 Prothin, & insignem cithara cantuque fluenti  
 Dorcea; qui dulci festis assistere mensis  
 Pectine Bistonæ magnum post ausus alumnum. 160  
 Nec pharetram, aut acres ultra Tirynthius arcus  
 Exercet; socia sed disjicit agmina clava.  
 Ac veluti magna juvenum cum densa securi  
 Silva labat; cuneisque gemit grave robur adactis;  
 Jamque abies piceæque ruunt: sic dura sub ictu 165  
 Ossa virum malæque sonant, sparsusque cerebro

Albet ager. levis ante pedes subsederat Ichnon;  
 Occupat os barbamque viri, clavamque superne  
 Intonat: Occumbens i nunc, ait, Herculis armis;  
 Donum ingens, semperque tuis mirabile fati. 170  
 Horruit ille cadens: nomenque agnovit amicum  
 Primus, & ignaris dirum scelus attulit umbris.  
 Nec tibi, Thessalicos tunc profuit, Ornyte, reges  
 Hospitiis, aut mente moras fovisse benigna,  
 Et laribus sacrasse diem: procul advenit Idmon, 175  
 Oblatumque ferit, galeam cristasque rubentes,  
 Heu tua dona! gerens. quem te, qualemque videbit  
 Attonitus, Crenæ, parens! en frigidus orbes  
 Purpureos jam somnus obit: jam candor, & anni  
 Deficiunt; vitæque fugit decus omne soluta. 180  
 Desere nunc nemus, & Nympharum durus amores.  
 At diversa Sagen turbantem fallere nervo  
 Tum primum puer ausus Hylas: spes maxima bellis  
 Pulcher Hylas, si fata sinant, si prospera Juno;  
 Prostravitque virum celeri per pectora telo. 185  
 Accessere (nefas) tenebris fallacibus acti  
 Tyndaridæ in sese: Castor prius ibat in ictus  
 Nescius; ast illos nova lux, subitusque diremit  
 Frontis apex. tum Castor Ityn; qua cærulæ ambit  
 Balteus, & gemini committunt ora dracones; 190  
 Frater Hagen, Thapsumque, securigerumque Nealcen  
 Transigit, & Canthi pallentem vulnere Cydrum.  
 Torserat hic totis connisus viribus hastam  
 Venatori Erymo: brevis hanc sed fata ferentem  
 Prodidit, & piceo comitem miserata refulsit 195  
 Luna polo: cessere jubæ; raptumque per auras  
 E 2



Vulnus; & extrema sonuit cita casside cuspis.  
 Nisæum Telamon, & Ophelten vana sonantem,  
 Per clypei cedentis opus, partemque trilicem,  
 Qua stomachi secreta, ferit; lætusque profatur: 200  
 Di, precor, hunc regem, aut æque delegerit alta  
 Fors mihi gente fatum; magnusque & flebilis urbi  
 Conciderit. super addit Aren, fratremque Melanthum,  
 Phoceaue Oleniden; Lelegum qui pulsus ab oris,  
 Regis amicitiam, & famuli propioris honores 205  
 (Qua patiens non arte?) tulit. nox alta cadentum,  
 Ingentes donéc sonitus, augetque ruinas.  
 Ut magis Inarime, magis ut mugitor anhelat  
 Vesuius, attonitas acer cum suscitatur urbes:  
 Sic pugnae crudescit opus. neque enim ignea cedunt 210  
 Astra loco; lentis hæret nox conscia bigis.  
 Perge, age, Tartareæ mecum simul omnia noctis,  
 Musa, sequi: trepidam Phaethon afflavit ab alto  
 Tisiphonen; graviorque locos jam luce propinqua  
 Umbra premit: non signa virum, non funera cernunt; 215  
 Et rabie magis ora calent. vos prodite, Divæ,  
 Eumenidum noctisque globos; vati que pateat  
 Armorum fragor, & trepidi singultibus agri  
 Labentum, atque aëti Minyis per litora Manes.  
 Cyzicus hic aciem vanis discursibus implet, 220  
 Fata trahens; jam pulsa sibi cessasse Pelasgum  
 Agmina, jam passim vacuos disiecta per agros  
 Credit ovans, tales aditus, ea gaudia fingit  
 Ira Deum, fundo veluti cum Cœus in imo,  
 Vincula Jovis fractoque trahens adamante catenas, 225  
 Saturnum Tityonque vocat; spemque ætheris amens

Concipit: ast illum fluviis & nocte remensa  
 Eumenidum canis, & sparsæ juba reppulit hydræ.  
 Sævitur acerba fremens; tardumque a mœnibus agmen  
 Increpitat: Nunquamne dolor virtute subibit 230  
 Nil ausas sine rege manus? at barbara buxus  
 Si vocet, & motis ululantia Dindyma sacris;  
 Tunc ensis placeatque furor: modo tela sacerdos  
 Porrigat, & iussa sanguis exuberet ulna.  
 Talibus insultans jamdudum numine Divæ 235  
 Deficit: infracti languescunt frigore cursus:  
 Corda pavent; audit fremitus irasque leonum,  
 Cornuaque; & motas videt inter nubila turres.  
 Tunc gravis, & certo tendens stridore per umbras,  
 Æsonii venit hasta ducis, latumque sub imo 240  
 Pectore rumpit iter. quam nunc incognita vellet  
 Lustra sibi, nullisque datos venatibus annos?  
 Talia magnanimi diverso turbine fundunt  
 Tela viri; sonituque pedum, suspectaque motu  
 Explorant: prensant socios, vocemque reposcunt. 245  
 Quod si tanta lues seros dirasset in ortus;  
 Exstinctum genus, & solas per mœnia matres  
 Vidisset, stratumque dies in litore gentem.  
 Tum pater omnipotens tempus, jam rege perempto,  
 Flectere fata ratus, miserisque abrumpere pugnas, 250  
 Supremam celeravit opem: nutuque sereno  
 Intonuit: quem nocte satæ, quem turbidus horret  
 Armipotens. tunc porta trucidis coit infera belli.  
 Continuo dant terga metu, versique per agros  
 Diffugiunt; quæ sola salus: nec terga ruentum 255  
 Mens Minyis conversa sequi: stetit anxia virtus.



Ecce, levi primos jam spargere lumine portus  
 Orta dies; notæque (nefas) albescere tures.  
 Dî maris, attonito conclamat ab agmine Tiphys,  
 Ut mea fatali damnatis pectora somno! 260  
 Heu socii quantis compleverunt litora monstris!  
 Illi autem neque adhuc gemitus, neque conscia facti  
 Ora levant: tenet exsanguis rigor horridus artus.  
 Ceu pavet ad crines, & tristia Pentheos ora  
 Thyas; ubi impulsæ jam se Deus agmine matris 265  
 Abstulit, & cæsi vanescunt cornua tauri.  
 Nec minus effusi grandævum ad litora vulgus,  
 Ut socios videre manus, dare versa retrorsus  
 Terga metu; dextram tendens proclamat Iason:  
 Quos fugitis? vellem hac equidem me strage meosque 270  
 Procnubuisse magis. Deus hæc, Deus asper utrisque  
 Implicuit. sumus heu Minyæ, sumus hospita turba!  
 Cur etiam flammæ, miserisque moramur honores?  
 Tum super exsanguis confertæ cædis acervos  
 Præcipiti plangore ruunt. agnoscit in alta 275  
 Strage virum sua texta parens, sua munera conjux.  
 It gemitus toto sinuosa per æquora cælo.  
 Pars tenues flatus, & adhuc stridentia prestant  
 Vulnera: pars fera componunt lumina dextra.  
 At vero, in mediis exsanguis rege reperto 280  
 Aggeribus, tristi fileant ceu cetera planctu,  
 Sic famulùm matrumque dolor, sic omnis ad unum  
 Versa manus. circa lacrimis ac mentibus ægri  
 Stant Minyæ: deslentque nefas, & cuspidis ictus  
 Æsoniæ; sortemque ducis solantur acerbam. 285  
 Ille ubi concretos pingui jam sanguine crines,

Pallentesque genas, infraetque pectore caro  
 Tela, neque hesternos agnovit in hospite vultus;  
 Ingemit, atque artus fatur complexus amicos:  
 Te tamen ignarum tanti, miserande, furoris 290  
 Nox habet, & nullo testantem foedera questu:  
 At mihi iustificum venit jubar. en quibus adsum  
 Colloquiis? cui me hospicio Fortuna revexit?  
 Exstinguine mea (fatis hoc defuit unum)  
 Speravi te posse manu? talisque reliqui 295  
 Has ego, amice, domos? quod si jam bella manebant;  
 Et placitum hoc Superis: nonne hæc mea justius essent  
 Funera? meque tuus potius nunc plangeret error?  
 Nec Clarii nunc antra Dei, quercusque Tonantis  
 Arguerem. talesne acies, talesne triumphos 300  
 Sorte dabant? tantumne nefas mens conscia vatum  
 Conticuit, patriæ exitium crudele senectæ,  
 Et tot acerba canens? heu Divis visa sinistris  
 Regna mihi! quinam reditus? quæ me hospita tellus  
 Accipiet? quæ non primis prohibebit arenis? 305  
 Invidere Dei, ne Phasidis arva remoti,  
 Et Scythicas populatus opes, hæc rursus adirem  
 Litora; neve tuos irem tunc ultor in hostes.  
 Fas tamen est conferre genas; fas jungere tecum  
 Pectora, & exsanguis miscere amplexibus artus. 310  
 Vos, age, funereas ad litora volvite silvas,  
 Et socios lustrate rogos; date debita cæsis  
 Munera, quæ nostro misisset Cyzicus igni.  
 Parte alia Clite laceras super ora mariti  
 Fusa comas, misera in planctu vocat agmina matrum; 315  
 Fatur & hæc: Primis conjux ereptus in annis



Cuncta trahis: necdum suboles, nec gaudia de te  
 Ulla mihi; quis moesta tuos nunc, optime, casus  
 Perpeterer, tenui luctum solamine fallens.  
 Mygdonis arma patrem, funestaque proelia nuper 320  
 Natales rapuere domos; Triviæque potentis  
 Occidit arcana genitrix absumta sagitta:  
 Tu, mihi qui conjux pariter fraterque parensque  
 Solus, & a prima fueras spes una juventa,  
 Deseris heu; totamque Deus simul impulit urbem! 325  
 Ast ego non media te saltem, Cyzice, vidi  
 Tendentem mihi morte manus; aut ulla monentis  
 Verba tuli. quin & thalamis modo quæsta morari,  
 Heu talem tantique metus secura recepi?  
 Illam vix gemino mœrens cum Castore Pollux 330  
 Erigit hærentem, compressaque colla trahentem.  
 Interea innumeras nudatis montibus urgent  
 Certatim decorantque pyras; & corpora mœsti  
 Summa locant: vadit sonipes cervice remissa;  
 Venatrix nec turba canum, pecudumque morantur: 335  
 Funeræ quæ cuique manus, quæ cura fuorum,  
 Quæ fortuna fuit. medio rex aggere longe  
 Eminent; hunc crebris quatiens singultibus ora  
 Allevat Æsonides, celloque reponit in ostro.  
 Dat pietas auro atque ardentem murice vestes, 340  
 Quas rapuit telis festina vocantibus austris  
 Hypsipyle: galeam dilectaque cingula regi  
 Injicit: ille, suam vultum conversus ad urbem,  
 Sceptra manu veterum retinet gestamen avorum.  
 Nam quia nec proles, alius nec denique sanguis, 345  
 Ipse decus regnique refert insigne paterni.

Inde, ter armatos Minyis referentibus orbes,  
 Concussi tremuere rogi: ter inhorruit æther,  
 Luctificum clangente tuba: jecere supremo.  
 Tum clamore faces. rerum labor omnis in auras 350  
 Solvitur, & celsis collucent æquora flammis.  
 Scilicet hæc illo juvenem populosque manebant.  
 Tempore, Peliacis caderet cum montibus arbor:  
 Hoc volucrumque minæ, præsagaque fulmina longo  
 Acta mari tulerant. sed quis non prima refellat 355  
 Monstra Deum, longosque sibi non auguret annos?  
 Jamque solutus honos cineri: jam passibus ægris  
 Dilapsæ cum prole nurus: tandemque quiescunt  
 Diffona pervigili planctu juga; qualiter Arctos  
 Ad patrias avibus medio jam vere revectis 360  
 Memphis, & aprici statio filet annua Nili.  
 At non inde dies, neque jam magnis aspera curis  
 Nox Minyas tanta cælorum ab imagine solvit.  
 Bis Zephyri jam vela vocant; fiducia mœstis  
 Nulla viris: ægro affidue mens carpitur æstu: 365  
 Necdum omnes lacrimas, atque omnia reddita cæsis  
 Iusta purant: patria ex oculis, acerque laborum  
 Pulsus amor; segnique juvat frigescere luctu.  
 Ipse etiam Æsonides (quanquam tristissima rerum  
 Castiganda duci, vultuque premenda sereno) 370  
 Dulcibus indulget lacrimis, aperitque dolorem.  
 Tum secreta trahens Phœbeum ad litora Mopsum:  
 Quænam, ait, ista lues? aut quæ sententia Divum?  
 Decretusne venit fato pavor? an sibi nectunt  
 Corda moras? cur jam immemores famæque larisque 375  
 Angimur? aut pariet quemnam hæc ignavia finem?



Dicam, ait, ac penitus causas labemque docebo,  
 Mopsus; & astra tuens: Non si mortalia membra,  
 Sortitusque breves, & parvi tempora fati  
 Perpetimur, focius superi quondam ignis Olympi; 380  
 Fas ideo miscere neces: ferroque morantes  
 Exigere hinc animas, redituraque semina cœlo.  
 Quippe nec in ventos, nec in ultima solvimur ossa:  
 Ira manet, duratque dolor: cum deinde tremendi  
 Ad solium venere Jovis, questuque nefandam 385  
 Edocuere necem; patet ollis janua leti;  
 Atque iterum remeare licet: comes una sororum  
 Additur, & pariter terras atque æquora lustrant.  
 Quisque suos fontes, inimicaque pectora pœnis  
 Implicat; & varia meritos formidine pulsant. 390  
 At quibus invito maduerunt sanguine dextræ;  
 Si fors sæva tulit miseros, & proxima culpæ,  
 Hos variis mens ipsa modis agit: & sua carpunt  
 Facta viros refides: & jam nil amplius ausi,  
 In lacrimas, humilesque metus, ægramque fatiscunt 395  
 Segnitiam: quos ecce vides. sed nostra requirit  
 Cura viam, memori jam pridem cognita vate.  
 Est procul, ad Stygiæ devexa silentia noctis,  
 Cimmerium domus, & superis incognita tellus,  
 Cæruleo tenebrosa situ: quo flammea nunquam 400  
 Sol juga, fidereos nec mittit Juppiter annos:  
 Stant tacitæ frondes; immotaque silva comanti  
 Horret verna jugo: specus umbrarumque meatus  
 Subter, & Oceani præceps fragor; arvaque nigro  
 Vasta metu: & subitæ post longa silentia voces. 405  
 Enifer hic, atraque sedens in veste Celeneus,

Infontes errore luit: culpamque remittens,  
 Carmina turbatos volvit placantia manes.  
 Ille mihi, quæ danda forent lustramina cæsis,  
 Prodidit: ille volens Erebum terrasque retexit. 410  
 Ergo ubi puniceas oriens ascenderit undas;  
 Tu socios adhibere sacris, armentaque magnis  
 Bina Deis: me jam cœtus accedere vestros  
 Haud fas interea; donec lustralia pernox  
 Vota fero. movet en gelidos Latonia currus. 415  
 Flecte gradum; placitis fileant, age, litora cœptis.  
 Jamque sopor mediis tellurem presserat horis,  
 Et circum tacito volitabant somnia mundo:  
 Cum vigil arcani speculatus tempora sacri  
 Ampycides, petit adversis Æsepia filvis 420  
 Flumina, & æquoreas pariter decurrit ad undas.  
 Hic sale purpureo, vivaque nirentia lympa  
 Membra novat; seque horrificis accommodat actis.  
 Tempora tum vittis & supplice castus oliva  
 Implicat, & stricto designat litora ferro: 425  
 Circum humiles aras, ignotaque nomina Divûm  
 Instituit, silvaque super contristat opaca.  
 Utque metum numenque loco, sacramque quietem  
 Addidit; ardenti nitidum jubar evocat alto.  
 Atque Argoa manus variis insignis in armis 430  
 Ibat, agens lectas aurata fronte bidentes.  
 Delius hic longe candenti veste sacerdos  
 Occurrit, ramoque vocat: jamque ipse recenti  
 Stat tumulo, placida transmittens agmina lauro:  
 Ducit & ad fluvios, ac vincula solvere monstrat 435  
 Prima pedum; glaucaque comis prætexere frondes



Imperat, hinc alte Phœbi surgentis ad orbem  
 Ferre manus, totisque simul procumbere campis.  
 Tunc piceæ mactantur oves; profectaque partim  
 Pectora, per medios partim gerit obuius Idmon. 440  
 Ter tacitos egere gradus; ter tristia tangens  
 Arma simul vestesque virum, lustramina ponto  
 Pone jacit: rapidis adolentur cetera flammis.  
 Quin etiam truncas nemorum effigiesque virorum  
 Rite locat quercus; simulataque subligat arma. 445  
 Huc Stygias transire minas, iramque severi  
 Sanguinis, his orat vigilas incumbere curas:  
 Atque ita lustrifico cantu vocat: Ite peremti,  
 Ac memores abolete animas; sint otia vobis,  
 Sit Stygiæ jam sedis amor. procul agmine nostro, 450  
 Et procul este mari: cunctisque abssistite bellis.  
 Vos ego nec Grajas unquam contendere ad urbes,  
 Nec triviis ululare velim; pecorique satisque  
 Nullæ ideo pestes, nec lustrifer ingruat annus:  
 Nec populi, nostrive luant ea facta minores. 455  
 Dixerat: & summas frondentibus intulit aris,  
 Libavitque dapes; placidi quas protinus angues,  
 Umbrarum famuli, linguis rapuere coruscis.  
 Continuo puppim petere, & confidere transtris  
 Imperat Ampycides; nec visum vertere terræ: 460  
 Exciderint quæ gesta manu, quæ debita fati.  
 Illi alacres, pars arma locant, pars ardua celsis  
 Insternunt tabulata foris: oriturque trementum  
 Remorum sonus, & lætæ concordia vocis.  
 Juppiter urgentem ceu summa Ceraunia nubem 465  
 Cum pepulit, movitque jugis; fullere repente

Et nemora & scopuli, nitidusque reducitur æther.  
 Sic animi rediere viris: jamque ipse magister  
 Nutat ab arce ratis, remisque obssistere tendit.  
 Instaurant primi certamina, liber amictu 470  
 Eurytus, & dictis Talai non territus Idas:  
 Inde alii increpitant, atque æquora pectore tollunt.  
 Par gemitu pulsuque labor: versumque vicissim  
 Mittitur in puppim remo mare. lætus & ipse  
 Alcides: Quisnam hos vocat in certamina fluctus? 475  
 Dixit; &, intortis assurgens arduus undis,  
 Percussit subito deceptum fragmine pectus:  
 Atque in terga ruens, Talaum, fortemque Eribotem,  
 Et longe tantæ securum Amphiona molis  
 Obruit; inque tuo posuit caput, Iphite, transtro. 480  
 Jam summas cœli Phœbus candentior arces  
 Vicerat, & longas medius revocaverat umbras.  
 Tardior hinc cessante viro, quæ proxima Tiphys  
 Litora, quosque dabat densos trabe Mysia montes,  
 Advehitur. petit excelsas Tirynthius ornos: 485  
 Hæret Hylas lateri, passusque moratur iniquos.  
 Illum ubi Iuno, poli summo de vertice, puppim  
 Deseruisse videt; tempus rata Diva nocendi,  
 Pallada consortem curis cursusque regentem  
 (Ne qua inde inceptis fieret mora) fallere prima 490  
 Molitur; caroque dolis avertere fratri.  
 Tunc sic alloquitur: Procerum vi pulsus iniqua  
 Germanique manu (repetis, quo crimine) Perseus,  
 Barbaricas jam movit opes Hyrcanaque signa:  
 Æetes contra thalamis & virgine pacta 495  
 Conciliat reges Scythicos; primusque coacta



Advehit Albana Styri gener agmina porta.  
 Bellum ingens: atque ipse citis Gradivus habenis  
 Fundit equos. viden' Arctoo de carcere quanta  
 Tollat se nubes, atque æquore pendeat atro? 500  
 Corripe prima vias; finem cum Phafidis alti  
 Tranferit Perfes, aciemque admoverit urbi,  
 Coepta refer; paulumque nefas & foedera neſte;  
 Conſilijs atque arte tua. ſponde, affore reges  
 Diſ genitos, quĩs arma volens, quĩs agmina jungat. 505  
 At virgo, quanquam infidias æſtusque novercæ  
 Sentiat, & blandos quærentem fingere vultus,  
 Obſequitur tamen, & juſſas petit ocĩus oras.  
 Ingemuit Juno, tandemque ſilentia rumpit:  
 En labor, en odiis caput inſuperabile noſtris. 510  
 Quam Nemeen tot feſſa minis, quæ proelia Lernæ  
 Experiar? Phrygiis ultro concurrere monſtris  
 Nempe virum, & pulchro referantem Pergama ponto  
 Vidimus. en ego nunc regum ſoror: & mihi gentis  
 Ullus honos? jam tum indecores, juſtæque dolorum 515  
 Primitiæ, & tenero ſuperati protinus angues.  
 Debueram nullos juveni jam quærare caſus,  
 Viſta nec ad tales forſan deſcendere pugnas:  
 Verum animis inſiſte tuis; aſtumque per omnem  
 Tende pudor: mox & Furijs Ditemque movebo. 520  
 Hæc ait; & pariter lævi juga pinea montis  
 Reſpicit, ac pulchro venantes agmine Nymphas,  
 Undarum nemorumque decus. levis omnibus arcus,  
 Et manicæ virides, & ſtriſta myrtus habena;  
 Summo palla genu; tenui vagus innatat unda 525  
 Crinis, ad obſcuræ decurrens cingula manniæ.

Ipla citatarum tellus pede plauſa ſororum  
 Perſonat; & teneris ſubmittit gramina plantis.  
 E quibus Herculeo Dryope percuffa fragore,  
 Cum fugerent jam tela feræ, proceſſerat ultra 530  
 Turbatum viſura nemus; fontemque petebat  
 Rurſus, & attonitos referebat ab Hercule vultus.  
 Hanc delapſa polo, piceæque acclinis opacæ  
 Juno vocat, prenſaque manu ſic blanda profatur:  
 Quem tibi conjugio tot dedignata dicavi 535  
 Nympha procos, en Hæmonia puer appulit alno,  
 Clarus Hylas; ſaltusque tuos, fontesque pererrat.  
 Vidifti, roſeis hæc per loca Bacchus habenis  
 Cum domitais acies, & Eoi ſercula regni  
 Duceret: ac rurſus thiaſos & ſacra moventem 540  
 Hunc tibi, vel poſito venantem peſtine Phœbum,  
 Crede dari. quæ ſpes Nymphis aufertur Achæis!  
 Præreptum quanto proles Bœbeia queſtu  
 Audiet, & ſtavi quam triſtis nata Lycormæ!  
 Sic ait; & celerem frondosa per avia cervum 545  
 Suſcitât; ac juveni ſublimem cornibus offert.  
 Ille animos tarduſque fugæ longumque reſiſtens  
 Sollicitat, ſuadetque pari contendere curſu.  
 Credit Hylas; prædæque ferox ardore propinquæ  
 Inſequitur: ſimul Alcides hortatibus urget 550  
 Proſpiciens: jamque ex oculis aufertur uterque.  
 Cum puerum inſtantem quadrupes, feſſaque minantem  
 Tela manu, procul ad nitidi ſpiracula fontis  
 Ducit, & intactas levis ipſe ſuperfugit undas.  
 Hoc pueri ſpes luſa modo eſt, nec tendere certat 555  
 Amplius: utque artus & concita pectora ſudor



Diluerat, gratos avidus procumbit ad amnes.  
 Stagna vaga sic luce micant, ubi Cynthia cœlo  
 Prospicit, aut medii transit rota candida Phœbi:  
 Tale jubar diffundit aquis; nil umbra, comæque, 560  
 Turbavitque sonus surgentis ad oscula Nymphæ.  
 Illa avidas injecta manus, heu fera cientem  
 Auxilia, & magni referentem nomen amici,  
 Detrahit: adjunctæ prono nam pondere vires.  
 Jam pater umbrosis Tirynthius arcibus ornos 565  
 Depulerat, magnoque jugi stridore revulsas  
 Terga super fulvi porrexerat horrida monstri,  
 Litora curva petens: alio nam calle reversum  
 Credit Hylan, captaque dapes auxisse ferina.  
 Sed neque apud focios, structasque in litore mensas 570  
 Unanimum videt æger Hylan; nec longius acrem  
 Intendens aciem. varios hinc excitat æstus,  
 Nube mali percussus amor: quibus hæserit oris;  
 Quis tales impune moras casusve laborve  
 Attulerit: densam interea descendere noctem 575  
 Jam majore metu: tum vero & pallor & amens  
 Cum piceo sudore rigor. ceu pectora nautis  
 Congelat hiberni vultus Jovis agricolisve,  
 Cum coit umbra minax: comitis sic afficit error  
 Alciden, sævæque monet meminisse novercæ. 580  
 Continuo, volucris ceu pectora tactus aphylo,  
 Emicuit Calabris taurus per confraga septis,  
 Obvia quæque ruens: tali se concitat ardens  
 In juga senta fuga. pavet omnis conscia late  
 Silva; pavent montes; luctu succensus acerbo 585  
 Quid struat Alcides, tantaque quid apparet ira.

Ille, velut refugi quem contigit improba Mauri  
 Lancea, sanguineus vasto leo murmure fertur,  
 Frangit & absentem vacuis sub dentibus hostem;  
 Sic Furiis accensa gerens Tirynthius ora 590  
 Fertur; & intento decurrit montibus arcu.  
 Heu miseræ, quibus ille, feræ, quibus incidit usquam  
 Immeritis per lustra viris! volat ordine sullo  
 Cuncta petens; nunc ad ripas, dejectaque saxis  
 Flumina; nunc notas nemorum procurrit ad umbras: 595  
 Rursus Hylan, & rursus Hylan per longa reclamat  
 Avia: resonant silvæ, & vaga certat imago.  
 At focis immota fides, austrisque secundis  
 Certa moræ: nec parvus Hylas: quanquam omnibus æque  
 Grata rudimenta, Herculeo sub nomine pendent. 600  
 Illum omnes lacrimis, mœstisque reposcere votis;  
 Incertique metu, nunc longas litore voces  
 Spargere; nunc feris ostendere noctibus ignes.  
 Ipse, vel excelsi cum densa silentia montis,  
 Strata vel oblatis ductor videt æquora ventis, 605  
 Stat lacrimans; magnoque viri cunctatur amore.  
 Illius incessus, habilemque ad terga pharetram,  
 Illum inter proceres, mœstæque silentia mensæ  
 Quærit inops, quondam ingenti compressa trahentem  
 Vina manu, & duræ referentem monstra novercæ: 610  
 Nec minus interea crudelis Iapyga Juno  
 Assidue movet, & primis cum solibus offert.  
 Jamque moræ impatiens, cunctantes increpat ausus  
 Tiphys; & oblato monet otia rumpere cursu.  
 Ergo animum flexus dictis instantis Iason 615  
 Concedit; fociosque simul sic satur ad omnes:



O utinam, Scythicis struerem cum funera terris,  
 Vox mihi mentitas tulerit Parnasia fortes;  
 Agmine de tanto, socius qui maximus armis  
 Afforet, hunc Jovis imperiis fatoque teneri, 620  
 Ante procellosum scopulis errantibus æquor.  
 Nec dum fama viri, nec certior exstitit auctor.  
 Verum agite, & dubiis variant quia pectora curis;  
 Consulite: &, motis seu vos via flatibus urget,  
 Pergite, & inceptos mecum revocate labores: 625  
 Seu plures tolerare moras, rursusque propinquis  
 Quævisse jugis; pretium haud leve temporis acti.  
 Dixerat; & studiis jamdudum freta juvenus  
 Orat inire vias: unum tanto afore coetu;  
 Nec minus in sese generis, dexterasque potentes 630  
 Esse ferunt. tali mentem pars maxima flatu  
 Erigit, & vana gliscunt præcordia lingua.  
 Saltibus ut mediis tum demum læta reducit  
 Cervæ gregem; tum gestit aper, reboatque superbis  
 Comminus uræ lupis; cum sese Martia tigris 635  
 Abstulit, aut curvo tacitus leo condidit antro.  
 At pius ingenti Telamon jam fluctuat ira  
 Cum fremitu, sævisque furens in jurgia dictis  
 Insequitur, magnoque implorat numina questu.  
 Idem orans prenatque viros, demissaque supplex 640  
 Hæret ad ora ducis; nil se super Hercule fari,  
 Sed socio quocunque gemens: quanquam aspera fama,  
 Jam loca, jamque feras per barbara litora gentes,  
 Non alium contra Alciden, non pectora tanta  
 Posse dari. rursus instimulat, ducitque faventes 645  
 Magnanimus Calydone fatus: potioribus ille

Deteriora fovens, semperque inverfa tueri  
 Durus, & haud ullis unquam superabilis æquis,  
 Rectorumve memor, Non Herculis, inquit, adenti,  
 Sed tuus in seros hæc nostra silentia questus 650  
 Traxit honor; dum jura dares, dum tempora fandi.  
 Septimus hic celsis descendit montibus auster,  
 Jamque ratem Scythicis forsân statuisset in oris;  
 Non patriæ immemores, maneant ceu nulla revectoros  
 Gaudia, sed duro sævæ sub rege Mycenæ, 655  
 Ad medium cunctamur iter. si finibus ullis  
 Has tolerare moras, & inania tempora possem;  
 Regna hodie, & dulcem sceptris Calydona tenerem,  
 Lætus opum pacisque meæ: tutusque manerem,  
 Quis genitor materque, locis. quid deside terra 660  
 Hæremus? vacuos cur lassant æquora visus?  
 Tun' comitem Alciden ad Phasidis amplius arva  
 Affore, tu socias ultra tibi rere pharetras?  
 Non ea fax odiis; oblitaque numine fesso  
 Juno sui. nova Tartareo, fors, semine monstra; 665  
 Atque iterum Inachiis jam nuntius urget ab Argis.  
 Non datur hæc magni proles Jovis; at tibi Pollux  
 Stirpe pares Castorque manent, at cetera Divûm  
 Progenies: nec parvæ mihi fiducia gentis.  
 Ast egomet quocunque voces, qua tegmina ferro 670  
 Plura metam; tibi dicta manus, tibi quidquid in ipso  
 Sanguine erit: jamque hinc, operum quæ maxima, posco.  
 Scilicet in solis profugi stetit Herculis armis  
 Nostra salus? nempe ora æque mortalia cuncti  
 Ecce gerunt: ibunt æquo nempe ordine remi. 675  
 Ille, vel insano jamdudum turbidus æstu,



Vel parta jam laude tumens, confortia famæ  
 Despicit, ac nostris ferri comes abnuit actis.  
 Vos, quibus & virtus, & spes in limine primo;  
 Tendite; dum rerum patiens calor, & rude membris 680  
 Robur inest: nec enim solis dare funera Colchis  
 Sit fatis, & tota pelagus lustrasse juventa.  
 Spes mihi, quæ tali potuit longissima casu  
 Esse, fuit: quiscunque virum perquirere silvis  
 Egit amor: loca vociferans non ulla reliqui. 685  
 Nunc quoque, dum vario mutat sententia motu,  
 Cernere devexis redeuntem montibus opto.  
 Sat lacrimis comitque datum; quem sortibus ævi  
 Crede, vel in mediæ raptum tibi sanguine pugna.  
 Talibus Ænides urget. simul incita dictis 690  
 Heroum manus. ante omnes Argoa jubebat  
 Vincla rapi Calais. furias miratur ovantum  
 Æacides: multusque viri cunctantia corda  
 Fert dolor; an sese comitem tam tristibus actis  
 Abneget, & celsi mœrens petat ardua montis. 695  
 Non tamen & gemitus, & inanes definit iras  
 Fundere: Quis terris, pro Juppiter, inquit, Achæis  
 Iste dies! sævi capient quæ gaudia Colchi!  
 Non hi tum flatus, non ista superbia dictis,  
 Litore cum patrio, jam vela petentibus austris, 700  
 Cunctus ad Alciden versus favor. ipse juvaret,  
 Ipse ducis curas, meritosque subiret honores.  
 Jamne animis, jam gente pares, atque inclita vulgi  
 Dextera? nulla fides, nulli super Hercule fletus?  
 Nunc Parthaonides, nunc dux mihi Thracia proles, 705  
 Aspera nunc pavidos contra ruit agna leones?

Hanc ego magnanimi spoliū Didymaonis hastam,  
 Quæ neque jam frondes, virides nec proferet umbras,  
 Ut semel est evulsa jugis, ac matre peremta  
 Fida ministeria, & duras obit horrida pugnās, 710  
 Testor: & hoc omni, ductor, tibi numine firmo:  
 Sæpe metu, sæpe in tenui discrimine rerum,  
 Herculeas jam serus opes, spretique vocabis  
 Arma viri: nec nos tumida hæc tum dicta juvabunt.  
 Talibus Æacides socios terroribus urgens 715  
 Illacrimat; multaque comas deformat arena.  
 Fata trahunt: raptusque virum certamine ductor  
 Ibat, & obtenta mulcebat lumina palla.  
 Hic vero ingenti repetuntur pectora luctu:  
 Ut focii sedere locis, nullæque leonis 720  
 Exuvia; tantique vacant vestigia transtri:  
 Flet pius Æacides: mœrent Pæantia corda:  
 Ingemit & dulci frater cum Castore Pollux.  
 Omnis adhuc vocat Alciden, fugiente carina;  
 Omnis Hylan, medio pereuntia nomina ponto. 725  
 Dat procul interea toto pater æquore signum  
 Phorcys; & immanes intorto murice phocas  
 Contrahit antra petens: simul & Massylus, & una  
 Lyctius, & Calabris redit armentarius arvis.  
 Illicet extremi nox litore Solis Hiberas 730  
 Condidit alta domos, & fidera sustulit astris.  
 Flamina conticuere; jacet sine fluctibus æquor.  
 Amphitryoniades, nec quæ nova lustra requirat,  
 Nec quo tentet iter, comitis nec fata peremti  
 Quæ referat, videt, aut socios qua mente revifat. 735  
 Urit amor, solisque negat decedere silvis.



86 C. VAL. FLACCI ARGONAUT. L. III.

Non aliter gemitu quondam lea prolis ademtæ  
\* Terga dedit; sedet inde viis: inclusaque longo  
\* Pervigilant castella metu: dolor attrahit orbes  
Interea, & misero manat juba fordida luctu.

740

C. VALERII FLACCI  
SETINI BALBI  
ARGONAUTICON  
LIBER QUARTUS



LIBRI QUARTI  
ARGUMENTUM  
ÆGIDIO MASERIO

AUCTORE.

*ÆTHERIS Herculeos rector miseratus amores  
Increpat uxorem. curis somnoque sepultum  
Alciden solatur Hylas: justisque Deorum  
Juppiter evictus precibus Titania solvi  
Vincla jubet. Phrygii differt perjuria regis  
Alcides. sævo Bithyniæ rege tumescens  
Remigio petitur. nati percussus amore  
Majores, Neptune, gemis succedere vires.  
Crudo Tyndarides dat leto Bebryca cæstu.  
Harpyias juvenes pellunt. oracula pandit  
Fatidicus Phineus. surgunt Symplegades. Argo  
Evolat: inde Lyci victrix ad litora tendit.*

C. VALERII FLACCI  
SETINI BALBI  
ARGONAUTICON  
LIBER IV.

**A**TQUE ea non oculis Divûm pater amplius æquis  
Sustinuit; natiq;ue pius miseratus amores,  
Junonem ardenti trepidam gravis increpat ira:  
Ut nova nunc tacito sub pectore gaudia tollunt!  
Hæret inops, solisque furit Tiryntius oris. 5  
At comite immemores Minyæ facilesque relicto  
Alta tenent: sic Juno ducem fovet anxia curis  
Æsonium, sic arma, viros, sociosque ministrat.  
Jam, quibus incertam bellis, Scythicæque paventem  
Gentis opes, quanta trepidam formidine cernam! 10  
Tum precibus, tum me lacrimis, & supplice dextra  
Attentare vero: rerum mihi firma potestas.  
I, Furias Veneremque move: dabit impia pœnas  
Virgo, nec Ætææ gemitus patiemur inultos.  
Dixit, & arcano redolentem nectare rorem, 15  
Quem penes alta quies, liquidique potentia somni,



Detulit, inque vagi libavit tempora nati.  
 Ille graves oculos & Hylan resonantia semper  
 Ora ferens, ut nulla Deum superare potestas,  
 Procumbit. tandem fessis pax reddita filvis: 20  
 Fluminaque, & vacuis auditæ montibus auræ:  
 Ecce, puer summa se tollere visus ab unda  
 Frondibus in croceis, & iniquæ munere Nymphæ;  
 Stansque super carum tales caput edere voces:  
 Quid, pater, in vanos absumis tempora questus? 25  
 Hoc nemus, hæc fati mihi jam domus: improba quo me  
 Nympha rapit, sævæ monitu Junonis: inanes  
 Nunc Jovis accessus, & jam mihi limina cœli  
 Conciliat: jungitque preces & fontis honores.  
 O dolor! o dulces, quas gessimus ante, pharetræ! 30  
 Jam focii lætis rapuerunt vincula ventis,  
 Hortator postquam furiis & voce nefanda  
 Impulit Ænides. verum cum gente domoque  
 Ista lnet; sævæque aderunt tua numina matri.  
 Surge, age, & in duris haud unquam defice; cœlo 35  
 Mox aderis; teque astra ferent: tu semper amoris  
 Sis memor, & cari comitis ne abscedat imago,  
 Talibus orantem dictis, visuque fruentem,  
 Ille ultro petit, & vacuis amplexibus instat;  
 Languentisque movet frustra conamina dextræ. 40  
 Corpus hebet somno, refugaque eluditur umbra;  
 Tum lacrimis, tum voce sequi; tum rumpere questus;  
 Cum sopor & vano spes mœsta resolvitur actu.  
 Fluctus ab undisoni ceu forte crepidine faxi  
 Cum rapit Halcyones miseræ foetumque laremque, 45  
 It super ægra parens, queriturque tumentibus undis,

Certa sequi, quocunque ferant; audentque, pavetque;  
 Ista fatiscit aquis donec domus, haustaque fluctu est:  
 Illa dolens vocem dedit, & se sustulit alis.  
 Haud aliter somni mœstus labor. exsilit amens, 50  
 Effusisque genas lacrimis rigat: Ibimus, inquit;  
 Solos & hos montes desertaque lustra tenebis,  
 Care puer? nec res ultra mirabere nostras?  
 Hæc fatus relegitque vias, & vallibus exit,  
 Incertus quid Juno ferat, quas apparet iras. 55  
 Nec minus & socios cernit procul æquore ferri  
 Præcipites; tacitumque pudet potuisse relinqui.  
 Jamque iter ad Teucros, atque hospita mœnia Trojæ  
 Flexerat; Iliaci repetens promissa tyranni:  
 Cum mœsto Latona simul Dianaque vultu 60  
 Ante Jovem stetit; & supplex sic fatur Apollo:  
 In quem alium Alciden, in quæ jam tempora differs  
 Caucasium, rex magne, senem? nullumne malorum  
 Finem adeo pœnæque dabis? te cuncta precantur  
 Gens hominum; atque ipsi jam te, pater optime, montes, 65  
 Fessaque cum filvis orant juga. sat tibi furtum  
 Ignis, & ætheriæ defensa silentia mensæ.  
 \* Exit ubi e scopulis, media inter pabula diri  
 Vulturis; ipsum etiam gemitu mœstaque fatigat  
 Voce Jovem, sævis relevans ambusta pruinis 70  
 Lumina: congeminant amnes rupesque fragorem  
 Caucasæ: stupet ipse Dei clamoribus ales.  
 Tunc etiam superas Acheronte auditur ad arces  
 Iapetus gravis: orantem procul arcet Erinnyis,  
 Respiciens celsi legem Jovis: ille, Dearum 75  
 Fletibus & magno Phœbi commotus honore,



Velocem roseis demittit nubibus Irim:  
 I, Phrygas Alcides, & Trojæ differat arma!  
 Hunc, ait, eripiat diræ Titana volucris.  
 Diva volat, defertque viro celeranda parentis 80  
 Imperia, atque alacrem lætis hortatibus implet.  
 Jam Minyæ mediis claræ per sidera noctis  
 Fluctibus intulerant placido cava lintea cursu;  
 Multaque deserto memores super Hercule volvunt.  
 Thracius at summa sociis e puppe sacerdos, 85  
 Fata Deum, & miseræ solans incommoda vitæ,  
 Securum numeris agit & medicabile carmen:  
 Quo simul assumpta pulsus fide luctus, & iræ,  
 Et labor, & dulces cedunt e pectore nati.  
 Interea, magni jam jam subeuntibus astris 90  
 Oceani genitale caput, Titania frenis  
 Antra sonant: Sol auricomus, cingentibus Horis,  
 Multifidum jubar & biffeno fidere textam  
 Loricam induitur: ligat hanc, qui nubila contra  
 Balteus undantem variat mortalibus arcum. 95  
 Inde super terras & Eoi cornua montis  
 Emicuit, traxitque diem candentibus undis:  
 Et Minyas viso liquerunt flamina Phœbo.  
 Proxima Bebrycii panduntur litora regni,  
 Pingue solum, & duris regio non invida tauris. 100  
 Rex Amycus. regis fati & numine freti  
 Non muris cinxere domos; non fœdera legum  
 Ulla colunt, placidas aut jura tenentia mentes.  
 Quales Ætnæis rabidi Cyclopes in antris  
 Noctæ sub hiberna servant freta; sicubi sævis 105  
 Advectet ratis acta Notis tibi pabula dira,

Et miseras, Polypheme, dapes: sic undique in omnes  
 Prospiciunt, cursantque vias, qui corpora regi  
 Capta trahant. ea Neptuno trux ipse parenti  
 Sacrifici pro rupe jugi, media æquora supra, 110  
 Torquet agens. sin forma viris præstantior adfit;  
 Tum legeré arma jubet, sumtisque occurrere contra  
 Cæstibus. hæc miseri fors est æquissima leti.  
 Huc ubi devectam Neptunus gurgite puppim  
 Sensit; & extremum nati prospexit in oras, 115  
 Et quondam lætos domini certamine campos;  
 Ingemit, ac tales evolvit pectore questus:  
 Infelix, imas quondam mihi rapta sub undas,  
 Nec potius magno, Melie, tum mixta Tonanti:  
 Usque adeone meam quacunque ab origine prolem 120  
 Tristia fata manent? sic te olim pergere sensi,  
 Juppiter, injustæ quando mihi virginis armis  
 Concidit infelix, & nunc chaos implet, Orion.  
 Nec tibi tunc virtus, aut det fiducia nostri,  
 Nate, animos: opibusque ultra ne crede paternis. 125  
 Jam jam aliæ vires majoraque sanguine nostro  
 Vincunt fata Jovis; potior cui cura suorum est.  
 Atque adeo, neque ego hanc motis avertere ventis  
 Tentavi, tenuive ratem: nec jam mora morti  
 Hinc erit ulla tuæ: reges preme, dure, secundos. 130  
 Abstulit inde oculos, natumque & tristia linquens  
 Prœlia, sanguineo terras pater alluit æstu.  
 Principio fluvios, gentemque, & litora ductor  
 Explorare jubet: paulumque egressus Echion,  
 Invenit obscura gemitus in valle trahentem 135  
 Clam juvenem, & cæsi mœrentem nomen amici.



Ille, virum ut contra venientem, umbrataque vidit  
 Tempora Parrhasio patris de more galero,  
 Paciferæque manu nequidquam insignia virgæ,  
 Heu fuge, ait, certo quicumque es, perditæ, passu, 140  
 Dum datur. obstupuit visu Nonacria proles,  
 Quid ferat admirans. postquam remeare monentem  
 Ocius, & dictis perstantem cernit in isdem;  
 Abripit, & fociis, quæ sint ea, promere cogit.  
 Ille manum tendens, Non hæc, ait, hospita vobis 145  
 Terra, viri; non hic ullos reverentia ritus  
 Pectora: mors habitat, sævæque hoc litore pugnæ.  
 Jam veniet diros Amycus qui tollere cæstus  
 Imperet, & vasto qui vertice nubila pulset.  
 Talis in advectos Neptuni credita proles 150  
 Æternum furit: atque æquæ virtutis egentes,  
 Ceu Superum segnes ad iniqua altaria tauros,  
 Constituit, tandem ut misero lavet arma cerebro.  
 Consulite, atque fugæ medium ne temnite tempus.  
 Namque isti frustra quisnam concurrere monstro 155  
 Audeat? & quænam talem vidisse voluptas?  
 Ductor ad hæc: Bebryxne venis, diversaque regi  
 Corda gerens? (melior vulgi nam sæpe voluntas)  
 Hostis an externis fato delatus ab oris?  
 Et tua cur Amycus cæstu nondum obruit ora? 160  
 Nomen, ait, prædulce mihi, nomenque secutus  
 Otreos unanimi: decus ille, & læta suorum  
 Gloria, nec vestros comes aspernandus in actus,  
 Hesionam & Phrygiæ peteret cum gaudia nuptæ,  
 Hic Amycum contra jussus stetit: atque ego palmas 165  
 Implicui: sed prima procul vix dum ora levantis

Fulminea frontem dextra disjectaque fudit  
 Lumina, me nunquam leto dignatus & armis.  
 Sed lacrimis potius luctuque absumor inertis.  
 Spes tamen, his fando si nuntius exstitit oris, 170  
 Et Mariandynum patrias penetravit ad urbes,  
 Unde genus fraterque viro: sed & ille quierit  
 Oro; nec a vanis cladem Lycus augeat armis.  
 Hæc ubi non ulla juvenes formidine moti  
 Accipiunt: dolor & duras insurgere mentes, 175  
 Terga sequi, properosque jubet conjungere gressus.  
 Litore in extremo spelunca apparuit ingens,  
 Arboribus super & dorso contacta minanti;  
 Non quæ dona Deum, non quæ trahat ætheris ignem;  
 Infelix domus, & sonitu tremebunda profundi; 180  
 Et varii pro rupe metus: hinc trunca rotatis  
 Brachia rapta viris, strictoque immortua cæstu,  
 Ossaque tætra situ, & capitum mœstissimus ordo.  
 Respicias, quibus adverso sub vulnere nulla  
 Jam facies, nec nomen erat: media ipsius arma 185  
 Sacra metu, magnique aris imposta parentis.  
 Hospitis hic primum monitus rediere Timantis;  
 Et pavor, & monstri subiit absentis imago:  
 Atque oculos cuncti inter se tenuere silentes.  
 Donec fidereo Pollux interritus ore, 190  
 Te tamen hæc, quicumque es, ait, formidine faxo  
 Jam tua silva ferat; modo sint tibi sanguis & artus.  
 Omnibus idem animus forti decernere pugna;  
 Exoptantque virum, contraque occurrere poscunt.  
 Qualiter ignotis spumantem funditus amnem 195  
 Taurus aquilis qui primus inquit, spernitque tumentem,



Pandit iter: mox omne pecus formidine pulsa  
 Pone subit: jamque & mediis præcedit ab undis.  
 At procul e filvis sese gregibusque ferebat  
 Sævus in antra gigas: quem nec sua turba tuendo 200  
 It tanti securo metus. mortalia nusquam  
 Signa manent: instar scopuli, qui montibus altis  
 Summus abit, longeque jugo stat solus ab omni.  
 Devolat inde furens; nec, quo via, curve profecti,  
 Nec genus ante rogat; sed tali protonat ira: 205  
 Incipite, o juvenes. etenim fiducia, credo,  
 Huc tulit; auditas & sponte laceffitis oras.  
 Sin errore viæ, nec dum mens gnara locorum;  
 Hic mihi lex, cæstus adversaque tollere contra  
 Brachia. sic ingens Asiæ plaga, quique per Arcton 210  
 Dexter & in lævum Pontus jacet, hæc mea visat  
 Hospitia: hoc cuncti remeent certamine reges.  
 Neptuni domus, atque egomet Neptunia proles.  
 Jam pridem cæstus resides, & frigida raris  
 Dentibus aret humus. qui mecum fœdera junget 215  
 Prima manu? cui dona fero? mox omnibus idem  
 Ibit honos. fuga sub terras, fuga nulla per auras.  
 Nec lacrimæ, nec forte preces, superive vocati  
 Pectora nostra movent: aliis rex Juppiter oris.  
 Faxo Bebrycium nequeat transcendere puppis 220  
 Ulla fretum, & ponto volitet Symplegas inani.  
 Talia dicta dabat: cum protinus asper Iason,  
 Et simul Æacidæ, simul & Calydonis alumni,  
 Nelidesque, Idasque prior, quæ maxima surgunt  
 Nomina: sed nudo steterat jam pectore Pollux. 225  
 Cum pavor, & gelidus defixit Castora sanguis.

Nam nec ad Elei pugnam videt ora parentis;  
 Nec sonat Æbalius caveæ favor, aut juga nota  
 Taygeti; lavitur patrios ubi victor ad amnes:  
 Nec pretium sonipes, aut sacræ taurus arenæ; 230  
 Præmia sed manes, reclusaque janua leti.  
 Illum Amycus, nec fronte trucem, nec mole tremendum,  
 Vixdum etiam primæ spargentem signa juventæ,  
 Ore renidenti lustrans obit; & fremit ausum:  
 Sanguineosque rotat furiis ardentibus orbes. 235  
 Non aliter jam regna poli, jam capta Tiphœus  
 Altra ferens, Bacchum ante acies, primamque Deorum  
 Pallada, & oppositos doluit sibi virginis angues.  
 Sic adeo insequitur, rabidoque ita murmure terret:  
 Quisquis es, infelix celera puer: haud tibi pulchræ 240  
 Manserit hoc ultra frontis decus; orave matri  
 Nota feres. tune e sociis electus iniquis?  
 Tune Amyci moriere manu? nec plura moratus,  
 Ingentes humeros spatiosaque pectoris ossa  
 Protulit, horrendosque toris informibus artus. 245  
 Deficiunt visu Minyæ: miratur & ipse  
 Tyndarides: redit Alcidæ jam sera cupido:  
 Et vacuos mœsto lustrarunt lumine montes.  
 At satus æquoreo fatur tunc talia rege:  
 Aspice & hæc crudis durata volumina tauris, 250  
 Nec pete fortis opem; sed, quos potes, indue cæstus.  
 Dixit, & urgentis post sera piacula fati  
 Nescius, extremum hoc, armis innectere palmas  
 Dat famulis: dat & inde Lacon. odia aspera surgunt  
 Ignotis prius; atque incensa mente feruntur 255  
 In medium sanguis Jovis & Neptunia proles.



Hinc illinc dubiis intenta silentia votis.  
 Et pater orantes cætorum Tartarus umbras  
 Nube cava tandem ad meritæ spectacula pugnae  
 Emittit: summi nigrescunt culmina montis. 260  
 Continuo Bebryx, Maleæ velut arce fragosa  
 Turbo rapax, vix ora virum, vix tollere passus  
 Brachia, torrenti præceps agit undique nimbo,  
 Curfibus involvens: totaque immanis arena  
 Insequitur. vigil ille metu, cum pectore & armis 265  
 Huc alternus & huc, semper cervice reducta,  
 Semper & in digitis, & summi pulvere campi,  
 Projectusque redit, spumanti qualis in alto  
 Pliade capta ratis, trepidi quam sola magistri  
 Cura tenet, rapidum ventis certantibus æquor 270  
 Intemerata secat. Pollux sic providus ictus  
 Servat, & Æbalia dubium caput eripit arte.  
 Ut deinde urgentes effudit nubibus iras  
 Ardoremque viri, paulatim insurgere fesso  
 Integer, & summos manibus deducere cæstus. 275  
 Ille dies ægros Amyci sudoribus artus  
 Primus, & arenti cunctantem vidit hiatu.  
 Nec sua defessum noscunt loca, nec sua regem  
 Agmina: respirant ambo, paulumque reponunt  
 Brachia, ceu Lapithas aut Pæonas æquore in ipso 280  
 Dum refovet, fixaque filet Gradivus in hasta.  
 Vix steterant, & jam ecce ruunt: inflictaque late  
 Terga sonant: nova vis iterum, nova corpora surgunt.  
 Hunc pudor, hunc noto jam spes audentior hoste  
 Instimulat. fumant crebro præcordia pulsu. 285  
 Avia responsant gemitu juga. pervigil ut cum

Artificum notat ipse manus, & fulmina Cyclops  
 Prosubigit; pulsus strepitant incudibus urbes.  
 Emicat hic, dextramque parat, dextramque minatur  
 Tyndarides. redit huc oculis & pondere Bebryx 290  
 Sic ratus: ille autem celeri rapit ora sinistra.  
 Conclamant focii, & subitas dant gaudia voces.  
 Illum insperata turbatum fraude, furentemque  
 Æbalides prima refugit, dum detonet, ira,  
 Territus ipse etiam, atque ingentis conscius ausi. 295  
 Sævitur inops Amycus, nullo discrimine sese  
 Præcipitans; avidusque viri (respectat ovantes  
 Quippe procul Minyas) cæstu velatus utroque  
 Irruit. hos inter Pollux subit, & trucis ultro  
 Advolat ora viri: nec spes effoeta; sed ambæ 300  
 In pectus cecidere manus. hoc sævior ille,  
 Ecce iterum vacuas agit inconsulta per auras  
 Brachia. sentit enim Pollux rationis egentem:  
 Dat genibus junctis latus, effusumque secutus  
 Haud revocare gradus patitur: turbatque, premitque 305  
 Ancipitem; crebros & liber congerit ictus  
 Desuper averso: sonat omni vulnere vertex  
 Inclinis, ceditque malis. jam tempora manant,  
 Sanguineæque latent aures: vitalia donec  
 Vincula, qua primo cervix committitur artu, 310  
 Solvit dextra gravis. labentem propulit heros,  
 Ac super insistens, Pollux ego missus Amyclis,  
 Et Jove natus, ait; nomen mirantibus umbris  
 Hoc referes; sic & memori noscere sepulcro.  
 Bebrycas extemplo spargit fuga: nullus adempti 315  
 Regis amor: montem celeres silvamque capeffunt.



Hæc fors, hæc Amycum tandem manus arguit ausi,  
 Effera servantem Ponti loca; vimque juventæ  
 Continuum, & magni sperantem tempora patris.  
 Tenditur ille ingens hominum pavor, arvaque late 320  
 Occupat. annosi veluti si decidat olim  
 Pars Erycis, vel totus Athos. qua mole jacentis  
 Ipse etiam expleri victor nequit; oraque longo  
 Comminus obtutu mirans tenet. at manus omnis  
 Heroum densis certatim amplexibus urgent: 325  
 Armaque ferre juvat, fessasque attollere palmas.  
 Salve veta Jovis, vera o Jovis, undique, proles,  
 Ingeminant: o magnanimis memoranda palæstris  
 Taygeta, & primi felix labor ille magistri!  
 Dumque ea dicta ferunt; tenues tamen ire cruores 330  
 Siderea de fronte vident. nec sanguine Pollux  
 Territus, averso siccat vulnere cæstu.  
 Illius excelsum ramis caput, armaque Castor  
 Implicat, & viridi connectit tempora lauro:  
 Respiciensque ratem, Patriis, ait, has precor oris, 335  
 Diva, refer frondes, cumque hac freta curre corona.  
 Dixerat. hinc valida cædunt armenta bipenni;  
 Perfusique sacro placati gurgitis amine  
 Graminea sternuntur humo: tunc liba dapesque  
 Frondibus accumulans: exsortia terga Laconi 340  
 Præcipiunt pecudum. toto mox tempore mensæ  
 Lætus ovat nunc laude virum, nunc vatis honoro  
 Carmine, victori geminans cratera parenti.  
 Jamque dies atræque vocant: rursusque capeffunt  
 Æquora, qua rigidos eructat Bosporos amnes. 345  
 Illos, Nile, tuis nondum Dea gentibus lo

Transferat fluctus; unde hæc data nomina ponto.  
 Tum pius Æagri claro de sanguine vates,  
 Admonita genetrice, refert casusque locorum,  
 Inachidosque vias, pelagusque emensa juvenæ 350  
 Exsilia; intentisque canit: Videre priores  
 Sæpe Jovem, terras Argivaque regna Pelasgum.  
 Virginis lætæ blandos descendere ad ignes.  
 Sentit Iuno dolos, curaque accensa jugali  
 Æthere defluit: dominam Lyrceia tellus, 355  
 Antraque deprensæ tremuerunt conscia culpæ.  
 Cum trepida Inachiae pellex subit ora juvenæ,  
 Sponte Dei: plausu fovet hæc, & pectora mulcet  
 Juno, renidenti cohibens suspiria vultu.  
 Mox ita adorta Jovem: Da, quam modo ditibus Argis 360  
 Campus alit, primæ referentem cornua Phœbes,  
 Indomitamque bovem, da caræ munera nuptæ,  
 Ipsa ego dilectæ pecudi jam pascua digna,  
 Præcipuosque legam fontes. qua fraude negaret,  
 Aut quos inventos timuisset Juppiter astus? 365  
 Muneris illa potens custodem protinus Argum.  
 Adjungit: custos Argus placet: inscia somni  
 Lumina non aliter lucent cui vertice, quam si  
 Lyda nurus sparso telas maculaverit ostro.  
 Argus & in scopulos, & monstris horrida lustra, 370  
 Ignotas jubet ire vias; heu multa morantem,  
 Conantemque preces inclusaque pectore verba.  
 Ultima tum patriæ cedens dedit oscula ripæ.  
 Flevit Amymone, sterunt Messeides undæ,  
 Flevit & effusis revocans Hyperia lacertis. 375  
 Illa, ubi vel fessi tremere erroribus artus,  
 G. 3.



Vel rueret summo jam frigidus æthere vesper,  
 Heu quoties saxo posuit latus! aut ubi longa  
 Ægra siti; quos ore lacus, quæ pabula carpsit!  
 Verbere candentes quoties exhorruit armos! 380  
 Quin & ab excelso meditantem vertice saltus,  
 Audentemque mori, valles citus egit in imas  
 Argus; & arbitrio durus servavit herili.  
 Cum subito Arcadio sonuit cava fistula ritu;  
 Imperiumque patris celerans Cyllenius ales 385  
 Advenit, & leni modulatur carmen avena.  
 Quoque, ait, hinc diversus abis? heu respice cantus.  
 Haud procul insectans Argum, languentia somno:  
 Lumina cuncta notat, dulcesque sequentia somnos:  
 Et celerem mediis in cantibus exigit harpen. 390  
 Jamque resecta Jovi, paulatim in imagine prisca  
 Ibat agris Io vidtrix Junonis; & ecce  
 Cum facibus spirisque & Tartareo ululatu  
 Tisiphonen videt: ac primo vestigia visu  
 Figit; & in miseræ rursus bovis ora recurrit; 395  
 Nec qua valle memor, nec quo se vertice sistat.  
 Inachias errore etiam defertur ad undas,  
 Qualis, & a prima quantum mutata juvenca!  
 Nec pater, aut trepidæ tentant accedere Nymphæ.  
 Ergo iterum silvas, iterum petit invia retro, 400  
 Ceu Styga, dilectum fugiens caput: inde per urbes  
 Raptatur Grajas, atque ardua flumina ripis:  
 Oblato donec paulum cunctata profundo  
 Incidit: abfistunt fluctus, & gnara futuri  
 Dant pavidæ alta viam: celsis procul ipsa refulget 405  
 Cornibus, ac summa palearia sustinet unda.

Ast Erebi virgo ditem volat æthere Memphim  
 Præcipere, & Pharia venientem pellere terra.  
 Contra Nilus adest; & toto gurgite torrens  
 Tisiphonen agit, atque imis illidit arenis, 410  
 Ditis opem ac sævi clamantem numina regni.  
 Apparent spatæque faces, disjectaque longe  
 Verbera, & abruptis excussi crinibus hydri.  
 Nec Jovis interea cessat manus. intonat alto  
 Insurgens coelo genitor, curamque fatetur: 415  
 Atque ipsa imperium Iuno pavet. hæc procul Io  
 Spectat ab arce poli, jam Divis addita, jamque  
 Aspide cincta comas, & ovanti persona fistro.  
 Bosphoron hinc veteres errantis nomine Divæ  
 Vulgavere. juvet nostros nunc ipsa labores, 420  
 Immissisque ratem sua per freta provehat Euris.  
 Dixerat: & placidi tendebant carbasa venti.  
 Postera non cassæ Minyis Aurora retexit  
 Noctis iter: nova cuncta vident; Thynnæaque juxta  
 Litora, fatidici pœnis horrentia Phinei. 425  
 Dira Deum summoque lues urgebat in ævo.  
 Quippe neque extorrem tantum, nec lucis egentem;  
 Insuper Harpyiæ Typhonides, ira Tonantis,  
 Depopulant, ipsoque dapes prædantur ab ore.  
 Talia prodigia, & tales pro crimine pœnas 430  
 Perpetitur. spes una seni, quod pellere sævam  
 Quondam fata luem dederunt Aquilone creatis.  
 Ergo ubi jam Minyas certamque accedere Phineus  
 Sentit opem, primas baculo defertur ad undas:  
 Vestigatque ratem, atque oculos attollit inanes. 435  
 Tunc teauem spirans animam, Salve, o mihi longum.



Exspectata manus, nostrisque, ait, agnita votis.  
 Novimus, & Divis geniti quibus, & via iustos  
 Qua ferat: ac vestri (rebar sic) tempora cursus  
 Proxima quæque legens; quantum Vulcania Lemnos 440  
 Traxerit; infelix tulerit quæ Cyzicus arma.  
 Sensi & Bebrycio supremam in litore pugnam  
 Jam propior, jamque hoc animam solamine mulcens.  
 Non ego nunc, magno quod cretus Agenore Phineus,  
 Aut memorem, mea quod vates infedit Apollo 445  
 Pectora; præsentis potius miserescite fati.  
 Nec mihi diversis erratum casibus orbem,  
 Amissas aut flere domos, aut dulcia tempus  
 Lumina: consuetis serum est ex ordine fatis  
 Ingemere. Harpyiæ semper mea pabula servant, 450  
 Fallere quas nusquam misero locus: ilicet omnes  
 Deveniunt, niger intorto ceu turbine nimbus,  
 (Jamque alis procul, & sonitu mihi nota Celæno)  
 Diripiunt verruntque dapes, foedataque turbant  
 Pocula. sævit odor; surgitque miserrima pugna: 455  
 Parque mihi monstrisque fames. sprevere quod omnes  
 Pollueruntque manus, quodque unguibus excidit atris,  
 Has mihi fert in luce moras. nec rumpere fata  
 Morte licet: trahitur victu crudelis egestas.  
 Sed vos o servate precor; (prædicta Deorum 460  
 Si non falsa mihi) vos finem imponite pœnis.  
 Nempe adsunt, qui monstra fugent, Aquilonia proles,  
 Non externa mihi: nam rex ego divitis Hebri,  
 Junctaque vestra meo quondam Cleopatra cubili.  
 Nomen ad Actææ Calais Zetesque sororis 465  
 Profiliunt. Zetesque prior, Quem cernimus? inquit:

Tune ille Odrysiæ Phineus rex inclitus oræ?  
 Tu Phœbi comes, & nostro dilecte parenti?  
 O ubi nunc regni, generisque ubi gloria? quam te  
 Exedit labor, & miseris festina senectus! 470  
 Quin age, mitte preces; namque est tibi nostra voluntas;  
 Si non ira Deum, vel si placabilis urget.  
 Sustulit hic geminas Phineus ad sidera palmas:  
 Teque, ait, injusti, quæ nunc premis, ira Tonantis  
 Ante precor: nostræ tandem jam parce senectæ: 475  
 Sit modus: & fore credo equidem: nam vestra voluntas  
 Quo, juvenes, sine pace Deum? nec credite culpam  
 Sævitiæ, scelerumve mihi nunc crimina pendi;  
 Fata loquax mentemque Jovis, quæque abdita solus  
 Consilia, & terris subito ventura parabat, 480  
 Prodideram, miserans hominum genus: hinc mihi tanta  
 Pestis, & offusæ media inter dicta tenebræ.  
 Jam tandem cessere iræ: nec casus, ab alto  
 Ipse volens nostris sed vos Deus appulit oris.  
 Sic ait, &, fatis ita jam cedentibus, omnes 485  
 Impulit, & duræ commovit imagine pœnæ.  
 Instituire toros, mediisque tapetibus ipsum  
 Accipiunt, circumque jacent: simul æquora servant;  
 Astra simul: velsique jubent, ac mittere curas.  
 Cum subitus misero tremor, & pallentia primæ 490  
 Ora senis fugere manus. nec prodita pestis  
 Ante, sed in mediis dapibus videre volucres.  
 Fragrat acerbus odor; patriique exspirat Averni  
 Halitus: unum omnes incessere planctibus, unum  
 Infestare manus: inhiat Cocytia nubes 495  
 Luxurians, ipsoque ferens fastidia visu.



Tum sola colluvie, atque illifis stramina mensis  
 Foeda rigant: stridunt alæ; prædaque reventa  
 Sævitur utrinque fames: nec solum horrenda Celæno  
 Phinea, sed miseras etiam prohibere sorores. 500  
 Emicat hic subito, seseque Aquilonia proles  
 Cum clamore levat: genitor simul impulit alas.  
 Hoste novo turbata lues; lapsæque rapinæ  
 Faucibus: & primum pavidæ Phineia tecta  
 Pervolitant, mox alta petunt: stant litore fixi 505  
 Hæmonidæ, atque oculis palantia monstra sequuntur.  
 Sic ubi prorupti tonuit cum forte Vesuvi  
 Hesperia letalis apex; vix dum ignea montem  
 Torfit hiems: jamque Eoas cinis induit urbes.  
 Turbine sic rapido populos atque æquora longe 510  
 Transabeunt: nullaque datur confidere terra.  
 Jamque & ad Ionii metas, atque intima tendunt  
 Saxa; vocat magni Strophadas nunc incola ponti.  
 Hic fessæ, letique metu prioris anhelæ  
 Dum trepidant, humilique graves timidoque volatu 515  
 Implorant clamore patrem Typhona nefando:  
 Extulit affurgens noctem pater; imaque summis  
 Miscuit, & mediis vox exaudita tenebris:  
 Jam satis huc pepulisse Deas. cur tenditis ultra  
 In famulas sævire Iovis? quas, fulmina quanquam 520  
 Ægidaque ille gerens, magnas sibi legit in iras.  
 Nunc quoque Agenoreis idem decedere testis  
 Imperat: agnoscunt monitus, iustæque recedunt.  
 Mox tamen & vobis similis fuga, cum premet arcus  
 Letifer. Harpyiæ nunquam nova pabula quærent, 525  
 Donec erunt Divum meritæ mortalibus iræ.

Hæsit uterque polo, dubiisque elanguit alis:  
 Mox abit, & sociæ victor petit agmina puppis.  
 Interea Minyæ pulsa lue prima Tonanti  
 Sacra novant: tum vina toris, epulasque reponunt. 530  
 Ipse inter medios, ceu dulcis imagine somni  
 Lætus, ad oblita Cereis suspirat honores:  
 Agnoscit Bacchi latices, agnoscit & undam:  
 Et nova non pavidæ miratur gaudia mensæ.  
 Hunc ubi reclinem stratis, & pace fruentem 535  
 Aspicit, ac longæ ducentem obliviam pœnæ;  
 Talibus appellat, supplexque ita fatur Iason:  
 Vota, senex, perfecta tibi: nunc me quoque curis  
 Eripe, & ad nostros animum converte labores.  
 Omnis adhuc fors læta quidem: nec numine vano 540  
 (Si qua fides curæ superum) tantum æquor adorti  
 Tendimus: ipsa mihi puppim Jovis optima proles  
 Instituit; sociosque dedit Saturnia reges.  
 Fidere mens sed cæca nequit. quantumque propinquit  
 Phasis, & ille operum summus labor; hoc magis angunt 545  
 Proxima: nec vates sat jam mihi Mopsus & Idmon.  
 Ille ducem nec ferre preces, nec dicere passus  
 Amplius, hic demum vittas laurumque capeffit,  
 Numina nota ciens. stupet Ælonis inclita proles  
 Phinea, ceu nunquam pœnis, nullaque gravatum 550  
 Peste Jovis. tam largus honos, tam mira senectæ  
 Majestas infusa: vigor novus auxerat artus.  
 Tum canit: O terras fama venture per omnes;  
 Quem sociis ducibusque Deis, atque arte benigna  
 Pallados, ipse ultro Pelias ad sidera tollit 555  
 Demens, dum profugi non sperat vellera Phrixi:



Fata locosque tibi (possum quas reddere grates)  
 Expediam, rerumque vias finemque docebo.  
 Ipse etiam, qui me prohibet sua pandere terris  
 Secula, te propter fandi mihi Iuppiter auctor. 560  
 Hinc iter ad Ponti caput, errantesque per altum  
 Cyaneas: furor his medio concurrere ponto;  
 Necdum ullas videre rates: sua comminus actæ  
 Saxa premunt, cautelsque suas; cum vincula mundi  
 Ima labant; tremere ecce solum, tremere ipse repente. 565  
 Testa vides; illæ redeunt, illæ æquore certant.  
 Di tibi progresso propius, Di forsitan ipsi  
 Auxilium mentemque dabunt. ast ipse juvare  
 Ausa quibus monitis possim tua? quippe per altum  
 Tenditis, unde procul venti, procul unde volucres, 570  
 Et pater ipse maris pavidas detorquet habenas.  
 Si qua brevis scopulis fuerit mora, si semel orsis  
 Ulla quies; fuga tunc medio properanda recurfu.  
 Vix repetunt primæ celeres confinia terræ,  
 Jamque alio clamore ruunt; omnisque tenetur. 575  
 Pontus, & infestis anceps cum montibus errat.  
 Verum animo redit illa meo sors cognita Divûm:  
 (Fabor enim, nec spe dubios solabor inani),  
 Cum mihi Tartareas sævo clangore volucres  
 Protulit ira Jovis; vox hæc simul accidit aures: 580  
 Ne vanas impende preces, finemque malorum  
 Expete, Agenoride: pontum penetraverit ulla  
 Cum ratis, & rapidi steterint in gurgite montes;  
 Tunc sperare modum poenæ veniamque licebit.  
 Sic Deus. aut vobis ergo fera saxa patefcunt, 585  
 Aut mea jam sævæ redeunt ad pabula Diræ.

Verum inter medias dabitur sic currere cautes,  
 Certe digna manus, vacuumque exhibis in æquor;  
 Proxima regna Lyci: remeat qui victor ab oris  
 Bebryciis: toto non ullus litore Ponti 590  
 Minior. hic lecto comitum de robore si quem  
 Perculerit vicina lues, ne defice, casus  
 Prædicti memor, atque animos accinge futuris.  
 Illic pestiferas subter juga concava torquet  
 Alter aquas Acheron; vastoque exundat hiatu 595  
 Fumeus; & sæva sequitur caligine campus:  
 Linque gravem fluvium, & miseris sua fata colonis.  
 Sic quoque non uno dabitur transcurrere luctu.  
 Quid tibi nubifera surgentem rupe Carambin,  
 Quid memorem, quas Iris aquas, quas torqueat Ancon? 600  
 Proxima Thermodon hic jam secat arva: memento.  
 Inclita Amazonidum, magnoque exorta Gradivo  
 Gens ubi: femineas nec tu nunc crede catervas.  
 Sed qualis, sed quanta viris insultat Enyo,  
 Divaque Gorgonei gestatrix innuba monstri. 605  
 Ne tibi tunc horrenda rapax ad litora puppim  
 Ventus agat; ludo volitans cum turma superbo  
 Pulvereis exultat equis; ululataque tellus  
 Intremittit, & pugnas mota pater incitat hasta.  
 Non ita sit metuenda tibi, sævissima quanquam 610  
 Gens Chalybum; duris patiens cui cultus in arvis,  
 Et tonat afflicta semper domus ignea massa.  
 Inde omnem innumeri reges per litoris oram,  
 Hospitii quis nulla fides: sed limite recto  
 Puppis, & æquali transcurrat carbasus aura: 615  
 Sic demum rapidi venies ad Phasidis amnem.



Castra ibi jam Scythiæ, fraternaue surgit Erynnis:  
 Ipse truces illic Colchos hostemque iuvabis  
 Auxiliis. nec plura equidem discrimina cerno.  
 Fors etiam optatam dabitur contingere pellem. 620  
 Sed te non animis, nec solis viribus æquum  
 Credere; sæpe acri potior prudentia dextra.  
 Quam tulerit Deus, arripe opem. jamque ultima nobis  
 Promere fata nefas: fileo, & precor. atque ita facto  
 Fine dedit tacitis iterum responsa tenebris. 625  
 Tum subita refides socios formidine lason  
 Præcipitat; rumpitque moras, tempusque timendi.  
 Ipse viros gradiens ad primi litoris undam  
 Prosequitur Phineus: Quænam tibi præmia, dixit,  
 Quas, decus o Boreæ, possim persolvere grates? 630  
 Me Pangæa super rursus juga, meque paterna  
 Stare Tyro, dulcesque iterum mihi surgere soles  
 Nunc reor: exactæ nam vere abiere volucres:  
 Nec metuam, tutæque dapes. date tangere vultus:  
 Dem, finite, amplexus: propiusque accedite dextræ. 635  
 Dixerat. abscedunt terris, & litora condunt.  
 Omnibus extemplo sæva sub imagine rupes  
 Cyaneæ, propiorque labor; quando adfore, quaque  
 Parte putent: stant ora metu, nec fessa recedunt  
 Lumina diversas circum servantibus undas. 640  
 Cum procul audiri sonitus insanaue saxa.  
 Saxa neque illa viris, sed præcipitata profundo  
 Siderei pars visa poli. dumque ocius instant  
 Ferre fugam, maria ante rarem, maria ipsa repente  
 Diffugere, adversosque vident discedere montes, 645  
 Omnibus & gelida rapti formidine remi.

Ipse per arma volans, & per juga summa carinæ  
 Hortatur, supplexque manus intendit lason,  
 Nomine quemque premens: Ubi nunc promissa superba,  
 Ingentesque minæ, mecum quibus ista secuti? 650  
 Idem animos Amyci viso timor omnibus antro  
 Perculerat: stetit tamen, & Deus adfuit ausis.  
 Quin iterum idem aderit, credo, Deus. hæc ubi fatus;  
 Corripit abjecti remumque locumque Phaleri,  
 Et trahit: insequitur flammata pudore juvenus. 655  
 Unda laborantes præceps rotat, ac fuga ponti  
 Obvia: miscentur rupes: jamque æquore toto  
 Cyaneæ juga præcipites illisa remittunt.  
 Bis fragor infestas cautes, adversaque saxis  
 Saxa dedit: flamma expresso bis fulsit in imbrī. 660  
 Sic ubi multifidus ruptis e nubibus horror  
 Effugit, & tenebras nimbosque intermicat ignis,  
 Terrificique ruunt tonitrus, elisaque noctem  
 Lux dirimit; pavor ora virum, pavor occupat aures.  
 Haud secus implevit pontum fragor: effluit imber 665  
 Spumeus, & magno puppim procul æquore vestit.  
 Advertere Dei, defixaque numina ponto,  
 Quid scopulis præclusa ratis, quid dura juvenus  
 Expediat: pendet magnis favor ortus ab ausis.  
 Prima coruscanti signum dedit Ægide virgo, 670  
 Fulmineam jaculata facem. vixdum ardua cautes  
 Cesserat; illa volans tenui per concita saxa  
 Luce fugit: rediere viris animique manusque,  
 Ut videre viam: Sequor o, quicumque Deorum,  
 Æsonides, vel fallor, ait: præcepitque fragores 675  
 Per medios ruit, & fumo se condidit atro.



Cœperat hinc cedens abductis montibus unda  
 Ferre ratem, pelagoque dies occurrere aperto;  
 Sed neque permissis jam fundere rector habenis  
 Vela, nec eniti remis pote; cum super adsunt 680  
 Cyanæ: premit umbra ratem, scopulique feruntur  
 Comminus, hic Juno præcepſque ex æthere Pallas  
 Inſiliunt pariter scopulos: hunc nata coerçet,  
 Hunc conjux Jovis, ut valido qui robore tauros  
 Sub juga, & invito detorquet in ilia cornu. 685  
 Inde, velut mixtis Vulcanius ardor arenis  
 Verſet aquas, ſic ima fremant, fluctuque coaſto  
 Angitur, & clauſum scopulos ſuper effluit æquor.  
 Contra omnes validis tenui discrimine remis  
 Pergere iter, medioſque ratem transferre per içtus: 690  
 Saxa ſed extremis tamen increpueſe corymbis:  
 Parſque (nefas) deprenſa jugis, nam cetera cœlo  
 Debita, conclamant Minyæ: latera utraque quippe  
 Diſſiſſiſſe putant, fugit ipſe noviffimus içtus  
 Tiphys, & e mediis ſequitur freta rapta ruinis: 695  
 Nec prius obſeſſum scopulis reſpexit ad æquor,  
 Aut fociis tentata quies, nigrantia quam jam  
 Litora, longiniquique exirent flumina Rhebæ.  
 Tunc feſſas poſuere manus, tunc arida anhelis  
 Pectora diſcuſſa quales formidine Averni 700  
 Alcides Theſeuſque comes pallentia jungunt  
 Oſcula, vix primis amplexi luminis oris.  
 Nec vero ipſe metus curaque reſolvere ductor:  
 Sed maria adſpectans, Heu quis datus iſte Deorum  
 Sorte labor nobis? ſerum ut veniamus ad amnem 705  
 Phafidis, & mites, inquit, dent vellera Colchi,

Unde per hos iterum montes fuga? talia fundit,  
 Imperio fixos Jovis æternumque revinctos  
 Neſcius, id fati certa nam lege manebat,  
 Si qua per hos undis unquam ratis iſſet apertis. 710  
 Tum freta, quæ longis fuerant impervia ſeclis,  
 Ad ſubitam ſtupere ratem: Pontiſque jacentis  
 Omne ſolum, regeſque patent gentesque repoſtæ.  
 Non alibi effuſis ceſſerunt longius undis  
 Litora; nec tantas quamvis Tyrrhenus & Ægan 715  
 Volvat aquas; geminis & deſint Syrtibus undæ.  
 Nam ſuper huc vaſtos tellus quoque congerit amnes.  
 Non ſeptem gemini memorem quas exitus Hiſtri,  
 Quas Tanais, flavuſque Lyces, Hypaniſque, Melasque  
 Addat opes; quantosque ſinus Mæotia laxent 720  
 Æquora, flumineo ſic agmine frangit amari  
 Vim ſalis, hinc Boreæ cedens glaciantibus auris  
 Pontus, & exorta facilis concreſcere bruma.  
 Utque vel immotos Urſæ rigor invenit amnes,  
 Vel freta verſa vadis: hiemem ſic unda per omnem 725  
 Aut campo jacet, aut tumido rigat ardua fluctu;  
 Atque hac Europam curvis anfractibus angit,  
 Hac Aſiam, Scythicum ſpecie ſinuatus in arcum.  
 Illic umbroſæ ſemper ſtant æquore nubes,  
 Et non certa dies: primo nec ſole profundum 730  
 Solvitur, aut vernis cum lux æquata tenebris:  
 Sed redit extremo tandem in ſua litora Tauro.  
 Jam Mariandynis advertit puppis arenis;  
 Atque celer terras regemque exquirat Echion,  
 Diçta ferens: lectos fama eſt ſi nominis unquam 735  
 Hæmonii ſubiſſe viros, det litora feſſis.



Approperat Lycus auditis lætatus Achivis;  
 Ac simul Æsoniden, omnemque in regia turbam  
 Testa trahit, modo Bebryciis præfixa tropæis;  
 Mitis & in mediis effatur talia Grajis: 740  
 Haud temere est. fato Divûm reor ad mea vèctos  
 Litora vos: odium quibus atque eadem ira furentis  
 Bebryciæ, sævaque pares de gente triumphi.  
 Certa fides animis, idem quibus incidit hostis.  
 Nos quoque, nos Amycum, tanto procul orbe remoti, 745  
 Sensimus; & sævis frater mihi fufus arenis.  
 Ultor ego, atque illuc cunctis accensus in armis  
 Tunc aderam, cum vos mediis contenta ferebant  
 Vela fretis. illum in fanie, taboque recenti  
 Vidimus, æquoreo similem per litora monstro. 750  
 Nec vero prærepta mihi suprema tyranni  
 Fata queror: bellove magis lætarer & armis  
 Procubuisse meis, quam lege quod occidit ultus  
 Ipse sua, meritoque madent quod sanguine cæstus.  
 Excipit Æsonides: Tuus ergo in montibus ignis 755  
 Ille? tuas acies medio de gurgite vidi?  
 Fatur. & ostentans prolem Jovis, Hic tibi Pollux  
 En, ait, invisio solvit cui pectore pœnas.  
 Ille virum circa mirantia lumina volvit.  
 Festa dehinc mediis ineunt convivia tectis, 760  
 Communesque vocant superos, quorum eruta nutu  
 Bebrycia: & voris pariter prædaque fruuntur.

C. VALERII FLACCI  
 SETINI BALBI  
 ARGONAUTICON  
 LIBER QUINTUS.



LIBRI QUINTI  
ARGUMENTUM

ÆGIDIO MASERIO

AUCTORE.

*Idmona sava lues tollit, Tiphynque carinæ  
Ductorem Hæmonia. doctum cui garrula puppis  
Sufficit Erginum. capti fortuna laboris  
Tres addit socios. furtum, linguamque Promethei  
Expiat Alcides. Colchis appellitur oris  
Argo. Soligenam nocturna insomnia terrent.  
Tergora tum clarus suadet reddi aurea Perses.  
Effugit. Æsonidæ offertur Medea. petuntur  
Vellera. fraus agitat regem. convivia tectis  
Notes. savis Gradive Minervam  
Increpitans fortem. sed Juppiter iras  
Componit. Phlegræa canunt certamina Musæ.*

C. VALERII FLACCI  
SETINI BALBI  
ARGONAUTICON  
LIBER V.

**A**LTERA lux haud læta viris emerfit Olympo.  
Argolicus morbis fatisque rapacibus Idmon  
Labitur; extremi sibi tum non inscius ævi.  
At memor Æsonides nimium jam vera locuti  
Phineos, hinc alios raptio pavet Idmone Iustus.  
Tum comiti pia iusta tulit: cælatæque multa  
Arte Dolionii donat velamina regis:  
Hospes humum sedemque Lycus. fens arma revellit.  
Idmonis e celsa Mopsus rate: robora cædunt  
Pars silvis, portantque aræ: pars auguris alba  
Fronde caput vitisque ligant; positumque feretro  
Congemuere: dies simul & suus admonet omnes.  
Ecce, inter lacrimas, interque extrema virorum  
Munera, quem cursus penes imperiumque carinæ,  
Tiphyn agit violenta lues; cunctique pavore  
Attoniti fundunt moestas ad fidera voces:



Arcipotens adverte, precor, nunc denique, Apollo;  
 Hoc, pater, hoc nobis refove caput: ulla laboris  
 Si nostri te cura movet, qui cardine summo  
 Vertitur, atque omnis manibus nunc pendet ab unis: 20  
 Dicta dabant ventis, nec debita fata movebant.  
 Qualem præcipiti gravidum jam sorte parentem  
 Natorum flet parva manus; trepidique precantur,  
 Duret ut invalidis, & adhuc genitoris egenis:  
 Haud aliter focii supremo in tempore Tiphyn 25  
 Ante alios superesse volunt. mors frigida contra  
 Urget: & ille recens oculis intervolat Idmon.  
 Exanimum frustra Minyæ clamore morantur,  
 Avellique negant: vix membra rigentia tandem  
 Imposuere rogo; lacrimasque & munera flammis 30  
 Vana ferunt: crescit donis feralis acervus.  
 Ut vero amplexus fessi rupere supremos,  
 Et rapidæ sonuere faces; tunc ipsa cremari  
 Visa ratis, medioque viros deponere ponto.  
 Non tulit Æsonides, geminis flagrantia cernens 35  
 Corpora cara rogis; sed pectore ductor ab imo  
 Talia voce gemit: Quid tantum infensa repente  
 Numina? quas nostri poenas meruere labores?  
 Bina (nefas) tuto pariter mihi funera surgunt  
 Litore. magna adeo comitum numerosaque pubes? 40  
 Aut socios rapit atra dies, aut ipse relinquo  
 Sontibus impulsus Furiis. ubi Tiphys? ubi Idmon  
 Fata canens? ubi monstriferæ par ille novercæ?  
 Te sine, Thespiade, nos ulla movebimus ultra  
 Æquora? nec summa speculantem puppe videbo 45  
 Pleiadumque globos & agentes noctibus Arctos?

Cui Minyas, caramque ratem, cui fidera tradis?  
 Carpere securas quis jam jubet Æsona noctes?  
 Hoc labor, hoc dulci totiens fraudata sopore  
 Lumina, & admotis nimium mens anxia Colchis 50  
 Profuit? heu quantum Phasis, quantum Æa recessit!  
 Nunc quoque, si tenui superant in imagine curæ,  
 Adfis umbra, precor, venturi præscia coeli,  
 Restoremque tuæ moneas ratis. hæc ubi fatus,  
 Sola virum flammis vidit labentibus ossa. 55  
 Quod tamen externis unum solamen in oris  
 Restat, ait, caras humus hæc non dividet umbras,  
 Ossaque nec tumulo, nec sepere conteget urna;  
 Sed simul: ut junctis venistis in æquora fatis.  
 Haud mora: relliquias focii desletaque miscent 60  
 Nomina. tum vivo frondens e cespite tellus  
 Aggeritur: cineremque Lyco commendat lason.  
 Moesti omnes dubiique, ratem fidissima cujus  
 Dextra regat: simul Ancaeus, sollersque petebant  
 Nauplius. Erginum fato vocat ipsa monenti 65  
 Quercus: & ad tonsas victi rediere magistri.  
 Ac velut ille, gregis cessit cui regia, taurus  
 Fertur ovans: hunc omnis honos, hunc omnis in unum  
 Transfit amor. primo lætos sic tempore rector  
 Ingreditur cursus: etenim dat candida certam 70  
 Nox Helicen. jam prora fretum commoverat, & jam  
 Puppe sedens placidas dimiserat ancora terras.  
 Inde, premente Noto, tristes Acherusidos oras  
 Præterit, & festa vulgatum nocte Lyæi  
 Callichoron: nec vana fides. his Bacchus in undis 75  
 Abluit Eoo rorantes sanguine thyrsos.



Illum, post acies rubrique novissima claustra  
 Æquoris, hic refides thiasos, hic æra moventem,  
 Udaque pampinea nectentem cornua vitta,  
 Nunc etiam meministis, aquæ: Bæotia qualem 80  
 Thyas, & infelix cuperet vidisse Cithæron.  
 Fama per extremos quin jam volat improba manes  
 Interea, & magnis natorum laudibus implet  
 [Venturam cœlo fati melioribus Argo:]  
 Addita jamque fretis repetens freta, jamque ferentes 85  
 Cyaneas. ardent avidos attollere vultus,  
 Quos pietas, vel tangit adhuc quos æmula virtus.  
 Fata immota manent: unum, qui litore in illo  
 Conditus, ad caræ mittunt spectacula turbæ.  
 It Sthenelus: qualem Mavortia vidit Amazon, 90  
 Cumque suis comitem Alcides ut condidit armis;  
 Talis ab æquorei consurgens aggere busti  
 Emicuit: fulsere undæ; Sol magnus ut orbem  
 Tolleret, aut nubem quateret polus. atque ea vix dum  
 Vifa viris atra nox protinus abstulit umbra: 95  
 Ille dolens altum repetit chaos. omnia Mopsus  
 Dum stupet, in prima tumultum procul adspicit acta:  
 Obnubensque caput, cineri dat vina vocato.  
 Carmina quin etiam visos placantia manes  
 Odrysius dum rite movet, mixtoque sonantem 100  
 Percutit ora lyram, nomenque reliquit arenis,  
 Alius in ventos recipit ratis; ac fugit omne  
 Crobiali latus, & fati tibi, Tiphys, negatum  
 Parthenium: ante alios Triviæ qui creditur amnes  
 Fidus, & Inopi materna gratior unda. 105  
 Mox etiam Cromnæ juga pallentemque Cytoron,

Teque cita penitus condunt, Erythia, carina.  
 Jamque reducebat noctem polus: alta Carambis  
 Raditur, & magnæ pelago tremat umbra Sinopes.  
 Assyrios complexa finis stat opima Sinope, 110  
 Nympha prius, blandosque Jovis quæ luserat ignes,  
 Cœlicolis immota prociis: deceptus amatæ  
 Fraude Deæ nec solus Halys, nec solus Apollo.  
 Addidit hic casu comites Fortuna benigno,  
 Antolyceum Phlogiumque & Deileonta, secutos 115  
 Herculis arma viros: vix hos ibi fixerat error:  
 Ut Grajam videre manum, puppimque Pelasgam,  
 Prima ruunt celeres ad litora, seque precantur  
 Accipiant socios. nova dux accedere gaudet  
 Nomina, desertos & jam sibi currere remos. 120  
 Transit Halys, longisque fluens anfractibus Iris,  
 Sævaque Thermodon medio sale murmura volvens,  
 Gradivo sacer, & spoliis ditissimus amnis:  
 Donat equos, donat votas cui virgo secures,  
 Cum redit ingenti per Caspia claustra triumpho; 125  
 Massageten Medumque trahens. est vera propago  
 Sanguinis, est ollis genitor Deus. hinc magis alta  
 Hæmonidæ petere, & monitus non temnere Phinei.  
 Ipse autem comitum conversus ad ora novorum,  
 Vos mihi nunc pugnas, ait, & victricia, ductor, 130  
 Herculis arma mei, vestrasque in litore Martis  
 Interea memorate manus. sic fatus, & ægro  
 Corde filens, audit currus, bellique labores  
 Virginei: exciderit frenis quæ prima remissis:  
 Semianimem patrius quam vexerit amnis in æquor; 135  
 Quæ pelta latus, atque humeros nudata pharetris



Fugerit, Herculeæ mox vulnere prensa sagittæ;  
 Utque securigeras stimulaverit Ira catervas,  
 Fleturusque pater; quantus duce terror in ipsa,  
 Qui furor in signis: quo balteus arserit auro. 140  
 Nocte sub extrema clausis telluris ab antris  
 Pervigil auditur Chalybum labor; arma fatigant  
 Ruricolæ, Gradive, tui: sonat illa creatrix  
 Prima manus belli terras crudelis in omnes.  
 Nam prius ignoti quam dura cubilia ferri 145  
 Eruerent, ensesque darent, odia ægra sine armis  
 Errabant, iræque inopes, & segnis Erinny.  
 Inde Genetæi rupem Jovis, hinc Tibarenum  
 Dant virides post terga lacus: ubi deside mitra  
 Foeta ligat, partuque virum fovet ipsa soluto. 150  
 Vos quoque non notæ mirati vela carinæ  
 Mossyni: vos & stabulis Macrones ab altis,  
 Byzeresque vagi, Philyræque a nomine dicta  
 Litora, quæ cornu pepulit Saturnus equino.  
 Ultimus inde finus, sævumque cubile Promethei 155  
 Cernitur, in gelidas confurgens Caucasus Arctos.  
 Ille etiam Alciden Titania fata morantem  
 Attulerat tum forte dies: jamque aspera nisu  
 Undique convellens, veteris cum strage pruinae;  
 Vincula prensa manu saxi adduxerat imis 160  
 Arduus, & lævo gravior pede: consonat ingens  
 Caucasus: & summo pariter cum monte secutæ  
 Incubere trabes, abductaque flumina ponto:  
 Fit fragor: ætherias ceu Juppiter arduus arces.  
 Impulerit, imas manus aut Neptunia terras. 165  
 Horruit immensum Ponti latus: horruit omnis

Armenia prætentus Hiber: penitusque recusso  
 Æquore Cyaneas Minyæ timere relictas.  
 Tum gemitu propiore Chalybs, densusque revulsis  
 Rupibus audiri montis labor, & grave Titan 170  
 Vociferans, fixos scopulis dum vellitur artus.  
 Contra autem ignari (quis enim nunc credat in illis  
 Montibus Alciden? dimissave vota retentet?)  
 Pergere iter socii: tantum mirantur ab alto  
 Litora discussa sterni nive, ruptaque saxa, 175  
 Et simul ingentem moribundæ desuper umbram  
 Alitis, atque aris roantes imbribus auras.  
 Sol propius flammabat aquas; extremaque fessis  
 Coeperat optatos jam lux ostendere Colchos:  
 Magnus ubi adversum spumanti Phasis in æquor 180  
 Ore ruit. cuncti pariter loca debita noscunt,  
 Signaque commemorant, emensaque ordine gentes;  
 Dantque ratem fluvio. simul æthere plena corusco  
 Pallas, & alipedum Juno juga fistit equorum.  
 Ac dum prima gravi ductor subit ostia pulsu; 185  
 Populeos flexus, tumulumque virentia supra  
 Flumina cognati medio videt aggere Phrivi:  
 Quem comes infelix Pario de marmore juxta  
 Stat soror, hinc sævæ formidine mœsta novercæ;  
 Inde maris, pecudique timens imponere palmas. 190  
 Sistere tum socios jubet, atque hinc prima ligari  
 Vincula, ceu Pagafas, patriumque intraverit amnem.  
 Ipse, gravi patera sacri libamina Bacchi  
 Rite ferens, umbram vocat, & sic fatur ad aras:  
 Per genus, atque pares tecum mihi, Phrixe, labores 195  
 Tu precor orsa regas, meque his tuteris in oris;



\* Tot freta, tot dure properantia sidera passis,  
 Phrixæ, fave; & patrias placidus reminiscere terras:  
 Tu quoque nunc, tumulo nequidquam condita inani;  
 Annue, Diva maris; numeroque accede tuorum. 200  
 Quando egomet rursus per te vehar? aurea quando  
 Seston, & infaustos agnoscent vellera fluctus?  
 Vos etiam silvæ, vos Colchidos hospitis oræ,  
 Pandite, dives tibi pellis micet arbore sacra.  
 Tunc tibi, fœcundi proles Jovis, orte nivali 205  
 Arcados axe Deæ (fluvio modo, Phasi, quieto  
 Palladium patiæ ratem) nec dona, nec aræ  
 Defuerint tellure mea: veneranda fluentis  
 Effigies te, Phasi, manet; quam magnus Enipeus,  
 Et pater aurato quantus jacet Inachus antro. 210  
 Dixerat: atque illi dextra sine versa magistri  
 Protinus in proram rediit ratis, omine certo  
 Fluminis os pontumque tuens. promittis ut, ecce;  
 Utque vocas, revehemur, ait. sic deinde precatus,  
 Arma jubet celsa focios depromere puppi: 215  
 Dona dehinc Bacchi, casus qui firmet in omnes.  
 Rapta Ceres: viridesque premunt longo ordine ripas.  
 Incipe nunc alios cantus, Dea, visaque vobis  
 Thessalici da bella ducis. non mens mihi, non hæc  
 Ora fatis: ventum ad furias, infandaque natæ 220  
 Fœdera, & horrenda trepidam sub virgine puppim:  
 Impia monstriferis furgunt jam prælia campis.  
 Ante dolos, ante infidi tamen exsequar astus  
 Soligenæ, falli meriti, meritique relinqui.  
 Inde canens: Scythica senior jam Solis ab urbe 225  
 Fata laborati Phrixus compleverat ævi;

Illius extremo sub funere mira repente  
 Flamma poli, magnoque aries apparuit astro,  
 Æquora cuncta movens. at vellera, Martis in umbra,  
 Ipse sui Phrixus monumentum infigne pericli 230  
 Liquerat, ardenti quercum complexa metallo.  
 Quondam etiam tacitæ visus per tempora noctis  
 Effigie vasta; focerumque exterruit ingens  
 Proditæ vox: O qui patria tellure fugatum  
 Quærentemque domos, his me confidere passus 235  
 Sedibus, oblata generum mox prole petisti:  
 Tunc tibi regnorum labes luctusque supersunt,  
 Rapta soporato fuerint cum vellera luco.  
 Præterea infernæ quæ nunc sacrata Dianæ  
 Fert castos Medea choros, quemcunque procorum 240  
 Pacta petat, maneat regnis ne virgo paternis.  
 Dixit, & admota pariter fatalia visus  
 Tradere terga manu: tum falso susus ab auro  
 Currere per summi fulgor laquearia tecti.  
 Membra toris rapit ille tremens, patriumque precatur 245  
 Numen, & Eoo surgentes litore currus.  
 Hæc tibi, fatorum genitor tutela meorum  
 Omnituens: tua nunc terris, tua lumina toto  
 Sparge mari: seu nostra dolos molitur opertos,  
 Sive externa manus, primus mihi nuntius esto. 250  
 Tu quoque, sacrata rutilant cui vellera quercu,  
 Excubias, Gradive, tene: præsentia luco  
 Arma tubæque sonent; vox & tua noctibus exstet.  
 Vix ea; Caucasæis cum lapsus montibus anguis,  
 Haud sine mente Dei, spiris nemus omne refusis 255  
 Implicuit, Grajumque procul respexit ad orbem.



Ergo omnes prohibere minas, prædictaque Phrivi  
 Invigilat: plena necdum Medea juventa  
 Annuitur thalamis Albani virgo tyranni.  
 Interea auguriis monstrisque minacibus urbem 260  
 Territat ante monens semper Deus, & data feri  
 Signa mali: reddi jubet exitiale sacerdos  
 Vellus, & Hæmoniis infaustum mittere terris.  
 Contra Sole fatus, Phrivi præcepta volutans  
 Ægro corde negat: nec vulgi cura tyranno, 265  
 Dum sua sit modo tuta salus. tunc ordine regi  
 Proximus, & frater materno sanguine Perfes  
 Increpitare virum: sequitur duce turba reperto:  
 Ille furens ira folio se proripit alto,  
 Præcipitatque patres: ipsum quoque talibus ausis 270  
 Spem sibi jam rerum vulgi levitate ferentem  
 Ense petit. rapit inde fugam, crudelia Perfes  
 Signa gerens, omnemque quatit rumoribus Arcton.  
 Jamque aderat magnis regum cum millibus urbi,  
 Primaque in adversos frustratus proelia muros 275  
 Constiterat. datus & sociis utrinque cremandis  
 Ille dies, alterque dies; cum, Marte remisso,  
 Debitus Ææis dux Theffalus appulit oris.  
 Nox hominum genus & duros miserata labores 280  
 Retulerat fessis optata silentia terris:  
 At Juno, & summi virgo Jovis, intima secum  
 Consilia & varias sociabant pectore curas.  
 Virgo prior: Magna pariter quos mole petamus;  
 Cernis, ait, Colchos habeant quæ proelia, quique  
 Nunc status. hinc Perfes, illinc non viribus æquis 285  
 Apparat Æetes aciem. quibus addimur armis?

Cui Juno: Dimitte metus, ne prælia forte  
 Hinc tibi grata negem: manet ingens ægida sudor,  
 Et nostros jam sudor equos: stat pectore fixum,  
 Ætæ sociare manus: scio perfida regis 290  
 Corda quidem; nullos Minyis exsolvet honores.  
 Verum alios tunc ipsa dolos, alia orsa movebo.  
 Sint, precor, hæc: tua namque mihi comitanda potestas,  
 Pallas ait: liceat Grajis ut reddere terris  
 Æsonium caput; & puppim, quam struximus ipsæ, 295  
 Jactatam tandem nostro componere cœlo.  
 Talia tunc hominum superi pro laude movebant.  
 Tristior at nunquam, tantove paventibus ulla  
 Nox Minyis egesta metu; nil quippe reperto  
 Phaside, nil domitis actum Symplegados undis, 300  
 Cunctaque adhuc, magni veniant dum regis ad urbem,  
 Ambigua, & dubia rerum pendentia summa.  
 Præcipue Æsoniden varios incerta per æstus  
 Mens rapit undantem curis, ac multa novantem.  
 Qualiter ex alta cum Juppiter arce coruscat, 305  
 Pliadas ille movens, mixtumque sonoribus imbrem,  
 Horriferamve nivem, canis ubi tollitur omnis  
 Campus aquis, aut sanguinei magna ostia belli,  
 Aut altos duris fatorum gentibus ortus.  
 Sic tum diversis hinc atque hinc molibus anceps 310  
 Pectora dux crebro gemitu quatit: optat & almura  
 Jam jubar, & certi tandem discriminis horas.  
 Tunc defixa solo, cœtuque intenta silenti  
 Versus ad ora virum, Quod primum ingentibus ausis  
 Optavistis, ait, veterumque quod horruit ætas, 315  
 Adsumus en, tantumque fretis enavimus orbem.



Nec pelagi nos mille viæ, nec fama fefellit,  
 Soligenam Æeten media regnare sub Arcto.  
 Ergo ubi lux altum sparget mare, tecta petenda  
 Urbis, & ignoti mens experienda tyranni: 320  
 Annuet ipse, reor; neque inexorable certe,  
 Quod petimus: fin vero preces & dicta superbus  
 Respuevit, jam nunc animos firmate repulsæ;  
 Quaque via patriis referamus vellera terris,  
 Stet procul, & rebus semper pudor absit in arctis. 325  
 Dixerat: &, Scythicam qui se comitentur ad urbem,  
 Sorte petit: numeroque novem ducuntur ab omni.  
 Inde viam, qua Circæi plaga proxima campi,  
 Corripiunt, regemque petunt, jam luce reducta.  
 Forte Deum variis per noctem exterrita monstis, 330  
 Senferat ut pulsas tandem Medea tenebras,  
 Rapta toris primi jubar ad placabile Phœbi  
 Ibat; & horrendas lustrantia flumina noctes.  
 Namque, soporatos tacitis in sedibus artus  
 Dum premit alta quies, nullæque in virgine curæ, 335  
 Visa pavens castis Hecates excedere lucis:  
 Dumque pii petit ora patris, stetit arduus inter  
 Pontus, & ingenti circum stupefacta profundo:  
 Fratrem tamen conante sequi: mox stare paventes  
 Viderat intenta pueros nece, seque trementum 340  
 Spargere cæde manus, & lumina rumpere fletu.  
 His turbata minis fluvios ripamque petebat  
 Phafidis, æquali Scythidum comitante caterva.  
 Florea per verni qualis juga duxit Hymetti,  
 Aut Sicula sub rupe choros, hinc gressibus hærens 345  
 Pallados, hinc curæ Proserpina juncta Dianæ:

Altior, ac nulla comitum certante, priusquam  
 Palluit, & viso pulsus decor omnis Averno.  
 Talis & in vittis geminæ cum lumine tædæ  
 Colchis erat, nondum miseros exola parentes. 350  
 Ut procul extremi gelidis a fluminis undis  
 Prima viros tacito vidit procedere passu,  
 Substitit, & mœsto nutricem affata timore est:  
 Quæ manus hæc, certo ceu me perat agmine, mater,  
 Advenit, haud armis, haud unquam cognita cultu? 355  
 Quære fugam, precor, & tutos circumspice saltus.  
 Audit virginæi custos grandæva pudoris  
 Henioche, cultus primi cui creditus ævi:  
 Tum trepidam dictis firmans hortatur alumnam.  
 Non tibi ab hoste minæ, nec vis, ait, ulla propinquat, 360  
 Nec metus; externo jam flammea murice cerno  
 Tegmina; jam vittas frondemque imbellis olivæ.  
 Grajus adest: Grajo sic cuncta simillima Phrixo.  
 Sic ait. at Juno, pulchrum longissima quando  
 Robur cura ducis, magnique edere labores, 365  
 Mole nova & roseæ perfudit luce juventæ.  
 Jam Talaum, jamque Ampyciden, astroque comantes  
 Tyndaridas ipse egregio supereminet ore.  
 Non secus, autumno quam cum magis asperat ignes  
 Sirius, & sævo cum nox accenditur auro, 370  
 Luciferas crinita faces, hebet Arcas, & ingens  
 Juppiter: ast illum tanto non gliscere cœlo  
 Vellet ager, vellent calidis jam fontibus amnes.  
 Regina, attonito quanquam pavor ore silentem  
 Exanimet, mirata tamen, paulumque reductis 375  
 Passibus, insolito stupuit duce. nec minus inter  
 Val. Flaccus. I



Ille tot ignoti socias gregis hæret in una  
 Defixus, sentitque ducem dominamque catervæ.  
 Si Dea, si magni decus huc ades, inquit, Olympi;  
 Has ego credo faces, hæc virginis ora Dianæ, 380  
 Teque renodatam pharetris, ac pace fruentem,  
 Ad sua Caucaasæ producunt flumina Nymphæ.  
 Si domus in terris, atque hinc tibi gentis origo;  
 Felix prole parens, olimque beator ille,  
 Qui tulerit, longis & te sibi junxerit annis. 385  
 Sed fer opem, regina, viris. nos hospita pubes  
 Advehimur, Grajùm proceres, tua testæ petentes.  
 Duc, precor, ad vestri, quicumque est, ora tyranni:  
 Ac tu prima doce fandi tempusque modumque.  
 Nam mihi sollicito Deus ignaroque locorum 390  
 Te dedit: in te animos, sed & omnia nostra repono.  
 Dixit, & opperiens trepidam stetit. illa, parumper  
 Virgineo cunctata metu, sic orsa vicissim:  
 Quem petis Æeten, genitor meus: ipsaque juxta  
 Mœnia; si bivios possis discernere calles. 395  
 Hac adeo duce ferte gradus: ingentia namque  
 Castra alios aditus, atque impius obsidet hostis.  
 Dixerat hæc, patriumque viam detorquet ad amnem;  
 Sacraque terrificæ supplex movet irrita Nocti.  
 Ille autem inceptum famula duce protinus urget 400  
 Aere septus iter: patitur nec regia cerni  
 Juno virum, prior Æetæ ne nuntius adfit.  
 Jamque inerat populo mediæque incognitus urbi,  
 Cum comes orsa loqui: Phœbi genitoris ad aras  
 Ventum, ait. huc adytis jam se de more paternis 405  
 Rex feret: hic proceres audit, populosque precantes

Alloquii facilis (præfens pater admonet) æqui.  
 Dixerat. ast illi propere monstrata capessunt  
 Limina: non aliter, quam si radiantis adirent  
 Ora Dei, verasque æterni luminis arces. 410  
 Tale jubar per testæ micat. stat ferreus Atlas  
 Oceano, genibusque tumens infringitur unda:  
 At medii per terga senis rapit ipse nitentes  
 Altus equos, curvoque diem subtexit Olympo:  
 Pone rota brevior, soror, densæque sequuntur 415  
 Pliades, & madidis rorant e crinibus ignes.  
 Nec minus hic varia dux lætus imagine templi  
 Ad geminas fert ora fores, cunabula gentis  
 Colchidos hic ortusque tuens: ut prima Sesostris  
 Intulerit rex bella Getis; ut clade suorum 420  
 Territus, hos Thebas patriumque reducat ad amnem;  
 Phasidis hos imponat agris, Colchosque vocari  
 Imperet: Arfinoen illi tepidæque requirunt  
 Otia læta Phari, pinguemque sine imbribus annum:  
 Et jam Sarmaticis permutant carbasa braxis. 425  
 Barbarus in patriis sectatur montibus Æan  
 Phasis, amore furens: pavidas jactat illa pharetras  
 Virgineo turbata metu; discursibus & jam  
 Deficit: ac volucris victam Deus alligat unda.  
 Flebant populeæ juvenem Phaethonta sorores, 430  
 Ater & Eridani trepidum globus ibat in amnem.  
 At juga vix Tethys sparsumque recolligit axem,  
 Et formidantem patrios Pyroenta dolores.  
 Aurea quin etiam præfaga Mulciber arte  
 Vellera, venturosque olim cælarat Achivos: 435  
 Texitur Argoa pinus Pagasæ securi:



Jamque eadem remos, eadem Dea flectit habenas:  
 Ipse subit, nudaque vocat dux agmina dextra.  
 Exoritur Notus, & toto ratis una profundo  
 Cernitur. Odryfio gaudebant carmine Phocæ. 440  
 Apparent trepidi per Phasidis ostia Colchi,  
 Clamantemque procul linquens regina parentem.  
 Urbs erat hic contra, gemino circumflua ponto,  
 Ludus ubi & cantus, tædæque in nocte jugales,  
 Regalique toro lætus gener: ille priorem 445  
 Deserit: ultrices spectant a culmine Diræ.  
 Deficit in thalamis, turbataque pellice conjux  
 Pallam & gemmiferæ donum exitiale coronæ  
 Apparat, ante omnes secum dequeſta labores;  
 Munere quo patrias pellex ornetur ad aras 450  
 Infelix: & jam rutilis correpta venenis  
 Implicat igne domos. hæc tum miracula Colchis  
 Struxerat ignipotens, nondum noſcentibus, ille  
 Quis labor, aligeris aut quæ ſecet anguibus auras,  
 Cæde madens: odere tamen, viſuſque reflectunt. 455  
 Quin idem Minyas operum deſixerat error,  
 Cum ſe Sole ſatus patriis penetralibus infert.  
 Filius hunc juxta primis Abſyrtus in annis,  
 Dignus avo, quemque inſontem meliora manerent.  
 Tum gener Albanis Styruſ qui advenerat oris, 460  
 Diſtulerant led bella toros: tum Phrontis & Argus  
 Æolidæ, fraterque Melas, quos advena Phrixus  
 Progenit; pariterque levi Cytiforus in haſta.  
 Poſt alii, quos præcipuo Titania tellus  
 Legit honore patres, motique ad prælia reges. 465  
 Admonet hic ſocios, nebulamque erumpit Iason,

Sideris ora ferens: nova lux obfuſa Citæis.  
 Conveniunt, rogitantque viros, rogitantque, quid auſi,  
 Quidve ferant. poſtquam primis inbiantia dictis  
 Agmina, ſuppreſſumque videt jam murmur Iason; 470  
 Talia miranti propius tulit orſa tyranno:  
 Rex Hyperionide, quem per freta tanta petundum  
 Cœlicolæ, & prima dignum ſtatueret carina:  
 Si quando hic aliquam noſtro ſatus orbe ſolebat  
 Theſſaliam, ſi quos Phrixus memorare Pelafgos; 475  
 Hi tibi, tot caſus, horrenda tot avia menſi,  
 Cernimur. ipſe egomet proprio de ſanguine Phrixi:  
 Namque idem Cretheus amobus & Æolus auſtor,  
 Cum Jove, Neptunoque, & cum Salmonide Nympha,  
 Meque nec huc enſes, aræque egere paternæ: 480  
 Nec tua, Theſſalicis quanquam inclita nomina terris,  
 Sponte ſequor. cui non juſſo tot adire voluptas  
 Monſtra maris? cui Cyaneos intrare fragores?  
 Sceptra tui toto Pelias ſub nomine Phœbi  
 Maxima ſorte tenens, totque illa creantia Divos 485  
 Oppida, tot vigili pulcherrima flumina cornu;  
 Ille meum imperiis urget caput: ille labores  
 Dat varios. ſuus ut magnum rex ſpargit ab Argis  
 Alciden, Sthenelo ipſe ſatus. tamen aſpera regum  
 Perpetimur juga; nec melior parere reſuſo. 490  
 Hic ſibi me auratæ pecudis quiſcunque periclis  
 Exuvias perferre jubet. tibi gratia noſtri  
 Sit, precor, hæc, meritiſque locus, quod juſſa recepi:  
 Teque alium, quam quem Pelias ſperatque cupitque,  
 Promiſi, & meliora tuæ mihi ſœdera dextræ. 495  
 Si petere hoc ſævi ſtatuiſſem ſanguine belli,  
 I. 3.



Offa dabat Pindusque rates: quotque ante secuti  
 Inde nec audacem Bacchum, nec Persea, reges.  
 Sed me nuda fides, sanctique potentia iusti  
 Huc tulit, & medii sociatrix gratia Phixi, 500  
 Jamque tibi nostra geniti de stirpe nepotes.  
 Nec tamen aut Phrygios reges, aut arva furentis  
 Bebryciæ spernendus adi. seu fraude petivit,  
 Seu quis honore meos, sua reddita dona; Deumque  
 Nos genus, atque ratem magnæ sensere Minervæ. 505  
 Vix tandem longis quæsitam Colchida votis  
 Contigimus; qualemque dabat te fama, videmus.  
 Tu modo ne claros Minyis invideris actus.  
 Non aliena peto, terrivæ indebita nostris,  
 Si quis & in precibus vero locus: atque ea Phixio 510  
 Crede dari; Phixium ad patrios ea ferre penates.  
 Munera tu contra victum mihi vecta per æquor  
 Accipe, Tænarii chlamydem de sanguine aheni,  
 Frenaque, & accinctum gemmis fulgentibus enses:  
 Hoc patrium decus; hæc materni texta laboris: 515  
 His Lapithes assuerat eques. da jungere dextram,  
 Da Scythicas sociare domos: sciat effera regis  
 Ira mei, quem te horrifero fortitus in axe  
 Caucasus, atque tuis quantum mitescat habenis.  
 Talibus orantem vultu gravis ille minaci 520  
 Jamdudum fremit; & furiis ignescit opertis.  
 Ceu tumet, atque imo sub gurgite concipit austros  
 Unda filens; trahit ex alto sic barbarus iras:  
 Et nunc ausa viri, nunc heu! sua prodita Grajis  
 Regna fremit: quin & facili sibi mente receptum 525  
 Jam Phixium dolet, & Scythiæ petiisse timores:

Nunc quassat caput, ac juvenis spes ridet inanes;  
 Quid vesanus agat, quod vellera poscat ab angue.  
 Urit & antiquæ memorem vox præscia sortis;  
 Cur simul aut Persen illinc sibi moverit, aut hinc 530  
 Thessalicam Fortuna ratem: num debitus ista  
 Finis agat, sævæque petant jam vellera Parcæ.  
 Interea quoniam belli pugnaeque propinqua  
 Cura prior, fingit placidis fera pectora distis.  
 Reddit & hæc: Cuperem haud tali vos tempore testis. 535  
 Advenisse meis, quo me gravis affidet hostis.  
 Frater enim (sceptri sic omnibus una cupido)  
 Excidium parat, & castris me ingentibus urget.  
 Quare, age, cognatas primum defendite sedes;  
 Nec decus oblatis dimiseris advena belli. 540  
 Namque virum trahit ipse chalybs: tum vellera victor,  
 Tum meritis, nec sola dabo. contra inscius astus,  
 Ergo nec hic nostris deerat labor arduus actis,  
 Excipit Æsonides, & ceu nihil æquore passis  
 Additus iste dies? veniant super hæc quoque fato 545  
 Bella meo. non hunc parva mihi cæde dolorem,  
 Quasque dedit, luet ille moras. tum Castora mittit,  
 Qui ferat Ææi sociis responsa tyranni.  
 Acribus ast illos curis mora sæva trahebat:  
 Ac simul ut medio viderunt Castora campo, 550  
 Crebrior incussit mentem pavor: O Jovis alma  
 Progenies, fare, an patriam spes ulla videndi,  
 Fare, omnes. ille in mediis sic orsus Achivis:  
 Nec ferus Æetes, ut fama, nec aurea nobis  
 Terga negat: bello interea sed pressus iniquo 555  
 Auxilium petit: armatos dux protinus omnes



Accelerare jubet; longo nam tuta recessu  
 Puppis, & opposita fluviis defenditur urbe.  
 Haud mora; profiliunt, quos nec Rhipæa juvenus,  
 Quos nec Iber, aut tota suis Aurora pharetris 560  
 Sustineat. stetit explicito prius agmine pubes:  
 Expertique simul, si tela artusque sequantur.  
 Nec quisquam freta, neq; patrias jam respicit urbes:  
 Sed magis ad præfens itur decus. incita cristas  
 Aura quatit: variis floret via discolor armis. 565  
 Qualis ab Oceano nitidum chorus æthera vestit:  
 Qualibus assurgens nox aurea cingitur astris.  
 Illos Sole satus tacita mœstissimus ira  
 Miratur temere assumptos: nec talia mallet  
 Robora, quam medios hostem subiisse penates: 570  
 Interea læto patitur convivia vultu;  
 Et juxta Æsoniden magno cratere laceffit,  
 Nunc sibi monstrantem natos Jovis, oraque juxta  
 Æacidum, nunc ingentes Calydonis alumnos:  
 Audit & Alciden infando errore relictum, 575  
 Desletosque dūces, terræque marisque labores.  
 Ipse autem tantis concita furoribus arma  
 Expetit Æsonides, & amicos ordine reges:  
 \* Quis procul ille virum nobis, quem balteus asper  
 Subligat, & stricto stat proximus armiger arcu, 580  
 Ceu pugnam paret, & positas confundere mensas?  
 Contra flammigeri proles Perseïa Solis,  
 Quem rogitas, Carmejus, ait; mos, comminus arma  
 Semper habere viro, semper meminisse pharetræ.  
 Quid Latagum? quid si amnigenam mirere Choaspem? 585  
 Bellatoris equi potantem cerne cruores:

Nec tamen immissis hic segnior ibit habenis.  
 Illum, ait Æsonides, pariter refer: horrida signis  
 Cui chlamys, & multa spirat coma flexilis aura.  
 Respicit Æetes, atque hunc quoque nomine reddit: 590  
 Dives Aron; croceos sic illius omnis odores  
 Jactat eques; unctis sic est coma culta maniplis:  
 Sed nec sperne virum, & comitis diffide capillis.  
 Campes hic spoliis in tigridis; ille profundo  
 Incumbens Odrussa mero: viden' alta comantem 595  
 Pectora, & ingenti turbantem pocula barba?  
 Hic & Iaxarten dictis stupet hospes acerbis  
 Immodicum, linguaque gravem; cui nulla minanti  
 Non Superum, non præsentis reverentia belli.  
 Contra autem Æetes, Non frustra magna superbo 600  
 Dicta volant, ait, & vocem paria arma sequuntur:  
 Nec requies, quin Marte diem noctemque fatiget:  
 Atque ubi Rhipæa stupuerunt flumina bruma,  
 Jam pavidi cum prole Getæ, jam pervigil illum  
 Medus, & oppositis exspectat Hiberia claustris. 605  
 Hos autem quæ quemque manus, quæ signa sequantur,  
 Si memorem; prius humentem lux solverit umbram.  
 Cras acies, atque illa ducum cras regna videbis  
 Diffona; saxiferæ surgat quibus imber arenæ;  
 Quæ jaculo gens apta levi, quæ picta pharetris 610  
 Venerit: ingentes animo jam prospice campos,  
 Atque hanc alipedi pulsantem corpora curru  
 Euryalen, quibus exsulet Mavortia turmis,  
 Et quantum elata valeat peltata securi,  
 Cara mihi & veras inter non ultima natas. 615  
 Fatur, & occiduo libat cratera parenti.



Quisque suis tum vota Deis & pocula fundit;  
 Dent aciem, dent belligeros superare labores.  
 Ecce autem Geticis veniens Gradivus ab antris,  
 Ingentemque trahens Arctoa per æquora nubem; 620  
 Aspicit Ææa Minyas stupefactus in urbe,  
 Ambitumque senem, promissaque vellera puppi  
 Theffalicæ: citus ad summi stellantia patris  
 Tecta ruit, questuque Jovem testatur acerbo:  
 Quæ studiis, rex magne, quies? jam mutua Divi 625  
 Exitia in solos hominum molimur honores:  
 Teque ea cuncta juvant, rabidam qui Pallada cœlo  
 Non abigis, neque femineis jus objicis ausis.  
 Non querar, exstructa quod vexerit ipsa carina  
 Vellera sacra meis sperantem avertere lucis, 630  
 Quodque palam tutata viros: sic cetera pergat,  
 Si valet, insidiis quæ nunc fallacibus ambit,  
 Nostra ut Phrixeo spolientur templa metallo.  
 Non opus auxilio Colchis, nec fœdere vestro:  
 Et Perfen simul, & Minyas deposcimus hostes. 635  
 Quin age; quid tantæ coeunt in prælia gentes?  
 Quid tuus Æsonides? imus nos, protinus imus,  
 In nemus auriferum, & sumtis decernimus armis?  
 Vel tu sola polo tacitis inopina tenebris  
 Labere; quantus ibi Deus experiere; nec illas 640  
 Adfiteris impune trabes, an Martia templa  
 Intemeranda minus, tacitus mihi lucus, & agger  
 Quod rudis; & sola colimur si gentibus umbra?  
 Est amor, & rerum cunctis tutela suarum:  
 Et tibi, magne pater, terris donaria certant: 645  
 Est honor his etiam suis, anne ego clara Mycenes

Culmina, virgineas præder si Cecropis arces,  
 Jam conjux, jam te gemitu lacrimisque tenebit  
 Nata querens? metuant ergo, nec talia poscant.  
 Non tulit hæc animis, quin longa silentia Pallas 650  
 Rumperet, irridens strepitumque minasque Gradivi:  
 Non tibi Bistonidæ, quibus hæc fera murmura jactes,  
 Non Lapithæ, sed Pallas, ait; neque ego ægide digna,  
 Nec vocer ulterius proles Jovis, excidat iste  
 Ni tibi corde tumor: lituos mox armaque faxo 655  
 Oderis, & primis adimam tua nomina bellis.  
 Quin simili matrem demens gravitate secutus:  
 Digna quidem monstrum superis quæ tale creavit.  
 Quod tamen aggressæ scelus, aut quo crimine fontes,  
 Si juvenem, qui iussa sui tam dira tyranni 660  
 Impavidus, maria & nondum qui nota subibat,  
 Juvimus, & magnis aliquam spem movimus ausis?  
 An nullas præferre preces, nec fœdera regis  
 Ulla sequi? cæca sed cuncta impellere pugna  
 Debuius? sic Thraces agunt, sic turbidus iste, 665  
 Si qua petit, cuperem hæc etiam nunc bella remitti,  
 Nec socias armare manus. da vellera, rector,  
 Et medio nos cerne mari. quod sin ea Mavors  
 Abnegat, & solus nostris sudoribus obstat;  
 Ibimus indecores, frustra que tot æquora vestæ, 670  
 \* Fassa que nequeam? sic femina. coeperat ardens  
 Hic iterum alternis Mavors insurgere dictis.  
 Excipit hinc contra pater, & sic voce coeret:  
 Quid vesane fremis? cum vos jam pœnitet acti,  
 Peccatumque fatis; tunc ad mea jura venitis. 675  
 Quolibet ista modo, quacunque impellite pugna,



Quæ cœpistis; habent quoniam sua fata furores.  
 Te tamen hoc, conjux, & te, mea nata, monēbo:  
 Sit Persen pepulisse fatis; nec vana retentet  
 Spes Minyas, finemve velint imponere bello. 680  
 Illum etenim talis rerum manet (accipite) ordo.  
 Victa retro nunc castra dabit, bellumque remittet,  
 Territus adventu ducis & virtute Pelasgi:  
 Mox ubi Theffalicas referent hos flamina terras,  
 Tunc aderit, victorque domos & scepra tenebit: 685  
 Donec & Æeten inopis post longa senectæ  
 Exilia (heu magnis quantum licet in pia fatis!)  
 Nata juvet; Grajusque nepos in regna reponat.  
 Hic labor, amborumque hæc sunt discrimina fratrum:  
 Vadite, & adversis, ut quis volet, irruat armis. 690  
 Dixerat. instaurat mensas, pacemque reducit;  
 Et jam fideream noctem dimittit Olympo.  
 Tunc assuetus adest Phlegræas reddere pugnas,  
 Musarum chorus, & citharæ pulsator Apollo:  
 Fertque gravem Phrygius circum cratera minister. 695  
 Surgitur in somnos, seque ad sua limina flectunt.

C. VALERII FLACCI  
 SETINI BALBI  
 ARGONAUTICON  
 LIBER SEXTUS.



LIBRI SEXTI  
ARGUMENTUM  
ÆGIDIO MASERIO  
AUCTORE.

*MARS furis agitur. Minyarum fœdera Perses  
Quæritat. auxilium Scythicis perfertur ab oris.  
Æsoniden Pallas sequitur: fratremque Medontis  
Candenti deturbat equo semotus Amyclis  
Castor. Styre, fugis: nec casum credis Anausim  
Saucius. in Minyas compellit Iazyga Mavors  
Gesandrum. Canthus rapitur. pro corpore pugna  
Exoriitur. curru Euryale indignata receptum  
Vindicat: inque tui falces, Ariasmene, currus  
Laberis. ignotis Juno implet Colchida curis.  
Miratur virgo pugnas. cadit ense Colaxes  
Æsonio. damnat Divorum oracula Perses.*

C. VALERII FLACCI  
SETINI BALBI  
ARGONAUTICON  
LIBER VI.

---

**A**T vigil isdem ardet Furiis Gradivus, & acri  
Corde tumet; nec quas acies, quæ castra sequatur,  
Invenit: ire placet tandem, præsensque tueri,  
Sternere si Minyas, magnoque rependere luctu  
Regis pacta queat; Grajamque absumere pubem. 5  
Impulit hinc currus, monstrum irrevocabile belli  
Concutiens, Scythiæque super tentoria sistit.  
Protinus e castris fugit sopor: excita tela;  
Turbati coiere duces: hos insuper ingens  
Fama movet, rate quæ sacra vulgabat Achivos 10  
Advenisse, sui repetentes vellera Phrixi;  
Quos malus hospitio junctaque ad fœdera dextra  
Luserit Æetes, atque in sua traxerit arma.  
Ergo, consiliis dum nox vacat alta movendis,  
Legatos placet ire duces: mandataque Perses 15  
Edocet, affari Minyas, fraudemque tyranni



Ut moneant; quinam hinc animos averterit error;  
 Se primum Hæmoniis hortatum ea vellera terris  
 Reddere, & exuvias pecudis dimittere sacræ:  
 Hinc odium, & tanti venisse exordia belli.

20

Quin potius dextramque suam, suaque arma sequantur,  
 Aut remeant. neque enim Ætæ promissa fidemque  
 Esse loco; abstineant alienæ a sanguine pugnæ.  
 Non illos ideo tanti venisse labores

Per maris. ignotis quid opus concurrere, nec quos

25

Oderis? hæc medio Perfes dum tempore mandat,  
 Aureus effulsit campis rubor; armaque & acres  
 Sponte sua strepuere tubæ. Mars sævus ab altis,  
 Hostis io, conclamat, equis, agite, ite, propinquat:  
 Ac simul hinc Colchos, hinc fundit in æquora Persen:  
 Tunc & quisque suis committit prælia telis,  
 Voxque Dei pariter pugnas audita per omnes.

30

Hinc, age, Rhipæo quos videris orbe furores,  
 Musa, mone; quanto Scythiam molimine Perfes  
 Concierit, quis fretus equis per bella virisque.

35

Verum ego nec numero memorem, nec nomine cunctos,  
 Mille vel ora movens. neque enim plaga gentibus ulla  
 Diuor: æterno quanquam Mæotia pubes  
 Marte cadat; pingui nunquam tamen ubere defit,  
 Quod geminas Arétos, magnumque quod impleat anguem.

40

Ergo duces solasque, Deæ, mihi promite gentes.  
 Miserat ardentem, mox ipse secutus, Alanos,  
 Heniochosque truces, jam pridem infensus Anausis;  
 Pacta quod Albano conjux Medea tyranno:  
 Nescius, heu quanti thalamos ascendere monstri  
 Arserit, atque urbes maneat qui terror Achæas;

45

Gratior ipse Deis, orbaque beatior aula.  
 Proxima Bisaltæ regio, ductorque Colaxes;  
 Sanguis & ipse Deum; Scythicis quem Iuppiter oris  
 Progenuit, viridem Myracen Tibisenaque juxta

50

Ostia, semifero (dignum si credere) captus  
 Corpore: nec Nymphæ geminos exhorruit angues;  
 Cuncta phalanx insigne Jovis, cælataque gestat  
 Tegmina dispersos trifidis ardoribus ignes:  
 Nec primus radios, miles Romane, corusci  
 Fulminis, & rutilas scutis diffunderis alas.

55

Insuper auratos collegerat ipse dracones,  
 Matris Horæ specimen: linguisque adversus utrinque  
 Congruit, & tereti serpens dat vulnera gemmæ.

Tertius unanimis veniens cum millibus Auchus

60

Cimmerias ostentat opes; cui candidus olim  
 Crinis inest, natale decus: dat longior ætas  
 Jam spatium, triplici percurrens tempora nodo:  
 Demittit sacro geminas a vertice vittas.

65

Dathin Achæmenia gravior de vulnere pugna  
 Misit in arma Daraps; acies quem Martia circum  
 Gangaridum, potaque Gerys quos efferat unda,  
 Quique lacum cinxere Bicen. non defuit Anxur,  
 Non Rhodalo cum fratre Sydon: Acefinaque lævo  
 Omne fatidicæ Phrixus movet agmina cervæ.

70

Ipsa comes, sætis fulgens & cornibus aureis,  
 Ante aciem celsi vehitur gestamine conti  
 Mœsta, nec in sævæ lucos reditura Dianæ.  
 Movit & Hylæa supplex cum gente Syenen  
 Impia germani prætentans vulnera Perfes.

75

Densior haud usquam, nec celsior extulit ulla  
 Val. Flaccus.

K



Silva trabes; fessæque prius rediere sagittæ,  
 Arboris ad summum quam pervenere cacumen.  
 Quin & ab Hyrcanis Titanius expulit antris  
 Cyris in arma viros: plaustrisque ad prælia cunctas 80  
 Coraletæ traxere manus: ibi futilis illis  
 Et domus, & crudo residens sub vellere conjux;  
 Et puer e primo torquens temone cateias.  
 Linqitur abruptus pelago Tyra; linqitur & mons  
 Ambenus, & gelidis polleus Ophiusa venenis. 85  
 Degeneresque ruunt Sindi; glomerantque paterno  
 Crimine, nunc etiam metuentes verbera turmas.  
 Hos super æratam Phalces agit æquore nubem  
 Cum fremitu; densique levant vexilla Coralli:  
 Barbaricæ quis signa rotæ, ferrataque dorso 90  
 Forma suum, truncæque Jovis simulacra columnæ:  
 Prælia nec rauco curant incendere cornu;  
 Indigenas sed rite duces & prisca suorum  
 Facta canunt, veterumque viris hortamina laudes.  
 Ast ubi Sidonicas inter pedes æquat habenas; 95  
 Illinc juratos secum trahit Æa Baternas:  
 Quos, duce Teutagone, crudi mora corticis armat;  
 Æquaque, nec ferro brevior nec rumpia ligno.  
 Nec procul albentes gemina ferit aelyde parmas,  
 Hiberni qui terga Noæ, gelidumque securi 100  
 Eruit, & tota non audit Alazona ripa:  
 Quosque Taras, niveumque ferax Evarchus olorum.  
 Te quoque venturis, ingens Ariasmene, seclis  
 Tradiderim, molem belli, lateque ferentem  
 Undique falcatos deserta per æquora currus. 105  
 Insequitur Drancæa phalanx, claustrisque profusi

Caspiadæ: quis turba eorum non segnius acres  
 Exsilit ad lituos, pugnasque cepessit heriles.  
 Inde etiam par mortis honos; tumulisque recepti  
 Inter avos positusque virum: nam pectora ferro; 110  
 Terribilesque innexa jubas ruit agmine nigro  
 Latratuque cohors: quanto sonat horrida Ditis  
 Janua, vel superas Hecates comitatus ad auras.  
 Ducit ab Hyrcanis vates sacer agmina lucis.  
 Varus: eum Scythiæ jam tertia viderat ætas 115  
 Magnanimos Minyas Argoaque vela canentem.  
 Illius & dites monitis spondentibus Indi,  
 Et centumgeminæ Lagea novalia Thebes,  
 Totaque Rhipæo Panchaia rapta triumpho.  
 Discolor hastatas effudit Hiberia turmas, 120  
 Quas Otaces, quas Latris agunt, & raptor amorum  
 Neurus, & expertes canentis Iazyges ævi.  
 Namque, ubi jam viresque aliæ, notosque refutat  
 Arcus, & inceptus jam lancea temnit heriles,  
 Magnanimis mos ductus avis, haud segnia mortis 125  
 Jura pati; dextra sed caræ occumbere prolis,  
 Ense dato: rumpuntque moras natuque parentisque;  
 Ambo animis, ambo miseri tam fortibus actis.  
 Hic & odorato spirantes crine Micelæ,  
 Cessææque manus; & qui tua jugera nondum 130  
 Eruis, ignotis infons, Arimaspe, metallis.  
 Doctus & Auchates patulo vaga vincula gyro  
 Spargere, & extremas laqueis adducere turmas.  
 Non ego sanguineis gestantem tympana bellis  
 Thyrsageten, cinctumque vagis post terga filebo 135  
 Pellibus, & nexas viridantem floribus hastas.



Fama, ducem, Jovis & Cadmi de sanguine, Bacchum;  
 Hac quoque turiferos, felicia regna, Sabæos,  
 Hac Arabas fudisse manu: mox rumperet Hebræi  
 Cum vada, Thyrsagetas gelida liquisse sub Arcto: 140  
 Illis omnis adhuc veterum tenor, & facer æris  
 Pulsus, & Eoæ memoratrix tibia pugnæ.  
 Jungit opes Eumeda suas: sua signa secuti  
 Exomata, Torinique, & flavi crine Satarchæ:  
 Mellis honos Torinis; ditant sua mulctra Satarchen; 145  
 Exomatas venatus alit. nec clarior ullis  
 Arctos equis: abeunt Hypanin, fragilemque per undam,  
 Tigridis aut sævæ profugi cum prole lænæ:  
 Mœstaque suspectæ mater stupet aggere ripæ.  
 Impulit & dubios Phrixæi velleris ardor 150  
 Centoras, & diros magico terrore Choatras.  
 Omnibus in superos sævus honor; omnibus artes  
 Monstrificæ: nunc vere novo compercere frondes,  
 Nunc subitam trepidis Mæotin solverè plaustris.  
 Maximus hos inter Stygia venit arte Coastes: 155  
 Sollicitat nec Martis amor; sed fama Cytææ  
 Virginis, & paribus spirans Medea venenis.  
 Gaudet Averna palus, gaudet jam nocte quieta  
 Portitor, & tuto veniens Latonia cœlo.  
 Ibant & geminis æquantès cornibus alas 160  
 Ballonoti; comitumque celer mutator equorum  
 Mœsus; & ingentis frenator Sarmata conti:  
 Nec tot ab extremo fluctus agit æquore, nec sic  
 Fratibus adversa Boreas respondet ab unda;  
 Aut is apud fluvios volucrum sonus; æthera quantus 165  
 Tunc lituam concentus adit, lymphataque miscet

Millia: quot foliis, quot floribus incipit annus.  
 Ipse rotis gemit intus ager; tremebundaque pulsu  
 Nutat humus: quatit ut sævo cum fulmine Phlegram  
 Juppiter, atque imis Typhona reverberat arvis. 170  
 Prima tenent illinc patriis Absyrtus in armis,  
 Et gener; ingentesque inter sua millia reges.  
 At circa Æsoniden Danaum manus, ipsaque Pallas  
 Ægide terrificæ; quam nec Dea lassat habendo,  
 Nec pater horrentem colubris vultuque tremendam 175  
 Gorgoneo. nec semineces ostendere crines  
 Tempus adhuc; primasque finit concurrere pugnas.  
 Impulit hos contra Mavors pater, & mala leti  
 Gaudia, Tisiphoneque caput per nubila tollens.  
 Ad sonitum litui, mediaque altissima pugna: 180  
 Necdum clara, quibus sese fuga mentibus addat.  
 Illi ubi confertis junxere frementia telis  
 Agmina, virque virum galeis afflavit adactis;  
 Continuo hinc obitus, perfractaque cædibus arma;  
 Corporaque, alternus cruor, alternæque ruinæ: 185  
 Volvit ager galeas, & thorax egerit imbres.  
 Sanguineos. hinc barbarici glomerantur ovatus,  
 Hinc gemitus, mixtæque virum cum pulvere vitæ.  
 Caspius Ææum correpto crine Monefen  
 Abstulit; hunc pariter Colchi Grajique sequuntur 190  
 Missilibus: rapit ille necem, prædamque relinquit:  
 Nec sociis jam cura viri. Dyplanta Carelus,  
 Strymonaque obscura spargentem vulnera funda  
 Dejicit: Albani cadit ipse Cremedonis hasta:  
 Jamque latet; currusque super turmæque feruntur. 195  
 Processere Melas, & Hidasmenus; incipit hasta  
 K 3



Ante Melas: levis ast abies elusit utrumque;  
 Ensis inde ruunt: prior occupat ære citato  
 Cassidis ima Melas; infracta est vulnerè cervix;  
 Mixta perit virtus: nescit cui debeat Æbreus, 200  
 Aut cui fata Tyres. dum sibila respicit Iron  
 Cuspide Argivæ, Pyliam latere accipit hastam.  
 Viderat Hyrcanos paribus discurrere fratres  
 Castor equis; pater armento quos dives ab omni  
 Nutrierat, fatisque viam monstrarat iniquis: 205  
 Tum magis atque magis peditem candore notato  
 Tyndariden incendit amor: simul obvius hastam  
 Pectus in adversum Gelæ jacit alipedemque:  
 Constitit excusso victor duce: risit ab alta  
 Nube pater, prensisque equitem cognovit habenis. 210  
 At pariter luctuque furens visuque Medores  
 Tyndariden petit, & superos sic voce precatur:  
 Hunc, age, vel cæso comitem me reddite fratri:  
 Primus & hic nostra sonipes cadat impius hasta,  
 Credita qui misero non rettulit arma parenti, 215  
 Meque venit contra, captivaque terga ministrat.  
 Dixerat: Aetæi sed eum prior hasta Phaleri  
 Dejicit: ad focias sonipes citus effugit alas.  
 Quis tibi fatales unquam metuisset Amyclas  
 Æbaliæque manum. tot, Rhyndace, montibus inter 220  
 Diviso, totidemque freris? cadit impiger una  
 Inguine transfosso clari Taulantis alumnus  
 Semidea genitrice Tages; cui plurima filvis  
 Pervigilat materna soror, cultusque laborat.  
 Tenuia non illum candentis carbasa lini, 225  
 Non auro depicta chlamys, non flava galeri

Cæsaries, plectoque juvant subtemine bracæ.  
 Jamque novus mediæ stupefacta per agmina pugnae  
 Vadit eques, densa spargens hastilia dextra,  
 Fulmineumque viris proturbans ingerit enses 230  
 Huc alternus & hue: cum sævior, ecce, juvenus  
 Sarmaticæ coiere manus, fremitusque virorum  
 Semiferi: riget his molli lorica catena;  
 Id quoque tegmen equis; at equi porrecta per armos  
 Et caput ingentem campis hostilibus umbram 235  
 Fert abies obnixa geau; vaditque virum vi,  
 Vadit equum, docilis relegi docilisque relinqui,  
 Atque iterum medios non astior ire per hostes.  
 Orbibus hos rapidis, mollique per æquora Castor  
 Anfractu levioris equi deludit anhelos, 240  
 Immemoresque mori: sed non isdem artibus æque  
 Concurrunt, ultroque ruunt in funera Colchi.  
 Campesius, impacta latus inter & ilia quercu,  
 Tollitur, ac mediam moriens descendit in hastam,  
 Æbasus, infestum submisso poplite Phalcan 245  
 Evasisse ratus, lævum per luminis orbem  
 Transfigitur; teneræ liquuntur vulnere malæ.  
 Contra autem geminis fidens thoracibus, ictum  
 Sustulit, & gladio Sibotes ferit ultima teli,  
 Nequidquam: jam cuspis inest, nec fragmina curat 250  
 Ambenus, & trunco medium subit Otreæ ligno.  
 Seminecem Taxes Hypanin vehit, atque remissum  
 Pone trahit fugiens, & cursibus exiit hastam:  
 Dumque recollectam rursus locat; irrui ultro,  
 Turbatumque Lacon, & adhuc invadit inermem. 255  
 Impulit adverso præceps equus Onchea conto,  
 K 4



Nequidquam toris revocantem viribus armos.  
 In latus accedit sonipes; accedit & ipse  
 Frigidus: arma cadunt; rorat procul ultima cuspis:  
 Qualem populeæ fidentem nexibus umbræ, 260  
 Si quis avem summi deducat ab aere rami,  
 Ante manu tacita cui plurima crevit arundo;  
 Illa dolis viscoque super correpta sequaci  
 Implorat ramos, atque irrita concitat alas.  
 Parte alia infestis (nam fors ita junxit) in armis 265  
 Styrys adest, lætusque virum cognoscit Anausin;  
 Et prior: En cujus thalamis Æticia virgo  
 Dicta manet, nostrosque feret qui victor amores.  
 Non, ait: invitoque gener mutabere patri.  
 Tum simul adversas collatis cursibus hastas 270  
 Conjiciunt: fugit adductis Albanus habenis  
 Saucius, atque datum leto non sperat Anausin;  
 Nec videt. ille autem telo moribundus adacto,  
 Ad soceros, pactæque finis en conjugis, inquit;  
 Styre, fugis; vulnus referens, quod carmine nullo 275  
 Sustineat, nullisque levet Medea venenis.  
 Dixerat: extremus cum lumina corripit error;  
 Voxque repressa gelu, percussa que vertice tellus.  
 Hinc animos acies auget; magnoque doloris  
 Turbine Gesandrum Mavors rapit: ille morantes 280  
 Increpat, & stricto sic urget Iazygas ense:  
 Nempe omnes cecidere senes, nempe omnis ademptus  
 Ante pater. quæ vos subito tam foeda senectus  
 Corripuit, fregitque animos, atque abstulit iras?  
 Aut mecum mediam, juvenes, agite, ite per urbem, 285  
 Argolicamque manum; aut caris occumbite natis,

Irruit, & patrias coeptis ferus advocat umbras:  
 Sancte mihi Vorapte pater, tua pectora nato  
 Suggere nunc, animamque parem; si fata peroso  
 Tarda tibi turpesque moras non segnius ipsi 290  
 Paruimus, parvique viam didicere nepotes.  
 Hæc ait, auditurque Erebo: tunc corripit ensem  
 Turbidus, & Furiis ardens quatit arma paternis.  
 Indigenis sacratus aquis, magnique sacerdos  
 Phasidis Arctoïs Aquites errabat in armis; 295  
 (Populeus cui frondis honor, conspectaque glauco  
 Tempora nectuntur ramo) te, Cyrne, parens  
 Immemorem duræ cupiens abducere pugnae;  
 Jamque omnes impune globos diversa lustrans  
 Agmina, quem quærit, nusquam videt, atque iterum instat 300  
 Vociferans, iterum belli diversa peragrat:  
 Lancea cæruleas circum strepit incita vittas.  
 Opprimit admissis ferus hunc Gesander habenis:  
 Ille manum trepidans atque irrita sacra tetendit:  
 Teque per hanc, inquit, genitor, tibi si manet, oro 305  
 Canitiem, compesce minas, & sicubi nato  
 Parce meo. dixit. contra sic victor adacto  
 Ense refert: Genitor, turpi durare senecta  
 Quem mihi reris adhuc, ipse hac occumbere dextra  
 Maluit, atque ultro segnes abrumpere metas. 310  
 Et tibi si pietas nati, si dextra fuisset,  
 Haud medii precibus tereres nunc tempora belli;  
 Præda future canum. juveni fors pulchrior omni;  
 Et certare manu decet, & caruisse sepulcro.  
 Dixerat: ille Deos moriens cœlumque precatur, 315  
 Dextera ne misero talis foret obvia nato.



Te quoque, Canthe, tui non inscia funeris Argo  
 Flevit, ab invita rapientem tela carina:  
 Jam Scythicos miserande finus, jam Phasidis amnem  
 Contigeras: nec longa dies, ut capta videres 320  
 Vellera, & Euboicis patrios de montibus ignes.  
 Illum, ubi congressu subiit Gefander iniquo,  
 Territat his: Tu, qui faciles hominumque putasti  
 Has, Argive, domos, alium hic miser aspicias annum;  
 Altricemque nivem, festinaque tædia vitæ. 325  
 Non nos aut levibus componere brachia remis  
 Novimus, aut ventos opus exspectare ferentes:  
 Imus equis, qua vel medio riget æquore pontus,  
 Vel tumida fremit Hister aqua: nec mœnia nobis  
 Vestra placent: feror Arctoïis nunc liber in arvis 330  
 Cuncta tenens mecum: omnis amor jacturaque plaustris  
 Sola; nec hac longum victor potiere rapina.  
 Ast epulæ quodcumque pecus, quæcumque ferarum.  
 Mitte Asiæ, mitte Argolicis mandata colonis,  
 Ne trepident. nunquam has hiemes, hæc saxa relinquam 335  
 Martis agros: ubi jam sævo duravimus amne  
 Progeniem, natoque rudes: ubi copia leti  
 Tanta viris? sic in patriis bellare pruinis  
 Prædarique juvat: talemque hanc accipe dextram.  
 Dixit, & Edonis nutritum missile ventis 340  
 Concitat: it medium per pectus & horrida nexu  
 Letifer æra chalybs, trepidus super advolat Idas,  
 Ac simul Enides, pariterque Menœtius, & qui  
 Bebrycio propius remeavit ab hospite victor.  
 At vero ingentem Telamon procul extulit orbem, 345  
 Exanimem te, Canthe, tegens: ceu septus in arcto

Dat catulos post terga leo. sic comminus hastam  
 Æacides gressumque tenet, contraque ruentem  
 Septeno validam circumfert tegmine molem.  
 Nec minus hinc urget Scythiæ manus, armaque Canthi, 350  
 Quisque sibi & Grajo pœnam de corpore poscens.  
 Arduus inde labos: medioque in corpore pugna  
 Conferitur. magno veluti cum turbine sese  
 Ipfius Æoliæ frangunt in limine venti,  
 Quem pelagi rabies, quem nubila, quemque sequatur 355  
 Illa dies: obnixæ virum sic comminus hæret  
 Pugna; nec arrepto velli de corpore possunt.  
 Ut bovis exuvias multo qui frangere olivo  
 Dat famulis: tendunt illi, tractuque vicissim  
 Taurea terga domant: pingui fluit unguine tellus. 360  
 Talis utrinque labos, raptataque limite in arcto  
 Membra viri miseranda meant. hi tendere contra,  
 Hi contra; alternæque virum non cedere dextræ.  
 Hinc medium Telamon Canthum rapit; hinc tenet ardens  
 Colla viri, & molles galeæ Gefander habenas: 365  
 Insonuit quæ lapsa solo, dextramque fefellit.  
 Ille iterum in clypei septemplicis improbus orbem  
 Arietat, & Canthum sequitur, Canthumque reposcit:  
 Quem manus a tergo socium rapit, atque receptum  
 Virginis Euryales curru locat: advolat ipsa, 370  
 Ac simul Hæmonidæ: Gefandrumque omnis in unum  
 It manus. ille novas acies & virginis arma  
 Ut videt, Has etiam contra bellabimus? inquit.  
 Heu pudor! inde Lycen ferit ad confine papillæ;  
 Inde Thoen, qua pelta vacat. jamque ibat in Harpen, 375  
 Vixdum prima levi ducentem cornua nervo,



Illabentis equi tendentem frena & Henippen:  
 Cum regina, gravem nodis auroque securim  
 Congeminans, partem capitis galeæque ferinæ  
 Dissipat. hic pariter telorum immanis in unum. 380  
 It globus: ille diu coniectis sufficit hastis:  
 Quis gravior, nutuque cadens exterruit Idam.  
 Tunc ruit, ut montis latus, aut ut machina muri;  
 Quæ scopulis trabibusque diu confectaue flammis  
 Procubuit tamen, atque ingentem propulit urbem. 385  
 Ecce locum tempusque ratus, jamque & sua posci  
 Proelia, falcatos infert Ariasmenus axes,  
 Sævaque diffundit socium juga, protinus omnes  
 Grajugenas, omnes rapturus ab agmine Colchos.  
 Qualiter, exofus Pyrrhæ genus, æquora rursus 390  
 Juppiter atque omnes fluvium si fundat habenas,  
 Ardua Parnasi lateant juga, cesserit Othrys  
 Piniger, & mersis decrescant rupibus Alpes.  
 Diluvio tali, paribusque Ariasmenus urget  
 Excidiis, nullo rapiens discrimine currus. 395  
 Ægida tum primus virgo spiramque Medusæ  
 Tercentum sævis squalentem sustulit hydris,  
 Quam foli vidistis equi: pavor occupat ingens  
 Excussis in terga viris; diramque retorquet  
 In socios non sponte luem. tunc ensibus uncis 400  
 Implicat, & trepidos lacerat discordia currus.  
 Romanas veluti sævissima cum legiones  
 Tiphone regesque movet; quorum agmina pilis,  
 Quorum aquilis utrinque micant, eademque parentis  
 Rura colunt; idem lectos ex omnibus agris 405  
 Miserat infelix non hæc ad proelia Tiberis.

Sic modo concordēs externaque fata petentes  
 Palladii rapuere metus; sic in sua verfi  
 Funera concurrunt dominis revocantibus axes. 410  
 Non tam foeda virum Laurentibus agmina terris  
 Ejecere Noti; Libyco nec talis imago  
 Litore, cum fractas involvunt æquora puppes.  
 Hinc bijuges, illinc artus tenduntur heriles,  
 Quos radii, quos frena secant; trahiturque trahiturque  
 Currus cæde madens; atroque in pulvere regum 415  
 Viscera nunc aliis, aliis nunc curribus hærent.  
 Haud usquam Colchorum animi: neque cura cavere  
 Tela; sed implicitos miseraque in peste revinctos  
 Confodiunt: ac forma necis non altera surgit,  
 Quam cervos ubi non Umbro venator edaci, 420  
 Non penna petit; hærentes sed cornibus altis  
 Invenit, & cæca constrictos excipit ira.  
 Ipse recollectis audax Ariasmenus armis  
 Defilit: illum acies curvæ secat undique falcis;  
 Partiturque rotis: atque inde furentia raptus 425  
 In juga Circæos tetigit non amplius agros.  
 Talia certatim Minyæ sparsique Cytæi  
 Funera miscebant campis, Scythiamque premebant:  
 Cum Juno Æsonidæ, non hanc ad vellera cernens  
 Esse viam, nec sic reditus regina parandos, 430  
 Extremam molitur opem; funesta priusquam  
 Consilia, ac seras aperit rex perfidus iras.  
 Increpat & sævis Vulcanum mœsta querelis;  
 Cujus flammiferos videt inter regia tauros  
 Pascua Tartaream proflantes pectore noctem. 435  
 Hæc etenim Minyas ne jungere Marte peracto



Monstra fatis jubeat Cadmei dentibus hydri,  
 Ante diem timet, & varias circumspicit artes:  
 Sola animo Medea subit: mens omnis in una  
 Virgine; nocturnis qua nulla potentior aris. 440  
 Illius ad fremitus sparsosque per avia succos  
 Sidera fixa pavent, & avi stupet orbita Solis:  
 Murat agros fluviūmque vias; suus alligat igni  
 Cuncta sopor: recoquit fessos ætate parentes,  
 Datque alias sine lege colus. hanc maxima Circe 445  
 Terrificis mirata modis, hanc advena Phrixus;  
 Quamvis Atracio lunam spumare veneno  
 Sciret, & Hæmoniis agitari cantibus umbras.  
 Ergo opibus magicis & virginitate tremendam  
 Iuno duci sociam conjungere quærit Achivo. 450  
 Non aliam tauris videt & nascentibus armis  
 Quippe parem. medio quam si stet in agmine flammæ,  
 Nullum mente nefas, nullos horrescere visus.  
 Quid si cæcus amor, sævusque accesserit ignis?  
 Hinc Veneris thalamos, semperque recentia fertis 455  
 Testa petit. visa jamdudum profilit altis  
 Diva toris, volucrumque exercitus omnis Amorum.  
 Ac prior hanc placidis supplex Saturnia diæis  
 Aggreditur, veros metuens aperire timores:  
 In manibus spes nostra tuis, omnisque potestas 460  
 Nunc, ait. hoc etiam magis annue vera fatenti,  
 Durus ut Argolicis Tirynthius exsulat oris;  
 Mens mihi non eadem Jovis, atque averfa voluntas:  
 Nullus honor thalamis, flammæve in nocte priores.  
 Da, precor, arificis blanda adspiramina formæ, 465  
 Ornatusque tuos, terra cœloque potentes.

Sensit Diva dolos, jam pridem sponte requirens  
 Colchida & invisi genus omne exscindere Phoebi.  
 Tum vero optatis potitur; nec passa precari  
 Ulterius, dedit acre decus foecundaque monstris 470  
 Cingula; non pietas quibus, aut custodia famæ,  
 Non pudor: at contra levis & festina cupido,  
 Affatusque mali, dulcisque labantibus error,  
 Et metus, & demens alieni cura pericli.  
 Omne, ait, imperium, natorumque arma meorum 475  
 Cuncta dedi: quascunque libet nunc concute mentes.  
 Cingitur arcanis Saturnia læta venenis,  
 Atque hinc virgineæ venit ad penetralia sedis,  
 Chalciopen imitata sono formaque sororem.  
 Fulsit ab invita lumen procul: & pavor artus 480  
 Protinus, atque ingens Æetida perculit horror.  
 Ergo nec ignotis Minyas huc fluctibus, inquit,  
 Advenisse, soror, nec nostro sola parenti  
 Scis socias junxisse manus? at cetera muros  
 Turba tenet, fruiturque virum cœlestibus armis. 485  
 Tu thalamis ignava sedes, tu sola paterna  
 Fixa domo? tales quando tibi cernere reges?  
 Illa nihil contra; nec enim Dea passa: manumque  
 Implicat, & rapidis mirantem passibus aufert.  
 Ducitur infelix ad moenia summa futuri 490  
 Nescia virgo mali, & falsæ commissa sorori.  
 Lilia per vernos lucent velut alba colores,  
 Præcipue quis vita brevis, totusque parumper  
 Floret honor, fuscis & jam Notus imminet alis.  
 Hanc residens altis Hecate Perseïa lucis 495  
 Flebat, & has imo referebat pectore voces:



Deferis, heu, nostrum nemus æqualesque catervas;  
 Ah misera, ut Grajas haud sponte vageris ad urbes!  
 Non iniussa tamen: neque te, mea cura, relinquam.  
 Magna fugæ monumenta dabis; spernere nec usquam 500  
 Mendaci captiva viro: meque ille magistram  
 Sentiet, & raptu famulæ doluisse pudendo.  
 Dixerat, ast illæ murorum extrema capeffunt,  
 Defixæque virûm lituûmque fragoribus horrent:  
 Quales instanti nimborum frigore mœstæ 505  
 Succedunt ramis, hærentque pavore volucres.  
 Jamque Getæ, jamque omnis Hiber, Drancæaque densa  
 Strage cadit legio, & latis prosternitur arvis:  
 Semineces duplicesque inter sua tela, suosque  
 Inter equos sævam misero luctamine versant 510  
 Congeriem, & longis campos singultibus implent.  
 Victores contra patrium Pæana Geloni  
 Congeminant: eadem redeunt mox gaudia victis;  
 Qua Deus & melior belli respexit imago.  
 Quis tales obitus dederit, quis talia facta, 515  
 Dic, age, tuque feri reminiscere, Musa, furoris.  
 Absyrtus clypei radiis curruque coruscus  
 Solis avi; cujus vibrantem comminus hastam  
 Cernere, nec galeam gentes potuere minantem;  
 Sed trepidæ redeunt, & verso vulnera tergo 520  
 Accipiunt, magnisque fugam clamoribus augent:  
 Proterit impulsu gravis agmina, corporaque atris  
 Sternit equis, gemitusque premit spirantis acervi.  
 Nec levior comitatur Aron; horrentia cuius  
 Discolor arma super, squalentesque ære lacertos, 525  
 Barbarica chlamys ardet acu, tremefactaque vento

Implet equum. qualis roseis it Lucifer alis;  
 Quem Venus illustri gaudet producere cœlo.  
 At non inde procul Rhamelus & acer Otaxes  
 Dispulerant Colchos, pariterque inglorius Armes; 530  
 Fraude nova stabula & furtis affuetus inultis  
 Depopulare greges: frontem cum cornibus auxit  
 Hispidus, inque Dei latuit terrore Lycei.  
 Hac tunc attonitos facie defixerat hostes.  
 Quem simul ignota formidine bella moventem 535  
 Vidit Aron; Pavidos te, inquit, nunc rere magistros,  
 Et stolidum petiisse pecus. non pascua, nec seps  
 Hic tibi: nocturnis mitte hæc simulacra rapinis;  
 Neve Deum mihi finge; Deus quoque confere dextram:  
 Sic ait: intentaque adjutum missile planta 540  
 Dirigit, & lapsis patuerunt vulnera villis.  
 Nec minus Æolii proles Æetia Phrixi  
 Fertur & ipsa furens; ac se modo læta Cytæis  
 Agminibus, modo cognatis ostentat Achivis.  
 Atque hos, in medio duri discrimine belli, 545  
 Laudibus inque ipsis, gaudens ubi vidit Iason;  
 Maeste, ait, o nostrum genus, & jam certa propago  
 Æoliæ, nec opina, domus: sat magna laborum  
 Dona fero, satis hoc visu quæcunque rependo.  
 Dixit, & in Sueten, magnique in fata Ceramni 550  
 Emicuit; clypeumque rotans, hunc poplite cæso  
 Dejicit, illum aperit lato per pectus hiatu.  
 Argus utrumque ab equis ingenti porrigit arvo  
 Et Zacorum & Phalcen, peditem pedes haurit Amaltrum:  
 Sanguinis ille globos, effusaque viscera gestat, 555  
 Barbarus & casta frendens sublabitur ira.



Dat Calais Barifanta neci, semperque propinquas  
 Rhipea venali comitantem sanguine pugnas.  
 Centum lecta bouum bellator corpora, centum  
 Pactus equos; his ille animam lucemque rependit 560  
 Crudelis: tandem dulces jam cassus in auras  
 Respicit, ac nulla cœlum reparabile gaza.  
 Labitur intortos per tempora cœrula crines  
 Tunc quoque materna velatus arundine Peucron.  
 At genitrix imis pariter Mæotis ab antris 565  
 Implevit plangore lacus, natumque vocavit,  
 Jam non per ripas, jam non per curva volantem  
 Stagna, nec in medio truncantem marmore cervos.  
 Eurytus Exomatas agit æquore. Nestoris hastæ  
 Immoritur primævus Helix (nec reddita caro 570  
 Nutrimenta patri) brevibus præreptus in annis.  
 At Latagum Zatenque Daraps; illum exigit hasta,  
 Hunc fugat; ingentem subiti cum sanguinis undam  
 Vidit, & extremo lucentia pectora ferro.  
 Ecce autem muris residens Medea paternis, 575  
 Singula dum magni lustrat certamina belli,  
 Atque hos ipsa procul densa in caligine reges  
 Agnoscit, quæritque alios Junone magistra,  
 Conspicit Æsonium longe caput: ac simul acres  
 Huc oculos sensusque refert animumque faventem: 580  
 Nunc quo se raperet, nunc quo diversus abiret,  
 Ante videns; quotque unus equos, quot funderet arma,  
 Orantesque viros quam densis sterneret hastis.  
 Quaque iterum tacito sparfit vaga lumina vultu,  
 Aut fratris quærens, aut pacti conjugis arma, 585  
 Sævus ibi miseræ solusque occurrit Iason.

Tunc his germanam aggreditur, ceu nescia, dictis:  
 Quis, precor, hic, toto jamdudum fervere campo  
 Quem tueor, quemque ipsa vides? nam te quoque tali  
 Attonitam virtute reor. contra aspera Juno 590  
 Reddit agens stimulis, ac diris fraudibus urget:  
 Ipsum, ait, Æsoniden cernis, soror, æquore tanto  
 Debita cognati repetit qui vellera Phrixi;  
 Nec nunc laude prior generis, nec sanguinis usquam.  
 Aspicias, ut Minyas inter, proceresque Cyræos 595  
 Emicet effulgens, quantisque insultet acervis:  
 Et jam vela dabit, jam litora nostra relinquet,  
 Thessaliæ felicitis opes, dilectaque Phrixi  
 Rura petens. eat atque utinam, superetque labores!  
 Tantum effata, magis campis intendere suadet, 600  
 Dum datur, ardentisque viri percurrere pugnas.  
 At simul hanc dictis, illum Dea Marte secundo  
 Impulit, atque novas egit sub pectora vires,  
 Ora sub excelso jamdudum vertice coni  
 Sæva micant; cursusque ardescit: nec tibi, Perse, 605  
 Nec tibi, virgo, jubæ lætabile sidus Achivæ.  
 Acer ut autumnii canis; iratoque vocati  
 Ab Jove fatales ad regna injusta cometæ.  
 Nec sua Crethiden latuit Dea, vimque recentem  
 Sentit agi membris, ac se super agmina tollit: 610  
 Quantus ubi ipse gelu, magnoque incantuit imbre  
 Caucasus, & summas abiit hibernus in Arctos.  
 Tunc vero, stabulis qualis leo sævit opimis  
 Luxurians, spargitque famem, mutatque cruores;  
 Sic neque parte ferox, nec cæde moratur in una 615  
 Turbidus; inque omnes pariter furit: ac modo sævo



Ense, modo infesta rarefcunt cuspide pugnae.  
 Tunc & terrificis undantem crinibus Hebrum,  
 Et Geticum Priona ferit: caput eripit Auch,  
 Brachiaque, & vastis volvendum mittit arenis. 620  
 At genitus Jove complebat sua fata Colaxes;  
 Jamque pater moesto contristat sidera vultu,  
 Talibus agra movens nequidquam pectora curis:  
 Hei mihi, si duræ natum subducere sorti  
 Moliar, atque meis ausim confidere regnis! 625  
 Frater adhuc Amyci moeret nece: cunctaque Divam  
 Turba fremunt, quorum nati cecidere cadentque.  
 Quin habeat sua quemque dies: cunctisque negabo,  
 Quæ mihi, supremos misero sic fatus honores  
 Congerit, atque animis moriturum ingentibus implet. 630  
 Ille volat campis, immensaque funera miscet  
 Per caneos: velut hiberno proruptus ab arcu  
 Imber agens scopulos, nemorumque operumque ruinas;  
 Donec ab ingenti bacchatus vertice montis  
 Frangitur, inque novum paulatim deficit amnem. 635  
 Talis in extremo proles Jovis emicat ævo;  
 Et nunc magnanimos Hypetaona Gesthounque,  
 Nunc Arinen Olbumque necat: jam saucius Apron,  
 Et desertus equo Tydrum pedes excipit hasta  
 Phasiaden; pecoris custos de more paterni 640  
 Caucasus ad primas genuit quem Phasidis undas:  
 Hinc puero cognomen erat; famulumque ferebant  
 Phasidis intonso nequidquam crine parentes.  
 Jamque aliis instabat atrox; cum Diva supremas  
 Rumpit iniqua colus, victorque advenit Iason. 645  
 Excipit hunc sæva sic fatus voce Colaxes:

Vos Scythiæ saturare canes, Scythiæque volucres.  
 Huc miseri venistis? ait: saxumque prehensum  
 Illius & dextræ gestamen, & illius ævi,  
 Concussa molitur humo; quod regia Juno 650  
 Flexit ad ignotum caput infletumque Monefi.  
 Præceps ille ruit. nato non depulit ictus.  
 Juppiter; Æsoniæ vulnus fatale sed hastæ  
 Per clypeum, per pectus abit: lapsoque cruentus  
 Advolat Æsonides, mortemque cadentis acerbat. 655  
 Spargitur hinc, miserisque venit jam notus Alanis.  
 At regina virum (neque enim Deus amovet ignem)  
 Persequitur lustrans, oculisque ardentibus hæret:  
 Et jam, læta minus præsentis imagine pugnae,  
 Castigatque metus, & quas alit inscia, curas; 660  
 Respiciens, an vera soror: nec credere falsos  
 Audet atrox vultus, eademque in gaudia rursus  
 Labitur, & sævæ trahitur dulcedine flammæ.  
 Ac velut ante comas ac summa cacumina silvæ  
 Lenibus alludit flabris levis Auster: at illum 665  
 Protinus immanem miseræ sensere carinæ:  
 Talis ad extremos agitur Medea furores.  
 Interdum blandæ derepta monilia Divæ  
 Contrectat, miseroque aptat flagrantia collo:  
 Quaque dedit teneros aurum furiale per artus, 670  
 Deficit; ac sua virgo Deæ gestamina reddit:  
 Non gemmis, non illa levi turbata metallo,  
 Sed facibus, sed mole Dei; quem pectore toto  
 Jam tenet: extremus roseo pudor errat in ore.  
 Ac prior his: Credisne patrem promissa daturum; 675  
 O soror, Argolicus cui Dis melioribus hospes



Contigit? aut belli quantum jam restat acerbi?  
 Heu quibus ignota sese pro gente periclis  
 Objicit! hæc fantem medio in sermone reliquit  
 Incepti jam Juno potens, securaque fraudis. 680  
 Imminet e celsis audentius improba muris  
 Virgo, nec ablatam sequitur quæritve sororem.  
 At quoties vis dira ducum, densique repente  
 Æsoniden pressere viri, cumque omnis in unum  
 Imber iit, toties saxis pulsatur & hastis. 685  
 Primaque ad infesti Lexanoris horruit arcus;  
 Alta sed Æsonium supra caput exit arundo,  
 Teque, Cæce, petit. conjux miseranda Cæico  
 Linquitur, & primo domus imperfecta cubili.  
 Regius Eois Myraces interpretis ab oris 690  
 Venerat, ut Colchos procul atque Ætæia Parthis  
 Fœdera donato non irrita jungeret auro.  
 Tum juvenem terris Parcæ tenuere Cytæis,  
 Ac subiti Mavortis amor: simul armiger ibat  
 Semivir, impubemque gerens sterilemque juventam. 695  
 Ipse, pharetratis residens ad frena taperis,  
 Nunc levis infesto procurrit in agmina curru:  
 Nunc fuga conversas spargit mentita sagittas,  
 At viridem gemmis & Eoæ stamine silvæ  
 Subligat extrema patrium cervice tiamam, 700  
 Insignis manicis, insignis acinace dextro;  
 Improba barbaricæ procurrant tegmina plantæ.  
 Nec latuere diu sævum spolia illa Syenen,  
 Perque levem & multo maculatam murice tigrin  
 Conçita cuspis abit: subitos ex ore cruores 705  
 Saucia tigris hiat, vitamque effundit herilem:

Ipse puer fracto pronum caput implicat arcu.  
 Sanguine tunc atro ehlamys ignea, sanguine vultus,  
 Et gravidæ maduere comæ, quas flore Sabæo  
 Nutrierat, liquidoque parens signaverat auro. 710  
 Qualem si quis aquis & fertilis ubere terræ  
 Educat, ac ventis oleam felicibus implet,  
 Nec labor assiduus, nec spes sua fallit alentem;  
 Jamque videt primam tenero de vertice frondem:  
 Cum subito immixtis præceps aquilonia nimbis 715  
 Venit hiems, nigraque evulsam tendit arena.  
 Haud secus ante urbem Myraces, atque ipsius ante  
 Virginis ora cadit: sed non magis illa movetur  
 Unius ægra metu, quam te, Meleagre, furentem,  
 Quam Talaum videt, aut pugnas miratur Acasti 720  
 (At satis hos ipsæ gentes, campique videbant)  
 Tempestate pari versis incumbere turmis:  
 Ante oculos fuga fœda ducum, largusque cadentum  
 It cruor, & currus dominis ingentibus orbi.  
 Non tulit hos Perseus gemitus: clademque suorum, 725  
 Tergaque versa tuens his cœlum questibus implet:  
 Quid me jam patriis ejectum sedibus istas  
 Ut struerem pugnas, Scythiamque in bella moverem,  
 Vos Superi, vos augurio lufistis inani?  
 Quid fratris meritas tua, Juppiter, omina pœnas 730  
 Promisere mihi? nobis Argoa parabas  
 Scilicet auxilia, & tantas conjungere vires.  
 Sæva quidem lucis miseris mora: dent tamen, oro,  
 Unum illum mihi fata diem, quo fallat Achivos  
 Sic meritos; quoque hunc videam virtute superbum 735  
 Æsoniden, tantos flentem sine honore labores.



Dixerat hæc, pectusque suis everberat armis,  
 Et galeam fletu, galeam singultibus implet:  
 Ibat & in medii præceps incendia belli;  
 Ni prior adversis Pallas vidisset ab armis; 740  
 Et secum: Ruit ecce ferox in funera Perles;  
 Quem genitor Colchis folioque reponere fratris  
 Jam statuit. nostra vereor ne fraude peremtum  
 Increpet, & culpam hanc magno terrore rependat.  
 Hæc dicens, atro nebulam diffundit amictu, 745  
 Stridentisque viri circum caput amovet hastas.  
 Ille super focias clementi turbine gentes  
 Erigitur, paulumque levi raptatus in æthra,  
 Jam tandem extremas pugnae defertur in oras:  
 Forte ubi ferus Hiber Effedoniæque phalanges 750  
 Marte carent, solisque juvant clamoribus agmen.  
 Nox simul astringit profert mortalibus umbras;  
 Et cadit extemplo belli fragor, ægraque muris  
 Digreditur, longum virgo perpeffa timorem.  
 Ut fera Nyctelii paulum per sacra resistunt, 755  
 Mox rapuere Deum jamjam in quodcunque paratæ  
 Thyades, haud alio remeat Medea tumultu,  
 Atque inter Grajûmque acies patriasque phalanges  
 Semper inexpletis agnoscit lasona curis,  
 Armaque, quique cava superest de casside vultus. 760

C. VALERII FLACCI  
 SETINI BALBI  
 ARGONAUTICON  
 LIBER SEPTIMUS.



LIBRI SEPTIMI  
ARGUMENTUM  
ÆGIDIO MASERIO

AUCTORE.

*MEDEAM urit amor. promissum perfidus aurum  
Rex Æeta negat: nisi serpens Martia justo  
Congressu ignotam fateatur victa quietem:  
Et juga flammivomi subeant nisi ferrea tauri:  
Terrigenæque armis cedant. mirata parentem  
Phasias ingratum Cythereo proditur astu:  
Et juvenis miserata necem sublimia linquit  
Mœnia: datque herbas, virosa aconita, novercis  
Cognita Thessalicis. thalamos non spernit Iason.  
Fatales panduntur agri: taurique domantur.  
Vomere vertuntur glebæ: ferus emicat arvis  
Miles: & effusis fratrum cadit ense venenis.*

C. VALERII FLACCI  
SETINI BALBI  
ARGONAUTICON  
LIBER VII.

**T**E quoque Thessalico jam serus ab hospite vesper  
Dividit, & te jam tua gaudia, virgo, relinquunt:  
Noxque ruit, soli veniens non mitis amanti.  
Ergo ubi, cunctatis extremo in limine plantis,  
Contigit ægra toros, & mens incensa tenebris;  
Vertere tunc varios per longa insomnia questus,  
Nec pereat quo scire malo: tandemque fateri  
Ausa sibi, paulum medio sic fata dolore est:  
Nunc ego quo casu, vel quo sic pervigil usque  
Ipsa volens errore trahor? non hæc mihi certe  
Nox erat ante tuos, juvenis fortissime, vulnus.  
Quos ego cur iterum demens iterumque recordor,  
Tam magno discreta mari? quid in hospite solo  
Mens mihi? cognati potius jam vellera Phrixi  
Accipiat, quæ sola petit, quæque una laborum  
Causa viro. nam quando domos has ille revisset?



Aut meus Æsonias quando pater ibit ad urbes?  
 Felices, mediis qui se dare fluctibus ausi,  
 Nec tantas timuere vias, talemque secuti  
 Hunc qui deinde virum: sed sic quoque talis abito. 20  
 Tum iactata toro, nimiumque experta cubile,  
 Ecce videt tenui candescere limen Eoo:  
 Nec minus insomnem lux orta refecit amantem,  
 Quam cum languentes levis erigit imber aristas,  
 Grataque jam fessis descendunt flamina remis. 25  
 At sua longarum Minyas jam cura viarum  
 Admonet, inque ipso nequidquam tempore regem  
 Lætitiæ meritiq; petunt; quem passus Iason  
 Vota prius captasque Deis accendere prædas,  
 Prominet, atque oculos longe tenet; aurea si jam 30  
 Pellis, & oblati clarescant atria villis.  
 Ille autem jamjam vultus vocesque paratas  
 Ante aperit; rumpitque moras, inque ipsa morantis  
 Profilit ora viri, talique effunditur ira:  
 Orbe satos alio, sua litora regnaque habentes, 35  
 Quis furor has mediis tot fluctibus egit in oras,  
 Quisve mei vos tantus amor? tu prima malorum  
 Causa mihi; tu, Phrixæ gener: non te æquore mersum;  
 Quo soror, ut felix nullos nunc nomine Grajos  
 Nossem ego. quis regum Pelias, quis Theffalus, aut quæ 40  
 Græcia? quodnam hominum cerno genus? aut ubi cautes  
 Cyanæ? venit Scythicas en hospes in oras.  
 Quinquaginta Asiam (pudet heu!) penetrarit Iason  
 Exsulibus? meque ante alios sic spreverit una,  
 Una raris, spollum ut vivo de rege reportet?  
 Ipsum efferre, meos ipsum me pandere lucos

Imperet, & nullo dignetur vincere bello?  
 Cur, age, non templis sacrata avellere dona  
 Omnibus, atque ipsas gremiis abducere natas,  
 Prædo, libet? vobisne domos, vobisne parentes 50  
 Esse putem, ratis infandis quos sola rapinis  
 Sævaque pascit hiems? & quos, credamus ut ipsis,  
 Rex suus illisit pelago, veruitque reverti?  
 Scilicet Æoliæ pecudis poteretur ut auro?  
 Ante meus cæsa descendet Caucasus umbra, 55  
 Ac prior Hæmonias repetet super æquora prædas.  
 Haud ego cum vittis statui feralibus Hellen.  
 Si tamen his aliter perstas non cedere terris,  
 Teque pudor casti reditus movet, ac later una  
 Nescio quid plus puppe viris; haud ipse morabor 60  
 Quæ petitis: modo nostra prior tu perfice iussa.  
 Martius ante urbem longis jacet horridus annis  
 Campus, & ardentes, ac me quoque vomere presso,  
 Me quoque cunctantes interdum agnoscere tauri.  
 His magis atque magis rabiem nunc nostra senectus 65  
 Luxuriamque dedit; solitoque superior ignis  
 Ore fremit. succede meæ, fortissime, laudi;  
 Et nostros recole, hospes, agros. nec semina deerunt,  
 Quæ prius ipse dabam, & messes, quas solus obibam.  
 Consiliis nox una satis. tecumque retracta, 70  
 Cumque tuis hæc iussa Deis: ac, si quid in isto est  
 Robore, prædicti venies in rura laboris.  
 Ipse incertus adhuc, tenebris te protinus illis  
 Involvi flammisque velim: durare parumper  
 An magis, everso jacias dum semina campo, 75  
 Ac tibi Cadmei dum seminis exeat hydri



Miles, & armata florescant pube novales.  
 Filia prima trucid vocem mirata tyranni  
 Hæsit, & ad juvenem pallentia rettulit ora,  
 Contremuitque metu, ne nescius audeat hospes; 80  
 Seque miser ne posse putet. perstrinxerat horror  
 Ipsum etiam, & mœsta stabat defixus in ira.  
 Non ita Tyrrenus stupet Ioniusque magister,  
 Qui portus, Tyberine, tuos, claramque serena  
 Arce Pharon præceps subiit: nusquam ostia, nusquam 85  
 Ausoniam videt, & sævas accedere Syrtes.  
 Tum tamen, infando quæ det responsa tyranno,  
 Colligit, & tandem obtutu confurgit ab alto:  
 Non, ait, hos reditus, non hanc, Æeta, dedisti  
 Spem Minyis: cum prima tuis pro mœnibus arma 90  
 Induimus. quo versa fides? quos vestra volutant  
 Jussa dolos? alium hic Pelian, alia æquora cerno.  
 Quin agite, hoc omnes odiisque urgete tyranni  
 Imperiisque caput; quanquam mihi dextera, nec spes 95  
 Defuerit mox jussa pati, nec cedere duris.  
 Unum oro, seu me illa suis seges obruet hastis,  
 Hauriet adverso seu crastinus ignis hiatu;  
 Nuntius hinc sævas Pelix mittatur ad aures,  
 Hic periisse viros; & me, si vestra fuisset 100  
 Ulla fides, reducem patriæ potuisse referri.  
 Talibus attonitos dictis natamque patremque  
 Linqvit, & infida præceps prorumpit ab aula.  
 At trepida & medios inter deserta parentes  
 Virgo filet: nec fixa solo servare parumper  
 Lumina, nec potuit mœstos non flectere vultus: 105  
 Respexitque fores, & adhuc invenit euntem:

Vifus & heu miseræ tunc pulchrior hospes amanti  
 Discedens: tales humeros, ea terga relinquit.  
 Illa domum atque ipsos paulum procedere postes  
 Optat, & ardentem tenet intra limina gressus. 110  
 Qualis, ubi extremas lo vaga sentit arenas,  
 Fertque refertque pedem; tumido quam cogit Erinnyis  
 Ire mari, Phariæque vocant trans æquora matres.  
 Circuit haud aliter, foribusque impendet apertis,  
 An melior Minyas revocet pater: oraque quærens 115  
 Hospitis, aut solo mœret defæta cubili,  
 Aut venit in caræ gremium refugitque sororis,  
 Atque loqui conata filet; rursusque recedens  
 Quærit, ut Ææis hospes confederit oris  
 Phrixus, ut aligeri Circen rapuere dracones. 120  
 Tum comitum visu fruitur miseranda suarum,  
 Implerique nequit; subitoque parentibus hæret  
 Blandior, & patriæ circumfert oscula dextræ.  
 Sic affueta toris & mensæ dulcis herili,  
 Egra nova jam peste canis rabieque futura, 125  
 Ante fugam totos lustrat queribunda penates.  
 Tandem etiam molli sese semel increpat ira:  
 Pergis, ait, demens; teque illius angit imago  
 Curaque, qui profuga forsitan tenet alta carina?  
 Quique meum patrias referet nec nomen ad urbes? 130  
 Quid me autem sic ille movet, superetne labores,  
 An cadat, & tanto turbetur Græcia luctu?  
 Saltem, fata virum si jam suprema ferebant,  
 Jussus ad ignotos potius foret ire tyrannos!  
 O utinam, & tandem non hac moreretur in urbe! 135  
 Namque & fidereo nostri de sanguine Phrixi



Dicitur; & caram vidi indoluisse sororem:  
 Seque ait has iussis actum miser ire per undas:  
 Aut redeat quocunque modo, meque ista precari  
 Nesciat, atque meum non oderit ille parentem. 140  
 Dixerat hæc, stratoque graves projecerat artus,  
 Si veniat miserata quies; cum sævior ipse  
 Turbat agitque sopor: supplex hinc sternitur hospes,  
 Hinc pater: illa nova rumpit formidine somnos,  
 Erigiturque toro; famulas carosque penates 145  
 Agnoscit, modo Theffalicas raptata per urbes:  
 Turbidus ut pœnis cæcisque pavoribus ensem  
 Corripit, & sævæ ferit agmina matris Orestes;  
 Ipsum angues, ipsum horrifoni quatit ira flagelli;  
 Atque iterum infestæ se fervere cæde Lacænae 150  
 Credit agens, falsaque redit de strage Dearum  
 Fessus, & in miseræ collabitur ora sororis.  
 His ubi nequidquam nutantem Colchida curis  
 Juno videt necdum extremo parere furori;  
 Non jam mentitæ vultum vocemque resumit 155  
 Chalciopes; quando arbor hebet, leviorque pudori  
 Mensque obnixa malo; tenues sublimis in auras  
 Tollitur, & fulvo Venerem vestigat Olympo:  
 Sum memor, ut tantum mecum partita laborem;  
 Illa nimis sed dura manet, conversaque in iram 160  
 Et Furias dolet, ac me nunc decepta reliquit.  
 I, precor, atque istum, quo me frustratur, amorem  
 Vince, precor; patriis ut tandem evadere tectis  
 Audeat, atque meum casu defendere ab omni  
 Æsoniden. quin illa sacro, quo freta, veneno 165  
 Illum etiam totis adstantem noctibus anguem,

Qui nemus omne suum, quique aurea (respice porro)  
 Vellera tot spiris circum, tot ductibus implet,  
 Solvat, & in somnos ingenti solvat ab orno.  
 Hæc tibi nunc: Furiis, atque ipsi cetera mando. 170  
 Tum Venus aligerum mater sic fatur Amorum:  
 Nec tibi, cum primos aggressa es flectere sensus  
 Virginis, ignotaque animum contingere cura,  
 Desuimus: data continuo sed cingula soli  
 Nostra tibi, quis mota loco labefactaque cessit. 175  
 Haud satis est; sed me ipsa opus: & cunctantia poscunt  
 Pectora me, dubiusque pudor: jam fœdera faxo  
 Æsonii perat ipsa viri, metuatque morari.  
 Tu face luciferæ citus ad delubra Dianæ  
 Deveniat, sacras solita est ubi fundere tædas 180  
 Colchis, & æquali dominam lustrare caterva.  
 Nec te nunc Hecates subeat metus, aut mea forte  
 Impediat ne cœpta time. quin audeat opto:  
 Continuo transibit amor; cantuque trilingui  
 Ipsam flammiferos cogam compescere tauros; 185  
 Amplexumque pati. volucrem tunc aspicit Irin,  
 Festinamque jubet monitis parere Diones;  
 Et juvenem Æsonium prædicto sistere luco.  
 Protinus hinc Iris Minyas, Cytherea petivit  
 Colchida: Caucasii speculatrix Juno reledit 190  
 Rupibus, attonitos Ææa in mœnia vultus  
 Speque metuque tenens, & adhuc ignara futuri.  
 Vix primas occulta Venus prospexerat arces;  
 Virginis ecce novus mentem perstringere languor  
 Incipit: ingeminant commotis questibus ætus. 195  
 Ergo iterum sensus varios super hospite volvens  
 Val. Flaccus. M



Mœret, & absenti nequidquam talia fatur.  
 Si tibi Theſſalicis, nunc ſi tua forte venenis  
 Mater, & heu, ſi qua eſt, poſſet ſuccurrere conjux!  
 Quidve tuos virgo poſſim niſi flere labores? 200  
 Hoc ſatis; ipſa etiam caſus ſpectare ſupremos,  
 Atque iterum duræ cogar comes eſſe forori.  
 Et nunc ille ſua non quemquam forte moveri,  
 Non ullum meminiffe putat: cumque omnibus odit  
 Me quoque, ſi quando fuerit tamen ulla poteſtas, 205  
 Illum ego, qui diris cinis ultimus hæſerit arvis,  
 Oſſaque, quis tauri ſævusque pepercerit ignis,  
 Componam, ſedemque dabo. fas tunc mihi manes  
 Dilexiſſe viri, tumuloque has reddere curas.  
 Dixerat. ecce toro Venus improvifa reſedit, 210  
 Sicut erat mutata Deam, mentitaque piſtis  
 Veſtibus & magica Circeſis Titanida virga.  
 Ipſa, velut leni fallatur imagine ſomni,  
 Hic oculos incerta tenet, magnique ſororem  
 Paulatim putat eſſe patris: tum flebile gaudens 215  
 Proſiluit, ſævæque ultro tulit oſcula Divæ.  
 Ac prior: O tandem, vix tandem reddita, Circe,  
 Dura tuis; quæ te bijugis ſerpentibus egit  
 Hinc fuga? quæve fuit patriis mora gratior oris?  
 Ante & Theſſalicæ Phæſin petiere carinæ, 220  
 Perque tot infelix fruſtra vada venit Iaſon,  
 Quam patriæ te movit amor. tum cetera rumpit,  
 Occurritque Venus: Tu nunc mihi cauſa viarum  
 Sola: tuæ venio (jam pridem gnara) juventæ:  
 Cetera parce queri; neu me meliora ſecutam 225  
 Argue: quippe ut jam reputentur munera Divûm.

Omnibus hunc potius communem animantibus orbem,  
 Communes & crede Deos. patriam inde vocato,  
 Qua redit itque dies. nec nos, o nata, malignus  
 Cluſerit hoc uno ſemper ſub frigore Phæſis. 230  
 Fas mihi non habiles, fas & tibi linquere Colchos.  
 Et nunc Auſonii conjux ego regia Pici:  
 Nec mihi ſtammiferis horrent ibi paſcua tauris;  
 Meque vides Tuſci dominam maris. at tibi quinam  
 Sauromatæ, miſeranda, proci? cui vadis Hiberno, 235  
 (Hei mihi!) vel ſævo conjux non una Gelono?  
 Illa Deæ contra jamdudum ſpernere voces:  
 Non ita me immemorem magnæ Perſeidos, inquit,  
 Cernis, ut infelix thalamos ego cogar in illos.  
 I, precor, atque unum pro me dimitte timorem. 240  
 Sed magis his miſeram, quando potes, eripe curis;  
 Unde merus æſtusque mihi, quæque aſpera, mater,  
 Perpetior duræ jamdudum incendia mentis.  
 Nulla quies animo, nullus ſopor: ardua amanti.  
 Quære malis noſtris requiem, mentemque repone: 245  
 Redde diem noctemque mihi; da prendere veſtes  
 Somniſeras, ipſaque oculos componere virga.  
 Tu quoque nil, mater, prodes mihi: fortior ante  
 Sola fui. triſtes thalamos, infeſtaque cerno  
 Omnia, vipereos ipſi tibi ſurgere crines. 250  
 Talia verba dabat, collapſaque flebat iniquæ  
 In Veneris Medea ſinus, peſtemque latentem  
 Oſſibus, atque imi monſtrabat pectoris ignem.  
 Occupat amplexu Venus, & furialia figit  
 Oſcula, permixtumque odiis inſpirat amorem. 255  
 Dumque illam variis mœrentem vocibus ambit,



Inque alio sermone tenet; Quin hoc, ait, audi,  
 Atque attolle genas. lacrimisque hæc infit obortis:  
 Cum levis a superis ad te modo laberer auris;  
 Forte ratem primo fugientem litore cerno, 260  
 Qualem nostra suo nunquam dimittere portu  
 Vellet, adhuc omnes quæ detinet insula nautas.  
 Unus ibi ante alios, qui tum mihi pulchrior omnes  
 Visus erat (longeque ducem mirabar & ipsa)  
 Advolat, atque unam comitum ratus esse tuarum: 265  
 Per, tibi si quis, ait, morituri protinus horror,  
 Et quem non meritis videas occurrere monstris,  
 Hæc præcor: hæc dominæ referas ad virginis aurem:  
 Tu fletus ostende meos: illi has ego voces,  
 Qua datur, hæcque manus, ut possum, a litore tendo. 270  
 Ipsæ, ego quas mecum per mille pericula traxi,  
 Defecere Deæ. spes & via sola salutis,  
 Quam dederit, si forte dabit. ne vota repellat,  
 Ne mea: totque animas, quales nec viderit ultra;  
 Dic præcor, auxilio juvet, atque hæc nomina servet. 275  
 Si Pelopis duros prior Hippodamia labores  
 Expediit, totque ora simul jugulata procorum  
 Respiciens, tandem patrios exhortuit axes:  
 Si dedit ipsa neci fratrem Minoïa virgo:  
 Cur non hospitibus fas sit succurrere dignis 280  
 Te quoque, & Ææos jubeas mitescere campos?  
 Occidat æterna tandem Cadmeïa morte  
 Jam leges, & viso fumantes hospite tauri.  
 Hei mihi, quod nullas hic possum exsolvere grates!  
 Ut tamen hoc sæva corpus de morte receptum, 285  
 Hanc animam sciat esse suam, miserebitur ergo?

Dic, ait, an potius? strictumque ruebat in ensen.  
 Promisi: ne falle, precor. cumque ipsa moverer  
 Alloquio casuque viri, te passa rogari  
 Sum potius: tu laude nova, te supplice digno. 290  
 Dignior es: sat fama meis jam parta venenis.  
 Torserat illa gravi jamdudum lumina vultu  
 Vix animos dextramque tenens, quin ipsa loquentis  
 Iret in ora Deæ; tanta pudor æstuat ira  
 Verba cavens: horror molles invaserat annos. 295  
 Jamque toro trepidas infelix obstruit aures;  
 Nec quo ferre fugam, nec quo se vertere posset  
 Prensa videt: rupta condi tellure premique  
 Jamdudum cupit, ac diras evadere voces.  
 Illa sequi jubet, & portis expectat in ipsis. 300  
 Sævus Echionia ceu Penthea Bacchus in aula  
 Deserit, injectis per roseida cornua vinclis;  
 Cum tenet ille Deum, pudibundaque tegmina matris,  
 Tympanaque, & mollêm subito miser accipit hastam.  
 Haud aliter deserta pavet, perque omnia circum 305  
 Fert oculos, testisque negat procedere virgo.  
 Contra sævus amor, contra periturus Iason  
 Urget, & auditæ crescunt in pectore voces.  
 Heu quid agat? videt externo se prodere patrem.  
 Dura viro: famam scelerum jamque ipsa suorum. 310  
 Prospicit, & questu superos, questuque fatigat  
 Tartara: pulsat humum, manibusque immurmurat uncis,  
 Noctis heram Ditemque ciens, succurrere tandem  
 Morte velint, ipsumque simul dimittere leto,  
 Quem propter furit: absentem sævissima poscit 315  
 Nunc Pelian, tanta juvenem qui perderet ira:  
 M. 3.



Sæpe suas misero promittere destinat artes,  
 Denegat, atque una potius decernit in ira;  
 Ac neque tam turpi cessuram semper amori  
 Proclamat, neque opem ignoto viresque daturam: 320  
 Atque toro projecta manet: cum visa vocari  
 Rursus, & impulso sonuerant cardine postes.  
 Ergo ubi nescio quo penitus se numine vinci  
 Sentit, & abscisum quidquid pudor ante monebat;  
 Tum thalami penetrale petit, quæ maxima norat 325  
 Auxilia Hæmonia quærens pro rege carinæ.  
 Utque procul magicis spirantia tecta venenis,  
 Et sævæ patuere fores, oblataque contra  
 Omnia, quæ Ponto, quæ Manibus eruit imis,  
 Et quæ sanguinea Lunæ destrinxit ab ira: 330  
 Tune sequeris, ait, quidquam, aut patiære pudendum,  
 Cum tibi tot mortes, scelerisque brevissima tanti  
 Effugia? hæc dicens, qua non velocius ulla,  
 Pestiferam toto nequidquam lumine lustrat.  
 Cunctaturque super, morituraque colligit iras. 335  
 O nimium jucunda dies, quam cara sub ipsa  
 Morte magis! stetit, & sese mirata furentem est.  
 Occidis, heu! primo potes hoc durare sub ævo?  
 Nec tu lucis, ait, nec videris ulla juventæ  
 Gaudia? nec dulces fratris pubescente malas? 340  
 Hunc quoque, qui nunc est primævus, lasona nescis  
 Morte perire tua, qui te nunc invocat unam,  
 Qui rogat, & nostro quem primum in litore vidi?  
 Cur tibi fallaces placuit conjungere dextras?  
 Tun' poteras istis juvenem non perdere monstros 345  
 Protinus? ipsa etiam, fateor, tunc ipsa volebam.

Testor cara tuas, Circe Titania, voces:  
 Te ducente sequor: tua me grandæva fatigant  
 Consilia, & monitis cedo minor: hæc ubi fata,  
 Rursus ad Hæmonii juvenis curamque metumque 350  
 Vertitur: hunc solum propter seu vivere gaudens,  
 Sive mori, quodcunque velit. majora precatur  
 Carmina, majores Hecaten immittere vires  
 Nunc sibi; nec notis stabat contenta venenis.  
 Cingitur inde finus, & qua sibi fida magis vis. 355  
 Nulla, Prometheæ florem de sanguine fibræ  
 Caucasium, tonitru nutritaque gramina, promittit,  
 Quæ sacer ille nives inter tristisque pruinas  
 Durat editque cruor; cum viscere vultur adesto.  
 Tollitur e scopulis, & rostro irrorat aperto. 360  
 Idem nec longi languescit finibus ævi  
 Immortale virens: idem stat fulmina contra  
 Sanguis, & in mediis florescunt ignibus herbæ.  
 Prima Hecate Stygiis duratam fontibus harpen.  
 Intulit, & validas scopulis effodit aristas: 365  
 Mox famulæ monstrata seges, quæ lampade Phœbes.  
 Sub decima juga foeta metit, sævitque per omnes  
 Reliquias sanemque Dei; gemit irritus ille  
 Colchidos ora tuens: totos tunc contrahit artus  
 Monte dolor, cunctæque tremunt sub falce catenæ. 370  
 Talibus infelix contra sua regna venenis  
 Induitur, noctique tremens infertur opacæ.  
 Dat dextram vocemque Venus, blandisque paventem  
 Alloquitur, junctoque trahit per mœnia passu.  
 Qualis adhuc teneros supremum pallida foetus. 375  
 Mater ab excelso produxit in aera nido,



Hortaturque sequi, brevibusque insurgere pennis;  
 Illos cærulei primus ferit horror Olympi;  
 Jamque redire rogant, assuetaque quæritur arbor.  
 Haud aliter cæcæ per mœnia deficit urbis 380  
 Incedens, horretque domos Medea silentes.  
 Hic iterum extremæ nequidquam in limine portæ  
 Substitit, atque iterum fletus animique soluti:  
 Respexitque Deam, paulumque his vocibus hæsit:  
 Ipse rogat certe, meque ipse implorat Iason. 385  
 Nullane culpa subest? labes non ulla pudoris,  
 Nullus amor: nec turpe viro servire precanti?  
 Illa nihil contra, vocesque abruptit inanes.  
 Et jam jam magico per opaca silentia Colchis  
 Cœperat ire sono, monstrataque condere vultus 390  
 Numina, cumque suis averti collibus amnes:  
 Jam stabulis gregibusque pavor, strepitusque sepulcris  
 Inciderat: stupet ipsa gravi nox tardior umbra.  
 Jamque tremens longe sequitur Venus, utque sub altis  
 Pervenere trabes, Divæque triformis in umbram; 395  
 Hic subito ante oculos nondum speratus Iason  
 Emicuit: viditque prior conterrita virgo.  
 Atque hic se profugam volucris Thaumantias ala  
 Sustulit: inde Venus dextræ dilapsa tenenti.  
 Obvius ut fera cum se sub nocte magistris 400  
 Impingit pecorique pavor; qualesve profundum  
 Per chaos occurrunt cæcæ sine vocibus umbræ:  
 Haud secus in mediis noctis nemorisque tenebris  
 Inciderant ambo attoniti, juxtaque subibant,  
 Abietibus tacitis aut immotis cyparissis 405  
 Assimiles, rapidus nondum quas miscuit auster.

Ergo ut erat vultu defixus uterque silenti,  
 Noxque suum peragebat iter; jam jam ora levare  
 Æsoniden, farique cupit Medea priorem.  
 Quam simul effusus pavitantem fletibus heros, 410  
 Flagrantisque genas vidit, miserumque pudorem:  
 Has tandem voces dedit, & solatus amantem est:  
 Fersne aliquam spem lucis? ait. miserata laborem  
 Nempe venis? an & ipsa mea lætabere morte?  
 Ne, precor, infando similem te, virgo, parenti 415  
 Gesseris: haud tales decet inclementia vultus.  
 Hæcine nunc grates, hæc expectata laborum  
 Dona dari decuit? sic te sub teste remitti  
 Fas me, virgo, tuum? justas da vocibus aures.  
 Nec pater ille tuus tantis me opponere monstris, 420  
 (Quid meritum?) aut tales voluit me pendere pœnas.  
 An jacet externa quod nunc mihi cuspide Canthus?  
 Quodque meus vestris cecidit pro mœnibus Iphis?  
 Aut Scythiæ tanta inde manus? jussisset abire  
 Perfidus, atque suis extemplo cedere regnis. 425  
 Spem mihi promissam per quæ discrimina rursus;  
 Et reddat qua lege, vides. occumbere tandem  
 Possumus: idque sedet, quam non quæcunque subire  
 Patris jussa tui: nunquam sine vellere abibo  
 Hinc ego: degenerem nec me tu prima videbis. 430  
 Hæc ait. illa tremens, ut supplicis aspicit ora  
 Conticuisse viri, jamque & sua verba reposci;  
 Nec quibus incipiat demens videt, ordine nec quo;  
 Quove tenus, prima cupiens effundere voce  
 Omnia, sed nec prima pudor dat verba timenti. 435  
 Hæret, & attollens vix tandem lumina fatur:



Quid, precor, in nostras venisti, Theſſale, terras?  
 Unde mei ſpes ulla tibi? tantosque petiſti  
 Cur non ipſe tua fretus virtute labores?  
 Nempe, ego ſi patriis timuiſſem excedere teſtis, 440  
 Occideras: nempe hanc animam ſors ſæva manebat  
 Funeris. en ubi Iuno, ubi nunc Tritonia virgo;  
 Sola tibi quoniam tantis in caſibus adſum  
 Externæ regina domus: miraris & ipſe,  
 Credo: nec agnoſcunt hæc nunc Ætida ſilvæ. 445  
 Sed fatiſ ſum viſta tuis. cape munera ſupplex  
 Non mea; ſequere iterum Pelias ſi perdere quæret;  
 Inque alios caſus, aliaſque immittet ad urbes;  
 Heu formæ ne crede tuæ. Titania jamque  
 Gramina, Perſæſque ſinu depromere vires 450  
 Cœperat; his iterum compellat Iaſona diſtis:  
 Si tamen aut ſuperis aliquam ſpem ponis in ipſis;  
 Aut tua præſenti virtus educere leto  
 Si te forte poteſt; & jam nunc deprecor, hoſpes;  
 Me ſine, & inſontem miſero dimitte parenti. 455  
 Dixerat. extemplo (neque enim matura ruebant  
 \* Sidera, & extremum ſuffixerat axe Booten)  
 Cum gemitu & multo juveni medicamina ſietu  
 Non ſecus ac patriam, pariter famamque decuſque;  
 Objicit. ille manu ſubito, & vim corripit omnem. 460  
 Inde ubi facta nocens, & non revocabilis unquam  
 Ceſſit ab ore pudor, propiorque implevit Erinnyſ;  
 Carmina nunc totos volvit figitque per artus  
 Æſonidæ, & totum ſepteno murmure fertur  
 Per clypeum, atque viro graviorem reddidit haſtam: 465  
 Jamque ſui tauris languent absentibus ignes.

Nunc age, & has, inquit, criſtas galeamque reſume;  
 Quam modo funerea tenuit Diſcordia dextra.  
 Hanc jace per medias, cum verteris æquora, meſſes:  
 Protinus in ſeſe converſa furoribus ibit 470  
 Cuncta phalanx: atque ipſe fremens mirabitur, & me  
 Reſpiciet fortatſe pater. ſic deinde locuta  
 Jam magis atque magis mentem ſuper alta ferebat  
 Æquora: pandentes Mynias jam vela videbat  
 Se ſine: tum vero extremo percuffa dolore 475  
 Arripit Æſoniden dextra, ac ſubmiſſa profatur:  
 Sis memor, oro, mei, contra memor ipſa manebo;  
 Crede, tui. quando hinc aberis, dic quæſo, profundum  
 Quod cœli ſpectabo latus? ſed te quoque tangat  
 Cura mei quocunq; loco, quocunq; per annos: 480  
 Atque hunc te meminiffe velis, & noſtra fateri  
 Munera; ſervatum pudeat nec virginis arte.  
 Hei mihi, cur nullos ſtringunt tua lumina ſletus?  
 An me mox merita morituram patris ab ira  
 Diſſimulas? te regna tuæ felicia gentis, 485  
 Te conjux natæque manent: ego prodita obibo.  
 Nec queror, & pro te lucem quoque læta relinquam.  
 Protinus hoſpes ad hæc, (tacitis nam cantibus illum  
 Flexerat, & ſimili jamdudum affarat amore)  
 Tune, ait, Æſoniden quidquam te velle relicta 490  
 Credis; & ulla pati ſine te loca? redde tyranno  
 Me potius: recipe ingratos atque exue cantus.  
 Quis mihi lucis amor? patriam cur amplius optem;  
 Si non & genitor te primam amplectitur Æſon,  
 Teque tuo longe fulgentem vellere gaudens 495  
 Spectat, & ad primos procumbit Græcia fluctus?



Respice ad has voces, & jam precor annue, conjux:  
 Per te, quæ superis Divisq̃ potentior imis,  
 Perque hæc ergo tuo redeuntia fidera nutu,  
 Atque per has nostri juro discriminis horas; 500  
 Unquam ego si meriti, sim noctis & immemor hujus,  
 Si te, sceptrâ, domum, si te liquisse parentes  
 Senseris, & mea tum non hæc promissa videntem;  
 Tum me non tauros juvet evasisse, ferosque  
 Terrigenas: tum me tectis tua turbet in ipsis 505  
 Flamma, tuæque artes: nullus succurrere contra  
 Ingrato queat, & si quid tu sævius, ipsis  
 Adjicias, meque in medio terrore relinquant.  
 Audiit, atque simul meritis perjurâ pœnis  
 Despondet, questus semper Furor ultus amantis. 510  
 Hæc ubi dicta, tamen persistant defixus uterque,  
 Et nunc ora levant audaci læta juventa,  
 Ora simul toties dulces rapiëntia visus,  
 Dejicit hinc vultus æger pudor, & mora dictis  
 Redditur, ac rursus conterret lasona virgo: 515  
 Accipe, perdomitis quæ deinde pericula tauris,  
 Et quis in Æolio maneat te vellere custos;  
 Nondum cuncta tibi, fateor, promissa peregi.  
 Sævior ingenti Mavortis in arbore restat,  
 Crede, labor; quem! tanta utinam fiducia nōstri 520  
 Sit mihi, nocturnæque Hecates, vestrique vigoris.  
 Dixerat: utque virum doceat, quæ monstra supersint,  
 Protinus immensis recubantem anfractibus anguem  
 Turbat, & Hæmonii subito ducis objicit umbram.  
 Ille, quod haud alias, stetit, & trepidantia torfit 525  
 Sibila, seque metu postquam sua vellera circum

Sustulit, atque omnis spiris exhorruit arbor;  
 Incipit inde sequi, & vacuo furit ore per auras.  
 Quis fragor hic? quænam tantæ, dic virgo, ruinæ?  
 Exclamat stricto Æsonides stans frigidus ense. 530  
 Illa trahit ridens, tandemque ait angue represso:  
 Hunc tibi postremum nostri parat ira parentis,  
 Heu miser, heu tantis iterum carpende periculis.  
 O utinam, ut nullo te sim visura labore  
 Ipsam cæruleis squalentem nexibus ornum, 535  
 Ipsaque pervigilis calcantem lumina monstri,  
 Contingat vix deinde mori! sic fata, profugit;  
 Seque sub extremis in moenia rettulit umbris.  
 Et jam puniceo regem spes vana sub ortu  
 Extulerat, quantis nox una diremerit undis 540  
 Æsoniden: liberne freto jam vultus aperto,  
 Utque prius totum fileat mare: dumque ea longe  
 Explorare queat; contra venit Arcas Echion  
 Dicta ferens: jam Circaïs Mavortis in agris  
 Stare virum, daret æripedes in proelia tauros. 545  
 En vocor, en ultro, dixit, spesque addidit ausa:  
 Vos mihi nunc primum in glebas invertite tauri  
 Æquora, nunc totas aperite & volvite flammâs:  
 Exeat Hæmonio messis memoranda colono,  
 Tuque tuum parti Grajûm da, nata, draconem. 550  
 \* Ipsius aspectu pereant: quin vellera, & ipsa  
 Terga mihi diros servent infecta cruores.  
 Fatur, & effusus pandi jubet æquora tauris.  
 Pars & Echionii subeunt immania dentis  
 Semina: pars diri portant grave robur aratri: 555  
 At sua magnanimum contra Pagalea juvenus



Prosequitur stipatque ducem: tum maxima quisque  
 Dicta dedit, sævisque procul discessit ab agris.  
 Fixerat ille gradus, totoque ex agmine solus  
 Stabat, ut extremis desertus ab orbibus axis, 560  
 Quem jam lassæ dies, austrique ardentis arenæ,  
 Aut quem Rhipæas exstantem rursus ad arces  
 Nix & cærulei Boreæ ferus abstulit horror:  
 Cum subito attoniti longissima Phasidis unda,  
 Caucasæque trabes, omnisque Ætæia tellus 565  
 Fulsit, & ardentes stabula effudere tenebras.  
 Ac velut ex una si quando nube corusci  
 Ira Jovis torfit geminos mortalibus ignes;  
 Aut duo cum pariter ruperunt vincula venti,  
 Dantque fugam: sic tunc claustris evasit uterque 570  
 Taurus, & immani proflavit turbine flammæ  
 Arduus, atque atro volvens incendia fluctu.  
 Horruiat Argos legio ratis: horruiat audax,  
 Qui modo virgineis servari cantibus Idas  
 Flebat, & invito prospexit Colchida vultu. 575  
 Non tulit ipse moras, seseque immisit Iason;  
 Diversos postquam ire videt: galeamque minantem  
 Quassat, & errantem dextra ciet obvius ignem.  
 Ut tandem stetit, & torvo se lumine flexit,  
 Qui prior adversi respexit Iasonis arma, 580  
 Cunctatus paulum subito furit. æquora non sic  
 In scopulos irata ruunt, eademque recedunt  
 Fracta retro. bis fulmineis se flatibus infert,  
 Obnubitque virum: sed non incendia Colchis  
 Adspirare finit: clypeoque illiditur ignis 585  
 Frigidus, & viso pallefcit flamma veneno.

Incitat Æsonides dextram, inque ardentia mittit  
 Cornua, dein totis propendens viribus hæret.  
 Ille virum atque ipsam tunc te, Medea, recusans;  
 Concutit, & tota nitentem cornibus ira 590  
 Portat iners: tandem gravius mugire residens,  
 Incipit, & fesso victus descendere cornu.  
 Respicit hinc socios, immania vincula poscens;  
 Æsonides, jamque ora premit, trahiturque trahitque;  
 Obnixusque genu superat, cogitque trementes 595  
 Sub juga ahena toros. alium dehinc turbida Colchis  
 Exarmat, lentumque offert timideque minantem:  
 Jamque propinquant noctem implicat: ille fatiscens  
 In caput, inque humeros ipsa vi molis & iræ  
 Proruit: invadit, totusque incumbit Iason 600  
 Desuper, atque suis defixum flatibus urget.  
 Utque dedit vinclis, validoque obstrinxit aratro,  
 Suscitât ipse genu, sævaque agit insuper hasta.  
 Non aliter medio quam si telluris hiatus  
 Terga recentis equi, primumque invasit habenis 605  
 Murmur, & in summa Lapithes apparuit ossa.  
 Ille velut campos Libyes, ac pingua Nili  
 Fertilis arva fecet; plena sic semina dextra  
 Spargere gaudet agris, oneratque novalia bello.  
 Martius hic primum ter vomere fusus ab ipso 610  
 Clangor, & ex omni sonuerunt cornua fulco:  
 Bellatrix tunc gleba quati, pariterque creari  
 Armarique phalanx, totisque insurgere campis:  
 Cessit, & ad socios paulum se rettulit heros  
 Opperiens, ubi prima sibi daret agmina tellus 615  
 Adverso. ut summis jam rura recedere crisis



Vidit, & infesta vibrantes casside terras;  
 Advolat, atque imo tellus qua proxima collo;  
 Necdum humeri videre diem, prior ense sequaci  
 Æquat humo truncos; rutilum thoraca sequenti; 620  
 Aut primas a matre manus; premit obvius ante.  
 Nec magis aut illis, aut illis millibus ultra  
 Sufficit; ad diræ quam cum Tiryntius hydræ  
 Agmina Palladios defessus respicit ignes.  
 Ergo iterum ad socias convertere Colchidos artes; 625  
 Et galeæ nexus ac vincula dissipat imæ:  
 Cunctaturque tamen, totique occurrere bello  
 Ipse cupit; spes nulla datur: sic undique densant  
 Terrigenæ jam signa duces; clamorque, tubæque.  
 Jamque omnes odere virum: jamque omnia contra 630  
 Tela volant: tum vero amens discrimine tanto,  
 Quam modo Tartareo galeam Medea veneno  
 Infectam dederat, ususque armarat in illos,  
 In medios torfit: conversæ protinus hastæ.  
 Qualis ubi attonitos mœstæ Phrygas annua Matris 635  
 Ira, vel exsectos lacerat Bellona comatos:  
 Haud secus accensas subito Medea cohortes  
 Implicat, & miseros agit in sua prælia fratres.  
 Omnis ibi Æsoniden sterni putat: omnibus ira  
 Talis erat: stupet Æetes, ultroque furentes 640  
 Ipse viros revocare cupit: sed cuncta jacebant  
 Agmina; nec quisquam primus ruit, aut super ullus  
 Linqitur: atque hausit subito sua funera tellus.  
 Protinus in fluvium fumantibus evolat armis  
 Æsonides. qualis Getico de pulvere Mavors 645  
 Intrat equis, uritque gravem sudoribus Hebrum;

Aut niger ex antris rutilique a fulminis æstu  
 Cum furit, & Siculo respirat in æquore Cyclops.  
 Redditus hic tandem, sociosque amplexus ovantes,  
 Haud jam mendacem promissa reposcere regem 650  
 Dignatur: nec, si ipse sibi terga ingerat ultro  
 Qui pepigit, velit in pacem dextramque reverti  
 Amplius: ambo truces, ambo absceffere minantes.



LIBRI OCTAVI  
ARGONAUTICON  
C. VALERII FLACCI  
SETINI BALBI  
ARGONAUTICON  
LIBER OCTAVUS.



LIBRI OCTAVI  
ARGUMENTUM  
ÆGIDIO MASERIO

AUCTORE.

*EXCEDENS Medea gravi mœstissima planctu  
Opprimitur. Grajo tandem jungenda marito  
Effert virgineis medicamina sava canistris.  
Serpens obruitur somno. fulvo exiit ornum  
Æsonides auro. cedentes excipit Argo.  
Frater in arma ruit. ripæ pater advolat. auras  
Questibus ipsa parens pulsat. volat aurea classis  
Cyaneos linquens scopulos. connubia læti  
Hæmonidæ celebrant : quæ Colchica navis in enses  
Vertit. carceribus revocat Saturnia ventos.  
Mergitur Albanus. monitis ingratus Iason  
Flectitur. hoc sentit virgo : magnumque minatur.*

C. VALERII FLACCI  
SETINI BALBI  
ARGONAUTICON  
LIBER VIII.

**A**T trepidam in thalamis, & jam sua facta paventem  
Colchida circa omnes pariter furiaque minæque  
Patris habent: nec cærulei timor æquoris ultra,  
Nec miserae terra ulla procul. quascunque per undas  
Ferre fugam, quamcunque cupit jam scandere puppim. 9  
Ultima virgineis tunc flens dedit oscula vittis;  
Quosque fugit, complexa toros, crinemque genasque  
Ante per antiqui carpsit vestigia somni:  
Atque hæc impresso gemuit miseranda cubili:  
O mihi si profugæ genitor nunc ille supremos. 10  
Amplexus, Æeta, dares, fletusque videres  
Ecce meos! ne crede, pater; non carior ille est,  
Quem sequimur: tumidis utinam simul obruar undis!  
Tu, precor, hæc longa placidus mox sceptrâ senecta  
Tuta geras, meliorque tibi sit cetera proles. 11  
Dixit, & Hæmonio nunquam spernenda marito

N 3



Condita letiferis prodit medicamina cistis;  
 Virgineosque sinus, ipsumque monile venenis  
 Implicat, ac sævum super omnibus addidit ensem.  
 Inde, velut torto Furiarum erecta flagello, 20  
 Profilit. attonito qualis pede profilit Ino  
 In freta, nec parvi meminit conterrita nati,  
 Quem tenet: extremum conjux ferit irritus Isthmon:  
 Jam prior in lucos curis urgentibus heros  
 Venerat, & nemoris sacra se nocte tegebat; 25  
 Tum quoque fiderea clarus procul ora juventa.  
 Qualis adhuc sparsis comitum per lustra catervis  
 Latmius æstiva residet venator in umbra,  
 Dignus amore Deæ: velatis cornibus & jam  
 Luna venit. roseo talis per nubila ductor 30  
 Implet honore nemus, talemque expectat amantem.  
 Ecce autem pavidæ virgo de more columbæ,  
 Quæ super ingenti circumdata præpetis umbra  
 In quemcunque tremens hominem cadit: haud secus illa  
 Ista timore gravi mediam se immisit: at ille 35  
 Excepit, blandoque prior sic ore locutus:  
 O decus in nostros magnum ventura penates,  
 Solaque tantarum virgo haud indigna viarum  
 Causa reperta mihi, jam nunc non ulla requiro  
 Vellera: teque meæ satis est vexisse carinæ. 40  
 Verum age, & hoc etiam, quando potes, adjice tantis  
 Muneribus meritisque tuis: namque aurea jussi  
 Terga referre sumus: socios ea gloria tangit.  
 Sic ait: & primis supplex dedit oscula palmis.  
 Contra virgo novis iterum singultibus orsa est: 45  
 Linquo domos patrias te propter, opesque meorum;

Nec jam nunc regina loquor: sceptrisque relictis  
 Vota sequor: serva hanc profugæ, prior ipse dedisti.  
 Quam (scis nempè) fidem: Di nostris vocibus adsunt,  
 Sidera & hæc te meque vident: tecum æquora, tecum 50  
 Experiar quascunque vias: modo ne quis abactam  
 Huc referat me forte dies, oculisque parentis  
 Ingerat. hoc superos, hoc te quoque deprecor, hospes.  
 Hæc ait, atque furens rapido per devia passu  
 Tollitur. ille hæret comes, & miseratur euntem; 55  
 Cum subito ingentem media inter nubila flammam  
 Conspicit, & sæva vibrantes luce tenebras.  
 Quis rubor iste poli? quod tam lugubre refulsit  
 Sidus? ait. reddit trepido cui talia virgo:  
 Ipsius en oculos & lumina torva draconis. 60  
 Aspicias: ille suis hæc vibrat fulgura cristis;  
 Meque pavens contra solam videt, ac vocat ultro,  
 Ceu solet, & blanda poscit me pabula lingua.  
 Dic age nunc, utrum vigilanti hostemque videnti  
 Exuvias auferre velis; an lumina somno 65  
 Mergimus, & domitum potius tibi tradimus anguem?  
 Ille filet; tantus subiit ut virginis horror.  
 Jamque manus Colchis, crinemque intenderat astris,  
 Carmina barbarico fundens pede, teque ciebat,  
 Somne pater: Somne omnipotens, te Colchis ab omni 70  
 Orbe voco, inque unum jubeo nunc ire draconem:  
 Quæ freta sæpe tuo domui, quæ nubila cornu,  
 Fulminaque, & toto quidquid micat æthere: sed nunc  
 Nunc, age, major ades, fratrique simillime leto.  
 Te quoque, Phrixæ pecudis fidissime custos, 75  
 Tempus ab hac oculos tandem desistere cura.  
 N. 4.



Quem metuis me hic stante dolum? servabo parumper  
 Ipsa nemus. longum interea tu pone laborem.  
 Ille haud Æolio discedere fessus ab auro,  
 Nec dare permissæ (quamvis juvet) ora quieti 80  
 Sustinet; ac primi percussus nube soporis  
 Horrui, & dulces excussit ab arbore somnos.  
 Contra Tartareis Colchis spumare venenis,  
 Cunctaque Lethæi quassare silentia rami  
 Perstat; & adverso luctantia lumina cantu 85  
 Obruit; atque omnem linguaque manuque fatigat  
 Vim Stygiam; ardentes donec sopor occupat iras.  
 Jamque altæ cecidere jubæ, nuratque coactum  
 Jam caput, atque ingens extra sua vellera cervix.  
 Ceu refluxus Padus, aut septem projectus in amnes 90  
 Nilus, & Hesperium veniens Alpheos in orbem.  
 Ipsa caput cari postquam Medea draconis  
 Vidit humi, fufis circum projecta lacertis,  
 Seque suumque simul flevit crudelis alumnum:  
 Non ego te fera talem sub nocte videbam, 95  
 Sacra ferens epulasque tibi: nec talis hianti  
 Mella dabam, ac nostris nutribam fida venenis.  
 Quam gravida nunc mole jaces! quam segnis inertem  
 Flatus habet! nec te saltem, miserande, peremi,  
 Heu sævum passure diem! jam nulla videbis 100  
 Vellera, nulla tua fulgentia dona sub umbra.  
 Cede Deo, inque aliis senium nunc digere lucis  
 Immemor, oro, mei: nec me tua fibila toto  
 Exagitent infesta mari. sed tu quoque cunctas,  
 Ælonide, dimitte moras, atque effuge raptis 105  
 Velleribus. patrios exstinxi noxia tauros,

Terrigenas in fata dedi; fufum ecce draconis  
 Corpus habes; jamque omne nefas; jam, spero, peregi.  
 Quærenti tunc deinde viam, qua se arduus heros  
 Ferret ad aurigeræ caput arboris, Eia, per ipsum 110  
 Scande age, & adverso gressus, ait, imprime dorso.  
 Nec mora fit. dictis fidens Crethæia proles  
 Calcat, &, aeream quamvis, perfertur ad ornum:  
 Cujus adhuc rutilam servabant brachia pellem,  
 Nubibus accensis similem, aut cum veste recincta 115  
 Labitur ardenti Thaumantias obviam Phœbo.  
 Corripit optatum decus extremumque laborem  
 Ælonides: longosque sibi gestata per annos  
 Phrixæ monumenta fugæ vix reddidit arbor  
 Cum gemitu, tristisque super coiere tenebræ. 120  
 Egressi relegunt campos, & fluminis ora  
 Summa petunt. micat omnis ager, villisque comantem  
 Sidereis totos pellem nunc fundit in artus:  
 Nunc in colla refert: nunc implicat ille sinistra.  
 Talis ab Inachiis Nemeæ Tirynthius antris 125  
 Ibat, adhuc aptans humeris capitique leonem.  
 Ut vero fociis, qui tunc prædicta tenebant  
 Ostia, per longas apparuit aureus umbras;  
 Clamor ab Hæmonio surgit grege: se quoque gaudens  
 Promovet ad primas juveni ratis obviam ripas. 130  
 Præcipites agit ille gradus, utque aurea misit  
 Terga prius: mox attonita cum virgine puppim  
 Infilii, ac rapta victor consistit in hasta.  
 Interea patrias sævus venit horror ad aures,  
 Fata domus luctumque ferens, fraudemque fugamque 135  
 Virginis: hinc subitis inflexit frater in armis:



Urbs etiam mox tota coit: volat ipse senectæ  
 Immemor Æetes: complentur litora bello  
 Nequidquam: fugit immixtis nam puppis habenis.  
 Mater adhuc ambas tendebat in æquora palmas, 140  
 Et soror, atque omnes aliæ matresque nurusque  
 Colchides, æqualesque tibi, Medea, puellæ.  
 Exstat sola parens, impletque ulularibus ætas:  
 Siste fugam; medio refer hac ex æquore puppim;  
 Nata, potes. quo, clamat, abis? hic turba tuorum 145  
 Omnis, & iratus nondum pater: hæc tua tellus  
 Sceptraque. quid terris solam te credis Achæis?  
 Quis locus Inachias inter tibi, Barbara, natas?  
 Illane vota domus, exspectatique Hymenæi?  
 Hunc petii grandæva diem? vellem unguibus uncis, 150  
 Ut volucris, possem prædonis in ipsius ora  
 Ire, ratemque supra; claroque reposcere cantu  
 Quam genui. Albano fuit hæc promissa tyranno:  
 Non tibi. nil tecum miseri pepigere parentes,  
 Æsonide: non hoc Pelias evadere furto 155  
 Te jubet, aut ullas Colchis abducere natas.  
 Vellus habe, & nostris si quid super, accipe, templis.  
 Sed quid ego quemquam immeritis incuso querelis?  
 Ipsa fugit, tantoque (nefas) ipsa ardet amore.  
 Hoc erat, infelix, (redeunt nam singula menti) 160  
 Ex quo Thessalici subierunt æquora remi,  
 Quod nullæ te, nata, dapes, non ulla juvabant  
 Tempora. non ullus tibi tum color; ægraque verba,  
 Errantesque genæ, atque alieno gaudia vultu  
 Semper erant? cur tanta mihi non prodita pestis, 165  
 Ut gener Æsonides nostra consideret aula,

Nec talem paterere fugam? commune fuisset  
 Aut certe nunc omne nefas: iremus & ambæ  
 In quascunque vias: pariter petiisse juvaret  
 Thessaliam, & sævi, quæcunque est, hospitis urbem. 170  
 Sic genitrix, similique implet soror omnia questu  
 Exululans. famulæ pariter clamore supremo  
 In vacuos dant verba Notos, dominamque reclamant  
 Nomine. te venti procul & tua fata ferebant.  
 Inde diem noctemque volant. redeuntibus aura 175  
 Gravior; & notæ Minyis transcurrere terræ:  
 Cum subito Erginus puppi sic fatur ab alta:  
 Vos, ait, Æsonide, contenti vellere capto,  
 Nec via quæ superet, nec quæ fortuna videris.  
 Crastina namque dies trucis ad confinia ponti 180  
 Cyaneasque vocat: meminiquæ, o Tiphys, tuorum  
 Saxa per illa, pater, memini, venerande, laborum.  
 Mutandum, o socii, nobis iter. altera ponti  
 Eluctanda via; & cursu, quem fabor, eundum est.  
 Haud procul hinc ingens Scythici ruit exitus Histri, 185  
 Fundere non uno tantum quem flumina cornu  
 Accipimus: septem exit aquis; septem ostia pandit.  
 Illius adversi nunc ora petamus & undam,  
 Quæ latus in lævum ponti cadit. inde sequemur  
 Ipsius amnis iter: donec nos flumine certo 190  
 Perferat, inque aliud reddat mare. sint age tanti;  
 Æsonide, quæcunque moræ, quam sæva subire  
 Saxa iterum; quam Cyaneos perrumpere montes.  
 Sat mihi: non totis Argo redit ecce corymbis.  
 Hæc ait, ignarus fixas jam numine rupes 195  
 Stare, neque adversis ultra concurrere saxis.



Reddidit Æsonides : Et te, fidissime rector,  
 Haud vani tetigere metus; nec me ire recuso  
 Longius, & cunctis redeuntem ostendere terris.  
 Protinus inde alios flectunt regesque locosque, 200  
 Affuetumque petunt plaustris migrantibus æquor.  
 Puppe procul summa vigilis post terga magistri  
 Hæserat auratæ genibus Medea Minervæ:  
 Atque ibi dejecta residens in lumina palla  
 Flebat adhuc, quanquam Hæmoniis cum regibus iret, 205  
 Sola tamen, nec conjugii secura futuri.  
 Illam Sarmatici miserantur litora ponti:  
 Illa Thoantæ tranfit deflexa Dianæ.  
 Nulla palus, nullus Scythiæ non moeret euntem  
 Amnis: Hyperboreas movit conspecta pruinas, 210  
 Tot modo regna tenens: ipsi quoque murmura ponti  
 Jam Minyæ, jam ferre volunt: vix allevat ora,  
 Ad feras, si quando, dapes, quas carus Iason  
 Ipse dabat: jam nubiferam transire Carambin  
 Significans, jam regna Lyci: totiesque gementem 215  
 Fallit, ad Hæmonios hortatus surgere montes.  
 Insula Sarmaticæ Peuce stat nomine nymphæ;  
 Torvus ubi, & ripa semper metuendus utraque  
 In freta per sævos Hister descendit Alanos;  
 Solvere in hoc tandem refides dux litore curas, 220  
 Ac primum socios ausus sua pacta docere,  
 Promissamque fidem thalami, foedusque jugale.  
 Ulro omnes læti instigant, meritamque fatentur.  
 Ipse autem invitæ jam Pallados erigit aras,  
 Incipit Idaliæ numen nec spernere Divæ. 225  
 Præcipueque sui, si quando, in tempore pulcher

Conjugii Minyas nunquam magis eminet inter:  
 Qualis sanguineo victor Gradivus ab Hebro  
 Idalium furto subit, aut dilecta Cythera;  
 Seu cum cœlestes Alcidiæ invisere mensas 230  
 Jam vacat, & fessum Junonia sustinet Hebe.  
 Adfunt unanimes Venus, hortatorque Cupido  
 Suscitât affixam mœstis Æeida curis.  
 Ipsa suas illi croceo subtemine vestes  
 Induit: ipsa suam duplicem Cytherea coronam 235  
 Donat, & arsuras alia cum virgine gemmas.  
 Tum novus implevit vultus honor: ac sua flavis  
 Reddita cura comis: graditurque oblita malorum.  
 Sic ubi Mygdonios planctus sacer abluit Almo,  
 Lætæque jam Cybele, festæque per oppida tædæ; 240  
 Quis modo tam sævos adytis fluxisse cruores  
 Cogitet? aut ipsi qui jam meminere ministri?  
 Inde, ubi sacrificas cum conjugè venit ad aras  
 Æsonides, unaque adeunt, pariterque precari  
 Incipiunt, ignem Pollux undamque jugalem 245  
 Prætulit; ut dextrum pariter vertantur in orbem.  
 Sed neque se pingues tum candida flamma per auras  
 Explicuit: nec tura videt concordia Mopsus,  
 Promissam nec stare fidem; breve tempus amorum.  
 Odit utrumque simul, simul & miseratur utrumque: 250  
 Et tibi jam nullos optavit, barbarâ, natos.  
 Mox epulas & sacra parant: silvestria lætis  
 Præmia, venatu facili quæsitâ, supersunt:  
 Pars verubus, pars undanti despumat aheno.  
 Gramineis ast inde toris discumbitur, olim 255  
 Hister anhelantem Peucen quo presserat antro.



Ipsi inter medios rosea radiante iuventa  
 Altius, inque sui sternuntur velleris auro.  
 Quis novus inceptos timor impediit Hymenæos,  
 Turbavitque toros, & sacra calentia rupit? 260  
 Absyrtus subita præceps cum classe parentis  
 Advehitur, profugis infestam lampada Grajis  
 Concutiens, diramque premens clamore sororem:  
 Atque, Hanc, o si quis vobis dolor iraque, Colchi,  
 Accelerate viam: neque enim fugit æquore raptor 265  
 Juppiter; aut falsi sequimur vestigia tauri.  
 Puppe (nefas) una prædo Phrixea reportat  
 Vellera: qua libuit remeat cum virgine: nobis  
 (O pudor!) & muros & stantia recta reliquit.  
 Quid mihi deinde satis? nec quæro vellera; nec te 270  
 Accipio, germana, datam: nec fœderis ulla  
 Spes erit, aut iræ quisquam modus. inde reverti  
 Patris ad ora mei tam parvo in tempore fas fit?  
 Quinquaginta animæ me scilicet, unaque merfa  
 Sufficiet placare ratis? te, Græcia fallax, 275  
 Persequor, atque tuis hunc quasso mœnibus ignem:  
 Nec tibi digna, soror, desum ad connubia frater.  
 Primus & ecce fero quatioque hanc lampada vestro  
 Conjugio: primus celebros dotalia sacra,  
 Qui potui. patriæ veniam da, quæso, senectæ. 280  
 Quin omnes alti pariter populique patresque  
 Mecum adsunt. magni virgo ne regia Solis  
 Hæmonii thalamos adeas despecta mariti,  
 Tot decuit coiisse rates, tot fulgere tædas.  
 Dixerat. itque orans iterum ventosque virosque, 285  
 Perque ratis supplex vox remigis illa magistros.

Illi autem intorquent truncis frondentibus undam;  
 Quæque die fuerat rapim formata sub uno,  
 Et tantum dejecta suis a montibus arbor,  
 (Quid dolor & veterum potuit non ira virorum?) 290  
 Haud longis jam distat aquis; sequiturque volantem  
 Barbara Palladium puppim ratis: ostia donec  
 Danubii viridemque vident ante ostia Peucen;  
 Ultimaque agnoscunt Argoi cornua mali.  
 Tum vero clamorem omnes inimicaque tollunt 295  
 Gaudia: tum gravior remis fragor, ut procul Argo  
 Visa viris; unamque petunt rostra omnia puppim.  
 Princeps navalem nodosi roboris uncum  
 Arripit, & longa Stirus prospectat ab unda,  
 Conjugio atque iterum sponsæ flammatus amore. 300  
 Jamque alii clypeos & tela trabalia dextris  
 Expediunt: armant alii picis unguine flammis.  
 Impatiens tremit hasta moræ. nec longius inter,  
 Quam quod tela vetet, superest mare. vocibus urgent  
 Interea, & pedibus pulsant tabulata frementes; 305  
 Cum subitas videre rates, vibrataque flammis  
 Æquora, non una Minyæ formidine surgunt.  
 Primus & in puppim deserta virgine ductor  
 Profilit, & summa galeam rapit altus ab hasta:  
 Ense simul clypeoque micat. nec cetera pubes 310  
 Segnius arreptis in litore constitit armis.  
 At tibi quæ scelerum facies, Medea, tuorum?  
 Quisve pudor Colchos iterum fratremque videnti?  
 Quidquid & abscisum vasto jam tuta profundo  
 Credideras. ergo infausto sese occulit antro, 315  
 Non aliud quam certa mori; seu carus Iason,



Seu frater Graja victus cecidisset ab hasta.  
 Haud ita sed summo segnis sedet æthere Juno;  
 Haud finit extrema Minyas decernere pugna,  
 Nec numero quoniam Colchis, nec puppibus, æquos. 320  
 Ergo, ubi Diva rates hostemque accedere cernit,  
 Ipsa subit terras, tempestatumque refringit  
 Ventorumque domos. volucrum gens turbida fratrum  
 Erumpit: classem dextra Saturnia monstrat.  
 Videre; inque inum pariter mare protinus omnes 325  
 Infesto clamore ruunt: inimicaque Colchis  
 Æquora, & adversos statuunt a litore fluctus.  
 Tollitur, atque intra Minyas Argoaque vela  
 Stirus abit. vasto rursus desidit hiatu  
 Abrupta revolutus aqua. jamque omnis in astra 330  
 Itque reditque ratis, lapsoque reciproca fluctu  
 Descendit. vorat hos vortex; hos agmine toto  
 Gurges agit: simul in vultus micat undique terror.  
 Crebra ruina poli coelestia limina laxat.  
 Non tamen ardentis Siiri violentia cedit. 335  
 Hortatur socios media inter prælia Divûm:  
 Transferat ergo meas in quæ volet oppida dotes  
 Colchis? & Hæmonius nobis succedet adulter?  
 Nec mihi tot magnos inter regesque procosque  
 Profuerit prona haud dubii sententia patris? 340  
 An virtus prælata viri est, & fortior ille,  
 Quem sequitur? jungam igniferos sine carmine tauros,  
 Sævaque Echionii ferro lata persequar hydri.  
 Hoc adeo interea spectans de litore pugnas  
 Amborum, victoris eris: jam digna videbis 345  
 Proelia, jamque illud carum caput ire cruenta

Sub freta; femiviri nec murrha corpus Achivi,  
 Sed pice, sed flammis, & olentes sulphure crines.  
 Vos modo vel solum hoc fluctus expellite corpus,  
 Non te, Æeta pater, generi, aut, Sol magne, pudebit. 350  
 Fallor? an hos nobis magico nunc carmine ventos  
 Ipsa movet, diraque levat maria ardua lingua?  
 Atque iterum Æsonides, iterum defenditur arte,  
 Qua solet? haud illi cantus & futile murmur  
 Proderit. ite, rates, & frangite virginis undam. 355  
 Dixit, & intortis socio cum milite remis  
 Profilit: ac fluctu puppis labefacta reverso  
 Solvitur, effunditque viros, ipsumque minantem  
 Tunc quoque, & elata quærentem litora dextra.  
 Ibat & arma ferens & strictum naufragus ensem: 360  
 Incipit & remos & quærere transtra solutæ  
 Sparsa ratis, mœstas altis intendere voces  
 Puppibus. ast inter tantos succurrere fluctus  
 Nulla potest, aut ulla velit: quotiesque propinquat;  
 Tunc aliud rursus dirimit mare. jam tamen exstat, 365  
 Jamque abiit: fundoque iterum violentus ab imo  
 Erigitur: sed fluctus adest, magnoque sub altis  
 Turbine figit aquis, & tandem virgine cessit.  
 Absyrtus visu mœret defixus acerbo;  
 Nec quid agat, qua vi portus, & prima capeffat 370  
 Ostia, qua possit Minyas invadere, clausos  
 Quos videt agnoscitque fremens: maria obvia contra  
 Sævaque pugnat hiems, totusque in vertice pontus.  
 Abscessit tandem, vanaque recedit ab ira,  
 Et tanta de clade ratis: latus inde finistrum 375  
 Adversamque procul Peuces defertur in oram  
 Val. Flaccus.



Cum fociis: gemino nam scinditur infula flexu  
 Danubii: hac dudum Minyæ Pagæaque puppis  
 In statione manent: illinc Ætius heros  
 Obsidet aduersa tentoria Thessala classe 380  
 Impatiens; pugnaeque datur non ulla potestas.  
 Noctes atque dies vastis mare fluctibus inter  
 Perfurit; expediant donec Junonia sese  
 Consilia, atque aliquem bello ferat anxia finem!  
 At Minyæ tanti reputantes ultima belli 385  
 Urgent, & precibus cuncti fremituque fatigant  
 Æsoniden: Quid se externa pro virgine clausos  
 Objiciat, quidve illa pati discrimina cogat?  
 Respiceret pluresque animas, majoraque fata  
 Tot comitum: qui non furtis, nec amore nefando 390  
 Per freta, sed sola sese virtute sequantur.  
 An vero, ut thalamis raptisque indulgeat unus  
 Coniugiis? id tempus enim: sat vellera Grajis:  
 Et posse oblata componere virgine bellum.  
 Quemque suas sinat ire domos: nec Marte cruento 395  
 Europam atque Asiam prima hæc committat Erinnyes.  
 Namque datum hoc fati, trepidus supplexque canebat  
 Mopsus, ut in seros irent magis ipsa nepotes,  
 Atque alius lueret tam dira incendia raptor.  
 Ille trahens gemitum, tantis ac vocibus impar, 400  
 (Quamquam jura Deum, & sacri sibi conscia pacti  
 Religio, dulcisque movent primordia tædæ)  
 Cunctatur, mortemque cupit, sociamque pericli  
 Cogitat: haud ultra fociis obistere pergit.  
 Hæc ubi fixa viris; tempus fluctusque quietos 405  
 Expectant: ipsam interea, quid restet, amantem

Ignorare sinunt, decretaque tristia servant.  
 Sed miser ut vanos, veros ita sæpe timores  
 Versat amor; fallique finit nec virginis annos.  
 Ac prior ipsa dolos & quamlibet intima sensit 410  
 Non fidi jam signa viri, nimiumque silentes  
 Una omnes. haud illa sui tamen immemor unquam,  
 Nec subitis turbata minis, prior occupat unum  
 Æsoniden, longeque trahit; mox talibus infit:  
 Me quoque, vir, tecum Minyæ, fortissima pubes, 415  
 Nocte dieque movent: liceat cognoscere tandem,  
 Si modo Peliacæ non sum captiva carinæ,  
 Nec dominos decepta sequor, consultaque vestra  
 Fas audire mihi. vereor, fidissime conjux,  
 Nil equidem: miserere tamen, promissaque serua 420  
 Usque ad Thessalicos saltem connubia portus:  
 Inque tua me sperne domo. scis, te mihi certe,  
 Non socios jurasse tuos. hi reddere forsitan  
 Fas habeant: tibi non eadem permessa potestas.  
 Teque simul mecum ipsa traham: non sola reposcor 425  
 Virgo nocens: atque hac pariter rate fugimus omnes.  
 An fratris te bella mei, patriæque biremes  
 Terrificant? magnoque impar urgeris ab hoste?  
 Finge rates alias, & adhuc majora coire  
 Agmina. nulla fides? nullis ego digna periclis? 430  
 Non merui mortemque tuam comitumque tuorum?  
 Vellem equidem nostri tetigissent litora patris  
 Te sine, duxque illis alius quicumque fuisset.  
 Nunc remeant; meque ecce (nefas) & reddere possunt:  
 Nec spes ulla super. quin tu mea respice saltem 435



Consilia; & nimio comitum ne cede timori.  
 Credidit ardentis quis te tunc jungere tauros  
 Posse? quis ad sævi venturum templa draconis?  
 O uinam ergo meus pro te non omnia posset,  
 Atque aliquid dubitaret amor! quin nunc quoque quærit, 440  
 Nescio quid, tuus iste pudor. mene, optime quondam  
 Æsonide, me ferre preces, & supplicis ora  
 Fas erat? haud hoc nunc genitor putat: haud dare pœnas  
 Jam sceleris, dominumque pati. sic fata parantem  
 Reddere dicta virum furiosa mente refugit 445  
 Vociferans. qualem Ogygias cum tollit in arces  
 Bacchus, & Aoniis illidit tympana truncis:  
 Talis erat, talemque jugis se virgo ferebat,  
 Cuncta pavens. fugit infestos vibrantibus hastis  
 Terrigenas, fugit ardentis exterrita tauros. 450  
 Si Pagafas, vel Peliacas hinc denique nubes  
 Cerneret, & Tempe viridi lucentia fumo;  
 Hoc visu contenta mori. tunc tota querelis  
 Egeritur questuque dies! eademque sub astris  
 Sola movet. mœstis veluti nox illa sonaret 455  
 Plena lupis, quaterentque truces jejuna leones  
 Ora, vel orbata traherent suspiria vacca.  
 Procedit non gentis honos, non gloria magni  
 Solis avi, non barbaricæ decor ille juventæ.  
 Quid dubitas? heu, dure, files? magnumque minatur. 460  
 Qualis erat, cum Chaonio radiantia trunco  
 Vellera vexit ovans; interque ingentia Grajùm  
 Nomina Palladia virgo stetit altera prora.  
 Mœstus at ille minis, & nota Colchidos ira,

Hæret: & hinc præfens pudor, hinc decreta fuorum 465  
 Dura premunt. utcunque tamen mulcere gementem  
 Tentat & ipse gemens, & tempora currere dictis.  
 Mene aliquid meruisse putas? me talia velle?

*Reliqua desiderantur.*

---



ACCOMPLISHING A VISION  
Hence: & hinc praeter, hinc hinc praeter  
Hinc praeter hinc praeter hinc praeter hinc praeter  
Hinc praeter hinc praeter hinc praeter hinc praeter  
Hinc praeter hinc praeter hinc praeter hinc praeter

I N D E X



# I N D E X

verborum & phrasium aliquot insigniorum,  
quæ in Valerio Flacco occurrunt.

---

A.

- Abactus*, repudiatus. 8, 51.  
*Abducere pugna*, pro a pugna. 6, 298.  
*Abiectus*, pro remotus, loco suo motus, sc. per violentiam ætus marini. 4, 654.  
*Abit summus*, i. e. ascendit, affurgit. 4, 203.  
*Abruptus*, præceps, rapidus, 6, 84.  
*Accidere aures*, ad aures venire. 2, 452.  
*Accrescere famæ fraternæ*. 1, 178. i. e. addi.  
*Acerbare mortem*, tristiorefficare, sc. addendo acerba dicta, & insultando prostrato. 6, 655.  
*Acinaces*, Parthorum & Medorum gladius. 6, 701.  
*Aclydes*, clavæ breviores, ferreis acuminibus hic illic eminentibus. 6, 99.  
*Acuere fletus*, majori impetu ingeminare. 2, 172.  
*Adducere*, pro ad se trahere. 6, 133.
- Adesum jugum*, 2, 30. sc. ignibus.  
*Adfore*, pro adesse. 1, 799. 2, 131. 3, 82 & alibi.  
*Adfremere*. 1, 528.  
*Adhibere*, pro adhibere. 3, 412.  
*Admonere*, invocare. 4, 349.  
*Adstrictus*, arcte & firmiter apprehensus, 1, 282.  
*Advena Oceanus*. 1, 588.  
*Ægan*, pro Ægæum pelagus. 1, 629.  
*Ægisonum pectus* Palladis. 3, 88. i. e. ægide sonans. Est autem ægis lorica ænea, cui Medusæ caput insculptum.  
*Æquora*, pro campis. 6, 239. 7, 469 & alibi.  
*Æquoreus*, pro litoreo & mari proximo. 5, 92.  
*Aer rami*, fastigium, summitas. 6, 261.  
*Æripedes tauri*, ungulas æreas habentes. 7, 545.  
*Ærisona ora*, 1, 704. armisona, propter dactylos Idæos Jovis fabros, vel propter saltationem, quam Latini *belli crepam* dixerunt, inventam in Creta. *arisa-*



I N D E X.

- mus mons*, 3, 28. Dindymus, ubi Corybantes ara quatiebant.
- Æternus Mars*, pro intestino, qui nunquam cessat. 6, 38.
- Æthere plenus*, lumine circumfusus. 5, 183.
- Affatus*, collocutio. 1, 299.
- Agere*, gubernare, regere. 1, 689. 5, 46. movere. 2, 77. inquietare, vexare. 3, 393. 5, 15.
- Agitare*, simpliciter, pro meditari, in animo habere. 2, 164.
- Agger rudis*, ara terrena, imposita. 5, 642.
- Ala rutila*, de fulmine alato, ut pingi solebat. 6, 56.
- Albentes parma*, i. e. sine insignibus. 6, 99.
- Alipes currus*, velocissimus. 5, 612.
- Alnus trunca*, navis sine clavo & armamentis. 2, 300.
- Alvni gressus*, de claudicante Vulcano. 2, 93.
- Altus*, reconditus & profundus. 5, 309.
- Altum ardens*, mare sole oriente rubens. 3, 429.
- Ambitus senex*, ambitione prenatus. 5, 622.
- Amens rigor*, stupor animi. 3, 576.
- Amnigena*, ab amne genitus. 5, 585.
- Amores*, puellæ l. conjuges. 6, 121, 268.
- Angues*, pro pedibus anguinis. 2, 28.
- Animum da*, ostende te nihil timere, præsta te virum. 1, 41.
- Annue hanc militiam mihi*, ne detrecta laborem hujus militiæ. 1, 41.
- Anteire*, prævertere, antevnire. 1, 31.
- Aquilonia hiems*. 6, 715.
- Ara nocturna*, pro sacrificiis nocturnis. 6, 440. Intelleguntur vero Hecates sacra.
- Arces*, pro verticibus montium. 3, 565. *arces Rhipææ*. 7, 562.
- Arcipotens Apollo*. 5, 17.
- Arcus refutat notos*, 6, 124. cum scilicet solitæ vires ad arcum tendendum deficiunt.
- Ardens humeros vellere*, i. e. humeris aurei velleris fulgore radiantibus. 1, 346.
- ardentes murice vestes*. 3, 340.
- Ardere*, impense cupere. 6, 46.
- Ardor*, desiderium. 6, 150.
- Arma*, pro ferramentis. 5, 142. *arma expressa casus suos*, i. e. clypeus, in quo eventuum suorum argumentum cælatum erat. 1, 398. *arma hospita*. 2, 662.
- Armare flammis unguine picis*, instruere tædas picis. 8, 302.
- Armifona Pallas*. 1, 73.

I N D E X.

- Armos revocantem*, 6, 257. i. e. tentantem rursus erigere equum labentem.
- Arva gentibus conferta*. 2, 617.
- Arundo*. — *Ante manu tacita cui plurima crevit arundo*, 6, 262. Genus hoc aucupii tale fuit, notante Vossio: Accipiebat auceps plurimas arundines, easque ita aptabat, ut una alteri includeretur. Itaque si avem in summa arbore animadverteret, tacita manu arundinum ordinem erigebat, ut tamdiu in altum excrescerent, donec avis visco, quo suprema arundinum illita erat, corripere.
- Asperissima rerum*. 1, 725.
- Affidere*, pro obsidere. 5, 536.
- Astra nuda*, pro nocte. 2, 171.
- Astriferæ noctis umbræ*. 6, 752.
- Asylus*, muscæ genus, armentis infestum. 3, 581.
- Atrox*, 6, 662. obfirmans animum contra amorem.
- Audentius*, majore audacia. 6, 681.
- Auferre se*, ex oculis se rapere. 3, 636.
- Auguret*, pro auguretur. 3, 356.
- Avia*, deserta. 2, 459. 3, 545.
- Avidi gressus*, i. e. celeres. 1, 183.
- Aura purpurea*, pro sanguine. 3, 107.
- Auræ juvant*, i. e. propellunt navem. 2, 586.
- Aurigera arbor*, 8, 110. ex qua suspensum vellus aureum.
- Aurum vacuum*, poculum aureum ficcatum. 1, 148. *non levioire auro*, æque magno & gravi poculo aureo. 1, 338. *sævum aurum*, pro Comete. 5, 370. *liquidum aurum*, pro ramentis aureis iisque puris; vel, si malis, unguento χρυσοειδεί, unde color flavus proveniebat. 6, 710.
- B.
- Bacchata Dindyma*, mons Phrygiæ, in quo Corybantes Cybeles sacerdotis bacchabantur, & clamores tollebant. 3, 20.
- Belligeri labores*. 5, 618.
- Bellipotens*, 1, 529. Martis epitheton.
- Bellum*, pro semine, ex quo nascituri erant bellatores. 7, 609.
- Bivii calles*. 5, 395.
- Blando anfractu sinuosa litora*. 2, 451.
- Bonus*, præstans, peritus. 1, 438.
- Brachia*, pro ramis arboris. 8, 114.
- Brevis luna*, 3, 194. i. e. quæ



I N D E X.

exiguo spatio inter nubila  
lucebat.

C.

- Cadens matre*, i. e. utero vix  
egressus. 1, 355.  
*Calata plumbo terga taurea*,  
i. e. lora e corio bubulo,  
quibus insutæ sunt massæ  
plumbeæ. 1, 420.  
*Cæsaries flava galeri*. 6, 626.  
Pius capit de filamentis,  
quæ præsuuntur ore gale-  
ri, ex holoserico, vel pan-  
no bombycino.  
*Canis aquis tollitur campus*.  
5, 307. i. e. nive fit al-  
tior.  
*Captus*, pro deceptus. 2, 43.  
*captum litus*, a monstro  
marino infestum. 2, 493.  
*Cardine summo verti*, in sum-  
mo periculo versari. 5, 19.  
*Castella inclusa*. 3, 739. pro  
pastoribus, qui greges ca-  
stellis, i. e. septis, cir-  
cumdant.  
*Cateja*, genus teli, quo ute-  
bantur Teutones, Galli,  
& Scythæ. 6, 83.  
*Catena mollis*. 6, 233. tam  
affabre & artificiose facta,  
ut rigidam loricam alliga-  
ret molliter. Ita contra  
*dura* dicuntur, quæ ru-  
dius & non elaborate fa-  
tis sunt facta.  
*Centumgemina Thebe*. 6, 118.  
urbs Ægyptia, centum

- portis insignis. Græcis ἐκα-  
τόμυλος.  
*Certa sidera*, splendida, clara,  
quorum ductu cursus diri-  
guntur. 1, 18. *certus O-*  
*lympus*, serenus. 2, 66.  
Sic contra *incertus æther*,  
1, 307.  
*Certantes rogi*. 2, 476. i. e.  
tam frequentes, ut quasi  
certarent inter se.  
*Ceruchi*, funes, quibus cor-  
nua antennarum firman-  
tur. 1, 469.  
*Chalybs*, pro ferro, vel ensi.  
5, 541. 6, 342.  
*Chaos*, pro inferis & Ditis  
domo. 1, 831. 2, 86. 4,  
123. 5, 96. 7, 402.  
*Circumflua ponto gemino urbs*.  
5, 443. Corinthus, quam  
scilicet mare geminum cir-  
cumfluit, Jonium, & Æ-  
gæum.  
*Clamor cæcus*, i. e. confusus.  
2, 461. *clamores mali*, 1,  
646. qui sunt misero-  
rum in extremis constitu-  
torum.  
*Clarus*, manifestus, Gr. Ἰ-  
λος. 6, 181.  
*Clemens turbo*, i. e. placidior  
& minus vehemens, quam  
in procellis esse solet. 6,  
747.  
*Clusus*, pro clausus. 1, 34.  
*clusos invenit in ignibus*  
*Argos*. 1, 239. i. e. non  
rediturum se in patriam,  
per πυρομαντείαν videbat,

I N D E X.

- omen capiens ex flamma  
victimæ.  
*Cælum reparabile nulla gaza*,  
i. e. cæli aspectus nullis  
divitiis reparabilis. 6, 562.  
*cælum tradere*, i. e. specta-  
tionem siderum, secun-  
dum quæ cursus institui  
debeat. 1, 418. Sic 5, 47.  
*Cui Minyas, caramque ra-*  
*tem, cui sidera tradis?*  
*Cogere sagittas*, i. e. in de-  
stinatum locum ut eant,  
cogere. 1, 438. *litoribus*  
*sua cogit hiems*. 2, 505. i.  
e. tempestas, quam ipsa  
bellua excitat, cogit lito-  
ribus, i. e. continet, co-  
ercet, ne ulterius progredi-  
atur.  
*Colus alias dare sine lege*, i.  
e. alia vivendi tempora,  
contra factorum ordinem.  
6, 445.  
*Comantem pectora*. 5, 595.  
Pius ad barbam refert;  
Heinsius & Burm. melius  
ad hirsutiem.  
*Condere urbes*, ex oculis amit-  
tere. 2, 443.  
*Conducere vulnera*, rimas jun-  
gere, atque obstruere. 1,  
480.  
*Conferre genas*, pro osculari.  
3, 309.  
*Congeries*, incondita & teme-  
re confluentis turba, & acer-  
vus. 3, 98. 6, 511.  
*Congruere*, in unum conve-  
nire. 2, 307. 6, 59.  
*Consistere*, pro constituere,  
morari. 6, 209. sc. equum,  
ne aufugeret.  
*Consortia fama*, rerum gesta-  
rum gloriæque commu-  
nio. 3, 677.  
*Conspectus*, pro conspicien-  
dus, i. e. illustris, excel-  
sus, præclarus. 6, 296.  
*Contristare*, obumbrare. 3,  
427.  
*Cornu Istri*, pro ostium. 8,  
186.  
*Corripere aquora*, raptim se-  
care. 1, 132.  
*Corymbi*, duæ extremitates  
sive cornua navis. 1, 273.  
4, 691.  
*Crinis ignis*, pro flamma. 1,  
205. *crinemque intenderat*  
*astris*. 8, 68. Burm. intel-  
ligit de rotatione capitis,  
quæ sparsis capillis a va-  
ticipinantibus fieri solebat.  
*Crispans pelagus Phæbo*. 1,  
311. radiis solis undas tre-  
mulas perstringens.  
*Crudescere*, efferari, impelli.  
2, 509.  
*Cura jugalis*, zelotypia. 4,  
354.  
*Currere*, pro percurrere. 8,  
467. *currere freta*, maria  
pernavigare. 4, 336.

D.

- Damnare*, pro mutare. Sic  
1, 70. *flava quercum da-*  
*mnavit arista*, sed effica-  
ciori sensu, quasi rebus  
ipsis ostendisset esse vilio-



I N D E X.

- res glandes, & proscriptifset, ne uterentur homines. *Damnatus*, morti destinatus. 1, 787.
- Dare terras magistro*, i. e. videre, & ostendere, quo cursum dirigere debeat magister. 1, 465. *dedit usque fretum*. 2, 29. i. e. traxit usque ad fretum.
- Decima unda*, 2, 54. fluctus decumanus reliquis omnibus valentior.
- Defectus*, pro languens. 7, 116. *defecta ratis*, fatiscens, rimis patens. 2, 285. *defecta ora*, pallentia, deficientia. 2, 463.
- Defensus*, pro vindicta. 4, 67.
- Degeneres*, qui sunt servili origine, non ingenua. 6, 86.
- Dejicere*, verbum usitatum tam de cæde hominum, quam ferarum, in sacris & in venatu. 1, 191. 2, 329. 6, 194 & 218.
- Demittere ferro robora*, silvas cadere. 1, 94.
- Depopulare*, macerare, affligere. 4, 429.
- Dequestus*, valde questus. 5, 449.
- Deses terra*, quæ nullam materiam virtuti præbet, ubi nulla belli occasio. 3, 660.
- Despumare*. 8, 254.
- Dextra Jovis*, pro fulmine, quod dextra solet vibrare. 3, 89.
- Dictus*, pro pactus, promissus. 2, 577. 6, 268. pro deditus. 3, 671.
- Dies suus*, a fato dictus & præstitutus. 5, 12. 6, 628.
- Digerere senium*, i. e. agere. 8, 102.
- Diræ voces*, quæ ad scelus impellunt. 7, 299. *diræ fraudes*. 6, 591.
- Dissona planctu juga*. 3, 359.
- Distringere*, quasi eradere. 7, 330.
- Dives ab armento*. 6, 204.
- Docta bipennis*. 1, 122. sc. Argi, qui fabricandæ navis magister, & a Pallade doctus erat.
- Donaria certant*, dona certatim dicantur. 5, 645.
- Donat & Iphiclo pelagus juvenumque labores*. 1, 473. i. e. remittit labores, & dat ipsi vacationem & immunitatem operis nautici & remigii.
- Duræ gentes*, bellicosæ & laboribus exercitatæ. 5, 309.

E.

- Educere noctem ludo*. 1, 251. *nimbos luxu*. 2, 371.
- Effugere*, pro effugere tentare, moliri egressum. 2, 237.
- Effusa manus*, Græcism. pro extendens manus ad amplectendum virum. 1, 762. *effusi licerti*. 4, 375.
- Egesta nox*, consumpta. 5,

I N D E X.

299. Sic infra 8, 454 egeritur — dies.
- Egestas trahitur victu*. 4, 459. i. e. vivendo producitur.
- Ejicere terras*, pro in terras. 6, 410.
- Eluctanda via*, superanda, transeunda. 8, 184.
- Emicare*, proflire. 2, 543.
- Enses*, pro cultris, quibus jugulabantur victimæ. 5, 480.
- Equi*, pro ventis. 1, 611.
- Erigere*, in altum tollere. 1, 157.
- Error operum defixerat Minyas*. 5, 456. i. e. obscuritas argumenti, quod cum ignorarent, quid portenderet, attonitos Minyas reddebat.
- Everberare*. 6, 737.
- Excipere*, sustentare. 2, 253. *venabulo confodere*. 6, 422.
- Exigere aliquem*, ejicere vel expellere vita. 6, 572. Sic 3, 382 *ferroque morantes exigere hinc animas*. — *Exigere montem*, superare. 2, 75.
- Exorabilis*, pro qui exorat. 1, 782. *Exorabile retro carmen agens*. Pius retro cum agens jungit, & explicat, reiterans, vel avertens sedum dicit. Burmannus putat cum priori jungendum, & *carmen retro exorabile* notare, quod antea, olim usitatum erat, quo olim Stygios Deos exorare solebat.
- Experiendus*. 5, 320.
- Expers avi canentis*, fenestutis nescius. 6, 122.
- Exsecti comati Bellona*. 7, 636. sacerdotes hujus Deæ, qui furore perciti, brachia sibi cultris & bipennis faucibus sauciabant.
- Exsolvere noctes imagine*, liberare mentem, ne in somniis imago scelerum obversetur. 2, 219. cf. 3, 363.
- Exfors*, in quo forti locus non est. 4, 340.
- Extrahere noctem*, ducere, consumere. 1, 278.
- Extrema manus*, digitorum apices. 1, 293.
- Exuere polum*. 3, 2. i. e. serenare, & nubibus, quasi veste, detractis, luce aperto perfundere. *exuere hastam*, extrahere, evellere. 6, 253.

F.

- Facilis*, mobilis, levis. 4, 6. *faciles animæ*. 1, 151. i. e. credulæ, quibus tam facile hæc expeditio persuaderetur. *faciles domus*. 6, 323. quæ cultiori & humaniori vitæ facile omnia suppeditant, & affluunt necessariis ad cultum & victum.
- Falcati currus*, falcibus ar-



I N D E X.

- mati, quæ obvios quosque in præliis demetebant. 6, 105.
- Famuli artus*, membra tyranno obnoxia. 1, 749.
- Fata trahere*, diutius extendere vitam. 1, 764. Alio sensu occurrit 3, 221. pro producere adhuc vitam, mox periturum. Contrarium est *fata capeffere*. 1, 768.
- Fatigare silvas*, venando scrutari. 3, 21.
- Fercula regni Eoi*, spolia hostilia, quæ Bacchus devictis Indis in triumpho prætulit. 3, 539.
- Ferre*, pro auferre. 2, 577. 6, 268. pro jactare, arroganter præ se ferre. 4, 237. pro incitare, stimulare, huc & illuc rapere. 3, 694.
- Fervere*, secunda correpta, a *fervo*, is. 1, 121. loca vero *fervere* dicuntur, quæ frequentia hominum celebrantur.
- Fingere*, pro domare, ac emollire. 5, 534.
- Finis*, pro morte. 1, 768.
- Flammæ sacræ*, pro fulmine. 2, 25.
- Flammata veneno tela*, ardenti veneno temperata. 1, 108.
- flammata pudore juvenus*. 4, 655.
- Flammifer Olympus*. 1, 4.
- Flatus*, arrogans jactatio. 3, 631 & 699.
- Flebile*, pro flebiliter. 2, 453.
- Flebile gaudens*. 7, 215.
- Flectunt*, pro flectendo transeunt. 8, 200.
- Florere*, pro lucere, fulgere. 5, 565.
- Fluere*, pro diffuere, diffipari. 3, 98.
- Fragilis unda*, glaciata, & sub pondere dissolubilis. 6, 147.
- Fragosa lux*, splendor fulgurum cum tonitru. 2, 198.
- Fraternus*, pro consanguineus. 2, 565.
- Frenator*, qui freno cohibet. 6, 162.
- Freta jussa*. 1, 74. profectio nem maris injunctam. *freta curva*. 1, 615. curvata, undis in altum sublati.
- Freti vultus*, maris aspectus. 7, 541.
- Frigida terra*. 2, 386. quæ non turbatur tumultu bellico, sed otio & quiete quasi friget.
- Frui armis*, sumnia cum voluptate spectare arma. 6, 485.
- Fuga se addit mentibus*, terror animos pugnantium invadit. 6, 181.
- Fulgere*, secunda correpta, a *fulgo*, is. 8, 284.
- Furiala oscula*. 7, 254.
- Furialis*, furorem inducens. 6, 670.
- Furiosa mens*. 8, 445.

I N D E X.

G.

- Gelidus*, glaciatus. 6, 100.
- Gemina Abydos*. 1, 285. appropinquantibus enim apparet gemina propter Sesti vicinitatem.
- Genæ*, pro oculis. 7, 258. *errantes genæ*. 8, 164. mobiles, & contra pudorem virgineum sæpe in Jasonem flexi, & iterum alio se flectentes, inquieti.
- Gens*, simpliciter pro gente Judaica. 1, 15.
- Gleba bellatrix*, unde armati milites nascebantur. 7, 612.
- Gliscere*, ardere. 5, 372.
- Grandæva consilia*, senilia, vel anilia. 7, 348.
- Gravis*, pro gravis annis. 1, 296. *gravis dextra*, quasi venenata & infecta. 1, 817. letifera. 4, 311. *gravis fluvius*, grave olens. 4, 597. *gravior de vulnere*. 6, 65. i. e. tardior, vix incedere valens, nec bello interesse propter vulnus.
- Gravidum cornu Cynthiæ*. 2, 56. i. e. obnubilatum, & pluvias minans.
- H.
- Habena*, pro funda. 5, 609.
- Habena*, pro æquo & moderato imperio. 5, 519.
- Harpe*, ensis falcatus. 4, 390.
- Haurire*, intentissime audire, *Val. Flaccus*.
- & in intimam mentem demittere; metaphora a bibendi aviditate ducta. 1, 263.
- Heriles inceptus*, heri seu domini conatus. 6, 124.
- Hibernus Juppiter*, tempestatum auctor. 3, 578. Juppiter autem ponitur pro aere. *hibernus arcus*, de Iride. 6, 632.
- Hiems* non solum pro tempestate, sed & quibusvis fluctibus majoribus apud Valerium sæpe occurrit.
- Hiems ignea Vesuvi*. 4, 509.
- Honor sævus in superos*. 6, 152. int. sacrificia, quæ victimis humanis peraguntur. *honores*, pro ornamentis. 1, 129.
- Horridus*, incultus, vastus. 7, 62.
- Horriferus axis*, septemtrionalis. 5, 518.
- Horrisona buxus*, tibia buxæ horrorem sonitu incutiens. 2, 584. *horrisonum flagellum*. 7, 149.
- Hortamen*. 6, 94.
- I.
- Ignes*, pro stellis. 2, 65. 5, 416.
- Ignescere*. 5, 521.
- lit*, pro ivit. 6, 685.
- Imbuere terras vomere*, primum versare. 1, 70.
- Immissus crines de vertice*. 1, 412. i. e. promisso capite.
- P



I N D E X.

- pillo, & in collum defluente.
- Immurmurare.* 7, 312.
- Impervia tellus*, inaccessa. 2, 643.
- Implet vocibus*, i. e. stimulat & impetum addit. 2, 126.
- Implorabile.* 1, 573. quod expecti & implorari oporteat.
- Impresso cubili.* 8, 9. Sed separatim vult legi *Burm. in presso cubili.*
- Improba arva.* 1, 510. latifundia & plani campi in longum extensi, nullis silvis, montibus aut rupibus horridi, sed gleba ubere fertiles, & quæ messes immensas ferunt. Non multum dissimili ratione 2, 631 *improba arva* vocantur, quæ quasi audacia & temeraria se nimis in mare extendere nullo jure, sed quasi per vim, non verentur.
- In* præpos. finem notat 1, 17. *Neque enim in Tyrias Cynosura carinas* &c. Sensus est: non certiore esse Cynosuram ad dirigendas naves Tyrias stella Vespasiani, quæ luce sua omnes, quibus nautæ utantur, vincat. Sic 7, 545 *in prælia.*
- In*, pro sub. 2, 174. *In imagine Dryopes*, mutata in Dryopes figuram.
- Incanescere.* 6, 611.
- Incendia*, pro bellis. 8, 399.
- Inceptus*, us. 6, 124.
- Incidere*, pro occurrere. 7, 404.
- Incitare hastas*, movere, vibrare cum impetu & celeritate. 1, 409.
- Inconsulta brachia*, temere jactata. 4, 302.
- Incutere*, pro percutere. 5, 551. *incussa massa.* 2, 339.
- Inexpleta curæ.* 6, 759.
- Infit*, pro fatur. 1, 666.
- Iniquum merum*, nimis grave, quod plus onerat, quam quis ferre possit. 3, 65. *iniqui passus*, non æqui, majores. 3, 486.
- Inops*, consilii egens, æger animi. 3, 609. 4, 5.
- Insana saxa*, immania, & minacia altitudine sua. 4, 641.
- Insonuit litore.* 2, 91. i. e. cadens sonum fecit.
- Insperata fraus*, non expectata. 4, 293.
- Instare*, stimulare. 1, 30 & 302. *nostrisque nepotibus instent.* 1, 249. i. e. stimulent eos ad virtutem & similia facta.
- Instituere.* 1, 566. *durum vobis iter & grave cæli institui*, i. e. prævi vobis exemplo meo, & ostendi arduam in cælum esse viam.
- Integer urbis.* 2, 374. i. e. non corruptus deliciis & otio urbis.
- Intendere simpliciter*, pro animum intendere. 6, 600.
- Intermicare.* 4, 662.

I N D E X.

- Interrogare aera.* 1, 233. augurum erat, qui volatus avium observabant.
- Intervolare.* 2, 614. *intervolare oculis.* 5, 27.
- Ira*, Bellona l. Enyo. 5, 138. *sanguinea ira luna.* 7, 330. int. spumam lunarem, cujus magnus usus in magicis sacris. cum spumaret vero, irata esse videbatur & sanguinea.
- Juba sidus*, i. e. splendor. 6, 606.
- Jubar nitidum*, pro sole. 3, 429. *jubar lustrificum*, dies luctum afferens. 3, 292.
- Juga pinea montis.* 2, 634.
- L.
- Labantia tabo terga*, i. e. diffluentia. 3, 150.
- Laboratum ævum.* 5, 226. quod omne ærumnis & laboribus exactum est misere.
- Lac ferinum*, pro equino. 2, 157.
- Latabile*, lætitiâ efficiens. 6, 606.
- Latus æthere*, i. e. cœlesti sede & honore. 2, 415. *latus opum pacisque.* 3, 659.
- Latus*, pro gratus. 1, 30 & alibi.
- Lævum advenit.* 1, 156. i. e. læva ex parte.
- Lamna gracili pinus dissolvere.* 1, 123. i. e. in tenues tabulas dissecare.
- Laude canere.* 1, 105.
- Laudes*, pro militari virtute & fortibus factis. 6, 546.
- Legem* (sc. maris, qua cavetur inaccessum esse) defendere. 1, 213. i. e. cavere, ne violetur.
- Legere*, pro colligere, animo secum reputare. 4, 440.
- Legio Argoæ ratis.* 7, 573. quinquaginta Argonautæ.
- Leviior Deus*, benignior, magis favens, & minus nocens. 2, 323. *leviior mens.* 7, 156.
- Liquuntur malæ.* 6, 247. i. e. diffluunt.
- Loco stare*, eodem semper statu manere. 2, 99. *loco Ætæ*, ex parte Ætæ. 6, 23.
- Longissima Phasidis unda.* 7, 564. i. e. quam longe Phasidis extenditur, per omnem ejus ripam.
- Lubricus astu*, dolosus. 2, 555.
- Lucifera Diana.* 7, 179.
- Luctamen*, ingens conatus, aut labor. 3, 39.
- Luctifer annus*, pestilens. 3, 454.
- Lustrificum clangente tuba.* 3, 349.
- Luere*, solvere, lustrare. 3, 407. *luere responsa*, irritum reddere oraculum. 2, 570. *luere moras*, pœnas pro mora solvere. 5, 547.
- Lumina*, pro rimis. 1, 129. *sparguntur litore curvo lumina*, nondum ullis terras
- P 2



I N D E X.

*monstrantia nautis.* 1, 275. Burm. explicat de ignibus & luminibus in calis & domibus ab habitantibus accensis, non certo consilio, ut nautis monstrarent terras, sed in usum habitantium: hæc jam nondum terras monstrabant; non enim eum in finem accensa erant, ut postea in pharis, navigatione magis frequenti, ostendebantur. Vel possent ignes intelligi, quos certis & cellis in locis accendebant ad signa danda; cf. 4, 755. *lumina stellantia nube glauca.* 2, 500.  
*Lustramen*, pro lustratio, expiatio. 3, 409. pro purgamen, fordes. 3, 442.  
*Lustrificus cantus*, lustralis. 3, 448.  
*Lux*, pro vita. 4, 458.  
*Lymphare*, furore implere. 3, 46.

M.

*Machina muri.* 6, 383. i. e. turris.  
*Magistri*, absolute, pro pastoribus, vel gregum custodibus. 6, 536.  
*Magni obitus.* 1, 769. i. e. pulchra & memoranda mors.  
*Male lætus.* 2, 556. non bona fide lætus, dissimulans dolorem, & lætitiã vultu præferens.

*Malus*, fallax, perfidus, vulpinaris. 6, 12.  
*Manus*, facta, res manu gestæ. 5, 132. *primæ a matre manus.* 7, 621. primæ ex terra (illa enim mater) sublata.  
*Marmor*, pro mari glaciato. 6, 568.  
*Materna ætas*, ætas partui edendo apta. 2, 325.  
*Mavortia conjux*, Venus. 2, 208.  
*Medicabile carmen*, vim habens medendi. 4, 87.  
*Medium tempus*, tempus induciarum. 6, 26.  
*Melior contundere.* 1, 424. Hellenismus, poetis familiarissimus.  
*Mens*, pro fiducia, perseverantia. 4, 568.  
*Militia*, expeditio. 1, 40.  
*Minans timide.* 7, 597.  
*Ministrare ratem vento stellisque.* 3, 38. cursum dirigere ad stellas, & vento obsequi.  
*Minor scopulos aut antra telus.* 1, 582. Græcismus, pro tellus quæ minores scopulos & antra habet.  
*Minores*, pro posteris. 3, 455.  
*Minyæ*, Thessaliæ incolæ, ex Orchomeno Minyeo oriundi: quo nomine Argonautæ sæpius insigniuntur, quod horum præstantissimi ex illorum gente fuerunt.  
*Missile nutritum ventis Edonis.* 6, 340. hasta, quæ

I N D E X.

in silvis Thraciis crevit, ventorum flatu durata.  
*Mittere*, pro reponere, refoverare. 6, 538.  
*Mixta perit virtus.* 6, 200. i. e. non possunt singulorum facta dignosci præ turba & tumultu.  
*Monitus Divûm*, instinctus, quo vates futura prædicunt. 1, 231. *monita spondentia.* 6, 117. vaticinationes promittentes certam victoriam.  
*Monstrifera noverca.* 5, 43. Juno, quæ privignum Herculem novis indies monstris oblati fatigabat. *monstriferi campi* Colchidos. 5, 222. *monstriferi sinus.* 2, 498.  
*Monstrifica artes*, magicæ, portentorum effectrices. 6, 153.  
*Monstrum irrevocabile belli.* 6, 6. de hasta, quæ belli indicti signum erat, capiunt interpretes, quæ ingens, ut Deo conveniat, monstrum dicitur.  
*Mora corticis crudi.* 6, 97. i. e. scutum e cortice arboris, quod telorum vim morari possit. Ita *loricæ moras* dixit Virgilius Æneid. X, 485.  
*Mors*, pro genere mortis. 2, 469. 7, 332.  
*Mos ductus avis*, mos deductus ab avis. 6, 125.  
*Motus*, perturbatus. 2, 73.

sedibus evocatus. 5, 465.  
*Movere æquora.* 5, 44. scilicet remis.  
*Mugitor Vesuvius.* 3, 208. mons Campaniæ ignivomus, qui mugitu quodam flammaram eruptionem instare significat.  
*Multa cunctatus.* 1, 757. i. e. diu, multum.  
*Multifida draconis lingua.* 1, 61.  
*Mundus*, pro cœlum. 1, 246. & 563.  
*Myrtus stricta habena.* 3, 524. virga myrtea, ex qua lorum, quod proprie scuticam facit, dependet, & quod stringunt Nymphæ, i. e. sublaturum gerunt, & ictum eo gestu minantur. Sic Burm.

N.

*Naufraga tempestas.* 1, 584. quæ scilicet naves frangit.  
*Nemus*, pro lignis ad sacrificium paratis. 1, 755.  
*Nereus*, pro mari. 1, 450.  
*Nescia rerum*, rudis, inculta. 1, 515.  
*Nimum cubile.* 7, 21. i. e. grave & molestum.  
*Nox non cassa.* 4, 424. in qua multum profectum est. *nox*, pro luna. 5, 567. *nocte fata*, Eumenides. 3, 252.  
*Nomen.* 2, 587. *sine nomine fauces*, i. e. ignobiles.  
*Non habilis*, rigidus, incultus.



I N D E X.

tus, hominum usui & vitæ cultiori non fatis accommodatus. 7, 231.  
*Noscere*, pro agnoscere. 4, 278.  
*Nubes nova*, Dædalus & Icarus volantes dicuntur 1, 706. *nube mali percussus amor*. 3, 573. i. e. suspitione tactus. *nubes*, pro examine apum. 1, 396. *nubes arata*, nimbus telorum ære præfixorum. 6, 88. *nubes meri*, mentis caligo, quam ebrietas inducit. 3, 66. *nubes pharetræ*, tela densissima. 2, 522. *nubes soporis*. 8, 81.  
*Nubifer Notus*. 2, 506.

O.

*Obnubere*, obnubilare, fumo involvere. 7, 584.  
*Obscura mamma*, strophis tecta. 3, 526. *obscura funda spargere vulnera*. 6, 193. ex infidiis, & occulto loco funda vulnerare adversarios.  
*Occupat*, sponte & prior alloquitur. 1, 39 & alibi.  
*Oceani caput genitale*. 4, 91. antiqui enim sapientes Oceanum patrem rerum existimarunt.  
*Oculi inanes*. 4, 435. expertes lucis, & qui visibiles species non possunt recipere.  
*Oliva imbellis*. 5, 362. pa-

cem portans. *oliva supplex*. 3, 424. qua nimirum coronabantur supplices.  
*Omniuens* Sol. 5, 248. qui omnia tuetur.  
*Opes addere*, poet. pro aquis augere. 4, 720.  
*Oppetere*, simpliciter, pro mortem oppetere, occumbere. 1, 554.  
*Orbes*, pro oculis. 3, 178 & 739. 4, 235.  
*Oriens*, pro Sol. 3, 411.  
*Ostriferum Gerastum*. 1, 456. insulæ Eubææ promontorium, apud quod ostrea capiebantur.  
*Ovare*. 2, 507. sonitum gravem edere, ut in ovatione solet fieri. Sic *ovans fistrum*. 4, 418.  
*Ovatus*, us. 6, 187. lætus clamor, veluti triumphantium.

P.

*Patitur convivium læto vultu*. 5, 571. i. e. invitus celebrat, & in iis permanet; sed non lubenti & benigno animo, quamvis lætitiâ vultu simulet.  
*Peltata Euryale*. 5, 614. peltam, sive scutum Amazonium gerens.  
*Pendere*, absolute, pro pœnas pendere. 1, 445. *pendere ab astro*, i. e. totum occupatum esse astro. 1, 481. *pendent Herculeo sub*

I N D E X.

*nomine*. 3, 600. *Burm. explicat*: morantur, solliciti sunt, ubi Herculis memoria animo observabatur.  
*Pennæ*, pro avibus. 1, 233.  
*Per*, pro inter. *tua per suspiria*, dum suspiras. 1, 173. *per lacrimas*, inter lacrimandum. 1, 767. *per antiqui vestigia somni*, i. e. dum in memoriam revocat somnium prius, vel olim visum. 8, 8. *per bella*, in bello. 6, 35.  
*Peractus*, perfectus, elaboratus. 2, 96. *peractus orbis*, peragratus, & expeditionibus lustratus & penetratus. 1, 566.  
*Peragere*, pro conficere, occidere. 1, 146.  
*Perdere athera umbra*, obscurare, & involvere tenebris, ne prospici queat. 1, 467.  
*Perfurere*. 8, 383.  
*Pergere*. 4, 121. perstare, & inimicum animum pervicaciter ostendere.  
*Permissumque putent*. 1, 645. i. e. exemplo servatæ primæ navis audeant aliæ ingredi mare, credentes jam permissum.  
*Pernox*, tota nocte pervigil. 3, 117.  
*Personus*, resonans. 4, 418.  
*Phæbus quietus*. 1, 230. Duplex enim vaticinandi genus, aut per furorem, aut simplex.

*Phorcys contrahit phocas maris intorto*. 3, 727. i. e. freno e muricibus facto.  
*Pietas Thessalici tyranni*. 1, 244. i. e. fictus, quem præ se ferebat, ardor, eadem Phrixi ulciscendi.  
*Piniger Othrys*. 6, 393. Thessaliæ mons, ubi multæ pinus.  
*Pinus sonans*. 2, 105. five capias de flagello, quo armant Furias poetæ; f. de face, quæ ex pinu est. cf. 2, 196.  
*Pistris*, ceti, five monstri marini genus. 2, 531.  
*Pius Ætas*. 5, 337. i. e. quem pie colebat Medea.  
*Placida juga*, i. e. leniter acclivis. 2, 636.  
*Planta intenta*, gradus incitatus. 5, 540. Sic contra Mercurius 1, 841 *lenis plantis*, i. e. leniter incedens. & *cunctata plantæ* 7, 4.  
*Plantaria*. 1, 67. pennæ pedibus Mercurii, & Persei appositæ, quos volucres finxerunt poetæ.  
*Plausa tellus pede*. 3, 527. i. e. pulsa.  
*Plena rege maris*. 1, 414. i. e. Neptuni semine gravida. *plenus manus patriis habenis*. 2, 507. Græcismus. *pleni oculos*. 1, 298. sc. lacrimis obortis.  
*Pontus jacens*. 4, 712. i. e. æqualis, nec amplius scopulis & fluctibus terribilis.



I N D E X.

- Poscere*, ad poenam & mortem exposcere. 7, 315.  
*poscunt jam sua tempora Graji*. 1, 543. i. e. petunt Græci imperium sibi a fatiis destinatum, ejusque tempus & opportunitatem jam adesse contendunt.  
*Postus*, pro sepulcris. 6, 110.  
*Pote*, pro potest. 4, 680.  
*Potens incepti*, voti compos. 6, 680. *potens muneris*, qui munus petitum obtinuit. 4, 366.  
*Potiretur*, pro potiretur. 7, 54.  
*Præcipere*, antecapere. 4, 341.  
*Præfulgurare vias*. 3, 119. i. e. quasi fulgure illustrare.  
*Præmia silvestria*, pro præda venatica. 8, 253.  
*Præpes*, pro vento rapidissimo. 1, 578. pro accipiter. 8, 33.  
*Prætentare*, experiri. 1, 314.  
*Prævidere*, procul videre. 2, 442.  
*Primæva manus*, juvenes primi ævi. 2, 480. Sic infra 653 *primæva corpora*.  
*Primitiæ dolorum*. 3, 516.  
*Primus temo*, i. e. pars extrema temonis. 6, 83.  
*Pro*, ante. 4, 110. in, 4, 181.  
*Procedere*, juvare. 8, 458.  
*Proditus*, desertus, relictus. 7, 486.  
*Producere*, honoris causa comitari. 5, 382.  
*Promiss.* 5, 495. i. e. mihi certo persuasi, animo finxi.  
*Prona sidera*, in occasum vergentia. 3, 33. *prona sententia*, favens. 8, 340.  
*Propellere*, ante se dejicere. 4, 311. 6, 385.  
*Propior Erinnyis*, magis instans & urgens. 7, 462.  
*Proprior dolor*. 1, 547.  
*Proruptus Vesevus*. 4, 507. i. e. ex cujus apice prorumpunt flammæ.  
*Prosubigere*, vehementer subigere. 4, 288.  
*Protonare*, ante tonare. 4, 205.

Q.

- Quadrifida trabs*. 1, 663.  
*Quam*, pro potius quam. 7, 428.  
*Quemque*, pro unumquemque, i. e. utrumque. 1, 431.  
*Queribundus*, querulus. 7, 126.  
*Qui*, pro qualis. 3, 396. 5, 518.

R.

- Rapere necem*, pro raptim ad se arcessere, subito consequi. 6, 191.  
*Ratis*, pro Argonautis, qui erant in navi. 3, 79.  
*Reciproca ratis*, ascendens, & vicissim descendens. 8, 331.

I N D E X.

- Recoquere fessos atate*. 6, 444. senibus juventutem restituere; quod Magi se efficere posse jactabant.  
*Redit in nubem Ossa*. 2, 16. i. e. longinquitate evanescit velut nube tecta, & ex oculis tollitur.  
*Refecta Io*. 4, 391. i. e. pristinae formæ restituta, & iterum puella facta.  
*Referre*, sæpius iterare. 2, 658.  
*Refuens Padus*. 8, 90. relabens & a mari versus fontes fluens, obvio sc. æstu marino repressus.  
*Refovere*, sanitati pristinae restituere. 5, 18.  
*Refusa spiræ*, laxatæ, & in longum expansæ. 5, 255.  
*Regificus paratus*, qui regem decet. 2, 653.  
*Remissa cervix*, languida, non erecta. 3, 334. *remissus*, vulnere debilitatus & confectus, in terramque pondere suo delapsus. 6, 252.  
*Renodatus*, pro solutus. 5, 381.  
*Repens*, subitus, repentinus. 2, 91.  
*Repostus*, consecratus. 2, 286.  
*Requirere*, desiderare. 5, 423.  
*Res*, pro factis egregiis & fortibus. 1, 99, 102. 2, 381. 3, 680 & alibi. *tristissima rerum*, calamitates, casus acerbi. 3, 369.  
*Resistere*, pro quiescere. 6, 755.  
*Resoni ictus*. 1, 619.  
*Retentare*, pro reprimere. 3, 97. pro iterum tentare. 5, 173.  
*Reverberare*, iterum iterumque verberare. 6, 170. *reverberare ignes*. 1, 516.  
*Reverti in dextram*, reconciliari data dextra. 7, 652.  
*Revocare axes*, in hostes retorquere. 6, 409.  
*Robur*, pro clava. 1, 634. 2, 534. *robora*, pro viris robustæ juventutis. 2, 644.  
*Ruere*, pro eruere, prostertere. 3, 102.  
*Rumpere cursus*. 1, 4. *rumpere iter*. 3, 241. i. e. facere. *rumpere lumina fletu*. 5, 341.  
*Rumpia*, Gr. ῥομφαία, hastilis Thracii genus, vel gladius anceps. 6, 98.  
*Rursus*, pro contra. 3, 645.

S.

- Sacrificæ aræ*. 8, 243. *sacrificum jugum*. 4, 110. i. e. ubi sacra fiebant.  
*Sanguis* (sc. cætorum Cyzicænorum) *severus*. 3, 447. quia vindictam poscebat ab interfectores. *sanguis aheni Tanarii*. 5, 513. purpura Lacedæmonia.  
*Saturnia sidera*. 2, 364. pro gravia & noxia.  
*Scopuli*, pro faxis ingentibus. 6, 384.



I N D E X.

- Scopulosa terga*, scopulis horrentia. 2, 518.  
*Secreta antra*. 1, 751. a Tartaro & impiorum fedibus remota.  
*Securiger*, securim gerens. 3, 191. 5, 138.  
*Sedes*, pro sepulcrum. 5, 8. 7, 208.  
*Sedet*, pro certum & decretum est. 1, 555.  
*Segnis flatus*. 8, 98. i. e. sine igne; inde enim vocem hanc deducit Serv. ad Virg. XII, 525.  
*Semineces Gorgonis crines*. 6, 176. serpentes nimirum, qui Medusæ vetricem crinium loco tegebant, capite recens abscisso femimortui.  
*Senta juga*, sentibus oppleta. 3, 584.  
*Separ urna*, diversa. 5, 58.  
*Servare*. 4, 105. infidiatoris more explorare.  
*Si*, pro an. 1, 75. 6, 4. 7, 30.  
*Sidera properantia*. 5, 197. tempestates, vel celeriter moveri solitæ, vel incitatæ in exitium navigantium.  
*Sideri anni*, ferventes, calentes sidere solis. 3, 401.  
*Singultantia ora*. 2, 211. caput recens abscissum, hians & tremens.  
*Sinus*, vestis. 2, 104 & 212. 8, 18.  
*Sistere*. 2, 219. ad compositionem mentem reducere.  
*Sociatrix gratia*, conciliatrix. 5, 500.  
*Solata puppis*, desolata, gubernatore carens. 3, 41.  
*Soligena*. 5, 224. Æetes, Colchi rex, Solis filius.  
*Solvere scelus*. 2, 294. i. e. luere, puniri propter scelus.  
*Somnifera vestes*. 7, 247.  
*Somnus*, pro morte. 3, 179.  
*Sonor*, pro tonitru. 5, 306.  
*Sontes*, pro occisores. 3, 389.  
*Soporatus lucus*. 5, 238. i. e. draco in luco Martis, qui vellus aureum custodiebat, venenis Medusæ sopitus.  
*Sopor*, sopitus, somno gravatus. 2, 221.  
*Sorores*. 3, 387. i. e. Furia.  
*Sortitus*, us. 3, 379.  
*Spargere*, in diversas oras ablegare. 2, 596. 5, 488.  
*spargi*, in diversam partem abire. 6, 656. *spargit famem leo*. 6, 614. i. e. extinguit famem, modo in hæc, modo in illa animalia irruendo, & diversa occidendo.  
*Specimen matris*. 6, 58. i. e. insigne, sive documentum, quod argueret matrem.  
*Speculatrix*. 7, 190.  
*Spes effæta*, quæ caret successu. 4, 300. *spem sibi ferere*. 5, 271.  
*Spira*, pro fascia. 6, 396.

I N D E X.

- Spiracula fontis*, scatebræ, scaturigines. 3, 553.  
*Sponte Dei*, jussu & arbitrio Dei. 4, 358.  
*Stata dona*, certa, fixa, statuta. 2, 488.  
*Stellantia lumina*, fulgentia. 2, 499. *stellantia tegmina*. 3, 98. *stellantia tecta*, cœlum. 5, 623.  
*Strages Deum*, active, quam Dii inferunt; i. e. major, & quæ evitari nequit. 2, 179. Sic 8, 336 *prælia Divinum*, tempestatem maximam vocat; & *iram Deorum* 1, 682.  
*Struerem per secula reges*, 1, 535. i. e. animo meo proponerem & decernerem reges, qui per secula ventura imperarent terris.  
*Studia*, factiones. 3, 628. 5, 625.  
*Stuperunt flumina bruma*. 5, 603.  
*Suadet*, 3, 548. invitat, sollicitat habitu suo, & spe, quam dabat, posse capi.  
*Sublustris umbra*, incerto ac tenui lumine interrupta. 3, 142.  
*Subtexere*, pro subjungere. 5, 414.  
*Suffæta leto lumina*, jam morte natantia, & labentia, ut alibi loqui solent poetæ. 1, 821.  
*Superi*, in terra viventes. 1, 792.  
*Superincendere*. 2, 126.  
*Supremus*, ultimus, & postea non iterandus 1, 752 & 781. 3, 349. *supremum tempus*, summum periculum. 5, 25.  
*Surgere*, oriri. 4, 455. 5, 222. 6, 419. *surgitur in somnos* 5, 696. *itur dormitum*.  
*Supscitare*, recreare ac erigere. 8, 233.  
*Sustinere*, fovere 1, 348. *reficere*, recreare 8, 231. *sustinere vulnus*, vim vulneris infringere 6, 276. *sustinere se*, cursum inhibere & gradum premere. 3, 101.  
*Suavis domus*. 6, 81.  
*Suus*, pro mutuus. 7, 638.
- T.
- Tacita hora*, i. e. nocturnum tempus. 2, 60. *tacitus passus*, lentus, tardus. 5, 352.  
*Tardus fuga*. 3, 547.  
*Tegmina calata ignes dispersos* 6, 54. Hellenismus. *tegmina improba*, quæ modum pedum excedebant 6, 702.  
*Tellus minor antra*, i. e. antris minoribus. 1, 582.  
*Tempora*, pro festis & lætis diebus. 8, 163.  
*Tenere*, voluptate quadam capere, & ad majora incitare. 1, 102 & 262.  
*Tergemina hera*, i. e. Hecate. 1, 781.  
*Terræ*, pro homines. 1, 631.



I N D E X.

- Terrificare* 8, 428.  
*Terrifici pecudum monitus.* 1, 29. i. e. haruspicum minæ.  
*Thiasi*, saltationes, quæ Baccho exhibebantur 1, 845.  
*Tholus*, umbilicus testudinis templorum, ex quo donaria pendebant. 1, 57.  
*Tolli*, cum impetu, magnis gradibus ire 3, 133. 8, 55.  
*Trabes*, pro arboribus. 3, 484. 5, 641. 6, 77. 7, 395 & alibi.  
*Trahere*, morari. 4, 441. *curis trahere*, pro in curas distrahere, & suspensum tenere. 5, 549. *longe trahere*, a turba seducere. 8, 414. cf. 3, 372.  
*Tranquilla tuens*, i. e. placido aspectu 1, 38.  
*Trieterica ara.* 2, 259. quorum usus in Bacchi sacris, quæ tertio quoque anno celebrabantur.  
*Trilinguis cantus.* 7, 184.  
*Turbo doloris.* 6, 280.  
*Tutela coronatæ carinæ.* 1, 301. Palladis simulacrum, quod in puppe erat.  
*Tyrrenus piscis*, i. e. delphin. 1, 130.
- V.
- Vacua arbor.* 1, 399. Pius explicat: evacuata ex descensu serpentis, cum prius immensi tortuosissimi que draconis nodis implicaretur. *vacuus Avernus* 2, 603. qui non corporibus, sed umbris colitur & inhabitatur. *vacui montes*, soli, in quibus nemo oberat. 4, 21, 248. Sic 3, 222 *vacui agri*. *vacuum os*, 7, 528. quod nihil apprehendebat, licet hostem peteret.  
*Vaga imago*, Echo. 3, 597.  
*Veniam dare*, precibus annuere. 1, 196.  
*Vernus*, vernans, florens. 5, 344.  
*Vertere fata*, mutare. 2, 572.  
*Vesuvius*, pro Vesuvius. 3, 209.  
*Via*, pro multiplicibus erroribus, & longis viis. 4, 350. cf. 7, 19.  
*Vibrare*, pro coruscare. 2, 67 & alibi.  
*Victa moles*. fatiscens, quæ amplius resistere nequit ruinæ suæ. 1, 829.  
*Virgatus.* 2, 159. Dissident interpretes, an de vestibus virgatis, i. e. discoloribus, an de notis & stigmatibus (ut supra v. 150 *picta manus*) sit capiendum. Posset etiam de pictis corporibus, ut solebant multi Scythæ, recte accipi. vid. Burm. ad h. l.  
*Virginis unda.* 8, 355. unda a Medea concitata. *virginis anni.* 8, 409. i. e. rudes, faciles decipi.

I N D E X.

- Virides lacus*, arboribus & silvis cincti. 5, 149.  
*Vita.* 6, 188. i. e. corpora vitalia quidem, sed vulneribus strata.  
*Vix*, pro mox, statim. 7, 537.  
*Ultima belli*, pericula belli. 8, 385.  
*Ululata tellus*, ululatibus resonans. 4, 608.  
*Umber edax.* 6, 420. canis venatici genus ex Umbris.  
*Unca manus*, curvatæ. 7, 312.  
*Uncus.* 8, 298. fustis incurvus in usum navalem, quo injecto poterant navem attrahere terræ.  
*Undare*, pro abundare. 1, 539. *undare curis*, fluctuare. 5, 304.  
*Undisona Psamathe.* 1, 364.
- Unum frigus*, continuum; per totum anni tempus, & omnes regionis partes pariter infestans. 7, 230. *non una formidine*, vario metu. 8, 307.  
*Vocatus*, us. 2, 207.  
*Volens*, propitius. 2, 324; 4, 484.  
*Urgere caput imperiis.* 5, 487.  
*Usum dedit stellis.* 1, 482. i. e. docuit, navigantibus utile esse ad eas cursum dirigere, cum antea inutilis generi humano viderentur.  
*Ut*, pro quamvis. 4, 705.  
*Vulnificum plumbum.* 1, 420.  
*Vultus.* 1, 39. *filiis dat vultum & pondera verbis*, i. e. fidem orationi suæ fecit placido & blando, quem fingebat, vultu.

~~13913.~~

H-90944



НБ ОНУ імені П. Мечникова



НБ ОНУ імені П. Мечникова



НБ ОНУ МЕНШЕ Мечникова

